

প্রেমের গল্প

গেমের গঙ্গা

অক্ষয়কুমার সেনগুপ্ত



আনন্দ পাবলিশার্স প্রাইভেট লিমিটেড
ক লি কা তা — ৯

প্রকাশক : শ্রীঅশোককুমার সরকার
আনন্দ পাবলিশার্স প্রাইভেট লিমিটেড
৫ চিন্তামণি দাস লেন
কলিকাতা—৯

মুদ্রক : শ্রীলক্ষ্মণচন্দ্র শীল
ইম্পিরিয়াল আর্ট কটেজ
১এ ঠাকুর ক্যাসল স্ট্রীট
কলিকাতা—৬

বৈধেছেন : জি. রায় এন্ড কোং
২২ বদ্বন্দ্য ওস্তাগর লেন
কলিকাতা—৯

প্রচ্ছদপট অঙ্কন : পদগেন্দ্র পট্টী

রক প্রস্তুতকারক ও মুদ্রণ : ইম্পিরিয়াল আর্ট কটেজ

প্রথম সংস্করণ : ভাদ্র ১৩৬৬

মূল্য : চার টাকা

এক রাতি	-	-	-	-	১
মগের মদলদক	-	-	-	-	১২
ধরা বিয়ে	-	-	-	-	৩৪
খিল	-	-	-	-	৫৭
দোলনা	-	-	-	-	৭১
যশোমতী	-	-	-	-	৯১
ঘণা	-	-	-	-	১০৩
সরবাণ্ড ও রোস্তম	-	-	-	-	১১৯
জমি	-	-	-	-	১২৯
নদ্রবান্দ	-	-	-	-	১৪১
দাঙ্গা	-	-	-	-	১৫২
তিরশচী	-	-	-	-	১৫৯
হুইইস্‌ল্‌	-	-	-	-	১৭৫
প্রাসাদশিখর	-	-	-	-	১৯১

এক রাত্রি

রাত এখন ক'টা? গ্র্যান্ড ট্রাঙ্ক রোড দিয়ে একটা মোটর চলে গেল পশ্চিমে। যত রাতেই হোক, দাঁড়াও এসে জানালার সামনে, দেখতে পাবে একটা মোটর সাঁ করে বেরিয়ে গেল। কোথায় যায়, কোথায় থামে কে জানে।

ঝিরঝির বৃষ্টি নেমেছে। শীতের শেষে বসন্তের বৃষ্টি। শীতকে মনে করিয়ে দেওয়ার বৃষ্টি। আকাশের করুণা। সবাই ঘুমুবে শান্ত হয়ে। বৃষ্টির শব্দে পায়ের শব্দটি শোনা যাবে না।

যদি আসে নিশ্চয়ই খালি পায়ের আসবে। অনেক রাতে হঠাৎ-ওঠা চাঁদের হাসিটির মত আসবে। কিংবা গহন অরণ্যে ভয়-পাওয়া কৃষ্ণসার হরিণীর মত।

কিন্তু আসবে কি? কেউ আসে?

আজ যদি না আসে তবে আর আসবে কবে? এমন শূভরাত্রি বিধাতা ফরমায়ের দিয়ে তৈরি করিয়েছেন। জামাইবাবুর মায়ের অসুখের খবর পেয়ে দিদি আর জামাইবাবু চলে গিয়েছেন কলকাতা। পরাশরবাবু হাসপাতালে। তার স্ত্রী কাছাকাছি কাকার বাড়িতে। উপরে শূধু ও আর গুর মা। মাকে একটু ফাঁকি দিতে পারবে না তো মেয়ে হয়েছে কেন?

প্রথম দিনের ঝগড়ার কথাটাই মনে পড়ছে ভবদেবের।

একটা গাছ এসে পড়েছিল ভবদেবের এলেকায়। গোলাপ গাছ। আর ধরাবি তো ধর সেই গাছেই ফুল ধরল।

সেই ফুলই নৃশংস হাতে ছিঁড়ে নিয়েছিল ক্ষণিকা। ভেবেছিল কেউ দেখতে পাবে না বুঝি। তাড়াতাড়িতে ছিঁড়তে গিয়ে নরম ডালটাকে জখম করে ছেড়েছে।

‘ও কি, ও ফুল ছিঁড়লেন যে?’ চকিতে সামনে এসে হুমকে উঠেছিল ভবদেব।

‘এ গাছ আপনাদের ভাড়া দেওয়া হয়নি।’ রুঢ় উপেক্ষায় পিঠ ঘুরিয়ে দাঁড়িয়ে রয়েছিল ক্ষণিকা।

‘সে কি কথা! ঘরের সামনের এ ফালিজমিটুকু যদি আমাদের, জমির

উপরকার এ ফুল গাছও আমাদের। একেবারে আমার ঘর ঘেঁষে এই গাছ—
হাত বাড়ালেই ধরা যায় রীতিমত।’

কি অপূর্ব যদৃষ্টি! মনে-মনে হেসেছিল নিশ্চয়ই ক্ষণিকা। যেহেতু হাত
বাড়ালেই ধরা যায় সেহেতু আমার অধিকার! বাঁকা ভুরু সজ্জ্বলিত কবে বলেছিল
ক্ষণিকা, ‘কিন্তু এগাছ আপনারা পেঁতেননি, আমরা পুঁতেছি—’

‘আপনারা তো আরো অনেক পুঁতেছেন। বাগান সাজিয়ে বিলিতি তারের
বেড়া দিয়ে রেখেছেন। কিন্তু ফুল হয়েছে একটাতেও? গাছ পোঁতা আর
তাতে ফুল ফোটানো এক কথা নয়। পুরুষ অনেকই কাটে কিন্তু পুণ্য না
থাকলে তাতে জল হয় না।’

কি অপূর্ব উপমা! ঠুপেক্ষার ভিগ্নিতে আবার পিঠ ঘুরিয়েছিল ক্ষণিকা।
দীর্ঘব্রত ফুলটা খোঁপায় গুঁজতে-গুঁজতে বলেছিল, ‘ফুল যদি ফুটে থাকে
তবে ভাড়াটেদের পুণ্যে ফোটেনি, যাদের বাড়ি তাদের পুণ্যেই ফুটেছে।’

‘কিন্তু ছিঁড়ে নেবার সময় তো পুণ্যবানের ভিগ্ন বিশেষ ছিল না হাতে-
চোখে। যেন কেউ দেখতে না পায় এমনি ভাবে তাড়াতাড়ি ছিনিয়ে নিয়ে
চোরের মত পালিয়ে যাওয়ার মতলব।’

‘নিজের পাঁঠা যে ভাবে খুঁশি সে ভাবে কাটব তাতে অন্য
লোকের কি।’

‘কী হয়েছে রে ক্ষণ?’ আঁচলে হাত মদুছতে-মদুছতে বাইরের বারান্দায়
বেরিয়ে এসেছিল সুনয়নী।

এক মদুহৃত দেরি হয়নি বুঝে নিতে। কতদিন বহু যত্নে দুই চোখের
ভালোবাসা দিয়ে যে ফুলটিকে বাঁচিয়ে রেখেছিল ভবদেব, তা আর নেই। মোচড়
খেয়ে ডালটাও হেলে পড়েছে। কতবার বলেছে সুনয়নী, ফুলটিকে তুলে এনে
ফুলদানিতে রেখে দে। উত্তরে বলেছে, তেমন কেউ যদি থাকত দেবার মত
তার জন্যে তুলে আনতুম। তেমন যখন কাউকে দেখতে পাচ্ছি না তখন গাছের
ফুল গাছেই থাক।

‘আমিই ফুলটা ছিঁড়েছি দিদি।’ পিঠ ঘুরিয়ে খোঁপাটা দেখিয়েছিল
ক্ষণিকা। ঘষা-ঘষা ওড়া-ওড়া চুলের শুকনো খোঁপার মধ্যে টাটকা একটা রক্ত
গোলাপ।

‘বা, চমৎকার।’ গাল ভরে হেসে উঠেছিল সুনয়নী। বলেছিল, ‘কেশবতী
রাজকন্যার মাথায় উঠেছে ফুলের আর কি চাই।’

সুন্দর করে হেসে উঠেছিল ক্ষণিকা। বিজয়িনীর ভীষণে মাথা উন্মত করে চলে গিয়েছিল সমুদ্র থেকে।

কোথায় যাবে! অহঙ্কারে মাথা চাড়া দিয়ে চলতে গেলে আলতো খোঁপায় থাকবে কেন গোলাপ! খসে পড়ে গিয়েছিল মাটিতে।

যাক পড়ে। নেব না কুড়িয়ে। পিছন ফিরে তাকিয়েও দেখব না।

সোজা চলে গিয়েছিল গরবিনী—সকালের রোদ্দুরে সারা গায়ে ষোবনের ঝলক দিয়ে।

ছিন্নবস্ত্র বিধবস্ত গোলাপটার দিকে তাকিয়ে ছিল ভবদেব। বিহবল বস্ত্রপ্রায় ছেড়ে মাটিতে লুপ্ত হয়ে পড়ে থাকলেও কম সুন্দর নয় গোলাপ।

ইম্পারিয়্যাল ব্যাঙ্কের ধড়িতে ঢং করে একটা বাজল। এখনো ঘুমুতে যাবনি ভবদেব। চেয়ারে বসে সিগারেট টানছে। পরিপাটি করে বিছানা পাতা। একটিও ভাঁজ নেই, রেখা নেই। উচ্ছ্বাসিত কোমলতায় প্রসারিত হয়ে আছে। সমস্ত ঘর অন্ধকার। থানিক আগে একটা মোমবাতি জ্বালিয়েছিল ভবদেব। পরে কি ভেবে নিবিয়ে দিয়েছে ফুঁ দিয়ে।

অন্ধকারেই আসুক পথ চিনে। আকাঙ্ক্ষার তাপ লেগে-লেগে অন্ধকারই তার মূর্তিতে দীপায়িত হোক।

কিন্তু সত্যি কি আসবে? বলে গেলেও আসা কি সম্ভব? আসা কি মৃত্যুর কথা?

এখনো বৃষ্টি চলেছে ঝরঝর। এলোমেলো হাওয়া উঠেছে। দুদিকের দূর দরজাই ভেজানো ছিল এতক্ষণ। হাওয়ায় শব্দ হতে পারে ভেবে ছিটকিনি লাগাল ভবদেব। কথা আছে, ঠেলে যদি বোঝে দরজা বন্ধ। আঙুলের টোকা মারবে। তার দরকার হবে না। এ অঞ্চলে চলে এলেই অনায়াসে বৃষ্টিতে পারবে ভবদেব। হাওয়ায় পাবে তার গায়ের গন্ধ, শুনবে তার শাড়ির খসখস।

হয়তো ঘুমিয়ে পড়েছে আলগোছে। মা আর মেয়ে এক ঘরে শোয়, হয়তো মা-ই এখনো আছেন হয়নি। অন্তত নিশ্চিত হতে পারছে না ক্ষণিকা। প্রতীক্ষা করছে। এদিকে ক্ষয় হয়ে যাচ্ছে অন্ধকারের মোমবাতি।

নিয়তির পরিহাসের কথা কে না শুনছে। হাতের পেয়ালা মূখে তোলবার আগে হাত থেকে ভ্রষ্ট হয়েছে। নিজেকে প্রস্তুত করবার জন্যে আরেকটা সিগারেট ধরাল ভবদেব।

ফুলটাকে মাটিতে অর্পণ ফেলে যাবার পর, মনে আছে সুন্দরী তেলে-বেগুনে

জ্বলে উঠেছিল : দে ঐ গাছের নির্বংশ করে একেবারে শেকড় উপড়ে। কদিনের চেষ্টায় কত কষ্ট করে ফুল ফোটানো হল। এখন বলে কিনা বাড়ির মালিক বাড়িউলি। এর পর হাটে-মাঠে-ঘাটে যেখানেই থাকি না কেন, মাথার উপরে বাড়িওলা নিয়ে যেন না বাস করতে হয়।

কি সব দিনই গিয়েছে! নিচের তলার ভাড়াটে, বাড়িওলার ভাব, সব রকমেই যেন নিচের তলায়। কুয়োর থেকে পাম্প করে জল দিত, তা ভাড়াটেরা সব শেষে। পাঁচ মিনিট হতে না হতেই স্কাইচ-অফ। কী ব্যাপার? ঝামা-মারা টান জায়গা মশাই, কুয়ো শুকিয়ে এসেছে। এমনি নিত্য। ভর-গ্রীষ্মের দিনে কলসী-কুঞ্জোও ভরাট হয়নি; বর্ষায় যখন সচ্ছল জল তখনও বড়জোর দশ মিনিট। সট করে স্কাইচ অফ করে দিয়ে বলেছে, মফস্বলে ইলেকট্রিক কারেন্টের দাম কত।

প্রথম সরকার! ঝগড়া হয়েছিল চাকর রামলখনকে নিয়ে। নিচে আলাদা-মতন একটা ফালতু ঘর ছিল, ভাড়া দেওয়ার সময় বলা হয়েছিল, ওটা চাকরের ঘর, ভাড়াটেদের এজমালি। কিন্তু থাকবার বেলায় বাড়িওলার ড্রাইভার আর দারোয়ান। চলবে না কথার ঘোর-ফের, চাকরের জায়গা দিতে হবে। মূখে হার মেনেছিল পরাশর, কিন্তু টিপে দিয়েছিল দারোয়ানকে! তার দাপটে সাধ্য, কি রামলখন শোয় সেই ঘরের মধ্যে। তার জায়গা বারান্দায়।

সত্যি রামলখন আজ বারান্দায় শোয়নি তো? ভবদেব বলে দিয়েছে বাইরের ঘরে শতে। কিন্তু বলা যায় না, যেমন বৃষ্টি হয়তো প্রভুর নিরাপত্তার কথা ভেবে একেবারে বাইরের দরজা ঘেঁষে শয়েছে। কে জানে সেইটেই হয়তো মস্ত বাধা হবে ক্ষণিকার।

খুঁট করে ছিটকিনি খুলে দরজা ফাঁক করে তাকাল একবার বাইরে। না, বারান্দা ফাঁকা। আশপাশ নিবুদুম। দূরে স্টেশনের লাল-শাদা-সবুজ আলোর পিণ্ডগুলি জ্বলছে স্থির হয়ে। আপ দূন আর ডাউন দিল্লি এক্সপ্রেস চলে গিয়েছে এতক্ষণে। আরো কত ট্রেন আসবে যাবে। যে ট্রেনের অবধারিত স্টেশন এই ঘর সেই অসর এসে পৌঁছুল না!

যা অবধারিত তার জন্যে কেন এই অধীরতা?

চোখের উপরে একটা তারা জ্বলছে দেখতে পেল। যা অবধারিত তাতে সূখ নেই যা অভাবনীয় তাতেই সূখ। মেঘলা আকাশ দেখবে ভেবেছিল দেখল একটা তারা! অত্যাশ্চর্য আনন্দে ভরে উঠল মন।

এমনি একটা অত্যাশ্চর্যের জন্য প্রতীক্ষা করছে ভবদেব। অবধারিতের জন্যে নয়।

চরম ঝগড়া হয়েছিল সেদিন।

উপর থেকে ভিজ়ে কাপড় ঝোলায় এই নিয়ে ভবদেবরা আপত্তি করেছে বহুদিন—বারান্দায় উঠতে-নামতে ঠিক নাকের সঙ্গে ঠোকাঠুকি হয়, মাথার উপরে ফোটা-ফোঁটা জল পড়ে। শোনেনি বাড়িওলারা। বলেছে, ও ছাড়া জায়গা নেই কাপড় মেলবার। মৃথের প্রতিবাদে কাজ হয়নি, তাই গেরো মেরে ভিজ়ে কাপড়ের কুন্ডলী পাকিয়েছে নিচে থেকে। ঢিল বা অন্য কিছু ধুলো-বালি বেধে দিয়েছে।

কিন্তু সেদিন অন্যরকম হয়েছিল। শুকিয়ে এসেছে একটা শাড়ি, খসে পড়েছিল নিচে, নিচের বারান্দায় সিঁড়ির উপর। বিকেলের ঘর ঝাঁট দিচ্ছিল রামলখন, চোখে পড়তেই কুড়িয়ে নিয়েছিল ব্যস্ত হাতে। ভবদেব সেইমাত্র ফিরেছে আপিস থেকে, চোখোচোখি হতেই বলেছিল, 'রেখে দে।'

গুটিয়ে-পাকিয়ে লুকিয়ে রেখে দিয়েছিল রামলখন।

আর তক্ষুনিই তরতরিয়ে নিচে নেমে এসেছিল ক্ষণিকা।

সুনয়নীকে জিগগেস করেছিল, 'আমাদের একটা শাড়ি পড়েছে দিদি?'

'কই না তো!' সুনয়নী ভিতরের বারান্দায় চা করছিল, অবাক মানল। 'কি রকম শাড়ি? কার শাড়ি?'

'বৌদির শাড়ি। তেমন দামি কিছু নয়। কিন্তু নিচে পড়লেই যদি তা আর ফেরৎ না পাওয়া যায়--'

'বা, সে কি কথা? রামলখন তো এইমাত্র ঝাঁট দিচ্ছিল বাইরে। হ্যাঁ রে, রামলখন, বাইরে শাড়ি দেখেছিস একটা?'

মাটি-লেপা উনুনের মত মৃথ করে রামলখন বললে, 'আমরা দেখতে যাব কেন?'

'বিশিক্ষণ হয়নি। আমিই তুলছিলুম, গেরো খুলতে পড়ে গিয়েছে--'

'হাওয়ায়ও তো উড়ে যেতে পারে--' ভিতর থেকে টিপ্পনি কেটেছিল ভবদেব।

উড়নতুবাড়ির মত বলসে উঠেছিল ক্ষণিকা। বলেছিল, 'মাপ করবেন দিদি, আমি সার্চ করব।'

'সার্চ করবে!' প্রথমটা থমকে গিয়েছিল সুনয়নী। পরে মৃথে হাসি টেনে বলেছিল, 'এই দেখনা আমাকে।' বলে আঁচল ঝাড়া দিয়েছিল।

‘বডি-সার্চ নয়, বডি-সার্চ।’

‘আপনি মেয়ে-পুলিশ নাকি?’ ভবদেব এবার এসেছিল মারমুখে হয়েঃ
‘সঙ্গে ওয়ারেন্ট আছে?’

‘ও সব চোর ধবতে ওয়ারেন্ট লাগে না। কলকাতার বাসে-ট্রামে পকেট মারা
গেলে প্যাসেঞ্জারদের পকেট সার্চ করার রীতি আছে।’

‘এ একটু বেশি বাড়াবাড়ি হচ্ছে না ক্ষণ?’ আপত্তি করেছিল সুনয়নী।

‘হয়তো হচ্ছে কিন্তু উপায় নেই।’

‘উপায় নেই?’ আবার ঝাঁজিয়ে উঠেছিল ভবদেব : ‘আপনি কাউকে
দেখেছেন চুরি করতে?’

‘চোখে দেখিনি, কিন্তু কানে শুনেছি। শুনেছি, শাড়িটা নিচে পড়ামাত্রই
একজন বলছেন আরেক জনকে, রেখে দে। পরের জিনিস জেনে তা ছলনা
করে রেখে দেওয়াটাও অসাধুতা।’

‘এতই যখন জানেন তখন সোজাসুজি এসে ভালোমানুষের মতন চাইলেই
হত!’

‘ভিক্ষে করে নেওয়ার চাইতে দাবি করে নেওয়ার মধ্যে গৌরব আছে।’
যৌবনের অহঙ্কারে সারা গায়ে ঝঙ্কার তুলেছিল ক্ষণিকা। বলেছিল, ‘দিয়ে
দিন।’

রামলখনকে ভবদেব বলেছিল দিয়ে দিতে।

শাড়িটা পেয়ে ছেলেমানুষের মত হেসে উঠেছিল ক্ষণিকা। মনে হয়েছিল
যেন তার গায়ের অণ্ডল থেকে শূন্যে একঝাঁক বক উড়িয়ে দিল।

অবাক যত না হয়েছিল তার চেয়ে বেশি রেগে উঠেছিল সুনয়নী। ‘তুই
দিতে গেলি কেন? সার্চ করা বার করে দিতাম।’

‘তুমিই তো নাই দিয়ে দিয়ে মাথায় তুলেছ! নইলে ও কোন সুবাদে
তোমাকে দিদি বলে? মারিস না, পিসি না, বোদি না—’

‘মনে হচ্ছে তোর সুবাদে।’ ঠাট্টা করেছিল সুনয়নী।

‘আমার সুবাদে! দোঁখি আজ থেকে সমস্ত সু বাদ দিলাম দিদি। বাসাড়ে
যখন হয়েছি তখন চাষাড়েই হব ঠিকঠাক।’

লজ্জার একটা ফ্যান ভাড়া করে এনেছিল ভবদেব। এ-সি কারেন্টের পাখা,
বার্টি-সুন্দর ঘোরে। পুরো দমে চালালে প্রলয়ঙ্কর শব্দ হয়, ঘর-দোর কাঁপে,
মনে হয় সিলিং বদ্বি ফেটে পড়বে। সেই শব্দ উপরে যায়, উপর থেকে

ফেরাফিরতি বল খেলে, দূপ-দাপ চালায়, কিন্তু কতক্ষণ চালাবে, এদিকে পাখা ঘুরছে দিন-রাত।

শুধু তাই নয়, শুধু করেছিল দেয়ালে পেরেক ঠুকতে, শার্সি ভাঙতে, মেঝেতে হাতুড়ি পিটতে। আর কি করা, উচ্ছেদের নোটিশ দিয়েছিল বাড়িওলা। উলটে রেন্ট কন্ট্রোলারের কাছে নালিশ করল ভাড়াটে। জল বন্ধ, আলো বন্ধ।
লাগ ভেলকি লাগ।

এমনি ষখন জলদতালে বাজনা বাজছে, তখন খবর এল ভবদেবের চাকরি স্থায়ী হয়েছে। প্রমোশন পেয়েছে ইউরোপিয়ান গ্রেডে। কিছুকাল পরেই কোয়ার্টার্স দেবে কোম্পানি।

দেখতে-দেখতে একটা ভোজবাজি হয়ে গেল। খারিজ হয়ে গেল সমস্ত মালিমামলা। আকাশ-বাতাসের বদলে গেল চেহারা। নিচের ঘরে আলো জ্বলল শুধু নয়, নতুন পয়েন্ট বসাল পরাশর। জল দিতে লাগল চৌবাচ্চা ছাপিয়ে। বন্ধ হয়ে গেল উপরের দূপদাপ। কাপড় শুকোতে লাগল ছাদের উপরে প্রসারিত হয়ে। শুধু তাই নয়, পরাশর নতুন একটা নিঃশব্দ পাখা দিলে ভবদেবকে। ভাড়া? ভাড়ার জন্যে কি।

আশ্চর্য, সময়ে অসময়ে নিচে নামতে লাগল ক্ষণিকা। সুনয়নীর কাজ-কর্ম হাত মেলাতে লাগল। দু-একটা রান্নাও নাড়ল-চাড়ল। কখনো-সখনো হাত রাখতে লাগল ভবদেবের টেবিলে। ভবদেবেরও ঘন-ঘন নৈশতন হতে লাগল উপরে। পরামশরের মা আর বৌদিও চলে এল সামনে, নতুনতরো আশ্রয়তার আলো ফেলে।

পরাশরের মা বললেন, গায়ের রং একটু কালো হলে কি হবে, দিবি স্বাস্থ্য।

আর লেখাপড়া? ফোড়ন দিল বৌদি।

সব জানা আছে। মনে-মনে হেসেছিল ভবদেব। আসলে চাকরি, বড় বাহালি চাকরি। আসলে টাকা। আসলে কোয়ার্টার্স।

হাল ঠিক ছেড়ে দেয়নি, কিন্তু মৃষ্টিটা একটু শিথিল করেছিল ভবদেব। দেখি হাওয়ার টানে কোথায় গিয়ে উঠি, কোন রোমাণের বন্দরে। দেখি উষ্মত কি করে বিগলিত হয়। দুর্ভ-দুর্জের কি করে সরল হয়ে আসে।

দক্ষিণের আকাশ অনেকখানি জুড়ে লাল হয়ে উঠেছে। বার্ণপুয়ের ফার্নেস। যেন উদ্যত বজ্রের মতো জ্বলছে কোথায় মহাভয়ঙ্কর। দাহের ওপারে নির্দয় শাসনের মত। যেন বলছে রুঢ়াষে, তর্জনী আঙ্গুলান করে,

কোনো নিয়মের ব্যতিক্রম চলবে না, কোনো স্থলনের ক্ষমা নেই, নেই কোনো বিচ্যুতির নিষ্কৃতি।

তাই, ভয় পেয়ে গিয়েছে ক্ষণিকা। কুকর্ড়ে-সুকর্ড়ে ভয়ের কুন্ডলীর মধ্যে অভ্যাসের জড়পিণ্ড হয়ে পড়ে আছে।

যদি এই ভয়টুকু না থাকে তবে কিসের জয়! এই ভয়টুকু আছে বলেই তো নিজ'ন গিরিশিখরের ডাক। ডাক সেই পথ-হারানো গহন অরণ্যের। সঙ্গলেশ-হীন সমুদ্রতীরের। সেই ডাকটি কি এই মহান রাত্রি পেঁছে দিতে পারেন ক্ষণিকার কানে-কানে?

বটেই তো। সেও নুন-নেবু মেশানো ফিকে জল-বার্লি। একটি অভ্যস্ত জীবনের জীর্ণতার জন্যে অপেক্ষা করছে ধৈর্য ধরে। রাত্রির ক্রান্তির প্রতিটি প্রভাতকে মলিন দেখবার বাসনায়। নেই তার মধ্যে সেই আনন্দোদ্ভব উদ্ভাটনের স্বপ্ন। সর্ব-অপর্ণের ব্যাকুলতা! রাজকন্যার ভিখারিণী সাজবার তাপসশ্রী! তাহলে তাকে দিয়ে আর কি হবে? যাকে ভালোবাসি তার সঙ্গে আজ দেখা হবে মহারাত্রির মোনে, সমস্ত হিসেব-কিতেবের বাইরে। কোনো রকম কৃত্রিম মীমাংসা না মেনে—এই উজ্জ্বলতাটুকু এই নবীনতাটুকু যদি সে উপহার দিতে না পারে, তবে তার দাম কি, তবে তার মহত্ব কোথায়!

ভালোবাসা না ছাই! মোটা জঁকালো চাকরি। টাকা। স্ববাসের কাছে কোয়ার্টার্স।

গ্যারাজ থেকে গাড়ি বের করে দিয়েছিল পরাশর। চলুন যাই কল্যাণেশ্বরী, বরাকরের ডাকবাংলো। ওবার তোপচাঁচি। এবার চলুন আরো দূরে, পরেশনাথ।

কেমন একটা ঘোর-ঘোর নতুন দৃষ্টি এসেছিল ভবদেবের চোখে। রক্তে নতুনতরো আশ্বাদ। হঠাৎ ঘুম-ভেঙে যাওয়ার মধ্যে হঠাৎ মনে-পড়ে-যাওয়ার সুগন্ধ। নতুন দৃষ্টির সঙ্গে নতুন দৃষ্টির যখন সাক্ষাৎ হয়, তখন সমস্তই যেন চক্ষুন্ময় হয়ে ওঠে। অলক্ষ্য একটি নিমন্ত্রণের ভাষা নীরবে গুঞ্জন করতে থাকে। আশ্চর্য, যে চোখে আগে চকমকি পাথর ছিল তাতে এখন একটি লজ্জা একটি গম্ভীর কোমলতা দেখা দিয়েছে। একটি ধরা-পড়ার প্রস্তুতির লাভগ্যা। কি করে এ সম্ভব হতে পারে ভেবে পারানি ভবদেব। কে রচনা করল এই রুদ্ধ মাটির শ্যামায়ন! নিষ্পাদপের দেশে অজানা পক্ষিকাকলী।

কিন্তু এখানেই শেষ। আর কোনো ঐশ্বর্য নেই। শূন্য একটি দৈনিক জীবনযাত্রার মধ্যে সমাপ্তি পূর্বের জন্যে প্রতীক্ষা করছে।

সুনয়নীকে বলেছিলেন পরাশরের মা : ‘তুমিই তো কদম্বী’। এখন বলো কি তোমার দাবিদাওয়া!’

‘দাবিদাওয়া যে কিছু নেই তা আমি জানি।’ সুনয়নী বলেছিল হেসে হেসে, ‘কিন্তু আমিই কদম্বী কিনা তাই জানি না।’

সেই দাবিদাওয়া জানাবার জন্যেই সেদিন এসেছিল ক্ষণিকা। ছুটির শ্বিপ্রহরে। সুনয়নীর স্নাতো ধরে ভবদেবের নির্জনতায়।

ভবদেব বলেছিল, ‘একদিন মধ্যরাত্রে আসতে পারো?’

দু চোখে অন্ধকার দেখেছিল ক্ষণিকা। ভয়ে পাংশু হয়ে গিয়েছিল।

‘চার দিকে এত ভিড়, কোনো সম্ভাবনা নেই, তা আমি জানি।’ রাজনীতিকের নিরুদ্বেগ গলায় বলেছিল ভবদেব : ‘কিন্তু গ্রহ-নক্ষত্রের ষড়যন্ত্রে যদি কোনো দিন সেই মঙ্গল মহারাত্রি আসে, আসবে?’

মুচকে হেসে সম্মতির ঘাড় নেড়েছিল ক্ষণিকা।

সেই মহারাত্রি সমাগত। কিন্তু ক্ষণিকার সাড়া নেই। আকাশকার স্বীকৃতির নিচে আত্মদানের স্বাক্ষরটি ছিল না। পরিমিত জীবনের অপ্রমত্ত শান্তির কপে তৃপ্তিবৃন্তির অপেক্ষা করতে লাগল। রাত্রির মঞ্জুষায় দিল না তাকে একটি উজ্জ্বলতম দিনের উপহার। দিল না তাকে একটি বাস্তব নিস্তম্ভতা। তার পৌরুষকে মহিমাম্বিত করল না একটি বলবান বিশ্বাসে।

সত্যিই তো, বিশ্বাস কি। যদি অবশেষে ছিন্নসূত্র মালার মত ধুলোয় ফেলে দেয় ভবদেব! কে না জানে অবিরোধী পুরুষের খামখেয়াল! যদি তার কাছে সহসা সমস্ত মূল্য খুঁইয়ে বসে! যদি এক লহমায় সমস্ত রহস্যের অবসান হয়! যদি শেষ ছত্রের সঙ্গ-সঙ্গেই কবিতাটি থেমে যায়, সমস্ত কথা, সমস্ত সুর যায় ফুরিয়ে।

তার চেয়ে নিষ্পত্তির দৃঢ়ভূমি অনেক ভালো। অনেক ভালো ঐশ্বর্য ফলশয্যা।

সে তো শূন্য একটা নিয়মপালনের রাত্রি। সে সব ফল তো বাজারে কেনা। কিন্তু সে ফলশয্যার চেয়ে এ তৃণশয্যার অনেক ঐশ্বর্য। আকাশের অনাবৃতির নিচে শ্যামলতার উদ্ভাস।

তবে তাই হোক, এখানেই ইতি পড়ুক। তোমার অক্ষত অন্তরের

পদ্যস্থানে ফটক এঁটে দাও। তুমি থাকো তোমার অক্ষোভে অক্ষুণ্ণ হয়ে। আমি এবার শূন্যে পড়ি। ভবদেব বিছানার দিকে তাকালো। এবার শূন্যে পড়ি। বৃষ্টিটি আর নেই।

অন্যায় অভিমান করে লাভ কি। বাধাবিঘ্নগুলোও বন্ধুতে হয়। বড় বন্ধনগুলো নেই বটে কিন্তু ছোট কষ্টক অনেকগুলি।

‘বিমলাকেই আমার বেশি ভয়।’ বলেছিল ক্ষণিকা। ‘ওর দৃটো রোগ, দৃটোই সাংঘাতিক! এক হিংসে, দুই অনিদ্রা।’

‘দৃটো বড়ি দাঁচ্ছ, খাইয়ে দিয়ে চালাকি করে।’ বলেছিল ভবদেব।

এটুকু এলেকার মধ্যে চার-চার ঘর ভাড়াটে বসিয়েছে পরাশর। সাধে কি আর ভবদেব তাকে হাড়কিপন চশমখোর বলে! গ্যারাজের উপরে দুখানা ঘর তুলে ভাড়া দিয়েছে বিমলা আর বিমলার মাকে। বিমলার মা ধাইগিরি করে। রাত্রে যদি কল আসে তবে বিমলাকে ক্ষণিকের কাছে শূন্যে পাঠায়। তেমন যদি কিছু ঘটে আজ অঘটন তাহলেই তো বিপদ! একে পাশে শোবে তায় আবার ঘুম নেই!

কিন্তু ভবদেবের নিজের ভয় নাগমশাইকে। ভাড়াটে বসাবার আগে আর বাছবিচার করেনি পরাশর। কোথাকার এক বিপজ্জনক নিঃসন্তান ঠিকদারকে ঘর দিয়েছে একখানা। জীবনে দুটি মাত্র বাসন, রাতে চোর ধরা ও দিনে নাকের ডগায় চশমা বসিয়ে চশমার ফাঁক দিয়ে ইতি-উতি উর্কিঝুঁকি মারা। পাড়ার রক্ষীদলের সদর। জানলা দিয়ে কোন চোর হাত বাড়াল কোন মশারির মধ্যে, কোথায় গার্ডে-ড্রাইভারে ষড় করে ট্রেন থামিয়ে ওয়্যাগন ভাঙল—এই সবেই ফিরিস্তি করে। বাড়ির আনাচে-কানাচে, কখনো বা ট্রেনের লাইনের ধারে-ধারে টহল দেয়। যখন ঘরে থাকে, জানলার ভাঙা খড়খড়ির ফাঁকে চশমা ঠেকিয়ে চেয়ে থাকে।

শুধু নাগ নয়, কালনাগ। দুপেয়ে সাপ। তার উদ্যত ফণা ডিঙিয়ে আসা কি সহজ কথা?

তারপর ওদিককার একতলার সেডের খগেন মিস্ত্রি। সে আবার যোগাধ্যন করে। করবি তো কর ঘরে বসে কর। তা নয়, ঘরের বাইরে এজমালি গেটের কাছে আম গাছটার তলায় চেয়ার পেতে বসে থাকে। চোখ বৃজে শিরদাঁড়া খাড়া করে। সত্যিকার হলে ভাবনা ছিল না, টের পেত না কিছু। ভণ্ড বলেই ভয়। চোখ চেয়ে দেখে ফেলবে ঠিক সময়।

বন্টিতে উপকার করেছে। যোগীবর ঘরে গেছেন। কিন্তু নাগমশায়ের খড়খড়িটির কি দৃশ্য কে জানে। কে জানে বড়ি খেয়ে কেমন আছে বিমলা! কে জানে তার মা কোথায়!

ভুল করে না ইচ্ছে করে নিজেই বড়ি খেয়ে ফেলেছে কিনা তার ঠিক কি।

বাধা হয়তো আর কোথায়ও নয়, বাধা তার মনে। সে আত্মীয় হতে চায়, আপন হতে চায় না। সংহত তুষারপিণ্ড হয়ে থাকবে, হবে না সীমাতিক্তান্তা নিৰ্ব্বিরণী। এও একরকম অহংকার। আমি পবিত্র, আমি অব্যাহত, আমি অপ্রমত্ত এই অহংকার।

চেয়ার ছেড়ে উঠে পড়ল ভবদেব। বি-এন-আরের রাত্রের ট্রেনটাও চলে গেল এতক্ষণে। আর কি। কুঁজো থেকে জল গাড়িয়ে খেল এক শ্লাশ। এবার পরাভূত শয্যায় গিয়ে লম্জিত ঘুমটুকু সেরে নি।

ঠুক ঠুক ঠুক ঠুক!

হুংপিণ্ড শব্দ করে উঠল নাকি? রুদ্ৰম্ভার দেবমন্দিরে কি আপনা থেকেই ঘণ্টা বেজে উঠল!

ঠুক ঠুক ঠুক ঠুক!

কোন দিকের দরজা? ভিতর বারান্দার, না, বাহির বারান্দার? কোন সিঁড়ি দিয়ে নামল? বিমলা কি ঘুমিয়েছে? তার মার আর কল আসেনি? নাগমশায়ের খড়খড়ি কি বৃজে গেছে? ছাড়া চেয়ারে আবার এসে বসেনি তো যোগীবর?

ও কি, কতক্ষণ বাইরে দাঁড় করিয়ে রাখবে? দরজা বন্ধ দেখে ও আবাব ফিরে যাবে নাকি?

খুঁট করে ছিটকিনি টানল ভবদেব। দরজাটা একটু ফাঁক করল। সন্ট করে ঢুকে পড়ল ক্ষণিকা। নিয়তির পরিহাস নয়, সত্যিসত্যি ক্ষণিকা।

কাঁপছে। লতার মত কাঁপছে। যত ঠান্ডায় নয় তত ভয়ে। যত উচ্ছ্বাসে নয় তত উৎকণ্ঠায়। শব্দ বললে, অস্ফুট নম্রস্বরে বললে, আমি এসেছি।

মাধুর্য্যসিদ্ধর দৃষ্টি তরণের মত মনে হল শব্দ দূরটোকে। আমি এসেছি। হে গুহাহিত গোপন পদ্রুপ, আমি এসেছি। হে আকর্ষী বংশী, আমি শুনোছি তোমার ডাক, চিনেছি তোমার পথ। তুমি এবার আমাকে ধরো, আমাকে নাও, আমাকে ভাঙো। আমাকে শূন্য করে পূর্ণ করো।

কি করবে কিছ, বৃক্ষে উঠতে পারল না ভবদেব। হাত ধরে টেনে আনল

না কাছে, বসতে বলল না বিছানায়, কি আশ্চর্য, দরজায় ছিটকিনি লাগাতে পর্যন্ত ভুলে গিয়েছে।

ইলেকট্রিক লাইট নয়, মোমবাতি জ্বালাল ভবদেব। স্নিগ্ধ আলোতে দেখল ক্ষণিকার ক্ষণকরণ মৃদুখানি। ভোগবিবরত পদ্যগ্রী তাপসিনীর মৃদু।

বললে, 'তুমি এসেছ। এর উত্তরে আমি কী বলতে পারি? বলতে পারি, আমি আছি। একজন আছে, আরেকজন আসে। এ আছে বলেই তো সে আসে। আর সে আসবে বলেই তো এ বসে আছে অশ্বকারে। তাই নয়?'

অশ্বভূত সুন্দর করে হাসল ক্ষণিকা।

'তোমাকে কী দিই বলো তো?' পরিপূর্ণ দৃষ্টিতে তাকাল ভবদেব। খোলা জানলা দিয়ে হাত বাড়াতেই পেল সেই গোলাপ গাছ। বৃন্তাগ্রয়ে বিহবল একটি গোলাপ জেগে আছে। ঘ্রাণে-বর্ণে গদগদ হয়ে। শব্দ গব্বরূপে নয়, সূক্ষ্মসূক্ষ্ম প্রেমরূপে। নিবেদনের বেদনায় আনন্দময় হয়ে।

সন্তর্পণে ফুলটি ছিঁড়ল ভবদেব। ক্ষণিকার স্তম্ভিত চুলের মধ্যে গুঁজে দিলে।

দরজা খুলে এগিয়ে দিতে গেল ক্ষণিকাকে।

ক্ষণিকার চোখে জলের ছোঁয়া লেগেছে। ছোঁয়া লেগেছে কণ্ঠস্বরে। আত্মস্বরে বললে, 'এ কি, আপনি চললেন কোথা?'

'বা, সে কি কথা? তোমাকে পেশী দিয়ে আসি।'

'আপনি?' দয়ালের পাশে কুণ্ঠিত হয়ে দাঁড়াল ক্ষণিকা। ছায়া হয়ে মিশে যেতে চাইল। বললে 'যদি কেউ দেখে ফেলে, সব বুঝে নেবে।'

'যাতে ভুল না বোঝে তাই তো আমি চাই। বলো কোন সিঁড়ি দিয়ে নেমেছিলে? বিমলাকে কটা বাড়ি দিয়েছ? নাগমশায়ের খড়খড়ির ফাঁক ন্যাকড়া দিয়ে বন্ধ করেছ নাকি? আর যোগীবরের কি খবর? যোগিনিদ্রার চেয়ে সুখনিদ্রা অনেক আরামের। যাও, নিশ্চিন্ত হয়ে ঘুমোও গে। কোনো ভয় নেই—'

পরিতাপ বিছানায় এসে শুলো ক্ষণিকা। বালিশে মৃদু গুঁজে কাদতে লাগল ফুঁপিয়ে-ফুঁপিয়ে।

মগের মদ্যুক

ফুটফুট করছে জ্যোৎস্না। ধু-ধু করছে ধান খেত।

টঙের ঘরে জানলার ধারে বসে আছে পঞ্চমা। ফাঁপানো খোঁপায় ফুল
গোঁজা! গলায় রূপোর শিকলি, হাতে খাড়ু। কচি গোলপাতা দিয়ে বাঁধা
বিড়ি টানছে বসে-বসে। সরু-সরু ভাসা-ভাসা চোখে চেয়ে আছে খেতের দিকে।
কেউ যেন আসবে, অথচ আসছে না!

জ্যোৎস্নায় কেমন ভেজা-ভেজা দেখাচ্ছে খেতগুলো। তেমনি ঠাণ্ডা-ঠাণ্ডা
নধর-নরম ভাব তার শরীরে। কুড়ি বছর হতে পঞ্চমার এখনো দু-তিন
বছর বাকি।

জানলার বাইরে কার পায়ের খসখস। শিস দিচ্ছে কে মিঠি-মিঠি।

কই, পাড়ার কুকুরগুলো সমস্বরে খেঁকিয়ে উঠছে না তো? তবে নিশ্চয়ই
কোনো চেনা লোক। পাড়ারই কোনো পয়মন্ত ছোকরা।

পাশের ঘরে কান খাড়া করে বসে আছে চাঙ্গা। আর তার ম্বেতীয় পক্ষের
বউ মণ্ডন মগ্ননী।

‘সিঁড়ি দিয়ে উঠল টঙে?’ স্ত্রীকে জিগ্গেস করলে চাঙ্গা।

‘উঠছে। পা টিপে-টিপে উঠছে।’ প্রায় দম বন্ধ করে বললে মণ্ডন।

সুদূরির খুঁটির উপরে টং। মাটি থেকে খাড়া এক মানুষের সমান উঁচু।
টঙের নিচে তাঁত। টঙের নিচেই ঢেঁকি।

পাড়দেওয়া ঢেঁকি নয়। ঘানির মতন হাতে ঘোরানো।

টঙের মেঝের সুদূরির কাঠের পাটাতন। যেখানটায় কাঠে কুলোয়নি সেখানটায়
শুদূরির গাছের চেরা। আগন্তুকের জুতোর শব্দ জেগে উঠল পাটাতনে।

পঞ্চমার ঘরের দরজা খোলা। সটান ঘরের মধ্যে ঢুকে পড়ল আগন্তুক।
মিঠি-মিঠি শিস দিতে লাগল।

চিনতে পেরেছ পঞ্চমা। মোচা মগের ছেলে লাফরা মগ। তেইশ-চব্বিশ
বছরের জোয়ান ছোকরা। দেখতে-শুনতে দিবা।

শুধু দেখতে-শুনতে? অবস্থা কি প্রকাণ্ড মোচা মগের! প্রায় পঞ্চাশ

কানি জমি। অগ্নিনিতি মোষ। পাড়ার মাতব্বর মোচা। তার নামেই পাড়ার নাম। মোচা পাড়া।

লাফরার পরনে লুঙ্গি নয়—লুংসি। মোটা বুনটের হলে লুঙ্গি বলে। চিকণ বুনটের হলে লুংসি। লাফরা বড়লোক। অন্তত বড়লোকের ছেলে। তার উপরে বড় ছেলে, প্রথম সন্তান। মগী আইনে যাকে বলে ওরাসা। বাপ-মায়ের একজন কেউ মরলেই যে সম্পত্তির এক-চতুর্থাংশ আদায় করে নিতে পারবে। পরে হবে আরো এক চৌথের হকদার। আর, যাকে বিয়ে করলেই আধাআধি সারিক হবে পঞ্চমা।

গা তুলবে না কি পঞ্চমা? মদ্রুকে হেসে দাঁড়াবে না কি কাছে গিয়ে? দেবে না কি একটা চুমু খেতে?

যেন অতিকণ্ঠে ঘাড় ফেরাল পঞ্চমা। চোখ দুটো তেরছা করল। শব্দ করে বাঁকালো ঠোঁট দুটো।

‘ও কি, চলে গেল না কি? দরজা বন্ধ করল না?’ চাজা ঝাঁজিয়ে উঠল।

‘তাই তো। ফিরে যাবার শব্দ হচ্ছে সিঁড়িতে।’ মণ্ডিন হতাশের মতন বললে। ‘আহা, মুখে আর শিস নেই—’

কি সর্বনাশ! এমন পাত্র ফিরিয়ে দিল পঞ্চমা? ধনে-মানে এমন যে তাক-লাগানো ছেলে। এমন যে হাতবাড়িয়ে-লুফে-নেবার মতন! দরজায় খিল লাগাতে যেখানে এক পলকও শ্বিধা করার কথা নয়। তাকে, পুরো একটা নিশ্বাস ফেলবার আগেই, হাতের হাওয়ায় তাড়িয়ে দিলে! মেয়েটা কি পাগল হয়ে গেছে?

‘নষ্ট হয়ে গেছে।’ মদের ভাঁড়ে চুমুক দিল মণ্ডিন।

‘হারামজাদি।’ দাঁত কিড়মিড় করে শব্দ একটা গাল দিলে চাজা। এত মিঠা মদ, তেতো হয়ে উঠল।

আবার কেউ এসেছে বৃদ্ধি। হ্যাঁ, শিস দিচ্ছে। কুকুর যখন ঘেয়োচ্ছে না, তখন এ পাড়ারই কেউ বাসিন্দে। চেনা লোক।

মদ্রু বাড়িয়ে দেখ তো একবার চেয়ে।

মদে থলথল করছে মণ্ডিন। খোলা দরজা দিয়ে মদ্রু বাড়িয়ে দেখল। থানডান।

মন্দ কি। একটু বয়স হয়েছে, এই যা। তা বেটাছেলের আবার বয়স কি!

কি, ঢুকেছে ঘরের মধ্যে?

টুকেছে।

মনের মিল হল না বলে বউয়ের সঙ্গে ছাড়াবিড়া হয়ে গেছে থানডানের। কাজিয়া-কোল্দল কিছু হয়নি। বলেছে বউকে, তোর মনের মানুষের কাছে তুই যা। আমি আমার মনের মানুষ খুঁজে নিই। দলিল হয়নি, আদালত হয়নি, শব্দ মনে-মনেই বোঝাপড়া। আর, সেইটেই সমাজের কাছে আইনের কাছে সরল প্রমাণ। সুস্থ ব্যবস্থা। মন মানে তো থাকো, না মানে তো পথ দ্যাখো। রোচে-পোচে তো খা, না রোচে তো যা।

যেমন কটাক্ষে বিয়ে তেমনি কটাক্ষে তালাক।

নতুন বউ খুঁজতে বেরিয়েছে থানডান। পণ্ডমাকে পছন্দ হয়েছে।

কিন্তু পণ্ডমা?

‘দেখ তো দরজায় খিল পড়ল কি না—’ মণ্ডনের গায়ে ঠেলা মারল চাজা।

‘কে জানে! এখন দৌর হচ্ছে তখন খিল পড়েছে বোধ হয়।’ মণ্ডনের সাধ্য নেই উঠে দাঁড়ায়। জড়িয়ে-জড়িয়ে বললে, ‘কিন্তু অমন ছোকরা ছেড়ে দিয়ে শেষে এই আধ-বয়সীকে ধরবে?’

কিছুই বলা যায় না। মনের মামলা এলোমেলো। কিসে ডিক্রি কিসে ডিসমিস কে বলবে!

ওস্তাদ বাজিয়ে, সুর-বাঁধা বীণা কোলের উপর বসানো, তব্দ গান জমে না। বৃষ্টি পড়ে ঠান্ডা হয়েছে দশ দিক, ফিটফাট নরম বিছানা, তব্দ ঘুম কই!

‘থানডানও বৃষ্টি চলে গেল।’ মণ্ডন ঢুলতে-ঢুলতে বললে।

‘চলে গেল? খিল পড়ল না?’ লাফিয়ে উঠল চাজা। ‘আর পাত্র কই এ অণ্ডলে?’

জানলা খুলে বসে থাক সারা রাত।

যদি কেউ না-ই আসে শেষ পর্যন্ত। দোরে যদি খিল না চাপায় পণ্ডমা!

চাপাবেই না তো! কুড়ি বছর পর্যন্ত অপেক্ষা করবে। ঘেই কুড়িতে পা দেবে অমনি পাখা গজিয়ে পালিয়ে যাবে এক দিকে।

মণ্ডন আর বসে থাকতে পারছে না। গা ছেড়ে যাচ্ছে। যাচ্ছে কাদা পাকিয়ে। বললে, ‘আমি আর বসতে পাচ্ছি না। আর মদ নেই।’

পাটাতনের উপরেই শূয়ে পড়ল মণ্ডন।

কিন্তু চাজাকে ঘুমিয়ে পড়লে চলবে না। টোপ ফেলেছে সে, ফাতনার দিকে চেয়ে তাকে পাড়ে বসে থাকতে হবে।

কিন্তু কই শিস কই? হাততালি কই? . পাটাতনর উপর জুতোর মসমস কই? শব্দ কই দরজায় খিল দেবার?

বোশেখী পুণিমার রাতটা বৃথাই যাবে নাকি?

কান ভেঁ-ভেঁ করছে চাজার। শিস শুনতে পাবে না। হাততালিও নয়। হয়তো খালি পায়েই উঠে আসবে। আসুক। আসতে দাও। দরজায় যদি খিল পড়েই, ভাবনা কি, ভোরে উঠে মত দেবে চাজা।

তাকাল একবার বাইরের দিকে। ঝিম-ঝিম করছে জ্যোৎস্না।

তুলতে-তুলতে কখন ঘুমিয়ে পড়ল কাৎ হয়ে।

হঠাৎ খেঁকিয়ে উঠল কুকুরের দল। বেপাড়ার কেউ এসে পড়েছে বোধ হয়। খড়মড় করে উঠে বসল চাজা।

‘কে রে? কে রে?’ ছেনির জন্যে হাত বাড়াল।

রাত তখন অনেক। চাঁদ জানলার কাছে চলে এসেছে। একটু উর্শকি মেরে দেখল, পগুমা তখনো জেগে। তেমনি জানলার কাছে বসে।

দরজায় খিল পড়েনি। বৃদ্ধের ছবির কাছে জ্বলছে একটি নতুন মোম।

কিন্তু কুকুরের ডাক থেমে গেল কেন? যদি চে’চার্লি তবে থামলি কেন? খেতে পেল না কি কিছ্?

পা টিপে-টিপে টং থেকে নেমে এল চাজা। শুনতে পেল চাপা গলার ফিসফিসানি। জানলার নিচে দাঁড়িয়ে কে কথা কইছে পগুমার সঙ্গে।

‘হ্যাঁ, সবাই ঘুমিয়ে পড়েছে।’ ঝাপসা গলায় বলছে পগুমা : ‘উঠে এস চুপি-চুপি। কুকুরগুলোকে খেতে দিয়েছি আফিং-মাখানো মিষ্টি।’ কিছ্ ভয় নেই। লগ্ন এখনো কাবার হয়নি আমার বিয়ের। একের পর এক মোম জ্বালিয়ে রাখছি আমি। আমার সঙ্গে-সঙ্গে ঠাকুরও জেগে আছেন—’

বৃদ্ধদেবকে ঠাকুর বলে মগেরা। বলে, “ফারাতারা”।

তবু কি শ্বিধা করছে রূপা!

‘চলে এস সটান. দরজা খোলা আছে। তুমি ঘরে এসে ঢুকলেই দরজায় খিল দেব। দরজায় একবার খিল চাপাতে পারলেই পাকা হয়ে গেল বিয়ে।’

একটি মাত্র মদহর্ত। ঘরের মধ্যে গিয়ে ঢোকা আর দরজায় খিল লাগানো। তার পরে ঘর আর ঘর নয়. অন্ধকার নয় আর অন্ধকার।

‘কিন্তু যদি এমন-তেমন কিছ্ হয়?’

কী হবে! বাবার ইচ্ছে আমি স্বয়ম্বরে বসেছি। আমার বয়েস যদি কুড়ি

হত আমি পথে-ঘাটে হাটে-মাটে বেরিয়ে আমার বর ধরে আনতে পারতাম। কুড়িতে এখনো পা দিইনি বলে আমার এই দৃশ্য। বাবার মত লাগবে। কিন্তু কুড়ি না হলেও একেবারে কুঁড়িটি নই আর। সেয়ান-শস্ত হয়েছি। তাই আমরা একটা মত আছে। আমিও রাজী-বেরাজী হতে পারি। তাই ঠিক হয়েছে স্বয়ম্বর হবে। কুড়ি বছরের কম বয়সের মেয়েদের যেমন হয়ে থাকে সমাজে। যেখানে গাইয়ে-বাছুরে ভাব থাকে সেখানে বনে গিয়েও দৃধ দেয়। কিন্তু এখানে বাপে-ঝিয়ে অবনিবনা। তাই, সবটা যেমন মেয়ের হাতে নেই তেমনি বাপের হাতেও নেই। ঠিক হয়েছে, সদরে বসে বাপ প্রথমে বাছাই করে দেবে। আর মেয়ে—এখানে একটু হাসল পশুমা—মেয়ে করবে ছাঁটাই। কিন্তু যদি মনের মতন লোক একবার পায় এই চৌকাঠের এপারে, অমনি ক্ষিপ্ত হাতে খিল এঁটে দেবে সজোরে। একবার খিল দিতে পারলেই অখিলের রানি হয়ে গেল পশুমা। দরজায় কপাট পড়ল বটে, কিন্তু মনের কপাট খুলে গেল।

আর কোনো উপায় নেই?

হাতে-হাতে কিছু নেই। এক উপায় তোমার সঙ্গে পালিয়ে যাওয়া।

‘তাই চলো না।’ জানলার কাছে আরো বন্ধি একটু এগিয়ে এল রূপা। বললে, ‘খালের ঘাটে, নৌকো বাঁধা আছে। জোয়ার এসেছে মাঝ রাত্রে।’

কিন্তু লাভ নেই। এ-পাড়া থেকে ও-পাড়া—কোথায় যাবে তুমি মূলুক ছেড়ে? বাবা আবার ঠিক ধরে নিয়ে আসবে।

‘তবু, এইবার নিয়ে তিনবার পালানো হবে। আরেক বার—চার বার পালানো হলেই—’

জানে তা পশুমা। কুড়ি বছরের মেয়ে স্বাধীন ইচ্ছায় যাকে খুশি বিয়ে করতে পারে—একসঙ্গে বসে এক থালায় ভাত খেলেই বিয়ে সিদ্ধ হয়ে গেল। কিন্তু কুড়ির নিচে হলেই যত ফ্যাচাং। বাপের মত লাগবে। তবে মেয়ে যদি কুড়ির নিচে অথচ ঘোলের উপরে হয় আর পর-পর চার বার বাপের আশ্রয় থেকে পালিয়ে যেতে পারে কারু সঙ্গে, তবে তারই সঙ্গে পাকা হয়ে যায় তার বিয়ে। এক জনকে অবলম্বন করে এত নিদারুণ যার অধ্যবসায় তাকে চার বারের শেষে সমাজ আর শাসন করতে চায় না। বিয়েটা মেনে নেয়।

কিন্তু ও-পথে বড় নটখটি। কতটুকুই বা তোমার মূলুক, কতটুকুই বা মহিল্লা। এ-পাড়া নয় ও-পাড়া, এ-বন্দর নয় তো ও-বন্দর। কোথায়, কত দূর বা তুমি যাবে! সুদূর আরাকানে তো আর যেতে পারবে না। আর এ অঞ্চলের

বাইরে কোথাও তোমার আড্ডা-আস্তানা নেই। সুতরাং লোক-জানাজানি হয়ে যাবে। বাবা কান ধরে মেয়েকে বাড়িতে ফিরিয়ে নিয়ে আসবেন। সে যেমন লজ্জা, তেমনি কেলেক্কার।

‘তবু তিন বার হবে। তারপর আরেক বার— আরেক ফাঁকে— কোনো রকমে দু’জনে কোথাও একটু গা-ঢাকা দিতে পারলেই— বাস্। তখন আর আমাদের পায় কে!’

কিন্তু চার বার তো চূড়ান্ত হবে না এক্ষুনি। এ রূপোর রাত, এ সোনার সুযোগ কি নষ্ট করে দেবে? এক্ষুনি-এক্সুনি যা হয়, তা কি কেউ ফেলে রাখে? দু’ পা হেঁটে ঘরে এলে যেখানে ষোলো আনা হয় সেখানে বারো আনা পাবার জন্যে কে বিশ পা হেঁটে ঘাটে যায়?

‘কিন্তু তোমার বাবা তো পথ আটকাবে। ঘরে ঢুকতে দেবে না।’

‘ঘুমিয়ে পড়েছে বাবা। এখন রাত কত খেয়াল করো? চলে এস গুটি-গুটি।’

আমি এগিয়ে যাচ্ছি দরজার দিকে। চোঁকাঠ পেরুবে আর অমনি, নিশ্বাস পড়তে না-পড়তে দরজা বন্ধ করে দেব। সঙ্গে-সঙ্গে বন্ধ হয়ে যাবে সকল কুচ্ছাকচাল।

গলির মুখে টঙের সিঁড়ির দিকে এগুলো রূপা। যা এক্ষুনি-এক্সুনি হয় তার জন্যে কে বসে থাকে? ঘরেই যাকে পাওয়া যায় তার জন্যে কে নদীতে ভাসে?

আরেক পা এগিয়েছে, কাঁধের কাছে ছেনির কোপ পড়ল। মাতালের গলায় খলখল করে হেসে উঠল চাজা। বিমন্ত কুকুরগুলো খেঁকিয়ে উঠল।

টলে পড়ে গেল না রূপা। মার খেয়ে সোজা পালিয়ে গেল মাঠ ভেঙে।

শূন্য ঘরে দরজায় খিল দিল পঞ্চমা। বিয়ের লগ্ন কাবার করে দিল। ফুঁ দিয়ে নিবিয়ে দিল মোমবাতি।

আর, চাজা ভাবতে লাগল, এক কোপ বসিয়েই ক্ষান্ত হল কেন? মদের নেশায় গা-হাত-পা টলছে। জুং মত বসাতে পারেনি কোপটা। এখনো অনেক-গুলি কোপ বাকি থেকে গেছে। নিসপিস করছে হাত। মদের নেশার মতো পেয়েছে এবার রক্তের নেশা।

ঐ পালিয়ে যাচ্ছে রূপা? হ্যাঁ ওকে আর পাওয়া যাবে না নাগালের মধ্যে। তবে— কাকে, কাকে ঘা বসাবে? কোথায়, কে আছে তার দৃশ্যমন?

হঠাৎ কলিমন্দি সাহেবের মন্ডুকটা মনে পড়ল।

হাতের মন্ডু শিথিল হয়ে এল আস্তে আস্তে। মনে পড়ল দরজার কাছে দেয়ালে টাঙানো জুতোর পাটিটা। বেত আর হাণ্ডার। নেপথ্যে হয়তো বা বন্ডুক।

দরকার নেই মারামারির স্বপ্ন দেখে। ঘাসে ঘাসে ছেনির গায়ের রক্ত মন্ডু ছেঁলে চাজা।

কলিমন্দি খাসমহল অফিসর।

দরজা দিয়ে তার আপসে ঢুকেই রাজা-রানির ছবি চোখে পড়বে না। চোখে পড়বে একপাটি জুতো। দেয়ালে পেরেক ঠুকে তার মাথায় ঝুলিয়ে রেখেছে।

‘আরেক পাটি কই?’ জিগ্গেস করেছিল কে একজন বন্ডুস্থানীয় আগন্তুক।

জুতোটার আকার-প্রকার দেখেছ? ক’ ইঞ্চি লম্বা মনে হয়? এ জুতো কি পরিবার জন্যে?

তবে?

একটু বন্ডু খাটিয়ে নুঝতে হয়। প্রহার করবার জন্যে। মার না দিলে খাজনা আদায় হবে কি করে?

বেত-বিছদুটি দিয়ে মার! যায়। জুতোর চেয়ে কম জোরালো নয়। তবু জুতোয় যেমন কাজ হয় তেমনটি আর কিছতে হয় না। আর সব হাতিয়ারে শূদ্ধ মারই থাকে, জুতোয় থাকে তার চেয়ে আর একটু বেশি। জুতোয় মাথা থাকে অপমান।

মারের সঙ্গে অপমান মানে কাটা ঘায়ে নুনের ছিটে।

একটা সামান্য চাপরাশি আর চৌকিদার চাজাকে ধরে নিয়ে এল কাছারিতে।

চৌকিদার কোমরে দাঁড় বাঁধতে চেয়েছিল। চাপরাশিই ধমকে উঠল, কেন, ও তো ফৌজদারি করেনি। দড়ি-কড়া দেবে কেন? তেরিমেরি করে তখন দেখা যাবে।

না, চাজা তেমন অব্যাহত-দুরন্ত নয়। কাছারিতে তলব হয়েছে, সে যাবে ঠিক পিছ-পিছ। খাজনা দেয়নি, সেটা আবার এমন কি অপরাধ।

অপরাধ যাই হোক, শাস্তি আছে প্রশস্ত।

খাজনা কই? হুমকে উঠল খাসমহলের হাকিম।

খাজনা কিসের? মদুখ দিয়ে বেরিয়ে এল চাজার। ঠিক রাগ করে বলছে না, যেন অবাক হয়ে বলছে।

সত্যিই তো, অবাক হবারই তো কথা! কোন কাগা সমুদ্র পেরিয়ে দূর আরাকান থেকে এসেছে তারা দল বেঁধে। জঙ্গল উঠিত করে আবাদ ফলাবার জন্যে। আর, একেকটা চরে কী নিফাঁক জঙ্গল, ঝোপের আড়ালে বাঘের নড়া-চড়া, সাপের কিলিবিলা। হাতে সেই ছেনি, যাকে দেখে জঙ্গল পথ করে দেবার জন্যে সরে-সরে যাচ্ছে আশে পাশে। জঙ্গল কাটতে-কাটতে টঙ বানিয়েছে গাছের ডালে। বাঘের ভয়ে গাছের উপরেই তাদের বাস ঘর। জঙ্গল একটু সাফ-সুতরা হয়ে যেই জমি বেরিয়েছে, অমনি দেশী কামারের থেকে লাঙল কিনে এনেছে। বনের থেকেই ধরে নিয়েছে মোষ। মাটিতে ফাল ঢুকিয়েছে। দীর্ঘ রেখায় রস এসেছে মাটির। এসেছে কাজল-কালো ধান।

একেকটা কালি জঙ্গল এমনি করে আবাদী ধানের মাঠ হয়ে উঠেছে। শূদ্ধ সাহসে আর পরিশ্রমে। রক্তের বিনিময়ে। কেউ গিয়েছে বাঘের পেটে। কেউ কুমীরের। কাউকে সাপে কেটেছে। কেউ বা মবেছে ম্যালেরিয়ায়। তবু দর্মেনি তারা। জঙ্গলকে পরাভূত করেছে। জঙ্গলের গ্রাস থেকে উদ্ধার করেছে মাটিকে। শূদ্ধ উদ্ধারই করেনি, ফলবতী করেছে।

এত ঘাম আর রক্ত দিলাম, তার আবার খাজনা কি!

বা, বেশ কথা! মাটিকে মাঠ বানালি কিন্তু সেই মাটি কি তোরা? তোরা বাপদুতি সম্পত্তি? মাটি যদি তোরা না হয়, তবে মাঠও তোরা নয়। পরিশ্রম করে জঙ্গল উঠিত করেছিস, তার বাবদ খাজনা মকুব পেয়েছিস দূ' সন। এখন আস্তে-আস্তে খাজনা বসছে সইয়ে-সইয়ে। যেমন তোরা জমির মোট, তেমনি তোরা খাজনার নিরিখ। নামমাত্র খাজনা। জমির একুন বেশি বলে খাজনাটা মোটা দেখায়। তাও এক লাফে চাপছে না, ধাপে-ধাপে উঠে আসছে। নইলে, তোরা ভেবেছিস যার যা খুশি দূ'-তিনখানা মাঠ নিয়ে বসে পড়াবি আর এন্টার ফসল তুলবি—কেউ কিছুর বলতে পাবে না!

তা ছাড়া আবার কি।

শোন যদিও তোরা মগেরা এসে এখানে বসেছিস আস্তানা গেড়ে, এটা মগের মূলদুক নয়, এটা কোম্পানির এলেকা। লুটপাট করে জমি খাবি, এ জঙ্গীবাজ সরকার বরদাস্ত করতে পারবে না। তাই একটা বিধি-ব্যবস্থা, বিলি-ব্যবস্থা করা হয়েছে। প্রথম দূ'-সন লাখেরাজ—শেষে—ক্রমে-ক্রমে—

খুব খোলসা করে বোঝেনি কিছু চাজা। জংগল কেটে চাষ করে মাটির মদুখের চেহারা ফিরিয়ে দিয়েছে বলেই না এই জুলাদুয়ারি। বেশ, তবে আচম্বা মাটি আগাছা গজিয়ে ফের জংগলে ফিরে যাক।

তার আর উপায় নেই। তুমি ফেলে রাখো, তোমার জমি খাস হয়ে অন্যত্র বন্দোবস্ত হয়ে পাবে। এসব খাসমহলের খামখেয়ালি। আর, জমি জংগলে ফিরে গেলেও, তুমি আর ফিরে যেতে পারো না—

তুমি বাসা বেঁধেছ। সংসার করেছ। ফিরে যে যাবে, থাকে কি? জমি কই?

আর যেখানেই যাও না কেন, কোথাও আর সেই মগের মদলুক নেই।

সুতরাং—

খাজনার ব্যবস্থা করো। থোরাকির জন্যে ধান রেখে বাড়তি ধান বেচে খাজনা জোগাও।

অত হিসাব-কিতাব করতে পারব না। হাতে যখন টাকা হবে তখন দেব। বাস্তব্য যখন কবঁছি তখন আর পালিয়ে যাচ্ছি না।

কিন্তু টাকা এসে হাতে লাগে কই? থাকে কই? যেই ধান ওঠে খলেনে, নানান দিক থেকে বিদেশী বেপারীর নৌকো এসে জোটে। নানা রকম মনিহারি জিনিসের দোকান খোলে। যা পারে নেয় ফেরাই করে।

বিদেশী বেপারী লাগবে কেন? আছে দেশী জুয়োর আড্ডা। ‘কো’ খেলা। কিংবা ‘ফেকজাতি’। এক রকম তাসের হাত-সাফাই। তাতেই সব খুইয়ে আসে। তাব উপর আছে আবার মদ— খাঁটি হ’লে চলবে না, চাই বিলিতি মাল। আর যদি সমস্ত কাজের বার হয়ে যেতে চাও, আফিং ধরো, চোখ দুটোকে স্ফুন্ন একটা রেখায় নিয়ে গিয়ে বৃন্দ হয়ে বসে থাকো।

খাজনা কই? হুঁমকে ওঠে খাসমহলের হাকিম।

হাত একেবারে খালি— দু’হাত চিৎ করে অসহায়ের মত হাসল চাজা।

কিন্তু তাই বলে পিঠ খালি যাবার তো কোনো অর্থ নেই। খাজনা-আদায়ী জুতোর এক ঘা বসিয়ে দিলে পিঠের উপর। আরো এক ঘা। ভাগ্যিস ডেলা পাকিয়ে আফিং খেয়ে এসেছিল। তাই আবার নির্লিপ্তের মত হাসতে পারল চাজা।

জলের মধ্যে ডুবিয়ে লাথার চেয়ে মার অনেক ভাল। মারের একটা শেষ আছে, কিন্তু জলে একবার ডোবালে কখন যে ফের পার পাবে ঠিক-ঠিকানা নেই।

ঘটি-বাটি, তাঁত-ঘানি ক্রোক করে কী পাওয়া যাবে? জমি ধরো। জমি ধরবার আগে আরেকবার নিয়ে এসো কাছারিতে। জুতোর ডগার দিক ছেড়ে এবার গোড়ালির দিক দিয়ে চেষ্টা করো। পিঠে না মেরে গালে মারলে কেমন হয়?

মগ ছাড়া মগের জমি ধরা যায় না। যদি একটু মন-জানাজানি থাকে তবে একে অন্যের জমি ধরবে না বলে এককাটা হওয়া যায়। কিন্তু আইনের ঘরে ষড় করে আইনকে ফাঁকি দিচ্ছে মকিমালি। আগে বাড়ি-ঘরের নিশান ছিল না, এখন অনেক টাকার মালগুজারি করে। পাশের গাঁয়ের জোরদার জেতদার। মনের সাধ, মগেব মদলুকের জমি কিছদু হাতিয়ে নেয়। তাই আগেই হাত করেছে খাসমহলের কেরানিকে। ভূয়ো ফেরেবী এক মগ খাড়া করে নিলেমী জমি কিনে নিয়েছে। দিযেছে হয়তো তাকে এক দলা আফিং কিংবা দ্দ' বোতল বিলিতি জল— তাতেই নাম ভাড়া দিয়েছে স্বচ্ছন্দে। নাম চলছে হয়তো নাথদু মগ, ধান উঠছে মকিমালির খেলনে। এমনি আছে আরো একজন ফেরেবাজ। হরিশচন্দ্র কাউর। মগেরা গোপনে তাদের বর্গাদার হয়ে থাকে এই তাদের মতলোব। শদুধু দেখাক মাঠের উপরে তারা, আর খাটের উপর হরিশচন্দ্র আর মকিমালি।

এমনি করে জমি একবার বেরিয়ে গেছে হাতের থেকে আবার চাজা তা • নিয়ে এসেছে কবজায়। আগের পরিবার তার বদুদার ছিল। নৌকো বাইত মাছ ধরত লাকড়ি ফাড়ত তাঁত বদুনত। নিজে খেটে খাটাত চাজাকে। ভুই রুইত পর্যন্ত। জমি যখন পাতলা হয়ে আসত, বন্ধ করে দিত আফিং, কমিয়ে দিত মদের মাত্রা, জুয়ার আড্ডায় না পাঠিয়ে পাঠিয়ে দিত— ঠাকুরবাড়ি—ঠাকুর-বাড়ি মানে “ফাবাতারার” ঘরে। সৎ পথে থাকলেই “বদুধু মানদু” দয়া করে, হাতে পয়সা হয়। হাতে পয়সা হলে জমি হতে কতক্ষণ। আর জমি যদি পাই তবে রাজস্বের আর বাকি কি!

এমনি করে তেরো-চৌদ্দ বছর গেছে একে-একে। অনেক হাকিম বদল হল কিন্তু খাজনা আদায়ী জুতোর বদল নেই। নাল বসিয়ে তলা মজবুত করা হয়েছে, এখানে-ওখানে পড়েছে কটা তালির প্রহসন। চলেছে সেই পিটুনির রেওয়াজ। আফিং-মদের বিনিময়ে বেনামীতে জমি ফুসলানো।

এক জনই শদুধু নেই। চাজার পরিবার, পঞ্চমার মা। খাটনির তুলনায়

খাওয়া না পেয়ে হলদে রোগে ধরল। হলদে থেকে শাদা হয়ে গেল আস্তে-আস্তে।

প্রথম-প্রথম অতটা কষ্ট হয়নি চাজার। মরল বলেই তারাও-মগের তালাকী পরিবারকে, মণ্ডিনকে, নিকে করতে পেল। তারাও-মগের জেনানাকে দেখে যে না বলতে পারে সে মরদ জন্মায়নি মগের এলেকায়।

‘তারাও তোমাকে তাড়াল কেন?’

‘একটু রং-ঢং বেশি তো আমার। তাই সন্দেহ করলে মিছিমিছি—’

যাকে সন্দেহ করা যায় অথচ প্রমাণ পাওয়া যায় না—চাজার মনে হল তার মধ্যে নতুন রকমের স্বাদ। তার সঙ্গে বসে মদ খাওয়ায় নতুন রকম আনন্দ! নতুন রকম আলস্য!

এবার যখন চাজারকে বাকি-বকেয়ার তাগাদায় কাছারিতে ধরে নিয়ে এল, তখন, আশ্চর্য, সে কাঁদলে। মনে-মনে কাঁদলে। কাঁদলে পঞ্চমার মা’র জন্যে। পিঠে যখন জুতো পড়ল মনে হল বৃকের উপর মারলে। মনে হল, জমি নিলেম হয়ে যাবার পর আবার নতুন জমি ধরবার আর তার শক্তি নেই।

পঞ্চমার মা মরেছে, কিন্তু পঞ্চমা আছে। পঞ্চমা ফিরিয়ে দিতে পারে অবস্থা। কিছু খাটা-খাটনি করতে হবে না তার, শুধু একটি শাসিলো দেখে বর বাছতে হবে। এমন বর যার ধানের মরাইয়ে হাত ঢোকাতে পারে সহজে। সম্পত্তিতে ভাগ নিতে পারে আট আনা।

যদি বাকি এ আধকানি জমিটাও যায় তা হলে চাজারকে গাব্দুর খাটতে হবে। পরের জমিতে কিরযানি। খাই-খোরাকিতে হালিয়া।

আর বউ?

বউ নয় তো নাই-দিনের কুটুম। মদ জুটবে না তো মনও উঠবে না। যে লবণ-ভাত খেয়ে গেছে সেই ছিল বউ—পঞ্চমার মা। পঞ্চমা তার মেয়ে হয়ে কেন এমন দিকদারি করছে! কেন বুঝছে না বাপের অবস্থা!

ও পঞ্চমা, মদুখ তুলে চা, বেপারীর পসরা তোর ঘাটের দরজায়। বুঝে নে তোর জায়-জিনিস।

পঞ্চমার চোখ বাজে সওদার দিকে।

তালতলির ভাঙা হাটে দু’জনের দেখা— পঞ্চমার আর রূপার।

খানিকক্ষণ এদিক-ওদিক করে পঞ্চমা বললে, ‘পালাব।’

‘পালাবে?’ রূপার ভাসা-ভাসা চোখ উলসে উঠল : ‘তা হলে এই নিয়ে হবে তিন বার।’

বাইশতালির ঘাটে দ্দু’জনে দ্দু’ রাস্তা দিয়ে এসে হাজির হল। চোখের পলকে কথা, চোখের পলকে মন-জানাজানি। কথার পিঠে কথা লাগে না, না লাগে সল্লা-পরামর্শ— একটু মাত্র চোখের চাউনিতেই ম্লুস্ত আকাশের সংবাদ।

‘যদি এবার ধরা পড়ি?’ ভয়ে-ভয়ে বলল পণ্ডমা।

‘তা হলে কোপ এবার পিঠে না পড়ে ঘাড়ে পড়বে।’ হাসল রূপা : ‘তবু তিনবার তো হবে! আর একবার হলেই তুই আমার বউ। আমার ঘরে-ওঠা পাকা ঘাঁটি—’

কেমন ভয়-ভয় করেছে পণ্ডমার। কেবলই মনে হচ্ছে, ধরা পড়ে যাবে!

বা, ধরা তো পড়বই। ধরা তো পড়তেই হবে। ধরা না পড়লে লোকে বুঝবে কি করে যে, দ্দু’জনে পালিয়েছিলাম একসঙ্গে। ধরা পড়াই তো আমাদের জিৎ। আমাদের টেক্কা।

তবে বেশি দূর না ঘুরে পাশের ঘাটে গিয়েই ধরা দিই। ডাকাডাকি করে লোক জানাই। জড়ো করি হাট-ঘাটের মানুষদের। বলবে, কে যায় রে নৌকোয়? চাজা মগের মেয়ে পণ্ডমা আর ফাওনা মগের ছেলে রূপা নয়? আবার কে! পালিয়ে যাচ্ছে বুঝি সমাজের চোখে ধুলো দিয়ে? কেলেক্কারির কারসাজিতে? ধর ধর দ্দুটোকে। হাসতে-হাসতে ধরা দেব আমরা। আমাদের অন্তরে কুট-কপট নেই। চিরকালের জন্যে ধরা পড়তে চাই বলেই ধরা দিতে চাই।

তোমার আজ দিক ভুল হয়ে যাচ্ছে, পণ্ডমা। এক রাতি একসঙ্গে বাস না করলে পালানো হয় কি করে? দ্দু’জনে নৌকোয় করে একসঙ্গে একলা একটু বেড়ালুম, তাকে কি আর পালানো বলে? তাকে বলে হাওয়া-খাওয়া। এক রাতি ঘর আর পাড়া থেকে একসঙ্গে গরহাজির থাকতে পারলেই পালানোটা সিদ্ধ হল— ভুলে গেলে তুমি? একসঙ্গে এক রাতি— আর তা পাড়ার বাইরে। পাড়ার বাইরে মানেই গাঁয়ের বাইরে। মগেদের এক পাড়াতেই এক গাঁ। মগেদের গাঁ নেই— পাড়া। এক চাপে এক বসতি— খালের পাড়ে। আর যা খাল তাই নদী, এপার ওপার দেখা যায় না— আর বাকিটা ধান খেত, ঢালা ধান খেত। আর উই দূরে আরেক বসতি— আরেক পাড়া।

প্রথম দ্দু’বাবের কথা মনে আছে বৈ কি পণ্ডমার। দ্দু’-দ্দু’বাইর পাড়ার বাইরে রাত কাটিয়েছিল তারা। প্রথম বারটা তো কাটিয়েছিল এক অঘোর

জঙ্গলে। কোথা দিয়ে যে কোথায় চলে এসেছিল কিছুই খেয়াল করতে পারেনি। অসম্ভব শীত ছিল সেবার। কাঠ-পাতা জড়ো করে আগুন করেছিল রাতভোর। শূদ্ধ শীতের ভয়ে নয়, বাঘের ভয়েও। সর্বক্ষণ ভয় থাকলে কি ভালো লাগে? এ তো আগুনে বন পোড়ানো নয়, মন পোড়ানো। একবার মূখ ফুটে বলেছিল পঞ্চমা, আর কত আগুন পোয়াবো? ঘুম পায় না বৃষ্টি?

‘বেশ তো, ঘুমোও না। আমি জেগে পাহারা দেব সারা রাত।’ চোখে একটু হাসির ঝিলিক দিয়েছিল রূপা : ‘বাঘকে ভয় হ’তে পারে, কিন্তু আমাকে তো তোমার ভয় নেই।’

‘ঠান্ডা মাটিতে বৃষ্টি শোয়া যায়?’

ফাঁপানো খোঁপায় একটু হাত বুলিয়ে দিয়েছিল রূপা : ‘তোকে বৃকে জড়িয়ে রাত কাটাবার দিন এখনো আসে নি। ধৈর্য ধরো, স্মরণ করো ‘বৃদ্ধ মনু’কে। ভেবে দেখ, আমাদের কত বড় পরীক্ষা। এমনিতে যদি বাপের মত থাকত, কিংবা যদি তুমি কুড়ি-বছরের হতে, তা হলে তো জল-ভাত ছিল। কিন্তু আমাদের তো বিয়ে নয়, আমাদের ভালবাসা। আমাদের আরো কঠিন নিয়ম। আগুনের কাছে আরো সরে এস। ভয় কি, আগুনই আমাদের রক্ষা করবে।’

শ্বিতীয় বার ছিল অঘোর বৃষ্টি। থমথমে কালো রাত, বৃষ্টি হচ্ছে ঝমঝম করে। সেদিন নৌকো ছিল এক গাছের এক কোশ এবারের মত ছইতোলা ডিঙি নৌকো নয়। সাধ্য ছিল না জলের থেকে আত্মরক্ষা করে। ফাঁড়ির মূখে শর-বনের মধ্যে নৌকোটা ঢুকিয়ে রেখেছিল সারা রাত। ভিজ্ঞে একশা হয়ে গিয়েছিল। দাঁতে দাঁত লাগিয়ে কেঁপেছিল হি-হি করে। তবু মনে-মনে তারিফ করেছিল বৃষ্টিকে। বৃষ্টিই বাঁচিয়ে দিয়েছে তাদের।

যতই এগুচ্ছে ততই কঠিন হচ্ছে পরীক্ষা। তাই এবারে, তিন বারের বার, ফির্নিফনে জ্যোৎস্না উঠছে। আর, নৌকোও জুটেছে কোশ নয়, দস্তুরমত টম্পর-দেওয়া ডিঙি নৌকো। শান্ত নদীর উপর দিয়ে হেলে-দুলে বেয়ে চলেছে।

নিশ্চুতি রাত জ্যোৎস্নায় খাঁ খাঁ করছে। শূদ্ধ নদীর কলকল। কোথায় বৃদ্ধদের মাটি ভেঙে পড়ার আওয়াজ।

আজ রাতে তাদের কিসের ভয়? বাঘের, না, ঝড়ের? না, উদ্যত ছেনির?

না, এই জলের উপরকার স্তম্ভতার?

‘তোমার পিঠের ঘা কেমন আছে?’

‘সেরে গেছে। বেশি বসাতে পারেনি। নেশার হাতে জোর কই?’

‘শহরের হাসপাতালে গিয়েছিলে?’

‘কি হবে হাসপাতালে গিয়ে? ওখানে গেলেই পদলিশের খপ্পরে পড়ব। পদলিশ আর পিঠের ঘা শুকোতে দেবে না—’

এমনি যত আজ-বাজে কথা।

হঠাৎ হাই তুলে আড়মোড়া ভাঙল পণ্ডমা। বললে, ‘মদলুক-ছাড়া এমন জায়গা নেই যেখানে দুজনে চলে যেতে পারি এক জোয়ারে? এ নদী কি টানা পথে চলে না, না কেবলই একে-বেঁকে ঘুরে-ঘুরে মগ-পাড়াতেই ফিরে আসে?’

মগ-পাড়াতেই ফিরে আসে। মগের মদলুক ছাড়া আর কোথায় বাস্তব্য করবে? কলকাতায় কি থাকতে পারি আমরা? না, আর কোনো শহরে? যাই আমাদের আইন-কানুন হোক, যাই আমাদের বিধি-ব্যাপার, আমাদের মদলুক আমাদেরই রাজস্ব। হয় এ-পাড়া নয় ও-পাড়া। যেমন মনের মানুষ চাই তেমনি আবার চাই দলের মানুষ।

‘কত রাত হল এখন?’ চোখ বৃজে আরেকটা হাই তুলল পণ্ডমা।

‘মাঝ রাত।’ ঝোপঝাড় দেখে পাড়ে নৌকো লাগাল রূপা। বললে, ‘ঘুম পাচ্ছে? হাল ছেড়ে দাও এবার। ঘুমোও।’

‘ঘুম পাচ্ছে না।’ পণ্ডমার কথা অভিমানে ভরা।

‘তবে বাইব আরো নৌকো?’

‘না।’

‘তবে?’

‘এবার তোমাকে ধরা দেব—’

এক মদহৃত স্তম্ভ হয়ে রইল রূপা। বললে, ‘না। এখনো আরো এক কিস্তি বাকি আছে। যা নিয়ম তাই মানতে হবে। নিয়ম না মানলে শান্তি নেই। সকলের চেয়ে দামী হচ্ছে শান্তি—’

কবে সেই শেষ কিস্তি আসবে কে জানে? নিয়মের না আছে মাথা, না আছে মদু। পরের রাত কবে আসবে তাই ভেবে আজকের এই রাত উড়িয়ে দিতে হবে? না দিলে কি হয়? কে জানতে আসছে?

‘বদম্ভ মানু’ সব জানছেন। সব দেখছেন। হিসাব রাখছেন।

‘ঘুম যদি না পায়, তবে নাও বিড়ি খাও।’ পিরানের পকেট থেকে রূপা

গোলপাতার বিড়ি আর দেশলাই বের করে দিল। বললে, ‘ফারাতারার দয়ায় রাত দেখতে দেখতে কেটে যাবে।’

দেখতে দেখতে কাটল না। দূ-দূটো ছিপ নৌকো ছিপ-ছিপ করে দাঁড় ফেলে দূর্দিক থেকে ঘিরে ফেলল তাদের।

একটা শোরা সদাঁরের ছিপ, আরেকটা চাজার। সঙ্গে কতগুলো মর্দ-মাতস্বর।

‘এবার আমি মেয়েটাকেই কেটে ফেলব।’ হামলে উঠল চাজা। ‘চিড়ে করবার জন্যে নয়। ধান কিনতে হাটে পাঠিয়েছিলাম— সেই ফাঁকে—’

ছেনি সঙ্গে হানতে দেয়নি শোরা। মাঝে পড়ে নিরস্ত করলে চাজাকে। বললে, ‘উঃ, মারবি কেন? পালানোটা ভেসে দিলি, তাইতেই তো কাজ হল।’

পরে রূপাকে শাসন করলে। ‘এত হন্যে হওয়া কেন? আর দেড়-দুই বছর অপেক্ষা করতে পারিস না?’

মাথা হেঁট করল রূপা। যেন ওদের কাছে নয়, নিজের কাছে পরাজয়ে। সত্যি, এত সংঘম দেখাতে পারে সে। আর এটুকু পারে না? ঘন হয়ে কাছে বসে স্থির থাকতে পারে, আর ফারাক হয়ে দূরে বসে স্থির থাকতে পারে না? সান্নিধ্যে শান্তি আর অদর্শনে উৎকণ্ঠা?

আর, দেড় কি দু’বছর! এইটুকু সময় একটু ধৈর্য ধরে থাকতে পারলেই তো সর্বসিদ্ধি। সত্যিই তো! এত সময়, আর এটুকু সহিবে না?

ওদের সঙ্গে সঙ্গে সময়কেও তার শত্রু মনে হয়। মনে হয়, যত শিগগির পৌঁছানো যায় মন্দিরে। পঞ্চমার কথা মনে হলে সময়ের আর দিশপাশ থাকে না। মনে হয়, আর কাউকে নয়, এই সময়কেই জয় করি। এই সময়কে জয় করবার জন্যেই ফারাতারা বেরিয়েছিল ঘর ছেড়ে।

বাইশতলির মোড়ে এসে পথ ছাড়াছাড়ি হয়ে গেল।

ডাকবাংলো ঘুরে যে রাস্তা সেই পথ ধরলে চাজা। পঞ্চমার বাঁ-হাত মূঠ করে চেপে ধরা ডান হাতে।

‘ছেনি সঙ্গে নিতে দেয়নি শোরা সদাঁর। কিন্তু বাড়িতে আছে। কাটা-কোটা সব এই ছেনিতে। এই ছেনি দিয়েই আজ কাটব তোকে বাড়িতে গিয়ে। আজ মদ খাওয়া নেই যে, হাত পিছলে যাবে। কেটে পড়ে রাখব তোকে মাটির তলায়। কুমিরের মুখে ধরে দিয়ে আসব নদীতে।’

পঞ্চমার মুখে রা-শব্দ নেই। কোন সনের কোন তারিখে তার জন্ম, বাপের

শোনা কথায় তারই হিসেব করে মনে-মনে। মা নেই যে মনের দঃখটা বদ্বাবে। জন্মের তারিখটা ঠেলে পেছিয়ে দেবে এক কথায়।

‘তোকে নিয়ে আমার প্রচণ্ড কলঙ্ক! জাত-জ্ঞাতের মজলিশে মুখ দেখানো অসম্ভব। তোকে আমি আর বাড়িতে তুলবো না, দেব না খেতে-পরতে। তাই বলে ওই শূর্য্যোব মৃখোটীর সঙ্গে বেরিয়ে যেতে দেব ভাবিছস? কখনো না। তোকে আমি কেটে কুচি-কুচি করে ফেলব। যে মেয়ে সংসারের সদস্যের আসে না, তাকে দিয়ে কী কাজ?’

কতদূর যেতেই মারফৎ সেখের সঙ্গে দেখা। মারফৎ সেখ ডাকবাংলার চৌকিদার।

কিন্তু অমন গোঁজ হয়ে বসে আছে কেন গাছতলায়?

‘কি মিয়া, বইয়া আছে ক্যান?’

মুসলমানদের বাঙালি বলে মগেরা। এই বাঙালিদের প্রতিবেশিতায় বাস করে-করেই কিছু কিছু শিখেছে ভাঙা বাংলা।

মুখ তুলে তাকাল মারফৎ। চাঁদের বাসরে এ সে দেখছে কি চোখের কাছে? এ যে হুঁরকুমারী।

‘কাঁদিয়ে না কি? এত রাতে বাইরে আসিছে ক্যান? কী অইছে?’

চৌকিদার সংক্ষেপে বললে তার বিবরণ। তাকে চাকরি থেকে বরখাস্ত করে দেওয়া হয়েছে। তাড়িয়ে দেওয়া হয়েছে ঘর থেকে।

এই মাঝরাতে? কেমন খটকা লাগল চাজার। অপরাধ?

অপরাধ সাংঘাতিক। জেলাব লালমুখো বড় কতী এসেছে। উঠেছে ডাকবাংলায়। দুপূর্বে শিকার কবেছে পাখি-পাখাল, এখন মাঝ রাতে তার অন্য বকম শিকার চাই। সম্ভব হতেই লাল জল খাচ্ছে বোতলে-বোতলে। এখন একেবারে লেলিয়ে উঠেছে। বলছে, যদি না আনতে পারিস গুলি করব।

এখানে এ সব মিলবে কোথা? যারা এখানে এ-মর্মে আসে তারা নিয়ে আসে খুশিমত। এখানে যা দু’-একটা আছে ইধার-উধার তারা আঘাটের মড়া। এমনিতে গুলি করে মারবে, আর ও এনে সামনে ধরলে মারবে কুপিয়ে-কুপিয়ে।

‘কয় কি, মগনি চাই। আমি এত বড় করিয়া জিব্ভা কাড়ি। তোবা করি। কই, মগেগো মদ্যে এমুন বেচাল নাই। হ্যা গো মাতারিরা যদি এদিক-সেদিক কাণ্ডও কিছু করে সমাজের বাইর অইয়া যায় না বিয়া পায়। তাও নিজেগো মদ্যে কাণ্ড— এমুন অচরিত কাণ্ড নয়—’

কে শোনো কার কথা! বলে বারো জংগল তেরো ভুই খুঁজে আনো।
নইলে খুলি উড়িয়ে দেব। ষাঁও, রাত বারোটা পর্যন্ত তামাদি।

‘আমারো বারোটা বাজল। কই পাম্‌ কও? পান লইয়াই বইয়া থাকো
ছায়েব, ভাঙে চুন নাই। কইতে গেছি অপারগের কথা, বন্দকের ডগা দিয়া
না মারিয়া কুন্দা দিয়া মারছে। একই অবস্থা আমার— খুলিটা আর আস্তা
নাই। বাড়ির থিক্যা বাইর করিয়া দিছে। চাকরিডা শ্যাম করছে এক কলমে—’

হঠাৎ গলা নামাল চাজা—খাদ্য-খরচ কত?

লাফিয়ে উঠল মারফৎ। তেমন জিনিস হলে ইনাম-- সে একটা প্রকান্ড
টাকা। কানে-কানে বলল মারফৎ। দালাদালির ভাগ নেবে না সে। তার
চাকরিটি বজায় থাকে, এই তার যথেষ্ট দালালি।

ফারাক হয়ে দূরে দাঁড়িয়ে আছে পঞ্চমা। চাজা একবার তাকালো তার
দিকে। এই অলপ্পেয়ে অলক্ষ্যই মেয়ে দিয়ে তার কি হবে? এক পয়সার
সাশ্রয় করতে পারল না! শুধু উড়নচড়ে হয়ে ঘুরে বেড়ানো।

এমনিতেও খাস্ত, অমনিতেও খাস্ত। তবে মিছিমিছি শস্যায় বিকোনো
কেন?

চাজা রাজি হয়ে গেল।

ভাঁওতা দিয়ে পঞ্চমাকে নিয়ে আসা হল ডাকবাংলায়। কঠিন একটা কিছ্র
শাস্তি তাকে নিতে হবে, এমনি একটা কিছ্র আঁচ করেছিল সে। পাকা-পোস্ত
কোনো ঘরে চিরকালের জন্যে আটকে রাখবে হয়তো। হয়তো কুড়ি পেরোবার
আগে আর ছাড়া পাবে না।

কিন্তু এমন ভীষণ একটা কিছ্র হবে, এ সে কল্পনাও করতে পারেনি।
এর চেয়ে জ্যান্ত বাঘের মুখে ফেলে দেওয়া ভালো ছিল। ঢের ভালো ছিল
খন্ডখন্ড করে কেটে ফেলা।

এমন কান্ড সাহেব পর্যন্ত আন্দাজ করতে পারেনি।

প্রাণপণ শক্তিতে চীৎকার করে উঠল পঞ্চমা। কিন্তু অত দূরে, বসতির
বাইরে নির্জন নদীর নিরালায় কে শোনে সেই আত্ননাদ?

কিন্তু কান খাড়া করে চাজা তো একবার শুনল।

ধমকে উঠল মারফৎ সেখ : ‘তুই আর দাঁড়াচ্ছিস কেন? মূঠ ভরে টাকা
পেয়েছিস, একটা বোতল পেয়েছিস আস্ত, সটান বাড়ি চলে যা। ফজরে
পাঠিয়ে দেব মেয়েকে।’

সেই রাত কখন পোহালো খোঁজ রাখেনি চাজা।

পঞ্চমা আর বাড়ি ফিরতে পেল না। লঞ্চে করে সাহেব তাকে নিয়ে এল সদরে। সেখানে লুপ্ত ছাড়িয়ে ফ্রক পরালে, জুতো পরালে—এমন এক পিঠ সোনার চুল—তাও ছাঁটালে ঘাড় ঘেঁসিয়ে। মেমসাহেব বানালে। অবশেষে চালান করে দিলে কলকাতায়।

আর এই কলকাতায়, ওয়েলেসলির ওদিকে, একটা কুচ্ছিত গলিতে গুমসা বাড়ির মধ্যে সতীশ কাউরের সঙ্গে তার দেখা হল।

সতীশ তালাপাড়ার হরিশ কাউরের ছেলে। মগপাড়ার বন্দরে নতুন মনিহারী দোকান দিয়েছে, তাই সওদায় এসেছিল কলকাতায়। উঠতি বড়লোক হয়েছে, তাই এখন ওড়বার সখ। একটু না বখলে যেন বড়লোকির মানে হয় না। আর বড়লোকটাও বেশ উঁচু জাতের। দেশী জিনিসে মন ওঠে না, তাই বিলিতির খোঁজে এসেছে এ-পাড়ায়।

ঠিক ষোল আনা হবে না। ছ-সাত আনা হতে পারে।

কি, ট্যাস ফিরিঙ্গি?

না, বর্মী।

মন্দ কি, মনে-মনে হিসেব করল সতীশ। যা নতুন না-জানা তাই ষোল আনা।

ঘরে ঢুকেই সতীশ বললে, ‘তুমি তো বর্মী নও, তুমি মগনি। তাই না?’

পঞ্চমা হাসল করুণ করে। বললে, ‘উঃ, কেমন করিয়া বদ্বাছে!’

আহা, সেই মগী বাংলায় টান! সেই অপব্রুপ মিঠানি! বদ্বকের ভিতরটা আনচান করে উঠল সতীশের। হাত বাড়িয়ে হাত ধরল পঞ্চমার। ‘আরে, তুমি যে দেখি আমাগো দেশদেশী মানদ্ব। কও এখানে আইলা কেমনে?’

‘সেই কস্তের কথা হুনলে তোমরা কাঁদিবে।’ দ্বুচোখ ছাপিয়ে জল গড়িয়ে পড়ল পঞ্চমার। যেন কত কালের চিন-পরিচয়ের লোক এমনি ভাবে অকপটে বলতে লাগল তার দ্বুখের কথা, তার অপমানের কাহিনী—

আর সেই ভাঙা-ভাঙা মগী বাংলায় চোখের সামনে ভেসে উঠল সেই মেঘলা আকাশ, ফণা-তোলা নদী, ঢেউ-থেলানো অটেল ধানখেত।

ব্যাপসা গল্প-কথা যা শুনিয়েছিল সতীশ, তাই এখন এই ঘরের দেয়ালে স্পষ্ট অক্ষরে লিপিবদ্ধ ইতিহাস!

যে মেয়েকে নিয়ে সমস্ত মগ-মল্লুকে কলঙ্কের আগুন জ্বলোচ্ছিল সেই এখন একটি মলিন বাতি হয়ে গিঁট-গিঁট করছে!

হঠাৎ সতীশ পঞ্চমার দুই হাত আঁকড়ে ধরল : ‘এই ইট-ইমারতের দেশ ছাড়িয়া যাইবা সেই নিজের দ্যাশে?’

পঞ্চমা হাসল।

ছিলাম রাজকন্যা এখন হয়েছি জলার পেঙ্গি, আমাকে কে জায়গা দেবে?

‘আমি জায়গা দিচ্ছি। আমার লগে থাকবা—’

পঞ্চমা মাথা হেঁট করে রইল।

কিন্তু এমন কীর্তি করতে পারলে কত উঁচু মাথা সতীশের! কত নাম-ডাক! কত বড় কেরামতি! জেলার ইংরেজ কলেঙ্কর থাকে এক দিন গুম্ব করোঁছিল তাকে সে উদ্ধার করে এনেছে! উদ্ধার করে এনেছে তার নিজের দেশে, নিজের এলেকায়। আর কেউ জায়গা দেবে না, সে দেবে। রাখবে তার নিটুট হেপাজতে। থাকবে বুক ফুলিয়ে, ডঙ্কা মেরে।

কত বড় সুনাম! দুর্নামের সুনাম! দুর্নাম না হলে বড়লোক হবার মাহাত্ম্য কি!

‘কি, কথা কও না দেখি। ডর করে না কি আমরা?’

না, পঞ্চমার আবার ভয়-ডর কি। সে বাঘের সঙ্গে লড়েছে, কালকেউটেদের সঙ্গে। মানুষের কোনো বিশ্বাসঘাতকতায়ই তার আর ভয় নেই।

‘তবে? নিজের দ্যাশে ফিরতে সাধ হয় না?’

আখাল-পাখাল করে। এত দিন কেউই শোনায়নি তাকে তার দেশের কথা। তার যে একটা গত জীবন ছিল তার আনন্দের কথা। সেই স্নাতো ধরে আবার কি তার সেই আশার রাজ্যে স্বপ্নের রাজ্যে ফিরে যেতে পারে? তা কি সম্ভব?

টলটলে ভাসা-ভাসা চোখ তুলে তাকাল পঞ্চমা। বললে, ‘আমরা লইতে মনা আছে?’

কি বলো! মন নেই তো তোমার কাছে এসেছি কেন? কেন বসে আছি এতক্ষণ?

‘আমরা বিয়া লইবে তোমরা?’

এ আর বেশি কথা কি! এ তো আরো জমকালো হবে! একসঙ্গে থাকতে পারব, আর ঐ একটা ঘটা করতে পারব না? বরং ঐ ঘটাটা হলেই তো ঘটনাটা আরো চমকদার হবে।

‘করম্ বিয়া করম্ তোমায়ে।’

বিয়ের নামে গলে গেল পণ্ডমা। বৃকটভরে উঠল। কত দিন থেকেই তার একটা বিয়ে পাওয়ার সাধ। কতদিন থেকে!

বিদেশীর হাতে তার জাত ভেঙেছে। কোনো মগের সঙ্গে আর তার এলাকা চলবে না। এখন যদি আর কেউ বিদেশী তাকে আশ্রয় দেয়, তবেই সে ছাড়া পায় এ দেশ থেকে।

সতীশ বিদেশী কোথায়? এক ভাষায় কথা বলে তারা। থাকে পাশাপাশি গাঁ-গেরামে। হাল-চাল সব জানাশোনার মধ্যে। ও তো বান্ধব!

এক দিনেই তো আর বিশ্বাস হয় না! ঘন ঘন যাওয়া-আসা করতে লাগল সতীশ।

‘এত আওন-যাওনে কাম কি! আজিকারিই লইয়া চল।’

পোশাক পালটাল পণ্ডমা। ফ্রক ছেড়ে লুঙ্গি পরেছিল ফের, এবার লুঙ্গি ছেড়ে শাড়ি পরলে। কপালে-মাথায় সিঁদুর দিলে। পায়ে আলতা।

‘আমরা তো আর তোমাগো দ্যাশের বাঙালী না। আমরা হিন্দু। আমাগো সিঁদুর পরলেই বিয়া।’

‘হে আমরা জানিছে—’ আহ্লাদ আর ধরে না পণ্ডমার।

পতিত ছিল এক নিমিষে হাসিল হয়ে উঠল।

ফিরে চলল দক্ষিণের চরে। তার নতুন সংসারে।

যে বন্দরে সতীশের মনিহারী দোকান সেই বন্দরে সে আলাদা ঘর ভাড়া নিলে। চার চৌহিন্দির বেড়া উঁচু করে তুলে দিলে। মেরামত করালে ফাঁক-ফোকর। অন্দরের বউ করে রাখল পণ্ডমাকে।

চার দিকে ডামাডোল পড়ে গেল। সেই পণ্ডমা শহর ঘুরে সরম খুঁইয়ে বউ সেজেছে।

মগ-পাড়ার মাতাম্বররা ফরমান ঝাড়ল যদি কোনো পাড়ায় এসে সে ঢোকে তবে তাকে ‘দাওয়া দিয়া কাটা করিব।’

তবু হাটে-ঘাটে এদিক-ওদিক সবাই উৎকিঝুঁকি মারে—যদি একটি বার দেখতে পায় পণ্ডমাকে। কেমন তার দশা হয়েছে দেখি। বিবি থেকে বউ হলে তাকে কেমন দেখায়!

কিন্তু, সুদীর্ঘ তার মদুখ দেখে না, বাইরের মানদুখে দেখবে কি! ঘরের ছুঁতুলে বউয়ের মতই সে পর্দার জিম্মায় বন্দী আছে।

চাষাভুষোর মেয়েছেলে তবু কেউ আসে দ্দপদ্রে। বলে, আমাদের কি।
বিয়ে যখন হয়েছে বলছে, তখন এতো গেরস্থ-বাড়ি। গেরস্থ-বাড়িতে ঢুকতে
আপত্তি নেই। আলগা হয়ে বসে একটু স্নখ-দুঃখের গল্প বলা শুনু।

কিন্তু কি গল্প করবে! পণ্ডমার কিছু বলবারও নেই, জানবারও নেই।
একতরফা কতক্ষণ চোপা চালানো যায়!

না, বলবার কিছু না থাক, জানবার আছে। সেদিন অনুভব করল পণ্ডমা।
যেদিন, মগ-পাড়ার আর কোনো জননা নয় মণ্ডিন এল দেখা করতে।

‘রুপা কোথায় আছে? বিয়ে করেছে?’ সব কথা থুয়ে প্রথমে এই প্রশ্নই
জিগগেস করলে পণ্ডমা।

রুপা? না, বিয়ে-থা করেনি। ফুঙ্গি হয়েছে। ঠিক গেরদুয়া তো নয়,
হলদে নিয়েছে। আফিং খায় আর ও-পাড়ার ঠাকুরবাড়িতে পড়ে থাকে।

খাওয়া-দাওয়া চলে কোথায়?

যেমন চলে ঠাকুরবাড়িতে। ঠাকুরবাড়ির পাঠশালাতে ছেলে পড়াতে হয়
বৈ কি। তারা ফুঙ্গির জন্যে বাড়ি থেকে ভাত নিয়ে আসে। ছুটির দিন
কাঠের কোটো করে ভাত ভিক্ষে করে বেড়ায়।

ও সংসার ত্যাগ করলে কেন?

* কে জানে!

ঠাকুরবাড়ি খালি পেল কি করে? আগের ফুঙ্গির হল কি? মরেছে?

না। ফুঙ্গি ভেঙে সংসারী হয়েছে। মিলেছে না কি মনের মতন মাতারি।
হোক বুড়ি-ঝুড়ি, তবু মনের মতন!

কিন্তু তাই বলে তার জায়গায় ও বসতে গেল কেন? সংসারের স্নখ ওর
উঠে গেছে না কি? কেন এল ও এই কঠিন কষ্টের মধ্যে? ওর কিসের
অভাব? কিসের অশান্তি?

‘ওর কথা তোর কাছে কে বলতে এসেছে?’ মণ্ডিন বিরক্তিতে ঝাঁজিয়ে
উঠল। পরে আবার স্নেহের ভঙ্গীতে নরম হয়ে বলল, ‘শোন, আমি যার
জন্যে এসেছি,—’

তোর বাপ তোকে ডেকেছে। নিশ্চয়ই ঘরে নেবে বৈ কি। মেয়েকে ফেলবে
কোথায়?

তবে সেই ঘর-দুয়ার আর নেই।

‘কি হল?’ শুনকনো চোখে তাকিয়ে রইল পণ্ডমা।

দেনার দায়ে নিলেমে বিক্রি হয়ে গেছে। জোত-জমিটুকু আগেই গিয়েছিল—
এখন ঘর-দুয়ার গেল।

‘তোমরা তবে এখন আছ কোথায়?’

সেই কথাই তো তোকে বলতে এসেছি। তোর বাপ ডাক-বাংলার চৌকিদার
হয়েছে। এক রকম তোর জন্যেই হল। তোর আশাতেই হল। বরাবরই
বলে এসেছে, ফিরে আসবে পশুমা। বাপ-মায়ের টান না থাক, মাটির টান
থাকবেই—

দু’ কানে দুই আঙুল দিল পশুমা।

‘তুই আয়। বাপের উপর রাগ করতে নেই। এখন আর রাগের আছে
কি! চল, স্বাধীন মতো থাকবি। তোকে ছাড়া চলবে না। আমাদের কি
আর রূপ আছে, না বয়স আছে?’

এমন কুকথা মুখে এনো না। আমি এখন বিয়ে বসেছি। স্বামী পেয়েছি।
আমার ঘর-বাড়ি হয়েছে। যাও, নিজের পথ দেখ— আমার ঘরের মানুষ
এখন এসে পড়বে।

বলে ঘরে গিয়ে কপাট দিল পশুমা।

মিষ্টানু চলে গেলে আয়না নিয়ে বসল চুল বাঁধতে। সিঁথিতে মোটা করে
সিঁদুর দিলে। কপালে বসালে মস্ত এক ভাঁটা।

তার পরে ঘরের এক কোণে যে ছোট্ট একটু পুজার আসন বসিয়েছে তার
সামনে বসল সে শান্ত হয়ে। আর-আর দিন টিপ করে একটা প্রণাম করেই
সে উঠে পড়ত। আজ, কেন কে জানে চুপচাপ একটু বসল চোখ বৃজে।

সে যে নতুন স্থান পেয়েছে, নতুন ধর্ম, তাই মনে-প্রাণে প্রমাণিত করতে
সে ব্যস্ত।

সতীশকে বলেছিল, ঠাকুর নিয়ে আসতে হাট থেকে। সতীশ এক মাটির
শিবমূর্তি নিয়ে এসেছে। বেশ, নাদুস-নুদুস আত্মভোলা মূর্তি। বেশ শান্ত
সুস্থির মুখের ভাবটি। চেয়ে থাকতে-থাকতে প্রাণের ভিতরটা ঠান্ডা হয়ে
ওঠে। কিছু না-চাওয়ার না-পাওয়ার শান্তিতে ভরে যায়। মনে হয় এও
যা, ফারাতারাও তাই।

এক দিন তাই জিগগেস করলে সতীশকে : ‘উঃ, আমরা ফারাতারাকে
তোমরা মানিছে?’

সব মানি। আবার কিছুই মানি না।

‘না মানলে তোমাকে ঘরে আনলাম কেন? আর, যদি মানবই ষোল আনা—’

কোথাও শান্তি নেই।

যুদ্ধ বাধলো।

দিকে-বিদিকে সৈন্য বেরিয়ে পড়ল দলে-দলে। শহরে-গাঁয়ে, চরে-বন্দরে।
বাড়ি-দখলের হিড়িক পড়ে গেল।

বেশি পিড়াপিড়ি করতে পারে না, তবু আরেক বার মনে করিয়ে দিল
পশুমা। এবার একবার গেলে হত না শহরে? রেজিস্ট্রি অফিসে? কাজির
দরবারে?

তাই যাব আজ। রাত্রেই ইন্সটিমারে। তুমি সাজগোজ করে তৈরি হয়ে
থাকো।

সাজগোজ করে তৈরি হয়ে রইল পশুমা। ইন্সটিমারে ভেঁ দিল। তবু
সতীশের ফেরবার নাম নেই।

কি করে ফিরবে! বাড়ি-দখলের অর্ডার হয়ে গেছে আজ থেকে। দু’জন
অফিসরের থাকবার জায়গা হয়েছে এখানে। সতীশ শূদ্ধ শূন্য বাড়ির দখল
দেয়নি, মালামাল সহ দরবস্ত হক-হুকুকের দখল দিয়েছে।

বাড়ির দাম পরে মিলবে, অস্থাবরের দাম নিয়েছে আগুড়ি।

সেবার কেঁদেছিল ভয়ে, এবার কাঁদল দুঃখে। যন্ত্রণায়। প্রবণ্ডনায়।

মানুষের বিশ্বাসঘাতকতাকে আর ভয় করবে না এমনি স্পর্ধা করেছিল
পশুমা। কিন্তু মানুষের বিশ্বাসঘাতকতার কী চেহারা তা সে কম্পনা করতে
পারেনি।

ছাড়া পেলে শেষ রাতের দিকে। পিছনের দরজা খুলে পালাল আলগোছে।
কোথায় যে যাবে কিছুই জানে না। সামনে যে একটা ঝোপঝাড় পেল তার
মধ্যে গাঢ়াকা দিলে।

ভোর-ভোর রাতে রওনা হল সামনের পথ দিয়ে। একেবারে নাক-বরাবর।
যেখানে গিয়ে পৌঁছয়।

পৌঁছলো গিয়ে শোরাপাড়ার ঠাকুরবাড়িতে।

তখনো ভোর হয়নি স্পষ্ট হয়ে। পাখি-পাখালি ডাকতে সুরু করেনি।
দেখল, ঠাকুরবাড়ির মেঝের উপর অঘোরে ঘুমুচ্ছে রুপা।

পায়ের কাছে বসল পশুমা। শান্ত হয়ে বসল চুপ করে।

শরীরে অসহ্য ক্লান্তি, অসহ্য যন্ত্রণা— তবু মনে হ'ল আর দঃখ নেই, ভয় নেই— কিছু চেয়ে না-পাওয়ার দঃখ, কিছু পেয়ে হারানোর ভয়। যেন আর লাঞ্ছনা নেই, বঞ্চনা নেই। অন্তরে শূন্য নীরবতা আর নিবৃত্তি।

তাকাল একবার বুদ্ধমূর্তির দিকে। নীরবতা আর নিবৃত্তির দিকে।

কতক্ষণে ঘুম ভাঙবে না-জানি রূপার! ধৈর্য ধরে বসে রইল পশুমা। ঘুম ভাঙার প্রতীক্ষা করতে লাগল।

লোকজন আর নেই ঠাকুরবাড়িতে। এদিক-পানে সূর্যু হয়নি হাঁটা-চলা। সবখানে শূন্য ধৈর্য আর স্তম্ভতা। কতক্ষণে সূর্য উঠে পড়ে সমারোহে। কতক্ষণে ঘুম ভাঙে।

যদি আর একটু ধৈর্য ধরতে পারত পশুমা। যদি আর দেড়-দুই বছর! 'কুড়ি যদি পদ্রতে দিত! সেই তো এল ঠিক মন্দিরে, কিন্তু কী ভাবে কি হয়ে এল!

তাকাল আরেক বার ঠাকুরের দিকে। কত কাল ধরে বসে আছে ধৈর্য ধরে। সমাহিত হয়ে!

ঘুম ভাঙল রূপার! কিন্তু চোখের সামনে এ কে!

'আমি। পশুমা।'

'তা জানি। জানি, আমি যখন ঠাকুরঘরে এসেছি তখন তুমিও আসবে। আমাদের ঠাকুরঘর ছাড়া আর জায়গা নেই।'

ঝরঝর করে কৈঁদে ফেলল পশুমা।

'তোমার কুড়ি বছর এখন পেরিয়ে গেছে, না? সেই কুড়ির পরও আমাদের আবার দেখা হল।'

ফুঁপিয়ে উঠল পশুমা।

'এমনটা হল কেন জানো? ধৈর্য ধরতে পারিনি বলে। সংযম যদি বা ছিল, ধৈর্য ছিল না। কিন্তু তার জন্যে দঃখ কি? কাম্মা কিসের? এখনো ঢের সময় আছে ধৈর্য ধরবার।'

আমি এখানে থাকব। ঠাকুরঘরে— ঠাকুরঘরের দাসী হয়ে।

নইলে আর যাবে কোথায়? আমি ছাড়া আর কে তোমাকে রক্ষা করবে? ঠাকুরঘর ছাড়া আর কে দেবে তোমাকে অব্যাহতি?

'কিন্তু বলো, ঠাকুরঘরের দাসী নয়, ঠাকুরের দাসী।'

'ঠাকুরের দাসী।' আবৃত্তি করল পশুমা।

ঠাকুরই আরাম দেবেন, আরোগ্য দেবেন, নব জীবন দেবেন।

‘নব জীবন সত্যি চাও পশুমা?’ পরিপূর্ণ স্নেহে পশুমার মুখের দিকে তাকাল রূপা : ‘তবে বলো তো, ফুটিগ ভেঙে দিই? ফিরে যাই সংসারে। আজ আর আমাদের কে ঠেকায়, কে আটকায়।’

তেমনি প্রগাঢ় স্নেহেই দৃষ্টি প্রত্যর্পণ করল পশুমা। বললে, ‘না। আমাদের নব জীবন এই ঠাকুরঘরে। বুদ্ধদেবের পদতলে।’

ধরা বিয়ে

বরযাত্রী এসেছিলো ভক্ত। বঙ্কলালের বিয়েতে। কাজীপাড়ায়।

কাঁসি আর ঢাক, খোলা গ্যাস আর শামিয়ানা, ছেঁড়া পাতা নিয়ে লেড়িকুস্তার সঙ্গে পাতিকাকের ঝাটাপটি। মালসাতে টিকে-তামাক, সরাতে পান-চুন, কটরাতে চিকি-সুপদুরি। কলসী, মূঁচি, তিজেল, ধনুচী...

সব আবছা-আবছা। মনের মধ্যে এঁটে আছে শুধু সেই মেয়েটার নড়াচড়া। হেলা-দোলা। আঁচলু অসামাল করে ছুটে ছিটকে বোরিয়ে যাওয়া। কখনো ফরসিতে টান মারা, কখনো বা ডাবা-হুকোয় ছুঁচলো করে ঠোঁট রাখা। ধোঁয়া ছাড়া। ঘাসের মতো পান চিবোনো। শব্দ করে পিক ফেলা। বারে-বারে নিচেকার ঠোঁট উলটিয়ে দেখা। শাড়ির এখানে-ওখানে পানের ছোপ লাগানো। ফকড়, ছ্যাবলা মেয়ে। মনে লেগে আছে তার সেই পান-খাওয়া লাল দাঁতের হাসি, সেই ফিচকেমি।

তিন বারের চেষ্টায়। প্রথম বার বাস্‌ যেখানে দাঁড়ায়, সেখান থেকেই ফিরে গিয়েছিলো। দ্বিতীয় বার বাস্‌ যখন সোদপুর্ ঘুরে চলেছে মধ্যমগ্রামের দিকে, তখন। ব্যারাকপুর্ গ্রান্ড ট্রাঙ্ক রোড পর্যন্ত কলকাতা-কলকাতা মনে হয়েছে, কিন্তু যেই সোদপুর্য়ের ক্রসিং-লেভেল পেরিয়ে চলেছে মেঠো রাস্তায়, অমনি কেমন ধুকপুকিয়ে উঠেছে বুক। বাঁধকে। নেমে পড়েছে উজ্জ্বলকের মতো। কিন্তু এবার, তিন বারের বার, সে ঠিক চলে এসেছে উজ্জ্বল ঠেলে। এই কাজীপাড়া।

নেমে পড়ে মনে হয়, এসেছে কেন? কেমন ফাঁকা-ফাঁকা, নতুন-নতুন লাগে। অচেনা-অচেনা। সব ভুলে গেছে, কোথায় সেই পানের বরজ, সেই রামধন-চাঁপার গাছ। ভোলেনি শুধু সে চাঁপাগাছের টকটকে হলদে ফুল, ভোলেনি সেই পান-খাওয়া লাল দাঁতের হাসি।

যদি কোনো ফাঁকে দেখা হয়ে যায় সেই হাসির সঙ্গে।

আসা-যাওয়ায় বাসে-ট্রামে মোটমাট প্রায় তিন টাকা খরচ। কত খুঁটে-খুঁটে এই টাকাটা সে জমিয়েছে। কত চুরি-চামারি করে।

‘কত্তা’, কাকে সে ডাকে, ‘এই গায়ে তুমি থাকো?’

‘হাঁ, কেন?’

‘কী করো তুমি?’

‘জমিদারের তৈরিনীতি।’

‘চলেছ কোথায়?’

‘সুধন্য পালের বাড়ি চেন?’

‘চিনি বৈকি। সরাসর রাস্তা, চলে যাও সিধে। গৌসাই মন্ডল সারদা কুলে, পরেই সুধন্য পাল।’

ঠিক। সেই রামধনচাঁপার গাছ। দূরে সেই স্থলপশ্ম। শাদা ফুল লাল হয়ে এসেছে।

ঘরঘর করছে। ছোকছোক করছে। তাকাচ্ছে ইতিউতি। বাঁ-বাঁ করছে রোদ। ধারে-কাছে কোথাও একটুও ছায়া নেই।

কতক্ষণ দাঁড়িয়ে থাকা যায় ভূতের মতো?

সেই ছটফটে চুলবলে মেয়ে এতক্ষণ ধরে গা-ঢাকা দিয়ে থাকবে এই-ই বা কে ভাবতে পেরেছিলো? কেনই বা যে থাকবে না তার কোনো কারণ খুঁজে পাওয়া যায় না। বরং তাই তো স্বাভাবিক।

‘কে ওখানে?’

‘আমি।’

‘বাড়ি কোথায়?’

‘বড়শে—পশ্চিম-বড়শে।’

‘সে কোথায়?’

‘বেহালা-বড়শে।’

‘ও বাবা! তা এখানে কি?’ বাড়ির ভিতর থেকে কে-একটা লোক বেরিয়ে আসে।

‘বেড়াতে এসেছি।’

‘কার বাড়ি?’

‘বাড়ি নয় কারুর, এমনি।’

লোকটা তাকিয়ে থাকে তার মুখের দিকে। যেন ছাঁচে ফেলে হাতের আদরে গড়েছে সে মূখ। টানা চোখ, টিকলো নাক, টাটকা স্বাস্থ্য। বয়েস একুশ-বাইশের বেশি নয়। খালি পা, খাটো ধূতি, বুক-খোলা আধা-শাট।

‘নাম কী?’

‘ভক্তদাস পাল।’

পাল? হ্যাঁ কুমোর সে। বাপ-মা কেউ নেই, মামার আশ্রয়ে থাকে। মামার নাম উত্তম পাল। হ্যাঁ, চাক ঘুরোয় সে। তার ~~কিছু কিছু~~ ব্যবসা। মামার সে ডান হাত।

‘তুমিও চাক ঘুরোও?’

‘ঘুরোই বৈ কি। জাত-ব্যবসা।’

‘কী গড়ো?’

‘সব গড়ি। হাঁড়ি, কলসী, খুঁরি, গেলাস, প্রদীপ, কলকে—গাঁজার আর গড়গড়ার—তেলের বাটি। ছোপা হাঁড়ি, দোয়াত—সব। তা ছাড়া হাতের কাজ মেয়েরা করে—সরা, মালসা, হাঁড়ি-কলসীর তলা—চাবড়ার মাটি দিয়ে—’

বুকের রক্ত চনচন করে ওঠে। কিন্তু কে জানে মস্তবলে কথা জেনে নিয়ে চালাকি করছে কিনা। তাই খুঁটিয়ে-খুঁটিয়ে জিগগেস করে ভিতরের খবর, ছোটখাটো বিবরণ।

না, হটে না ভক্তদাস।

আল-ওয়ালা মেশেল! চারহাতওয়ালা চাকা। শিল্পিগাঁড়ির উপর বসানো। শিলের ত-র উপরে। পাকা আগা-বাঁশের লাঠি দিয়ে তৈরি চাক-নলি। চাকের মাথায় ছানা-মাটির মূঠম-হাত গাছ বসিয়ে থাবড়ে-থাবড়ে সমান করা। চাকের বিধেয় নলি ঢুকিয়ে বনবানিয়ে পাক খাওয়ানো। যাকে বলে নক্ষত্রবেগে ঘোরা। কাছেই পেনোর হাঁড়ি, আনিকানি সমান করবার জন্যে বাঁশের ফাঁপের উঁচো। আলগোছে কেটে নেবার জন্যে কলমের আগার মতো সুঁচলো চিমড়ি। সেই কেমন দৃই হাতে ভামুর করে আনা, কাঁকড়ামুঠো হয়ে কানা তৈরি করা। হাত লাগিয়েছ কি, অমনি দলাছলা হয়ে গেছে। তারপর—

হটে না ভক্তদাস।

সন্দেহ কি, কুমোর, কুমোরের ছেলে।

হঠাৎ জিগগেস করে লোকটা : ‘বিয়ে করবে?’

‘বিয়ে? কাকে?’ ভক্ত যেন মজা পায়।

‘আমার মেয়েকে।’

যেমন ঝাকড়-মাকড় চুল, পাগল ঠাওরায় ভক্ত। বলে, ‘তোমার মেয়েকে বিয়ে করবো কেন?’

‘টাকা দেব।’

‘তা, তোমরা কুমোর তো?’

‘কুমোর বৈ কি। আলমান গোল। তা, জাত-বাবসা ছেড়ে দিয়েছি।’

‘কী করো তবে?’

‘চাষ করি। বিলেন জমি আছে। বরজ আছে পানের।’

‘অনেক টাকা করেছ বন্ধি?’

‘তা মেয়ে বিয়ে দেবার মতো আছে কিছু মাধবের আশীর্বাদে।’

‘কিন্তু মেয়ে কেমন? কালো কটকটে নিশ্চয়ই?’

লোকটা হঠাৎ ডাক পাড়তে শব্দ করে : ‘দিব্য, ও দিব্য, ও দিব্য—’

ঘরের ছাঁচের নিচে দাঁড়ায় এসে একটি চোন্দ-পনেরো বছরের মেয়ে। দাঁড়িয়ে আছে যেন কাঁপছে, ফেটে পড়ছে। চুল খসা, শাড়ি বেগোছ। শব্দ মূখে লেগে আছে হাস আর দুই চোঁটের ফাঁকে পান-খাওয়া সেই লাল দাঁত।

ভক্তের বৃকের মধ্যে হামানদিস্তের ঘা পড়তে থাকে। যাকে চকিতে একটু চোখের দেখা দেখবার জন্যে চলে এসেছে বিরানা জায়গায়, তাকে শব্দ দেখে চলে যাওয়া নয়, বিয়ে করে গাঁটছড়া বেঁধে বাড়ি নিয়ে যাওয়া, এ যেন দেহে বসে কম্পনা করা যায় না। আজগুবি গাঁজাখুরি গল্পেও এমন কথা শোনেনি কেউ।

‘কেন বাবা?’ মেয়ে এগিয়ে আসে কয়েক পা।

‘এই আমার মেয়ে, দিব্যমণি।’

দিব্যমণি। চন্দ্র-তারার সামিল।

ভক্তের চোখ জড়িয়ে আসে। মূখোমুখি তাকাতে পারে না।

‘কে এই ছোঁড়াটা বাবা?’ গলা বাড়িয়ে চিবুক তুলে জিগগেস করে দিব্যমণি।

‘তুই যা বাড়ির ভেতর।’

‘বয়ে গেছে। আমি এখন দলুইদের টেস্কেলে ধান এলাতে যাচ্ছি।’ বলেই দে-ছুট।

ভক্তদাস গড় হয়ে প্রণাম করে সন্ধ্যাকে। মন্থ কাঁচুমাচু করে বলে, ‘আপনাকে আমি চিনতে পারিনি।’

‘কিন্তু আমি চিনতে পেরেছি গোড়াতেই। দেখেই মন ডাক দিয়ে উঠেছে এ একেবারে আপন হবার জন। কি, রাজি, বিয়ে করবে? পছন্দ হয়?’

চোখ নামিয়ে ডান পায়ের বড়ো আঙুলে ব্দরো মাটি খুঁটতে-খুঁটতে ভক্ত বলে, ‘আমি কী জানি?’

‘কে জানে?’

‘মামা জানে।’

তখন লোক চলে যায় পশ্চিম-বড়শে, রুয়েডাঙায়। উত্তম পালের বাড়ি। লোক যায় সুধন্যর ভাই সুশ্টিধর আর মান্দার কেনারাম দুয়ারী। সঙ্গে টাকা দিয়ে দেয় সুধন্য। রাহা-খরচ তো বটেই, দরকার হলে দাদন পর্যন্ত। যেমন করে হোক উত্তমকে যেন নিয়ে আসে ধরে। যেন মেয়ে দেখে যায়। যেমন করে হোক। ছাড়াছাড়ি নেই।

ভক্তকে আটকে রাখে। যেতে দেয় না। বলে, ‘আসুক তোমার মামা। লোক গেছে আনতে। তার মূখের হাঁ-না আদায় করে তবে অন্য কথা।’

নাক-বেঁধা পশুর মতোই নিজেকে মনে হয় ভক্ত। যা বলে তাই করে। গায়ে রগরগে করে তেল মেখে এঁধো পুকুরে স্নান করে। মাড় দিয়ে বাড়িতে-কাচা ফর্সা কাপড় পরে। খেতে বসে। জীবনে এত সব খাওয়া দূরে থাক, দেখেনি এক থালায়। ঝিঙেপোস্ত, বকফুলের বড়া, সরপুঁটির ঝাল, ঘুসো চিংড়ি দিয়ে কাঁচা আমড়ার টক। এক তিজেল পায়ের।

খাওয়ার পরে পান। ভেবেছিলো এবার অন্তত দিব্যমণিকে দেখা যাবে। কিন্তু কোথায় উধাও হয়েছে কে জানে।

দলিঙ্গঘরের মাচার উপরে শূতে হয় তারপর। ঘুমুতে। খিড়কি দিয়ে মেয়েরা মফস্বলে যায়। সেদিক পানে জানলা ঠা শূয়ে চেয়ে থাকে। কিন্তু দিব্যমণিকে দেখে না।

ভরাপেটের ঘুম। সন্ধের ঘাটে এসে ঠেকে। স্বপ্নের মতো মনে হয় এই সন্ধের আবছায়া।

কাটে রাত। নিজীব অন্ধকারে।

পর দিন পয়লা বাসেই চলে আসে উত্তম। সঙ্গে পাড়ার কাঙ্গাল বর আর বাসুদেব পাশ্চি। চলে আসে টাকার গন্ধে, আরো টাকার গন্ধে। চোখে দস্তকী দেনদারের স্বত ভয় তার চেয়ে বেশি কাটকবুল মহাজনের কাঠিন্য।

‘আসুন, আসুন, গরিবের কুঁড়েঘরে পায়ের ধূলো পড়েছে আপনার—’ সুধন্য আতিথেয় নৈতিয়ে পড়ে। কোথায় বসতে দেবে, কী খেতে দেবে—তার সব তালগোল পার্কিয়ে যায়।

আড়ে-ওড়ে কান পেতে থাকে ভক্ত। বিটকেল গোঁফে মামার মূখের চেহারাটা কেমন সদয় মনে হয় না।

‘এমনি আড়কাটির কাজ চলে নাকি আপনাদের এদিকে?’

‘তা যা বলেন! কিন্তু এমন ছেলে পেয়ে হাতছাড়া করতে মন ওঠে না। এমন চালাক-চ্যাস্ত ছেলে—’

‘কিন্তু মেয়ে আপনার শুনছি তো কাণামেঘ—’

‘তা একবার দেখুন না তাকে।’ বলেই সূদন্য ডাক দেয় দিব্যামণিকে।

দিব্যামণির পাক্তা নেই।

‘হলেই বা না মেয়ে আপনার ডানাকাটা পরী, তাতে কী? শুনছি মাটির কাজের পাটই আপনাদের লোপাট হয়ে গেছে। তবে ঐ মেয়ে নিয়ে আমার লাভ কী? না পারবে মাটি হাতিয়ে কাঁকর বাছতে, না বা লাথিয়ে-লাথিয়ে মোলায়েম করতে। মোটা দানার বালিতে পা পিষে-পিষে পা খেয়ে যাবে না, পায়ে শূদ্ধ আলতা পরে থাকবে এমন বউয়ে আমার দরকার নেই।’

‘উলটে তাই তো টাকা দেব আপনাকে। বাপ-মা নেই, ভাই-বোন নেই, ভক্তকে আমি ঘরজামাই করে রাখবো। দিয়ে দেব দু’দশ বিঘে জমি। পানের বরজ।’

‘বা, বেশ আছেন খুশমেজাজে। বেল পাকিয়েই খুঁশি, আবাগে কাকের কথা ভেবে আর কী হবে? এতদিন ধরে কোলে-পিঠে করে মানুষ করলাম যাকে, তার থেকে এই আমার নিটমুনাফা? যাক, ফিরতি বাস কতক্ষণ পরে-পরে আসে? কই রে ভক্ত?’ উত্তম হাঁক পাড়ে হেঁড়ে গলায়, ‘আয়, আর আটকে থাকতে হবে না তোকে।’

ভক্তর বুকুর ভিতরটা টিপ-টিপ করতে থাকে। মামা তা হলে একা যাবে না তাকে সূদন্য নিয়ে যাবে। ইচ্ছে করে ঘাপটি মেরে থেকে নিঃসাড়ে সেও গা-ঢাকা দেয়।

কোলে পিঠে করে মানুষ করেছেন! ছায়ায় পর্যন্ত লাথি মারেন, এখন তার দরদ দেখ না! কোনো দিন খেতে-মাখতে পেল না। কোনো দিন দেখতে পেল না ভালো পয়সার মূখ। মূখ খেতে-খেতে জীবন গেল। এখন ন্যাকা-বুঝতে এসেছেন। থাকবেই তো এখানে। পানের বরজ করবে।

শূদ্ধ খাটিয়ে মারা চোপহর। নিয়ে আয় কোথায় আছে আঠুলে মাটি। নিয়ে আয় বাইন, পাকা তেঁতুলের কাঠ। নিদেন, জঙ্গলের কাঁচা গাছ।

নেল-কাদা দিয়ে খোল ল্যাপ্। পোন পোড়া রাত ভরে ইটের ঝাঁকের উপর হাঁড়ি বসিয়ে। অল্প-অল্প করে তাওয়া। নইলে ফেটে যাবে হুড়ুম-হুড়ুম করে। পরে তেজ বাড়। খোলের মধ্যে জ্বলতে দে দাউ-দাউ করে। দৈখস আগুনের বে-তদবিরে একটা কানাও যেন না ফাটে। তারপর আঙুরটানা দিয়ে আগুন বার কর। জাবখাওয়া গামলা দিয়ে মদ্য ঢাক যাতে ধোঁয়া না ভিতরে যায়...

উঃ, সে কী বে-আক্কেল খাটনি!

না, যাবে না সে আর রুয়েডাওয়া। হাত দিলে বদুরিয়ে যায় এমন রসা দো-আঁশ মাটিতে কচা পুতে পাটকাটির ভিতরে খড় দিয়ে বেড়া বেধে সে পানের বরজ করবে।

‘কই রে ভক্ত, এলি?’

ঘাড় মোটা করে ভক্ত চুপ করে থাকে।

জেদ করে হবে না কিছদ। হবে না তার একার জোরে। মামা রাজি না হলে সব ঘুটিই কেঁচে যাবে। তার তো আর দেবাংশে জন্ম নয় যে হাত বাড়িয়ে চাঁদের নাগাল পাবে!

চারে মাছও এলো, টোপও গিললো, কিন্তু মাছ গের্থে খেলাবার সময় ভোর গেল ছিঁড়ে।

কাটান-পেঁচ আছে সুধন্যর সুতোয়। সৃষ্টিধর দিতে চেয়েছিলো আরো একশো, সুধন্য বাড়িয়ে দিল তিনগুণ। তাও রাজি হলো অনেক ধস্তাধস্ত অনেক হেস্তাহেস্তিতে। জানেনা ভক্ত তার মামাকে? পাকা হাড়, ঝুনো শয়তান। মাছ সঁতলাবে তো তেল দেবে না। পিঁপড়ের গা টিপে-টিপে গুড় বার করবে।

আরো আছে লোয়াজিমা। বারবরদারী, আভ্যাদয়িকের খরচ, জাতকুটুম খাওয়ানোর খরচ—তার মানে আরো একশো।

ধরা বিয়ে যখন—সুধন্য তাতেই রাজি।

কখন যে মামা দিব্যমণিকে দেখে পছন্দ করে কে জানে! পানপাত্র লেখা হয়, সাক্ষী হয় কাঙ্গাল আর বাসুদেব. পাড়ার মদ্রুশ্ব-মাতস্বর। তরশুই দিন আছে বিয়ের।

তবু না আঁচালে বিশ্বাস নেই।

থেন্নে-দেয়ে বিকেলের বাসেই যাবে না-হয় ভক্তদাস। ঘরজামাই যখন, তখন

এখন থেকে শিকড় গেড়ে বসলেই বা ক্ষতি কী! টাঁকে টাকার টিপলির উপর হাত রেখে উত্তম বলে, বলতে পারে সহজে। •

কিন্তু মান তো আছে। তাই খেয়ে-দেয়ে ভক্ত ফিরবে। ফের আসবে চলন করে।

যাবার আগে আরেক বারটি দেখা যাবে না দিব্যমণিকে?

এ-কোণ ও-কোণ ঘোরে। উঁকি-ঝুঁকি মারে। তাকায় ঘাড় ঘুরিয়ে। কিন্তু দিব্যমণি উবে গেছে, গম্বুটুকুও টের পাওয়া যায় না। যেন বিয়েটাই স্থির, মেয়েটা স্বপ্ন।

তবু ফাঁকে চলে আসে মাঠের মধ্যে, ভেড়ির উপর দিয়ে। চলে আসে পানের বরজে।

শুনেইছে এত দিন, ভিতরে ঢোকেনি কখনো। পানের আগুন নয়, নরম ছায়া-করা। গরানের ছিট আর লটা আখের মতো পেতেনের ডগা কেটে লাগিয়ে তার উপরে চাল ছেয়েছে, কেশেবন আর সরু খড়ে, লম্বায়-আড়ে চটা ফেলে। মিঠে-মিঠে রোদের আভা। লতা ডিগিয়ে-ডিগিয়ে যাচ্ছে নলের গা বেয়ে, গাঁটে-গাঁটে পান। ভক্তদাস চেয়ে থাকে অবাক হয়ে। ফুল নেই ফল নেই মূল নেই—কেবল পাতা। কোনোটা তকতকে, কোনোটা বা বাতি। দ্ব’এক পিল ভেঙে নিয়ে গেছে হয়তো। ইচ্ছে করে ছিঁড়ি একটা—

‘কে রে ছোঁড়া? কী করছিস এখানে?’

ভক্তদাস চমকে চেয়ে দেখে দিব্যমণি। ভুরুদুটো বিরক্তিতে বাঁকা, চোখ-দুটো রাগ-রাগ। কিন্তু মূখের মধ্যে তেমনি পান ঠাসা। ঠোঁটের সীমানা ছাড়িয়ে পানের ছোপ তেমনি চলে এসেছে গালের এলেকায়।

যেন ফাল্গুনে হাওয়ায় ডগার মাথা ফেড়ে নতুন পল্লব গজাচ্ছে—এমনি মনে হলো ভক্তর। বলে, ‘পানের বরজ দেখছি।’

‘কেন, তোর কুমোরের চাক কি আর পাক খাচ্ছে না?’ দিব্যমণি ঢুকে পড়ে বরজের মধ্যে।

ভক্তর চোখে খুশি উপচে ওঠে। ‘বা আমি যে এখন পানের চাষ করবো।’

‘কাঙালকে শাকের ক্ষেত দেখিয়েছে বদ্বি। মারা পড়বি বলছি। তাঁত বদনে খাচ্ছিল, তাই খা, কেন এঁড়ে গরু কিনতে যাবি? ভালোয়-ভালোয় বাড়ি পালা।’

ভক্ত ফ্যালফ্যাল করে চেয়ে থাকে। তার চোখের খুশি ঢিমিয়ে আসে।

‘বোস্ এখানে।’

ঘাস নেই, আগাছা নেই মর্টর উপর চাপটি খেয়ে নিজেই আগে বসে পড়ে দিব্যমণি। ভক্তদাসও বসে দূরে-দূরে ভয়ে-ভয়ে।

দিব্যমণি খেঁকিয়ে উঠে : ‘কেন এসেছিস এখানে? বিয়ে করতে? আমাকে বিয়ে করতে?’

‘আমি তার কী জানি?’

‘তুই বিয়ে করবি, আর তুই জানিস না! ঐ কেলেকিস্কম্পেটা তো তোর মামা? ঐ কুঁদিকাটা মদুর্ষকি জোয়ান? যে টাকা নিয়ে গেল? হাম-হাম করে খেয়ে গেল থাবা-থাবা?’

‘তোমার বাবা যদি বিয়ে দেন তো আমার মামার দোষ কী?’

‘বড়সড় হয়েছি, বাবা আমার দেবেনই তো বিয়ে। কিন্তু তুই করবি কেন? * তুই কি আমার যুঁগিয়া?’

ভক্তদাসের মুখে কোন কথা জুয়ায় না।

‘তুই তো একটা বাঁদর। মদুস্তোর মালা গলায় পরতে এসেছিস। চিনিস ঐ সাঁতরা-বাবুদের ভাশ্নেক? কলকাতায় তালতলা না নেবুতলায় থাকে, কলেজে পড়ে, মোটরে করে হাওয়া খেতে বেরোয়। কত বড়লোক, কাস্তিকের * মতো চেহারা। তার কাছে তুই একটা কী! চিলের কাছে গগ্গাফাড়িং।’

‘তা তোমার বাবাকে গিয়ে বলো না—’

‘বাবা তো নয়, তালুই।’

‘কেন তোমার মা মারা গেছে নাকি?’

‘মা যদি মারা না যাবে তবে কেউ এমনধারা বিয়ে দেয়? খোঁজ নেই, খবর নেই কোথাকার কে-একটা অজাত-কুজাতের ছেলের হাতে এক কথায় মেয়ে দেয় গাছিয়ে? আমি কি উড়ো খই যে গোবিন্দায় নমো করে দিলেই হলো?’

‘সাঁতরা-বাবুর ভাশ্নের সগেগ তো আর তোমার বিয়ে হয় না!’

‘তাই তোকে বিয়ে করতে হবে, না? কী আমার আশ্বাস! তুই যে চ্যাটায় শূয়ে লাখ টাকার স্বপ্ন দেখিস!’

না দেখে উপায় কী, এমনি অসহায় অগাধ চোখে চেয়ে থাকে ভক্তদাস।

দিব্যমণি একটু ঘনিষে আসে। বলে, কথায় যেন কোথায় একটু মিনতির সদর, ‘দ্যাখ্, আমাকে বিয়ে করে তোর কিছুই লাভ হবে না—’

লাভ-লোকসান খত খতেনের ভক্ত কী জানে।

‘কোনো কাজই জানি না আমি কুমোরের। আমি না পারবো মাটি হাতাতে, না-বা লাখাতে চেপে-চেপে। কাকে বলে সরি কাকে বলে মালসা, কাকে হাঁড়ি কাকে তিজেল, আমি কিছু জানি না।’

‘আমি এখন পানের বরজ করবো।’

‘তোরা মাথা করবি। ভূতের বাপের শ্রাদ্ধ করবি। পানের তুই জানিস কী, হতভাগা? ক’রকম পান তাই জানিস?’

‘গাইতে-গাইতে গায়ের হবো।’

‘কচু হবি। গোলাপের যেমন তোয়াজ লাগে তেমনি লাগে পানের। পারবি তুই তোয়াজ করতে? জানিস কি করে কাপি আর মূটে পুততে হয়? নল থেকে নাবিয়ে এনে মাটিতে লতিয়ে দিতে হয়? সরষের খোল গুড়ো করে ঢেলে দিতে পারবি গোড়ায়-গোড়ায়? বর্ষায় জলে বসে ভিজ়ে জোঁকের মধ্যে পারবি তদবির করতে? দ্যাখ্, ফেন দিয়ে ভাত খাচ্ছিস তো খা, গম্পে দই মারিসনে।’

‘তুমি শিখিয়ে দেবে।’

‘কী বদ্বন্দ্বি রে তোরা বলিহারি! বরজের মধ্যে মেয়েরা আসে নাকি কোনো দিন? বরজ অশুদ্ধ হয়ে যায় না?’

হাঁ. ভক্ত শুনছে বটে এমন কথা। যেমন কুমোরের মেয়েরা চাক পারে না ছুঁতে।

‘তবে তুমি এসেছ কেন?’

‘আমি মানি না ওসব। তা ছাড়া তোকে ধরতে হবে তো নিরিবিলিতে।’

দিব্যমণি আরো এগিয়ে আসে। বলে, ‘শোন, কলার ভেলা করে সমুদ্র পার হতে যাসনে, কেলেঙ্কারি হয়ে যাবে। সরে পড় সম্ময় থাকতে। নইলে ভালো হবে না।’

‘নইলে কী হবে?’

‘নইলে দেখিস আমিই সরে পড়বো।’

‘সাঁতরা-বাবুদের ভাষনের সঙ্গে?’

‘যার সঙ্গেই হোক না কেন উটকোমুখো, তোরা সঙ্গে নয়।’

‘বেশ তো, টোপর মাথায় দিয়ে যাবো, আবার খালি-মাথায় উঠে আসবো।’

‘তবু তুই যাবি, হতভাগা?’

‘বিয়ে ঠিক হলে যাবো না? জমি বিলি হয়ে গেলে যাবো না দখল নিতে?’

‘যাস, তাই যাস তুই। বদ্বতে পাচ্ছি, লাঠিপেটা না হলে তুই নড়বিনে এখান থেকে। খাবি কোঁৎকা?’ •

‘অদৃষ্টে থাকে খাবো।’

‘পচা আদার ঝাল বেশি। কিন্তু শোন, তোকে বলে রাখি খাঁটি কথা, তোকে আমার একটুও পছন্দ হয় না, মনে ধরছে না, তোকে আমি ভালোবাসতে পারবো না একরাস্তি!’

‘ও রকম মনে হয় প্রথম-প্রথম।’

এ একেবারে পাথরে কোপ মারা।

এবার দিব্যমণি দস্তুরমতো গা ঘেঁসে গায়ের গরম দিয়ে বসে। বলে ফিস-ফিসিয়ে, ‘এবার তবে বলি সত্যি কথাটা—’

এতক্ষণে ভক্ত সত্যি-সত্যি ভয় পায়। দিব্যমণির মৃদু-চোখে কেমন একটা অন্ধকার ফুটে ওঠে।

‘ঐ পানটা দেখাচ্ছিস?’

‘কই?’

‘ঐ যে। হলদেটে হয়েছে, ছিটাছিট দাগ পড়েছে। দেখাচ্ছিস?’

‘হ্যাঁ. দেখছি।’

‘ঐ পানটা দূষে গেছে। শোন তবে কানে-কানে, আমিও তেমনি দূষে গেছি।’

ভক্তর গা অজানতে শিউরে ওঠে। ‘যাঃ, কী যে বলো!’

‘না, কী যে বলো নয়, সত্যি। তা না হলে অমন রাস্তা থেকে বর ধরে এনে বিয়ে দেয় সাত-তাড়াতাড়ি? সত্যি, আমি অত্যন্ত খুঁতে, খারাপ মেয়ে। জিগগেস কর গিয়ে বাড়ি-বাড়ি, আমার কেছায় পাড়ায় কান পাততে পারাবিনে।’

‘যাঃ বিশ্বাস করি না।’

‘ভিটেমাটি চাটি হয়ে যাবে তোর। ঘৃণা চরবে। একবার যখন একটা কেলেঙ্কারি করেছি তখন আরো যে না করবো তার ঠিক কী? বিয়ে করছি, মেয়ের খোঁজ নিবিনে? জিগগেস করবিনে প্যাঁট-বেপ্যাঁটর লোককে?’

‘খোঁজ করে কতটুকুই জানতে পারবো বা?’

‘তবু যে মেয়ে দূষে গেছে যাতে দাগ ধরেছে, তাকে তুই বিয়ে করবি?’

‘উপায় কি না করে?’

‘উপায় নেই?’

‘নইলে দোষ তোমার ঢাকবো কি-করে?’

‘আমার দোষ ঢাকতে তুই বিয়ে করবি? তুমি কি পাগল না মন্দুদফরাস?’

‘তা ছাড়া গোড়ায় ঠিক খোল দিলে পানের দোষ খণ্ডে যায়। ঝাল পান ফের মিঠে হয়ে আসে।’

‘তোর মাথা হয়ে আসে। শেষকালে তুইই কপাল চাপড়াবি। সাধ করে বেনো জল ঢোকাসনে।’ দিব্যমণি উঠে পড়ে : ‘মুখের পান ফুঁরিয়ে গেছে, থাকতে পাচ্ছি না আর। তবু শেষবার বলে যাচ্ছি, ভালো চাস তো পাস্তাড়ি গদুটো, মানে-মানে সরে পড়। নইলে এক কেলেক্কারির পর আরেক কী কেলেক্কারি বাধে, তুই ভাবতেও পারবি নে।’ আঁচলে ঘুনি দিয়ে সাঁ করে বোরিয়ে যায় গেট দিয়ে।

সারাটা রাত ভক্তদাসের কাটে কেমন একটা বুক-চেপে-ধরা বোবা হাঁপের মধ্যে। বৃকে যতটা নিশ্বাস নেয় ততটা যেন ছাড়তে পারে না। যতটুকু আশা নেয় তার চেয়ে ভয়ই বেশি জুড়ে থাকে। ভয়ের ভাপ।

কিছু একটা যে ঘটবে তাতে সন্দেহ নেই। পাঁচ আঙুলেই ঘি—এমন মোলায়েম পরিণামে বিশ্বাস হয় না। হয় ফাটবে মাথা নয় ভাঙবে ঠ্যাং। সাঁতরা-বাবুদের ভাঙনের সঙ্গে সে যে কিছুতেই এঁটে উঠবে না তা কে না জানে। হয়তো ফাঁদে ফেলবে, নয় গায়েব হয়ে যাবে। কে জানে, হয়তো সাঁতরা-বাবুদের ভাঙনের সঙ্গে শেষ পর্যন্ত বোরিয়েই যাবে দিব্যমণি। হয়তো বা সুধন্য পালের মনই চলাবিচল হয়ে যাবে। হয়তো মামা আসবে না। ভজকট—ভঙুল হয়ে যাবে। কী যে হবে কিছুই আঁচ করতে পারছে না। কিন্তু বৃকতে পারছে সর্বের ভিতর থেকে ঠিক বোরিয়ে আসবে ভূত।

তবু চলে যেতে মন ওঠে না। চোখের ভালো-লাগাটা মৃছে দিতে ইচ্ছে করে না নিজের থেকে চোখ বন্ধ করে।

সকালে উঠে বাড়ি-ঘরে লক্ষ্য করে না একটু ব্যস্ততা। আকাশে-বাতাসে যেন বিয়ে-বিয়ে রঙ নেই। তাকে জায়গা দিয়েছে লাগোয়া সারদা কুলের বাড়িতে, বাইরের ঘরের হাতনেয়। পুরুত এসেছে তার তদারকে। তবু ভয়-ভাঙা হতে পারে না। কুমোরের বিয়ের কাণ্ড-কারখানাই বা কী, তবু ততটুকুও যেন সোর-সরাবত নেই! মনে হয় না দিব্যমণি তার বাড়ি আছে লক্ষ্মী মেয়ের মতো। নিশ্চয়ই বোরিয়ে গেছে রাত থাকতে, হাঁটা-পথে, নৌকোয়, গাড়িতে।

তবু কী আশা করে যায় সে পানের বরজে, দুপুর বেলায়। আওতায়

ধান হয় না, অথচ পান হয়েছে কেমন। তবু রোদের ঝাঁজে কোথাও-কোথাও লতা কেমন জুঁমরে গেছে, ঝিমিয়ে পড়েছে।

পিছনে খসখস করে ওঠে। যা ভেবেছে, বা যা মোটেই ভাবেনি, দিব্যমণি। যেন কী চক্ৰান্ত তার চোখে, চিবুকে, তার চুপিচুপি চলায়।

দাঁত দিয়ে ঠোঁট কামড়ে ধরে। ঠোঁটে মনে হয় পানের লাল নয়, রক্তের ছোপ। হাতের ইসারায় বসতে বলে ভক্তকে। যেখানটায় ভক্ত বসে, সেখান থেকে আরো দূরে সরে যেতে ইসারা করে, যেখানে আরো একটু আবডাল। মন্ত্রমুগ্ধের মতো ভক্ত একবার এখানে বসে, আরেকবার ওখানে, পাতার থোপনার আড়ালে।

কাছে এসে বসে প্রায় কোলের কাছে। বলে, ‘আমি জানি কেন তুই ষাসনি এখনো। বেশ, তাই, ট্যা-ফোঁ করতে পারবিনে কিন্তু—বুঝলি?’ বলে ভক্তের হাত চেপে ধরে।

ভক্ত কিছুই বোঝে না।

চোখে ঝিলিক মেরে বলে দিব্যমণি, ‘চুমু খাবি তো? চুমু খেলেই তো হবে? খা না—যটা তোর খুঁসি। আমার মুখে খুব মিষ্টি পান। নে, শিগগির, সাঁটে সেরে নে চট করে। তারপর বাড়ি পালা।’

ভক্ত হাত ছাড়িয়ে নেয় আস্তে-আস্তে, আঙুলের পাঁচ থেকে আঙুল খুলে খুলে। বলে, ‘না।’

‘না কি? নে, রাখ্, নেকরা করিসনে।’

একশোবার বললে একশোবারই না—ঐ এক উত্তর।

‘তোকে কি কাটলেও রক্ত নেই, কুটলেও মাংস নেই?’

‘না, তা হয় না।’

দিব্যমণি যেন ঘুঁসি খায় উদ্যত খুঁতনির উপর। যেন ঠেলা খেয়ে পড়ে যায় এক পাশে। বলে, ‘তবে কী চাস তুই হনুমান?’

‘আমি বিয়ে চাই।’

‘আমাকে চাসনে?’

‘চাই।’

‘তবে?’

তবে কি করে বোঝায় ভক্তদাস!

‘কেন, বিয়ে করে তুই কি সম্ভ্রমসী হবি নাকি?’

‘তা কি জানি!’

‘তবে আমাকে তুই এই কচু পাবি। আমি চললাম তবে মরতে।’ দিব্যমণি এলো আঁচলে চলে যায় আঁকাবাঁকা পায়ে।

পর দিন বিয়ের দিন।

বিয়ের দিন না রায়ের দিন। কাঠরায় যেন আসামী এসে দাঁড়িয়েছে, শূদ্ধ রায় জানবার জন্যে। খালাস না জেল। বিয়ে না বাউঁড়লে!

হয়তো এখনি শুনবে দিব্যমণিকে খুঁজে পাওয়া যাচ্ছে না, পাওয়া যাচ্ছে না সাতরা-বাবুদের ভাণ্ডে। হয়তো এগুলো দিতে গেছে থানায়। দিব্যমণি যে বলে গেল মরতে যাচ্ছে তার মানে জলে ডুবে মরতে যাচ্ছে না নিশ্চয়ই। আশ্চর্য, ভাবতেও পারতো না ভক্ত, আত্মদায়িকের কাজ হবে, তারপর আসবে কিনা মামা। দুজন জাত-কুটুম নিয়ে, গয়ারাম আর বারাগসী। বাজবে ঘণ্টা-কাঁসর, ধরবে পৌ। আস্তে-আস্তে জমায়েৎ হবে লোকজন।

আরো আশ্চর্য, ডাক পড়বে তার শামিয়ানার নিচে। বিয়ের আসরে।

‘যা দিনকাল, সব সাঁটে সেরে নিতে হবে ক্ষমাঘোষা করে।’ কে বলে মেয়ে-পক্ষ থেকে।

সমস্তই কি সংক্ষেপ? দ্রুত? কোনোখানেই নেই কি ঢালাও অবসর, আভাঙা আলস্য?

এও কি সত্য বলেই ধরতে হবে? ঐ যে কনে এসে বসলো তার পিঁড়িতে। কোল-কুঁজো হয়ে। লাল চেলিতে। ঝাঁকানো মাথায় ঘোমটা দিয়ে।

ঠিক দিব্যমণিই তো? খটকা লাগে। অনেক যেন কাহিল, ডিগড়িগে। নিস্তেজ। যেন ঢলকে পড়েছে অনেকটা। রোদ-লাগা পানের লতার মতোই জুঁমরে ঝিমিয়ে পড়েছে। কে জানে, হয়তো আর কেউ। তেমন নয় তার বসবার ছাঁদ, কাঁধের ডোল। এ অনেক ভদ্র, অনেক ঠাণ্ডা। অনেক ধীর, অনেক মৃদু। কোলের উপর হাত দুখানি রেখেছে যেন ভিক্ষার মতো।

ঠিক। এমনি করেই প্রতিশোধ নিয়েছে দিব্যমণি। আরেকটা কোনো মেয়ে দিয়েছে বদলি করে। নিজে সটকান দিয়েছে, আর তার বদলে পাঠিয়ে দিয়েছে একটা কে ফিকে জোলা পানসে মেয়ে। মামার কী! মামার তো টাকা পেলেই খালাস। মেয়ে দেখেওনি হয়তো। কিম্বা হয়তো আরো মূলে আছে ষড়যন্ত্র। হয়তো শুধুনাই দিব্যমণিকে দেখিয়ে পার করেছে তার কৃষ্ণমণিকে।

পান-খাওয়া দাঁতে দিব্যমণির লাল হাসিটা দেখতে পাচ্ছে যেন সামনের

আলোতে, দূরের অন্ধকারে। কী খড়িবাজ মেয়ে! তার বিয়ের সাথ মিটিয়ে দিয়েছে ষোল আনা। খোঁড়াকে ঠিক সে টেনে নিয়ে এসেছে খালের মধ্যে। এখন ঢাকী সন্ধ্যা বিসর্জন।

কার বদলে কে। নাকের বদলে নরুন। পানের বদলে মদ্যশুদ্ধি। ঠিক হয়েছে। কাঙালের ঘোড়ারোগ হলে এমনই হয়।

মুখচন্দ্রিকা। মেয়েটার চোখ বোজা। ঠোট দূটো ফ্যাকাসে, মেটে মিনমিনে মদ্য। চিনি-চিনি অথচ চেনা যায় না। আস্তে-আস্তে চোখ তোলে মেয়ে। চাউনিটা মনমরা। দেরি হয় না চিনতে। দিব্যমণিই।

দিব্যমণিই কি সত্যি?

দেখতে দেখতে ধোয়া-পাখলা হয়ে পাট উঠে যায় বিয়ের। বাতি যায় নিবে। বর-কনে শূতে যায়।

ঘোলা রাত। ময়লা ময়লা জ্যোৎস্না। ঝিঁঝিঁ ডাকে। তেঁতুল গাছে বসে ডাকে একটা ভুতুম।

বিছানায় উঠতে ভক্তুর পায় দিব্যমণির পা ঠেকে যায়। দিব্যমণি অমনি পায় হাত দিয়ে প্রণাম করে।

ভক্ত ভাবে, খুব একটা ঠাট্টা হয়তো। কিন্তু দেখে দিব্যমণির মুখে নরম গাম্ভীর্য।

গ্যাসের আলোয় যা দেখিনি এখন দেখতে পায় মিটমিটে জ্যোৎস্নায়।

দিব্যমণির ঠোট শাদা, শূকনো। দাঁত দেখা যায় না। একটাও পান খায়নি সে আজ।

‘এ কি, পান খাওনি?’

অনেকক্ষণ পর ধরা-গলায় দিব্যমণি বলে, ‘না, আজ আমার উপোস। আমার বিয়ে।’

এ কি দিব্যমণি কথা কইছে?

‘কিছু, খাওনি তাই বলে?’

‘না। বিয়ের দিন মেয়েদের কিছু খেতে হয় না।’

‘খেলে কী হয়?’

‘পাপ হয়। খেতে নেই।’

‘তুমি তো ও-সব মানো না।’

‘না মানি। এখন মানি।’

‘পান খেলে না কেন?’

‘পান সমস্ত পুজোয় লাগে, সমস্ত শূভকাজে লাগে। আজ তা খেতে হয় না।’

‘কাল থেকে?’

‘দু একটা খাবো। বেশি খাওয়াতে শ্রী নেই।’

এ কি দিব্যমণি কথা কইছে?

ভক্ত যতক্ষণ না শোয় ততক্ষণ দিব্যমণিও বসে থাকে এক কোণে। মদুখ ফিরিয়ে। আঙুলে করে চাদরের কোণ খোঁটে। যত না রাগ তত লজ্জা। যত না ঘৃণা তত ভক্তি।

অনেক সাহস করে ভক্ত হাত ধরে। হাতটা কি রকম টান, লম্বা হয়ে থাকে। ছাড়িয়ে নেয় না, ঢেলেও দেয় না। শূদ্ধ ছেড়ে দিয়ে বসে থাকে।

হাত ছেড়ে দেয়। ‘শোও, বসে আছ কেন?’ বলে ভক্তদাস।

হাত আবার নিজের কাছে রাখে। ‘তুমি আগে শোও।’

এ কি দিব্যমণির কথা?

দিব্যমণিকে শোয়াবার জনোই শূতে হয়। শূয়েই কেমন কুঁকড়ে লুটিয়ে পড়ে। মনে হয় যেন মূছে গেছে, ধূয়ে গেছে। দূঃখে, লজ্জায়, পরাজয়ে। ধরা-দেয়ার চাইতেও ধরা-পড়ে-খাওয়ার লজ্জায়। অনেক বলে ফেলেছে অনেক খুলে দিয়েছে তারি অননুতাপে। জলে ধূয়ে-ধূয়ে পড়ে আছে একটা ধার-ক্ষয়া গোলালো পাথরের টিপি।

পা দিয়ে পা ছোঁয়। মনে হয় কাঠের কুঁদো। মাঠে ফেলে-রেখে-আসা গোড়াকার নাড়া।

যেন কাটলেও রক্ত নেই, কুটলেও মাংস নেই।

হঠাৎ দূর থেকে যেন একটা চাপা কান্নার আওয়াজ ভেসে আসে। ফোলা-ফোলা ফোঁপা-ফোঁপা কান্না। মদুখের মধ্যে কাপড় ঠেসে-ঠেসে। বৃক পেট পিঠ কাঁধ দলে পিষে থেঁতো করে। মিনতি নেই, নালিশ নেই, প্রতিবাদ নেই। ফাট-ধরা মাটির বোবা অন্ধকার থেকে কান্না।

ভুতুমের ডাক হয়তো। কিম্বা কে জানে, রাতের ডাক।

দিব্যমণি যে মরে যাবে বলিছিলো ঠিকই মরে গেছে। ভক্তদাস উঠে বসে, সর্বস্বান্তের মতো। খুব কাছে মদুখ এনে তাকায় তার ঘুমন্ত, শান্ত মদুখের দিকে। শাদা মরা মদুখ। ফাঁসিকাঠে লটকানো মদুখ। চোখের জলের দাগের

মতো রক্তের কালো দাগ যেন লেগে আছে জায়গায়-জায়গায়। কশে, চোখের নিচে, নাকের দুপাশে।

দরজার বাঁ পাশায় আস্তে চাপ দিতেই হুড়কো আলগা হয়ে খুলে যায়।

ভক্ত বেরিয়ে আসে ঘর থেকে। পা টিপে-টিপে। দরজাটা আবার আস্তে ভেজিয়ে দেয়।

সত্যি, তার যুগ্মি নয় ভক্তদাস। সমস্ত স্বামিষ নিয়েও নয়। বোঝে এতক্ষণে। স্বামিষের শ্মশানে এসে।

মাথার উপর থেকে একটা টিকটিকি সায় দিয়ে ওঠে।

না, দিব্যমণি বাঁচুক। দিব্যমণি হোক। এক রাত্রির মিথো দঃস্বপ্নের পর বাঁচুক আবার তার সেই পুরোনো বঙ্গিমায়। সত্যিকারের স্ফুর্তিতে।

অভাবনীযেরো একটা সীমা থাকা উচিত।

আপিসেই সদরজিৎ তার পেলো, রাতে, বরিশাল এক্সপ্রেসে অশোকা আসছে। আশ্চর্য, অশোকা কি জানে না কিছুই? ঘটনাটা তো ঘটে গেছে আজ এক বছরেরো উপর।

তবু, রাতে, বেশ একটু আগেই সদরজিৎ স্টেশনে গেল। গাড়ি ঠিক রাখলো। এবং যতক্ষণ না বাঁকের মুখে ইঞ্জিনের হেড-লাইট দেখা যায় ততক্ষণ প্ল্যাটফর্মের এক প্রান্ত থেকে আরেক প্রান্ত পর্যন্ত চিন্তিত ভঙ্গিতে পাইচারি করলো।

ইন্টার-ক্রাশের মেয়ে-কামরা থেকে নামলো অশোকা। বয়েস—বয়েস প্রায় ত্রিশের কাছে, এবং নিঃসম্বল ও নিরভিভাবক ষখন সে আসছে, বৃষ্টিতে হবে সে কুমারী ও স্কুল-মিসট্রেস। আঠারো ইঞ্চির একটা পাংলা সদরজিৎ ছাড়া সঙ্গে আর কোনো জিনিস নেই। শীতের রাতে বিছানাও নিয়ে আসেনি। মোটা সিল্কের একটা ব্লাউজ মোটে গায়ে—শীতের রাতে যার সংক্ষিপ্ততার চেয়ে হঠকারিতাই বেশি করে চোখে পড়ে।

দু'জন পরস্পরের দিকে চেয়ে সংক্ষেপে হাসলো। প্রায় দশ-এগারো বছর পরে দেখা। কিন্তু চিনতে কারুরই দেরি হলো না। যেন কিছু দিন আগেই আর কোথাও তাদের এমনি অপ্রত্যাশিত দেখা হয়েছে।

‘একেবারে তুমি যে আসবে তা ভাবিনি।’ অশোকা সলজ্জমুখে সামান্য হাসলো। ‘ভেবেছিলাম আদর্শ-চাপরাশি কাউকে পাঠিয়ে দেবে হয়তো।’

‘আদর্শ-চাপরাশি কেউ রাতে থাকে না।’ সদরজিৎ অশোকার হাতের ব্যাগটার দিকে তাকালো। বললে, ‘সঙ্গে আর কোনো জিনিস নেই?’

‘না।’ কুণ্ঠিত ভাবে হেসে অশোকা বললে, ‘এক দিনের তো মোটে মামলা।’

সদরজিৎ ব্যাগটা অশোকার হাত থেকে তুলে নিলো। অশোকা আপত্তি করলো না। কিন্তু সেটা তক্ষুনি সে কুলির মাথায় চালান দেবে জানলে নিশ্চয়ই আপত্তি করতো, জোর করলেও ছেড়ে দিতো না।

গাড়িতে উঠলো দুজনে। অশোকা আগে—পিছনের সিটে; সুরজিৎ মদুখোমদুখি। বাস্কেট গাড়োয়ানের জিম্মায়।

সংসারে জিনিস যার এত অল্প সে যে কতদূর দুঃসাহসী এই কথাটাই সুরজিৎ ভাবলো। প্রয়োজন তার বেশি না প্রয়োজন তার কম, এই কথাটাই সে বুঝে উঠতে পারলো না।

বললে, ‘আমার ওখানে যে চলেছ খুব অসুবিধে হবে।’

‘কার? আমার না তোমার?’

‘তোমার। জানো তো’, সুরজিৎ একটু থেমে বললে, ‘আমার স্ত্রী, জয়ন্তী বছর দেড়েক হলো মাঝে গেছে।’

‘হ্যাঁ কাগজে দেখেছিলুম খবরটা। গণ্যমান্যকে বিয়ে করলে স্ত্রীও গণ্যমান্য হয়।’ অশোকা একটু হাসলো কিনা বোঝা গেল না।

সুরজিৎ বললে, ‘বাড়িতে একেবারে একা আছি। মেয়েছেলে কেউ নেই—’

‘কেন, আমিই তো আছি।’ অশোকা স্বচ্ছন্দভাবে বললে।

‘কিন্তু কে তোমার দেখাশুনা করে!’

‘আমি নিজেই করতে পারবো। এতদিন ধরে তাই করে এসেছি।’

একটুখানি কাটলো।

সুরজিৎ প্রশ্ন করলো : ‘এখানে কেন এসেছ জানতে পারি?’

‘আশ্চর্য, তুমিও একটা কৈফিয়ৎ না পেলে সন্তুষ্ট হবে না?’ গাড়ির অন্ধকারের মধ্যে অশোকার চোখ দুটো খুব উজ্জ্বল দেখালো। ‘সমস্ত রাস্তা গাড়িতে এক ভদ্রমহিলার কাছে লম্বা জবাবদিহি দিতে হয়েছে : কোথায় যাচ্ছি, কেন যাচ্ছি, কার বাড়িতে যাচ্ছি, সে আমার কে হয়, সেখানে আর কে-কে আছে, ইন্সটিশানে কে আসবে নিতে—এক গাদা প্রশ্ন। উঃ, প্রাণ প্রায় যায়।’

‘সবগদূলি উত্তরই বেশ সন্তোষজনক হয়েছিলো আশা করি।’

‘অন্তত ভদ্রমহিলা তাই মনে করেছিলেন।’ অশোকা শব্দ করে হেসে উঠলো।

‘ও-সব প্রশ্নের বেশির ভাগ উত্তরই আমার জানা শব্দ একটা ছাড়া। কেন এসেছ সেইটেই শব্দ জানতে চাই।’

‘এমনিতে আসতে পারি না?’

‘কেউ পেরেছে বলে তো শুনিনি এ পর্যন্ত।’

‘কেউ মানে?’

‘কেউ মানে বয়স্ক কুমারী মেয়ে। একাকী কোনো পদ্রুপের আগ্রহে।
বলো না, কেন, কী দরকারে এখানে এসেছ?’

‘বাবাঃ কী কৌতূহল তোমার!’ অশোকা আঁচলটা একটু টানলো, চুলটা একটু অনড়ব করলো, গলার হারটা একটু আঙুল দিয়ে নাড়লো। বললে, ‘তোমাদের এখানকার মেয়ে-ইস্কুলে হেডমিস্ট্রেসের চাকরিটা পাবো বলে মনে করছি। কাল সকালে তারই ইন্টারভিউ।’

‘সে ক্ষেত্রে,’ সূর্যজিৎ একটু কাশলো : ‘মেয়ে-ইস্কুলের হস্টেলে ওঠাটাই কি ঠিক ছিল না? কাল সকালে ইস্কুলের সেক্রেটারি যদি জিগগেস করেন, কোথায় ছিলে, তা হলে তোমার মূখের জবাব শুনেন খুব বেশি তিনি খুশি হবেন বলে মনে হয় না।’

‘প্রথমতো, তাঁর সে-কথা জিগগেস করাই উচিত হবে না, স্মিতীয়তো,’ অশোকা সহাস্য স্বাচ্ছন্দ্য বললে, ‘তোমার মতো এত ভীতু তিনি না-ও হতে পারেন।’

এর উত্তরে সূর্যজিতের কথাটা কেমন গম্ভীর, একটু বা বোকাটে শোনালো। সে বললে, ‘এক-আধটু ভীতু হওয়াটা মন্দ নয়। বিশেষ করে তার, যে চাকরি করতে বেরিয়েছে।’

‘তোমার মতো চাকরির জন্যে আমার অত মায়া নেই। নাই বা হলো চাকরি।’ বলে অশোকা গাড়ির সিটে হেলান দিয়ে গলাটা সামান্য উঁচু করে ধরলো।

কেমন যেন তাকে অত্যন্ত শ্রান্ত ও অসহায় দেখালো হঠাৎ। মনে হলো যেন তার হাত-পা গাল-গলা শীতে নিদারুণ ঠাণ্ডা হয়ে গেছে। প্রথমে একটা সাদা গেঞ্জি, তার উপরে উলের গেঞ্জি, তার উপরে ফ্লানেলের পাঞ্জাবি, তার উপরে শাল—তবু সূর্যজিতের শীত মানছে না ইচ্ছে করছে প্রকাণ্ড একটা লেপ জড়িয়ে বসে থাকে, অথচ এই গলিত শীতে ঐ তার চেহারা। এটা হতাশা না ঔশ্বতা তা কে বলবে। অনেকক্ষণ চেয়ে থাকতে-থাকতে সূর্যজিতের চক্ষু কেমন কোমল হয়ে এলো। বললে, ‘তোমার শীত করছে না?’

‘না।’

সূর্যজিৎ অল্প একটু হাসলো। বললে, ‘শীতের কাছে ভীতু হওয়াটা অশাস্ত্রীয় হবে না। আমার গায়ের কাপড়টা নাও।’ বলে শালটা গা থেকে খুলে নিয়ে অশোকের কোলের উপর সে রাখলো।

অশোকা চমকে উঠলো। 'বললে, তোমার না ঠান্ডা লাগে। আগে-
আগে একটুতেই তোমার ঠান্ডা লাগতো—ব্রঙ্কাইটিসের দোষ ছিল। সে সব
এখন সেরে গেছে, না?'

'কিছুই সম্পূর্ণ সারে না।'

'তবে তুমিই গিয়ে রাখো। একা-একা আছ, অসুস্থ-বিসুস্থ হলে মন্স্কিল
হবে।'

'তার চেয়ে আরো মন্স্কিল হবে যদি তোমার অসুস্থ করে।'

অশোকা আবার হেলান দিল। ক্রান্তরেখায় গলাটা আবার একটু উঁচু
করলে।

'কী, খুঁলে গিয়ে দাও না।'

'না, এই বেশ আছি।' শালটা তেমনি রইলো অশোকার কোলের উপর
পড়ে। গাড়ি থেকে নামবার সময় কি মনে করে শালটা সে তাড়াতাড়ি গিয়ে
জড়িয়ে নিলো।

প্রকাণ্ড বাড়ি। একজনের পক্ষে অত্যন্ত বিসদৃশ। নিচে দু'খানা ঘর,
একটাতে বৈঠকখানা, পাশেরটা ভাঁড়ার। চেয়ার-সোফা ও র‍্যাশট্রের আধিক্য
দেখে বোঝা যায় বৈঠকখানায় প্রচণ্ড আড্ডা বসে। আর, পাশের ঘরে থাকে-
থাকে থরে-থরে জিনিস দেখে মনে হয় কী নিপুণ নিখুঁত গৃহস্থালি! অথচ
সব চাকর-ঠাকুরের হাতে। একটা ঠাকুর—দুটো চাকর, কোথা থেকে কুটোটি
কুড়িয়ে নেবে তারি জন্যে সর্বদা তটস্থ। ঘোড়দৌড়ের মাঠের মতো অত বড়ো
না হলেও প্রকাণ্ড উঠোন। তার এক পাশে আনাজের ক্ষেত, অন্য পাশে দিশি
ক'টা ফুল-গাছ, কিন্তু কোথাও একটা শুকনো পাতাও পড়ে নেই। বাবু যদি
বলে তবে ওরা অনায়াসে প্রাণ দিতে পারে এমন একটা ভাব যেন ওদের মূখের
উপর লেখা আছে। কোনো জিনিসই যেন হাত বাড়িয়ে চাইতে হয় না, সব
আগে থেকেই তৈরি। এতটা ভালো নয় যেন কেমন চোখকে পীড়িত করে—
অশোকার মনে হলো। কেননা যে একা আছে তার ঘব-দোর খানিকটা
অগোছালো এটাই সকলে প্রত্যাশা করে। এইটাই সকলের প্রত্যাশা করা উচিত।

নিচে স্নানের ঘরে একটু উঁকি মেরে অশোকা সূর্যজিতের সঙ্গে উপরে উঠে
এলো। উঠেই উত্তরের বারান্দা। পাশাপাশি দু'খানি সমান মাপের ঘর, উত্তরে
দক্ষিণে দরজা। দু'ঘবের মাঝখানেও একটা দরজা আছে অব্যবহৃত খোলা,
যেটায় কোনোদিন এ পর্যন্ত খিল পড়েনি। প্রথমেই ডাইনে যে ঘর সে ঘরটা

কিসের যে নয় অশোকা ভেবে পেলো না। বিশালকায় এক টেবিল, দেখলেই সন্দেহ হয় এ-টেবিলের চার পক্ষে বসেই রাউন্ড-টেবল কনফারেন্স হয়েছিলো কিনা। আফিসের বাস্ক, বেতের বাস্কেট, ফ্ল্যাট-ফাইলে ফিতে-বাঁধা কাগজ-পত্রের স্তুপ, আইনি-বেআইনি মোটা-মোটা বই—কী যে তাতে নেই তা কে বলবে? কিন্তু সমস্তই অশুভ রকমের গন্ধানো। খোলা দরতোর সেল্ফে ঘেঁসাঘেঁসি করে বই সাজানো রয়েছে; কিন্তু আশ্চর্য দরখানা বইয়ের মাঝখানে কোথাও একটু ফাঁক নেই, কোথাও একখানা বই বেকে বা হেলে বসেনি। ওদিকের দেয়াল ঘেসে লম্বা একটা কাঠের বোর্ডিং, তাতে ট্রাঙ্ক আর স্লটকেস সাজানো, একটার উপর একটা। ঘরে স্ত্রী না থাকলেও যে কেউ বাস্ক-প্যাটরাগদুলি রঙচঙে কাপড়ের ঢাকনি দিয়ে সযত্নে ঢেকে রাখে অশোকা তা কম্পনা করতে পারতো না। পাশেই দেরাজ—টানাগুলোতে হয়তো আঁপসের পোশাক থাকে। তারই সন্নিহিতে দেয়ালে ঝোলানো লম্বা একটা আয়না। আয়নাতে শরীরের অনেকখানি দেখা যায় বলে অশোকের কেমন লজ্জা করে উঠলো। দেরাজের উপরকার একটা ছবি দেখতে পেয়ে তাড়াতাড়ি সেটা সে টেনে নিলো। না, মৃত-জীবিত কোনো মানুষেরই সেটা ছবি নয়, সেটা একটা সদ্য-উন্মিষমান গোলাপের কুঁড়ি। আয়নার দর দর পাশে দরতোর ছোট টেবিল, যদিও ডাইনেরটা অপেক্ষাকৃত বড়ো। বাঁয়েরটাতে প্রসাধনের জিনিস, ডাইনেরটাতে ওষুধ। দরতোরই যেন ভীষণ বাড়াবাড়ি বলে মনে হলো। খানিকটা অন্যায় কৌতূহলের মতো দেখায় বলে অশোকা বেশিক্ষণ সেখানে চোখ রাখলো না। পাশেই আলনা আর দরতোর ব্র্যাকেট, একটা কাপড়ও কোথাও একটু কুঁচকে বসেনি। আলনার শেষ তাকে সারবাঁধা জুতোর লাইন। ইলেকট্রিকের আলোয় চকচক করছে। এর মধ্যে, এ-সবের মধ্যে, ঘরের মাঝখানে বেমানান একটা স্প্রিং-এর খাট।

অশোকা জিজ্ঞেস করলো : ‘এইখানেই শোও নাকি?’

‘না। শোবার ঘর ঐ পাশে।’

পশ্চিমের ঘর থেকে পূর্বের ঘরে অশোকা এল, মাঝখানের দরজা দিয়ে। পশ্চিমের ঘরটা জিনিসপত্রে যেমন জ্বরজ্বল, পূর্বের ঘরটা তেমনই ফাঁকা, নিরিবিলি। মাঝখানে প্রকাণ্ড খাট পাতা, বিষয় দুয়েক পূর্ব গদির উপর নরম তোষকে নিভাজি বিছানা করা রয়েছে। পায়ের দিকে লেপ রয়েছে ভাঁজ করা। একজনের পক্ষে যেন অনেক অপচয়, অনেক উন্মত্তি, তাকিয়ে থেকে অশোকের মনে হলো। কিন্তু যতই সে শ্রান্ত হোক না কেন, এখনি, রাত

সাড়ে নটার সময় লেপ গায়ে দিয়ে সে শূয়ে পড়তে পারে না, এ কথাটা মনে হতেই সে চোখ ফিরিয়ে নিলে।

পাশে একটা ইজি-চেয়ার, আলোর দিকে পিঠ করে। তার হাতের কাছেই ছোট টিপাইয়ের উপর টাইম-পিস ঘড়ি, ক'খানা ছ পেনি দামের হালকা বই আর কখানা রঙিন মলাটের চুটকি সাম্প্রতিক। একবার হাত দিয়ে নেড়ে-চেড়ে দেখলো সে সেগুলি, যেমনি ছিল তেমনি আবার গুঁছিয়ে রাখলো সন্তপণে।

এ ঘরে ঢুকেই অশোকা ভেবেছিলো দেয়ালজোড়া এনলার্জড একটা ফটোর সঙ্গে তার দৃষ্টির সংঘর্ষ হবে। কিন্তু আশ্চর্য, ঘরের চারদিকে কোথাও জয়ন্তীর একটুকরো একটা ছবি নেই। অশোকার বুকের মধ্যে থেকে একটা গভীর দীর্ঘশ্বাস বেরিয়ে এলো। শব্দ শব্দে নিজেই সে উঠলো চমকে, কেননা 'সে-নিশ্বাসটা যেন ঠিক দুঃখের মতন বলে মনে হলো না।

অন্য দিকে চোখ রেখে সদরজিৎ বললে, 'হাত মুখ ধোবে না?'

'পদ্রোপদ্রি গা-ই ধোবো। নইলে বড্ড ঘিন-ঘিন করবে। গবম জল পাবো তো?'

'হ্যাঁ, করেছে গরম জল।'

'দেখ, সাবান-তোয়ালে কিছদ্দ সঙ্গে আনিনি।' অশোকা হাসলো।

'তা-ও পাবে।'

'সবই পাবো।' অশোকা বললে, নির্ব্যক্তিকের মতো। পরে অনেকখানি হেসে : 'কিন্তু যদি শাড়ি-সেমিজ চাই?'

'তা দিতে পারবো না বটে, কিন্তু তার বদলে পা-জামা আর টিলে পাঞ্জাবি দিতে পারবো। পরো না, বেশ দেখতে হবে। অনেকেই তো পরে আজকাল।'

একটু কি বিবেচনা করলো অশোকা। পরে নিতান্ত বালিকার মতো খিলখিল করে হেসে উঠলো। বললে, 'তুমি কী যে বলো।' বলে তার সূটকেসে চাবি পরালো।

নিচে, বাথরুমে এসে দেখলো, সমস্ত কিছদ্দ তৈরি, প্রয়োজনেরো অতিরিক্ত। প্রক্ষালন সমাপ্ত করে চাকর-ঠাকুরের সঙ্গে সে দ্রুত সাংসারিক কথা কইলো নিতান্ত মেয়েলি কৌতুহলে। কিন্তু ভুলেও তারা একবার জিগ্গেস করলো না, সে কে, কেন এসেছে, কেনই বা এতদিন আসেনি।

উপরে গিয়ে দেখলো, টেবিলের সামনে কি-সব কাগজ-পত্র নিয়ে বসেছে সদরজিৎ। যেন কতদিনকার পুনরাবৃত্ত অভ্যাস, সদরজিৎ চেয়েও দেখলো না।

খসখসে শাড়ির বহুবিস্তৃত বিশৃঙ্খলায় অশোকা যখন দ্রুত পায়ে উঠে সূরজিতের পাশ দিয়ে আয়নার কাছে এসে দাঁড়ালো, তারো মনে হলো এমনি যেন আরো কতদিন হয়ে গেছে এর আগে। নতুনত্বের তীব্রতার মাঝে জিনিসটাকে কখনো-কখনো অত্যন্ত পরিচিত ও প্রাত্যহিক মনে হয়। হঠাৎ ময়ূর-সিংহাসনে গিয়ে বসলে মনে হয় এমনি যেন কতদিনই বসেছি।

কিন্তু খটকা বাধলো। অশোকা জিগগেস করলে : 'তোমার মোটা চিরুনি নেই?'

সূরজিতকে তাকাতে হলো এবার, আর তাকিয়ে সে ভয়ংকর অবাক হয়ে গেল। আর কিছতে নয়, শাড়িটার চওড়া ঢালা লাল পাড়ে। এই পাড়টা অত্যন্ত সেকলে, আধুনিক কুমারী মেয়েদের পছন্দের বাইরে, এ-পাড়ের সংগতির জন্যে কপালে ও সিঁথিতে যেন অনেকখানি সিঁদুরের প্রত্যাশা করতে হয়। এ লালটা সম্ভোগসৌভাগ্যের রঙ। যেন বড় বেশি উন্মাদিত।

'কী দেখছ, মোটা চিরুনি নেই?'

'চুল তো আর ভেজাওনি, সরু চিরুনিতেই আঁচড়ে নিলে চলবে। তা ছাড়া,' সূরজিৎ হেসে বললে, 'রুদ্ধ চুলেই তো বেশ ভালো দেখায়।'

চুল আঁচড়াবার আর দরকার হলো না। নিজের থেকেই সূরজিতের শাল গায়ে জড়িয়ে নিয়ে অশোকা বললে, 'বাবাঃ, কী শীত এখানে!'

'তোমাকে এখন চা দেবে না একেবারে খাবে?'

'একেবারে খাবো।' অশোকা অশ্রুত করে হেসে উঠলো।

'কী খাবে? ভাত না লুচি?'

'তুমি?'

'তুমি যা খাবে তাই।'

'আমি ভাতই খাবো। ভাত না খেলে ঘুম হবে না। আমার সমস্ত শরীর এখন ঘুম চাইছে।'

'তবে দিতে বলি ঠাকুরকে?'' সূরজিৎ চেয়ার ছেড়ে উঠতে গেল।

'দাঁড়াও ব্যস্ত কী!' অশোকা টেবিলের উপর দুই কনুই রেখে ঝুঁকে দাঁড়ালো। বললে, 'কাজ—এখনো কাজ? আমি এসেছি, তবু, আজকের রাতও তোমাকে কাজ করতে হবে?'

অত্যন্ত কুণ্ঠিত হয়ে সূরজিৎ কাগজ-পত্রগুলি দূরে সরিয়ে রাখলো।

বললে, ‘না, ঠিক কাজ নয়, একটু দেখাচ্ছিলুম কাগজগুলো।’ তারপর অন্তরঙ্গ হবার চেষ্টায় একটু বা স্নানকণ্ঠে বললে, ‘তারপর—’

‘তারপর, এই তো, ভাসতে-ভাসতে। উঃ, কী শীত এখানে! হাত দুটো আমার থেয়ে যাচ্ছে।’ মদুঠ-করা দুই হাতের উপর চিবুক রেখে দাঁড়িয়েছিলো অশোকা, হঠাৎ ডানহাতখানা দুর্বল ভঙ্গিতে সামনের দিকে বাড়িয়ে দিয়ে বললে, ‘এই দেখ না, যেন বরফ দিয়ে তৈরি।’

এক মদুহৃত স্দরজিৎ শ্বিধা করলো হয়তো। তারপর সেই হাত সে একটু ছুলো কি না-ছুলো। ব্যস্ত হয়ে বললে, ‘গ্লাভস্ পরবে? আমার কাছে ভালো গ্লাভস্ আছে।’

‘আর মোজা?’ অশোকা হাত সরিয়ে নিলো এবং এবার রাখলো তা শালের তলায়।

‘মোজাও দিতে পারি। খুব নরম একটুও কুটকুট করবে না।’

‘আর, কান-ঢাকা টুপি? কমফোর্টার?’ হাসতে-হাসতে অশোকা সরে গেল। বললে, ‘দস্তানা হাতে দিয়ে খাবার আমার অভ্যাস নেই। তুমি কাজ করো, আমি ঘুরে-ঘুরে তোমার বাড়ি দেখি।’

বলে সে নিঃশব্দে পাশের ঘরে চলে গেল। নিঃশব্দে, কেননা এত শীতেও এখন সে খালি-পা।

কিন্তু কোথাও যেন তার এতটুকু আশ্রয় বা বিশ্রাম নেই। এমন একটুও কোথাও আগোছালো হয়ে নেই যে সে গদাঁছিয়ে দেয়। বিছানাটা পর্যন্ত পাতা হয়ে গেছে।

ঘুরতে-ঘুরতে চলে এলো সে দক্ষিণের বারান্দায়। দেখলো সেখানে কয়েকখানা বেতের চেয়ার পাতা রয়েছে। এখানে বৃষ্টি কখনো-কখনো স্দরজিৎ বসে, বসবার তার ইচ্ছে হয়, সব সময়েই তা হলে সে মস্ত টেবিলের সামনে খাড়া চেয়ারে বসে কাজ করে না। কিন্তু বাইরে কী কনকনে হাওয়া, এখানে এক মিনিট দাঁড়ায় এমন সাধ্য কার। কোথা থেকে কি একটা প্রচ্ছন্ন ফুলের স্নান গন্ধ আসছে, তার উপর এমন চক্ষু-জুড়ানো কালো অন্ধকার—কী ভেবে, শালটা গায়ের উপর আরো ঘন করে টেনে নিয়ে অশোকা একটা চেয়ারে ভেঙে পড়লো।

তারপর স্দরজিৎ সত্যিই ফের কাগজ-পত্র নিয়ে বসেছিলো। হুঁস হলো যখন ঠাকুর এসে বললে, খাবার জুড়িয়ে যাচ্ছে। ডাকলো : ‘অশোকা।’

আশা ছিল দেখতে পাবে পাশের ঘরে ইঁজিচেয়ারে শুয়ে সে বই পড়ছে। কিন্তু আশ্চর্য, সেখানে সে নেই। বিছানাটাও অস্পষ্ট। দক্ষিণের দরজা খোলা দেখে চলে এলো সে দক্ষিণের বারান্দায়। দেখলো চেয়ারে শুয়ে অশোকা ঘুমিয়ে আছে। হাত বাড়িয়ে আলো জ্বালাতে গেল, জ্বালালো না। আলোর চেয়ে অন্ধকারেই অনেক জিনিস বেশি স্পষ্ট করে দেখা যায়।

ডাকলো : ‘অশোকা, ওঠো। খেতে যাবে না?’

গলার স্বরে গভীর অন্তরঙ্গতা, তবু কোনো সাড়া নেই।

হাত দিয়ে অশোকার মাথায় সে মৃদু নাড়া দিলো। তারপর কাঁধ ধরে ঝাঁকুনি। ‘এ কি, ঘুমিয়ে পড়েছ নাকি?’ তবুও অশোকাকে মৃদুমান দেখে দূই হাতে তার দূই বাহু ধরে সবল আকর্ষণ করে তাকে সম্পূর্ণ দাঁড় করিয়ে দিলো। বললে সূর্যজিৎ একটু শাসনের সুরে : ‘তুমি পাগল হয়েছ নাকি? এই অসম্ভব শীতে পাংলা একটা শাল গায়ে দিয়ে বাইরে পড়ে আছ? নিম্ননিয়া হবে যে! ঘুম পেয়েছে, বিছানায় শুতে পারোনি? লেপ তবে আছে কী করতে? চলে এসো বলছি।’ বলে তার হাত ধরে টেনে ঘরের মধ্যে নিয়ে এলো। আর দরজাটা দিল সজোরে বন্ধ করে।

এত ঝড়-ঝাপটার পর আশ্চর্য হেসে অশোকা বললে, ‘ঘুমিয়ে পড়েছিলুম বন্ধি?’

তারপর তারা নিচে খেতে গেল, টেবিলে, মুখোমুখি।

রাশি-রাশি খাবার। অশোকা বললে, ‘তুমি আমার ঘুমটা মাটি করবে দেখছি।’

‘কেন বলো তো?’

‘এত সব খেলে আমার ঠিক অস্বল হয়ে যাবে। বুক জ্বলবে। ঘুমুতে পারবো না।’

‘যদিও আমার কাছে ওষুধ আছে, তবুও তোমাকে অত খেতে বলবো না। যা পারো তাই খাও।’

‘আর তুমি—তুমি এতগুলি সব খাবে নাকি?’ অশোকা অবাক হবার ভঙ্গি করলো।

‘না আমি রাতে অত্যন্ত কম খাই।’

‘তবে এত সব করেছ কেন?’

‘আমি করিনি, ঠাকুর করেছে।’

‘ঠাকুর করেছে! দূটো লোকের জন্যে দূশো রকম খাবার! ওকে এত সব বলেছে কে করতে? কী আক্কেল দেখ দিকি। এসব স্নেফ নষ্ট হবে তো?’ অশোকা কর্ণীত্বের সূরে বললে।

‘হোক নষ্ট। তবু তোমাকে বেশি খেতে বলে তোমার ঘুম নষ্ট হতে দিতে চাই না। কিন্তু, ভাবো দেখি,’ সুর্জিৎ সহজভাবে বললে, ‘দৃশ্যটা যদি উলটো হতো, মানে, তোমার ঘরে যদি আমি অতিথি হতুম, আর তুমি যদি আমাকে খাওয়াতে, তা হলে দূশো ছেড়ে দু’ হাজার পদ করতে, আর কিছুতেই আমাকে ছেড়ে দিতে না, জোর করে প্রতিটি গ্রাস আমার গলার মধ্যে গুঁজে দিতে, তাতে আমার অম্বল ছেড়ে পায়ের হয়ে গেলেও। বলা, তাই ঠিক নয়?’

‘ককখনো না।’ চামচ দিয়ে খাদ্যদ্রব্যগুলির প্রথমাংশটা দু’ প্লেটে ভাগ করে দিতে-দিতে অশোকা বললে, ‘বরং আমার খাওয়ানোতে যদি তোমার অসুখ করতো, রাত জেগে তবে তোমার আমি সেবা করতুম। যতক্ষণ না সুস্থ হতে ছেড়ে দিতুম না তোমাকে। বেশ তো, আজই তার পরীক্ষা হোক না।’ অশোকা চেয়ারটা সামনের দিকে আরো টেনে আনলো : ‘মনে করা যাক না, এ আমি তোমাকেই খাওয়াচ্ছি। তোমার বাড়ি, তোমার খরচ—ভেবে নিলেই হলো, আমার বাড়ি, আমার খরচ। খাও না তোমার যত ইচ্ছে। দেখ না, সেবা করতে পারি কি না।’

‘মাঝখান থেকে আমার স্বাস্থ্যের সংগে তোমার ঘুমটুকুও নষ্ট হয়ে যাবে। দরকার নেই সেই এক্সপেরিমেন্টে। ফেলে-ছাড়িয়ে যা পারা যায় তাই খাওয়া যাক।’

খেতে-খেতে হঠাৎ নিম্ন কণ্ঠে অশোকা জিজ্ঞাসা করলে, ‘আচ্ছা, তোমার ঠাকুর-চাকর আমাকে কী ভাবছে বলা তো?’

‘কী ভাবছে জিগগেস করাটা যখন সমীচীন হবে না, তখন অনুমান করতে পারি মাত্র।’ সুর্জিৎ সম্পূর্ণ করে তাকালো একবার অশোকের মূখের দিকে। বললে, ‘কোন আত্মীয়া—ছোট বোন-টোন ভাবছে হয়তো।’

‘তাই হবে। নচেৎ আর-কেউ যে এমন একা বাড়িতে একা চলে আসতে পারে তা হয়তো ওরা কল্পনাও করতে পারে না। আচ্ছা,’ গরসটা মূখের কাছে ধরে নির্নিমেষ চোখে সুর্জিৎের দিকে তাকিয়ে অশোকা প্রশ্ন করলো : ‘আচ্ছা, আমাকে তোমার মনে ছিলো? তার যখন পেলে তখন চিনতে পেরেছিলো অশোকা কে?’

এই সূত্রে অশোকা সূরজিৎকে টেনে নিয়ে গেল প্রায় দশ-এগারো বছর আগে এক বে-সরকারী মেয়ে-হস্তে। যখন সূরজিতের বয়েস পঁচিশ কি ছাব্বিশ। যখন জয়ন্তীর সঙ্গে দেখা করতে এসে লুকিয়ে আরো একজনের সঙ্গে সে দেখা করতো। যখন একটা চাপা গুজব চলছিলো চারদিকে শেষ মূহুর্তে কার সে হাত ধরে—জয়ন্তীর না অশোকার।

সে-পরিচ্ছেদটা নির্বিঘ্নে উত্তীর্ণ হয়ে সূরজিৎ হঠাৎ জিগগেস করলে :
'কাল ইন্টারভিউর পরই চলে যাবে নাকি?'

'হ্যাঁ, হবিবিনা-অবস্থাতেই যাওয়া ভালো।' অশোকা হাসিমুখে বললে,
'প্রহারেণ পর্যন্ত অপেক্ষা করাটা বুদ্ধিমানের কাজ নয়।'

আঁচিয়ে উপরে এসে দেখলো সাড়ে-এগারোটা। কি-রকম আতঙ্ক করে উঠলো অশোকার।

টিপাইয়ের উপর পান রেখে গেছে।

সূরজিৎ বললে, 'তুমি পান খাও?'

'তুমি?'

'খাবার পর খাই এক-আখটা।'

'আমি খাই না। তবে তুমি যখন খাচ্ছ—' অশোকা তুলে নিলো একটা পান।

'পান খেলেও ঘুমুতে যাবার আগে দাঁত মার্জি।'

'রক্ষা করো, রাত দুপুরে এখন আমি দাঁত মাজতে পারবো না।' অশোকা পান রেখে দিলো।

কতক্ষণ পরে, ঘরের চারদিকে চেয়ে, জানলা-দরজা সব অটুট আছে কিনা তাই হয়তো পর্যবেক্ষণ করে সূরজিৎ জিগগেস করলে, 'তোমার আর কি লাগবে? রাত্রে জল যদি খাও—'

'রক্ষা করো। শীতে রাতে উঠে জল খাওয়া!'

'তবে দোর দিয়ে শূয়ে পড়ো আর কি!'

'আর তুমি?'

'আমার দেরি আছে।'

'আমিও তবে দোর করতে পারবো।' বলে হঠাৎ অশোকা জিগগেস করলে :
'বাড়িতে কফি আছে?'

'খাবে তুমি? আমি নিজেই প্রস্তাব করতে যাচ্ছিলাম, কিন্তু তোমার ঘুমের ব্যাঘাত হবার ভয়ে বলতে সাহস পাইনি।'

‘তবে বলে দাও না, কোথায় কী আছে, তৈরি করে নিচ্ছি।’

‘কিন্তু খাবে যে, ঘুমুতে তোমার অনেকু দেরি হয়ে যাবে।’

‘হোক। এখন আর আমার ঘুম পাচ্ছে না। এখন জাগতে ইচ্ছা করছে।’

অশোকা নিজের হাতেই তৈরি করলো কফি। সদুরজিৎকে এক কাপ দিয়ে নিজে নিলো আর এক। সদুরজিৎ বসেছে ইঁজিচেয়ারে, অশোকা সামনে একটা লম্বা মোড়ায়—টিপাইটা দৃ'জনের মাঝখানে, বইগুঁলি মেঝের উপর রেখে দেয়া। বেড়া-দেয়া রুটিনের বাইরে যেন তারা চলে এসেছে। নিচে চাকরদের সাড়া-শব্দ আর পাওয়া যাচ্ছে না। বারোটা বেজে কুড়ি মিনিট।

কফি শেষ হয়ে গেছে কখন। অনেকক্ষণ তাদের আর কোনো কথা নেই। আর যেন কিছুতেই তারা লঘু আর তরল হতে পারছে না।

প্রকান্ড একটা স্তম্ভতার ঢেউ পেরিয়ে গিয়ে সদুরজিৎ বললে, আবার সেই আগের কথা : ‘দোর দিয়ে এখন শূয়ে পড়ো।’

অশোকাকে মৃ'খ দিয়ে সেই আগের কথাই বেরিয়ে এলো : ‘আর তুমি?’

‘হ্যাঁ, আমিও শোবো এবার। পাশের ঘরে আমার জায়গা হয়েছে।’

মাঝের দরজা দিয়ে অশোকা দেখলো একবার পাশের ঘরের চেহারা। দেখলো সেই স্প্রিং-এর খাটে কখন একটা বিছানা করা হয়েছে—হাসপাতালের রুগীর মতো—পায়ের নিচে একটা মোটা কম্বল—ওয়াড়-ছাড়া। দরিদ্র, সঙ্কীর্ণ বিছানা।

অশোকা বললে, ‘তা কি হয়? তোমার বিছানায় তুমি শোবে। ওখানে আমি শোব—একরাতির তো মামলা।’

সদুরজিৎ অস্ফুটভাবে হাসলো। বললে, ‘পাগলামি করো না। তুমি অতিথি, পথশ্রান্ত।’

‘অত বড়ো খাটে শূলে আমার ভয় করবে। ঐখানেই দিবি আমি কু'কড়ে শূয়ে থাকতে পারবো। ঘরময় অনেক জিনিস, ককখনো একা মনে হবে না নিজেকে।’

‘তোমার কিছ্'দু ভয় নেই, এমন-কি আমাকে পৰ্য'ন্ত তোমার ভয় নেই। সে-ভয়ও যাতে না থাকে—’ সদুরজিৎ সরে এলো দৃ' ঘরের মাঝের দরজার কাছে। বললে, ‘দরজার খিলটা তোমার দিকেই রইলো।’ পরে স্বর অত্যন্ত লঘু করে বললে, ‘মশারি খাটানো আছে, দরকার হলে ফেলে নিয়ো। মশা যদিও এখন

নেই। আর রাত কোরো না, কথায়-কথায় অনেকক্ষণ তোমাকে জাগিয়ে রেখেছি।’ বলে সুরজিৎ তার ঘরে অপসৃত হ’ল।

অমনি তার পিছনের দরজাটা আস্তে-আস্তে বন্ধ হয়ে গেল। নির্ভুল একটা শব্দ হলো—খিল-লাগানোর শব্দ। তারপর সুইচ অফ করার শব্দও সে শুনতে পেলো। তারপর, এ-ঘর থেকে দেখলো সে ও-ঘরের অন্ধকার।

অনেক রাতে সুরজিৎ একটা ভয়ের স্বপ্ন দেখলো যেন বাড়িতে আগুন লেগেছে। বন্ধ দরজায় ধাক্কা মারছে সে, অথচ খুলছে না দরজা। অশোকাকে ডাকতে যাচ্ছে, গলায় ফুটছে না কোনো স্বর। অথচ স্পষ্ট সে দেখতে পাচ্ছে সে-আগুনের থেকে অশোকা কিছূতেই বেরিয়ে আসতে পারছে না।

এমনি একটা আতঙ্কের মধ্যে থেকে তার ঘুম ভেঙে গেল। দেখলো, পাশের ঘরে আলো জ্বলছে। যাক, আগুন নয়, আলো। নিশ্চিত হয়ে আবার সে ঘুমিয়ে পড়লো।

অন্যদিন ভোরবেলা জানলা দিয়ে ডেকে চাকর জাগিয়ে দেয়, আজ সে নিজেই উঠলো, এবং সেটা অপ্রত্যাশিত প্রত্যয়ে। মনে পড়লো অশোকার কথা, এবং মনে হতেই নিঃসঙ্কোচে সে পাশের দরজা খুলে উত্তরের বারান্দা দিয়ে বেরিয়ে পাশের দরজা দিয়ে অশোকার ঘরে ঢুকলো। ঘরে অশোকা নেই, সেটা বেশি আশ্চর্য নয়, কিন্তু খাটজোড়া প্রকাণ্ড বিছানার এতটুকু কোথাও কোঁচকায়নি। সুরজিৎের শালখানা ভাঁজ কবে ইঁজি-চেয়ারের হাতলের উপর রাখা। তার সুটকেসটিও অস্তিত্বহীন।

উপরে-নিচে সম্ভব-অসম্ভব কোনো জায়গায়ই অশোকাকে পাওয়া গেল না। সুরজিৎ তারপর পথে বেরুলো। আর কোথাও নয়, মেয়ে-ইস্কুলের সেক্রেটারির বাড়িতে। বিশ্বনাথবাবু বললেন, ‘নতুন কোনো মিসট্রেস নেবার কথা হয়নি, আর অশোকা মৃধার্জি বলে কারুর ইন্টারভিউ দিতে আসার কোনো কথা নেই।’

এর পর স্টেশনেও সে যেতে পারতো—ভোরবেলা জলে-স্থলে দু’দিকের পথই খোলা আছে। অতএব পশ্চিমের প্রয়োজন নেই মনে করে সুরজিৎ বাড়ি ফিরলো। ফিরে এসে পরখ করে দেখলো দু’ঘরের মাঝখানের দরজা তেমনি অটুট বন্ধ আছে।

বন্ধ যদি আছে, তবে মাঝরাতে ঘুম ভেঙে উঠে পাশের ঘরে সে আলো দেখলো কেমন করে?

সমস্তটাই কি স্বপ্ন?

দোলনা

প্রথমটা অতুল স্তম্ভিত হয়ে রইলো, পরে উঠলো চেঁচিয়ে।

আর, তার উত্তরে কিনা ঐ নির্বাকিত, নির্বাকিত হাসি!

‘কী সর্বনাশ! খোলা ছাদ, পড়ে যাবে যে।’ মনুহর্তে চোখে অন্ধকার দেখলো অতুল হাত-পায়ের প্রান্তগুলো তার ঠাণ্ডা হয়ে এলো, আর শরীরের সমস্ত শিরা-উপশিরা গেল ছিঁড়ে, তালগোল পাকিয়ে। মনে হল এই বন্ধু সে পড়ে যাবে মেঝের উপর।

ঘুরতে-ঘুরতে ছুটতে-ছুটতে হাসতে-হাসতে মেয়েগুলো বললে, ‘আমরা পড়ি না।’

এমন অবস্থায় সন্মুখের জানলাটা বন্ধ করে দেয়া ছাড়া গত্যন্তর নেই। এ রোমাণ্ড অতুলের দুর্বল স্নায়ুর পক্ষে অসহনীয়।

এই সৈদিন সামনের ঐ আমগাছটার ডগায় গিয়ে উঠেছিল চাঁদেদের ছোট ছেলে, মরা ডাল ভাঙবার জন্যে। কী সামান্যতক সাহস ছেলেটার! কখনো উপদ্রু হয়ে শূন্যে হাত বাড়িয়ে, কখনো-বা এক পায়ে দাঁড়িয়ে অন্য পা বাড়িয়ে ছেলেটা সর-সর, শূন্যে ডাল পট-পট করে ভেঙে ফেলে দিচ্ছে নিচে, আর যখন এই পড়ে গেল বলে অতুল বুক চেপে ধরেছে, তখনই ছেলেটা শীর্ণতর আরেকটা শাখায় গিয়ে আশ্রয় নিচ্ছে। ছেলেটার কী হিচ্ছিল কে জানে, অতুলের বকের মধ্যে হাপর চলছিল কামারের। সামান্য দু-পয়সার জ্বালানির জন্যে এই জীবন-সংশয়। অনেক চেঁচামেচিতেও যখন ছেলেটাকে নামানো গেল না, অতুল তখন নিরুপায় হয়ে সামনের জানলাটা বন্ধ করে দিল।

এখানে এখন জানলাটা তেমনি বন্ধ করে দেয়া উচিত, যদি হৃৎপতন থেকে অতুল বাঁচতে চায়। কিন্তু চোখ ফেরাবো বললেই আর চোখ ফেরানো যায় না।

বড়ো মেয়েটাই সবচেয়ে দেখতে ভালো—তাতে সন্দেহ কী। আর কিছুতে না হোক, বয়সে অস্তত। অস্তত পোশাকে। পোশাকের প্রার্থে। ‘গেল, গেল—পড়লো সবগুলো।’ অতুলের গলা চিরে তিন-তিনটে আওয়াজ বেরলো।

কিন্তু মেয়েগুলোর মুখে হাসি ছাড়া কোনো শব্দ নেই। যেমন ঘুরছে

তেমনি হাসছে। গোলমাল শুনে নিচে থেকে স্বয়ং প্রোপ্রাইটর এসে হাজির হল। কৃষ্ণকান্তি, বৃহস্পদ।

‘এরা কি শেষকালে একটা কেলেকারি বাধাবে নাকি?’ অতুল বলসে উঠলো : ‘ন্যাড়া ছাদ, কালকের বাতের বৃষ্টিটা ভালো করে এখনো শুকোয়নি, আর এরা আলসের উপর দিয়ে ছুটোছুটি করছে? যদি ছিটকে একটা পড়ে যায় রাস্তায়!’

‘পড়বে না বাবুজি, পড়বে না।’ ভীমকান্তি প্রোপ্রাইটর অতুলের কাঁধের নিচে মৃদ-মৃদ চাপড় দিতে লাগলো।

‘দৈবের কথা কে বলতে পারে? নিচে তো আর নেট টাঙিয়ে রাখেননি!’ অতুল ঝাঁজিয়ে উঠলো : ‘একটার কারু অপঘাত মৃত্যু হোক আর আমার বাড়ির বদনাম রটে যাক। ভাড়াটে একটাও না পাই ইহজীবনে।’

‘এই, থাম তোরা।’ ধমকের মতো করে বলে প্রোপ্রাইটর।

মেয়ে চারটে থেমে পড়লো। বড়োটার চুল ছাঁটা, আর ছোট তিনটে দৃ-দৃটো করে বেগী দুলিয়ে হাসতে-হাসতে চলে গেল নিচে।

‘খোলা ছাদে ওদের একটু একসারসাইজ করতে পাঠিয়েছিলাম—’ বিনীত ভাঙতে বললে প্রোপ্রাইটর।

‘তা করুক না যত খুশি। তাই বলে আলসেব উপর দিয়ে ছুটতে হবে নাকি?’ অতুলের চোখ থেকে আতঙ্কের আভাস তখনো কেটে যায়নি : ‘ওদের কী. ওরা না হয় মাটিতে পড়ে গিয়েও হাসবে, কিন্তু এদিকে আমার প্রাণ যে খাঁচা-ছাড়া।’

প্রোপ্রাইটর হাসলো। বললে, ‘কিছু ভয় নেই। ব্যালেন্স ওদের বেশ ভালোই শেখা আছে। রাতের শো-তে যাবেন না আজ? দেখবেন তখন সুভদ্রাকে।’ প্রোপ্রাইটর আবার অতুলের কাঁধ চাপড়ালো : ‘আপনার কিড্‌নির কাজ নিশ্চয়ই ভালো হচ্ছে না। নইলে এই সামান্যতেই আপনার ভয়!’

ভাদ্র মাসের শেষ। থেকে-থেকে বৃষ্টি হচ্ছে এখনো। দৃ-তিনটে বিল জড়িয়ে নদীর বিস্তৃতি বহুদূর ছড়িয়ে পড়েছে। খেয়া-পারাপারের পাঁচ মিনিটের জায়গায় লাগে প্রায় এখন পয়তাল্লিশ মিনিট।

এমন সময়ে এখানে সার্কাস-পার্টি আসছে শুনে অতুল গোড়ায় খানিকটা আশ্চর্য হয়েছিল সন্দেহ নাই। কিন্তু এবার চাষীরা ভাদোই খুব ভালো পেয়েছে, তাই তাক বৃষ্টি ওদের থেকে লুটে নেবার মতলবেই যে এরা এসে পড়েছে

তাড়াতাড়ি, তা বদ্বতেও অতুলের দেরি হয়নি। প্রথমটা সে ঠিক করেছিল সমস্ত সে ভন্ডুল করে দেবে, চাষীদের বাঁচাবে সে এই অকারণ অপচয় থেকে। তাই, আগে, সার্কাস-পার্টির লোক যখন তার বাড়ির একতলাটা ভাড়া চাইতে এসেছিল, সে রাজি হয়নি। কিন্তু কালকের বৃষ্টিটা কেন-কেন-জ্ঞানে তার প্রতিজ্ঞাটা হঠাৎ মূছে দিয়ে গেল। বিকেল থেকেই বৃষ্টি নেমেছিল, ট্রেন আসবার আগেই। সম্ভে-সম্ভিতে সার্কাসের প্রোপ্রাইটর এসে অতুলের সঙ্গে দেখা করলে; বললে,—বাজারের মধ্যে তার নিজের যে বাড়িটা ঠিক করা হয়েছে তার সবই আছে কেবল ছাদ নেই, বৃষ্টিতে সপরিবারে তাই সে রাস্তায় এসেছে চলে, এখন অতুল যদি না দয়া করে তবে তারা আর ফিরে যাবারও রাস্তা পাবে না।

‘যত ভাড়া আপনি চান—যা কিছু, সর্বাধিক—’ বৃহস্পতি প্রোপ্রাইটর দীন-দুর্বলের মতো বললে।

স্বদেশী-করা অতুল টলতো না, যদি না একটা বিদ্যুৎ উঠতো ঝলসে। চাকিতে, স্বাপসা ভাবে, দেখলো ছোট-বড়ো একদল মেয়ে রাস্তায় দাঁড়িয়ে ভিজছে আর মেঘ-গজনের মধ্যেও শুনতে পেলো তাদের টুকরো-টুকরো হাসির শব্দ।

অতুল ভেবে দেখলো চাষীদের নিরানন্দ জীবনে শ্রান্তিবিনোদনের পক্ষে সার্কাসটা মন্দ কী। সম্বৎসর কাটিয়েছে তারা শীর্ণতার মধ্যে, এখন যদি শস্যোচ্ছ্বাসের ফলে উদ্ভৃতি কিছু ঘটে থাকে তাদের, তা দিয়ে ক’টা সম্ভা তারা সম্ভাগ করুক না! কার্নিভ্যাল বা জুয়োখেলা হলে তার আপত্তি হতে পারতো, কিন্তু সার্কাসের মতো নির্দোষ প্রমোদ আর কী আছে! নিচের তলাটা অতুল ছেড়ে দিল প্রোপ্রাইটরকে।

একা মানুষ, বিয়ে করেনি, দোতলার দুখানা ঘরই অতুলের যথেষ্ট। খাতা-লেখার যে দু-জন মদুহুরি নিচে একপাশে থাকতো তাদেরকে সে পাঠিয়ে দিল গদিতো। প্রোপ্রাইটর নিঃসঙ্কোচে প্রসারিত করলো নিজেকে।

সামান্য তেজস্বী থেকে চালের বিরাট কারবার গড়ে তুলেছে অতুলের বাবা, কালীবর সিং। তাকে যে-কোনো অবস্থায় খুন করলেই যে তার গায়ের মাংসের ভাজ থেকে কম-সে-কম হাজার দশেক টাকা বেরিয়ে আসবে, এ সম্বন্ধে জনশ্রুতি অত্যন্ত প্রবল। প্রোচতার সীমায় এসে কালীবরের হঠাৎ মদের প্রতি লিপ্সা জাগে এবং দেখতে-না-দেখতে কারবারটি সে গোপন্য দিতে বসে। অতুল তখন

আইন পাস করে ওকালতি করবে, না আর কোনো ব্যবসা ফাঁদবে তারই কম্পনায় ব্যস্ত, এমন সময় বাবার আকস্মিক অধোগতির খবর তার কানে আসে। সটান গ্রামে ফিরে গিয়ে ব্যবসা সে নিজের হাতে তুলে নেয়, বাপকে তাড়িয়ে দেয় দেশের বাড়িতে, আর তার মদের খরচের জন্যে বরাদ্দ করে দৈনিক পাঁচসিকে। তারপর থেকে চালের ব্যবসা সে চালিয়ে যাচ্ছে ঠিক, কিন্তু যাই বলো, কোনোই রোমাঞ্চ সে খুঁজে পাচ্ছে না। শূদ্ধ নামে কি আর চিড়ে ভেজে? বাঁকতুলসী, সমুদ্রবালি বা বাসমতি? মন ওঠে কি শূদ্ধ পয়সায়? এক জায়গায় বসে থাকায়? অনেকে অনেক কিছুই বলেছে, কিন্তু কোনোটাই অতুলের পছন্দ হয়নি। আজকে হঠাৎ তার ভাবের বাষ্প ফুলতে-ফুলতে প্রকাণ্ড একটা তাঁবুর আকার ধারণ করলো। ভাবলো, সার্কাস!

এক জায়গা থেকে আরেক জায়গায় চলে যাওয়া, তাঁবু খাটিয়ে-খাটিয়ে। স্পেশ্যাল ট্রেনে প্রকাণ্ড-প্রকাণ্ড খোলা ট্রাকে মাল বয়ে নিয়ে যাওয়া, শাল-কাঠের খুঁটি গ্যালারির তক্তা, খাঁচায়-পোরা বাঘ, শেকলে-বাঁধা হাতি। সমস্ত সময়-চিহ্নিত ট্রেনের পাশ কাটিয়ে এ-লাইন থেকে ও-লাইনে একে-বোঁকে হঠাৎ বে-টাইমে এক অজানা জায়গায় চলে আসা, ভাবতেও কেমন নতুন-নতুন লাগে। ধরা-বাঁধা নেই, সিঁজিল-মিঁছিল নেই, সমস্ত কিছুতেই একটা অনিশ্চয়তা ছাপ মারা। কোথায় থাকতে পাওয়া, আড়তে না আড়গড়ায়, কিছুই ঠিক-ঠিকানা নেই। তা ছাড়া নিজেদের চা-রুটি জোটালেই চলবে না, বাঘের জন্যে চাই পাঁঠা, ঘোড়ার জন্যে চানা, হাতির জন্যে কলাগাছ। তারপর, কে জানে কী ভাবে লোকে নেবে; ব্যান্ড-বাজানো ও প্রোগ্রাম-বিলোনো গাড়ির পিছনে ছুটবে কেমন ছেলের দল। গ্যালারি ছাপিয়ে লোক নেমে আসবে কিনা ঘাসেব সতরঞ্চিতে। মোট কথা, তাঁবুটা ফাঁপবে না ফাঁসবে। সমস্তই একটা অশুভ অশ্ধকার—

দোতলার সিঁড়ির কাঠের রেলিং বেয়ে ঘূর্ণমান একটা ঘাঘরা নিচে নেমে গেল হঠাৎ। তাড়াতাড়ি নামতে গিয়ে কেউ বোধ হয় পড়ে গেল পা পিছলে—এমনি মনে হল অতুলের। হয়তো কেউ কাউকে ছুঁড়ে ফেলে দিয়েছে নিচে, এখুনি হয়তো শূন্যে পাবে একটা পিঁণ্ডাকার শব্দ আর কাতর আতঁনাদ। কিন্তু তখুনি আবার কার ঘুরন্ত ঘাঘরা সিঁড়ির উপর দিয়ে নেমে গেল ক্ষিপ্ৰহৃদে। এটাও পড়লো বৃদ্ধি মৃদু থুঁবে। বসবার চেয়ারটা উলটিয়ে দিয়ে অতুল রুদ্ধশ্বাসে নেমে এলো। দেখলো, আগেরটা রক্তা। পরেরটা লক্ষ্মী, এবার

রুদ্ধাঙ্গী—একের পর এক রেলিঙের উপর দিয়ে ছুটে নামছে আর নিচে থেকে হাত বাড়িয়ে লুফে নিচ্ছে তাদের সন্ধান।

যেন নেহাত বড়ো হয়েছে বলেই এমনিধারা ছেলেমানসি খেলায় সে শোভা পাবে না। এমনি একটি গরিমা তার চেহারায়।

‘এরা যে নিউটনের আইনকেই অমান্য করছে—’ অতুল আবার একটা আতঙ্কিত প্রতিবাদ করলো।

প্রত্যুত্তরে আবার সেই চূর্ণ-বিচূর্ণ হাসি। চোখে ঝিলিক দিয়ে সন্ধান বললে, ‘এ সব কী! দেখবেন সন্দের সময়।’

অনেক দিন এসব অঞ্চলে ঘুরে-ঘুরে শিখে নিয়েছে এরা ভাঙা-ভাঙা বাঙলা। বাধে না কোথাও।

উচ্চারণের মিষ্টি শব্দটিটুকুর জন্যেই এদেরকে অতুল কথা কওয়াতে চায়। কিন্তু এরা বলে কম, হাসে বেশি।

‘এখনিই যা দেখছি তাইতেই তো সন্দের ঘনিয়ে এসেছে বলে মনে হচ্ছে।’ বললে অতুল, বৃকের বাঁ পাশে হাত রেখে।

রক্তাকে ফের লুফে নেবার জন্যে সন্ধান হাত বাড়িয়ে দিল। বললে অন্যমনস্কের মতো, ‘এসব তো আমাদের একসারসাইজ শরীরের আড় ভেঙে নেয়া—’

মেয়েটা পড়ে যাচ্ছিল বৃকি। কিন্তু না, কী সবল বিশ্বাসী বাহু! কাঁধের কাছটা কত প্রশস্ত, পরিপুষ্ট! ওদিকে না তাকিয়েও কী অনায়াসে ও কত অভ্যাসবশেই যেন টেনে নিয়েছে রক্তাকে!

অতুল বললে, ‘তুমি একবার দৌড়বে না এমনি?’

‘বলুন আপনি ধরবেন এমনি নিচে থেকে?’

‘সর্বনাশ! আমার ঘাড়ের উপর আশ্রয় নাও আর-কি!’ মেয়েদের আরেক চোট হাসতে দিয়ে পালিয়ে গেল অতুল।

নিয়েছে এখানকার লোকেরা, প্রথম সন্দেরেই।

ইন্সটিশনের কাছে আম-বাগানের পিছনে তাঁবু পড়েছে সার্কাসের; জুঁলছে দুর্ধর্ষ ডে-লাইট, বাজছে দুর্দর্ম ব্যান্ড, আর জুড়ো হচ্ছে এসে দুর্বীর জনতা। একটি-একটি লস্টন সম্বল করে এক-একটা পাড়া উঠে আসছে আস্ত। কাছে-পিঠে নয়, দূরের-দূরের গ্রাম। নদী-নালা পেরিয়ে মাঠ-ঘাট ডিঙিয়ে, জ্ঞান-জাণ্ডাল ভেঙে। ট্রেনে, গরুর গাড়িতে। কাচ্চা-বাচ্চা জোয়ান-বুড়ো, কেউ বাদ

নেই। রাতারাতি বসে গেছে সব দোকান-দানি, পান-সিগারেটের, তেলেভাজার, চা-বিস্কুটের। মেলা মনে করে আমগাছের ঝোপের ঝাপসাতে দাঁড়িয়েছে এসে দুয়েকটি গ্রাম্য গণিকা। অতুলের জন্যে তার নিজের বসবার চেয়ার নিয়ে আসা হয়েছে বাড়ি থেকে, তার আলাদা মর্যাদা। গণ্য-মান্য আর যাঁরা এসেছেন ‘পাসে’, বসেছেন তাঁরা সব সার্কাসের গোদা-গোদা কাঠের চেয়ারে, পিঠ খাড়া করে। প্রথম খেলাতেই সুভদ্রা যে সার্কাসী কায়দায় হাওয়াতে হাত হেলিয়ে অভিবাদন সেরে রাঙা স্ক্রু হািসিটুকু হাসলো তা শব্দ অতুলের জন্যে!

দৈন্য-দশা সার্কাসের, যদিও নামটা তার রাজকীয়। তাঁবুটা জয়গায়-জয়গায় ছেঁড়া, তাকালে তারা দেখা যায়। গ্যালারিতে বসবার জন্যে যে তস্তা তা যেন মূল আকারকে চিরে অর্ধেক করা। মেয়েদের আরুর আকর্ষণ বাড়াবার জন্যে যে জালের পর্দা টাঙানো হয়েছে তা নিজেই নিলম্বজ। খেলভেঁদের পোশাকগুলো ময়লা, কোথাও বা সেলাই-করা। ক্লাউন দুটো অমানুষিকভাবে কদাকার। আর, চাকর-বাকরগুলি সত্যি-সত্যিই চাকর-বাকরের মতো। কিন্তু বাই হোক, লোক হয়েছে বটে।

প্রথমেই ঝুলন্ত দোলনার খেলা, একটাতে সুভদ্রা আরেকটাতে নাগস্বামী। দোলনার নিচে চার কোণের চার থামের সঙ্গে বেঁধে দড়ির জাল টাঙানো। এমন অবস্থা, জালটা পর্যন্ত আস্ত নেই। উত্তরের প্রান্তে অনেকটা ফাঁক। মাঝখানটা আঁট আছে বলেই চলেছে এখনো!

ডে-লাইটগুলো টেনে তোলা হলো উপরে, বেজে উঠলো ব্যান্ড, বাঁশ আর ঢেঁটরা। হাত-ধরাধরি করে আসরে নামলো এসে সুভদ্রা আর নাগস্বামী। সুভদ্রার রঙটা মাজা-মাজা, এখন যদিও সেটা পাউডারে-পেপেটে অত্যন্ত তেজালো, কিন্তু নাগস্বামী নিরবচ্ছিন্ন কালো। শোভন গঠন, দীর্ঘাঙ্গ চেহারা, বয়েস গ্রিশের কাছে। সুভদ্রার শরীর দেখে বয়েস সম্বন্ধে যে উদ্ভ্রা ধারণা হতে পারতো তা ঘা খায় এসে তার মূখের চারুতায়, কটাক্ষের কণ্টকে। যোগবিয়োগ করে কুড়ি-বাইশের বেশি মনে হয় না। নাগস্বামীর পরনে গোঞ্জির সাদা আঁট জামা, গায়ের সঙ্গে লেপটানো; কিন্তু সুভদ্রা এলো বোলা একটা আলখাল্লা গায়ে দিয়ে। বিস্ময়কর একটা উদ্ঘাটনের বিস্ময়কর নম্বর পাবার জন্যেই সে ঐ অবান্তর ঢিলে জামাটা গায়ে চাপিয়ে এসেছে। এমন নিরবশেষ ভাবে জামাটা সে গা থেকে খুলে ফেলে দিল যে, প্রথমটা অতুলের ভয় করে উঠলো। একটা অতলান্ত গুহার মধ্যে আকস্মিক পড়তে গিয়ে যেখানে সে ধাক্কা সামলে

দাঁড়িয়ে পড়লো, সে জায়গাটাও কম বিপজ্জনক নয়। সুভদ্রার গায়েও সেই লেপটানো আঁট জামা, গোড়ালি পর্যন্ত টানা, পায়ে রবারের রঙিন জুতো, নিরাভরণ হাত কাঁধ পর্যন্ত অনাবৃত, নিরবকাশভাবে মসৃণ। লাভগালীলাজলে শ্রোণী যে তীর্থশিলা, এত দিনে মনে হল তাকে দেখে। পোশাক যে এত দুঃসাহসী হতে পারে, কে জানতো তা! সর্বাঙ্গে লালিত্য শূন্য লিখিতই হয়নি, মোটা পেন্সিলে আন্ডারলাইন করা হয়েছে। যে লালিত্য স্বাস্থ্য স্ফূর্তিমান, কাঠিন্যের মেশাল পেয়ে যা সমীচীন। দেহের যদি সঙ্কেচ না থাকে, সুভদ্রা মনেও নিঃসঙ্কেচ।

হাওয়াতে হাত হেলিয়ে হাসলো একটু সুভদ্রা। ঠোঁটে রঙ মাখাটা সহিতে পারতো না অতুল। কিন্তু পাতলা ঠোঁটে রাঙা টুকটুকে হাসি হাসলে কাউকে যে এমন সুন্দর দেখাতে পারে, এও বা তার জানা ছিল কই?

দাঁড়ি সিঁড়ি বেয়ে দুই দিক থেকে দুজনে তারা তরতর করে উঠে গেল উপরে, নাগস্বামী আর সুভদ্রা, ধরলো দুদিকের দুটো ঝুলন্ত দোলনা। তারপর লাগলো দুলতে; বসে, দাঁড়িয়ে, পায়ের খাঁজের সঙ্গে দোলনার দশটা আটকে রেখে মাথা নিচের দিকে ঝুলিয়ে দিয়ে। আরো নানা রকম দুঃসহ দুরবস্থায় বিপজ্জনক ভিগ্নিতে। অত্যন্ত দ্রুত উদ্ভাবিত। গতি বা দ্রুতি শরীরে যে নবতন রেখার সঞ্চার করছে, তাকে সম্পূর্ণ অনুসরণ করবার আগে আরেকটা ভিগ্ন এসে গ্রাস করছে তাকে। ফুটে উঠছে বা আরো কতগুলি নতুন উদ্ভাবিত, নতুন উদ্ভেজনা। এখন, মাথা নিচু করে ঝুলতে-ঝুলতে এ-দোলনা থেকে ও-দোলনায় লাফিয়ে পড়ে পরস্পর জায়গা বদল করছে। নাগস্বামী কখনো বা অন্য দোলনায় গিয়ে আশ্রয় না নিয়ে হঠাৎ থেমে পড়ে উজ্জীনোন্মুখ সুভদ্রাকে শূন্য থেকে কুঁড়িয়ে নিচ্ছে দুহাতে, আবার তক্ষুনি ছুড়ে দিচ্ছে তার পরিত্যক্ত দোলনায়। আবার, কখনো বা সুভদ্রা হাত বাড়িয়ে তুলে নিচ্ছে নাগস্বামীকে, ছেড়ে দিচ্ছে আবার তার নিজের সীমানার কিনারে। সমস্তটাই চলেছে একটা উদ্ভ্রান্ত উদ্বেগের মধ্যে। একটানা বাজছে শূন্য দ্বার তারস্বর।

এটাই আসল খেলা, মাথা নিচু করে দুলতে-দুলতে হঠাৎ এমনি ঝাঁপিয়ে পড়া অন্য হাতে, আবার অন্য হাত থেকে ছাড়া পেয়ে নিজের দাঁড়ে চলে আসা। নাগস্বামী কী অবলীলায়, যেন প্রায় গভীর ঘুমের মধ্যেই, টেনে নিচ্ছে সুভদ্রাকে আর এমন নিষ্ঠুর ভিগ্ন করে তাকে ছুড়ে দিচ্ছে যে, অতি কোমল ভাবেই সুভদ্রা উঠে আসতে পারছে তার নিজের জায়গাটিতে। একবার যেন

সে ইচ্ছে করেই সুভদ্রাকে ধরলো না হাত বাড়িয়ে, নিচে ফেলে দিল জোর করে। পড়ার প্রাবল্যে সুভদ্রা দাঁড়ির জালের উপর দাঁড়িয়ে নাচতে লাগলো। সবাই ভাবলো, একটা বোধ হয় ছন্দপাত হয়েছে, কিন্তু পাকাপাকি সিদ্ধান্ত করবার আগেই সুভদ্রা লাফ মারলো শূন্যে, আর নাগস্বামী তাকে আলগোছে লুফে নিল দহাতে এবং দলতে-দলতে দৃজনে এমনভাবে হঠাৎ সংশ্রবচ্যুত হয়ে গেল যে, নাগস্বামী ধরলো শূন্য দোলনাটা আর সুভদ্রা ধরলো নাগস্বামীরটা। উল্লাসে, হাততালিতে তাঁবু আরো ফুলে-ফেঁপে উঠলো।

আরো অনেক খেলাতেই সুভদ্রা; একক দোলনার পায়ের আঙটার সঙ্গে দোলনার দাঁড়টা আটকে রেখে উন্মত্ত গতিতে ঘোরা—সেখানে সমস্ত রেখা, সরল বা বক্র, বৃত্তের এবং কিছুর পরে বিন্দুর আকার নিয়েছে। জাপানী ছাতা মেলে তারের উপর দিয়ে হাঁটা-ও সুভদ্রা। অন্য দিকে রক্তা হচ্ছে আরেক ছত্র-ধারণী। পরস্পরের দিকে মুখ করে এগিয়ে আসতে-আসতে আবার পিছদ নিয়ে, এরি মধ্যে একবার হঠাৎ একে অন্যের পাশ কাটিয়ে চলে যাচ্ছে উলটো কোটে। সুভদ্রার সঙ্গে-সঙ্গে রক্তাও নাচছে, সমান গতিতে, কিন্তু বিপরীত ভঙ্গিমায়, যখন তারা একজন আরেকজনের পিছনে। রক্তা যখন বাঁ পা তুললে, সুভদ্রা তুললে ডান পা। কিন্তু যখন তারা মুখোমুখি, তখন তাদের পা এক হলেও পাক-খাওয়াটায় থেকে যাচ্ছে সেই বৈপরীত্য। তারপর, হাতলহীন সাইকেলের খেলাতেও সুভদ্রাই অগ্রণী। একদল ছেলেমেয়ে দৈর্ঘ্যের অনুপাত অনুসারে সাইকেলের আকার, সবচেয়ে বড়োটা সুভদ্রার, ছোটটা রাঘবের—পাঁচ বছরের। ছোট-বড়ো বৃত্তে ঘুরে-ঘুরে যাওয়া, তারপর দীর্ঘ একটা রেখা হয়ে হাত ধরাধরি করে চলে যাওয়া তাঁবুর বাইরে। সবচেয়ে দূর্দশার কথা হচ্ছে এই. বারে-বারে সুভদ্রা পোশাক বদলে আসতে পারছে না। হয়তো বদলাচ্ছে চুলের রিবনটা বা কোমরে জড়ানো মখমলের পটিটা। কিন্তু কী বা হতো পোশাক বদলে? ঢাকতে পারতো না তার এই যৌবনের বন্যতা। এমনি অটুট হয়েছে থাকতো তার রেখার কোঁটল্য।

সাজঘরেই ঢুকতে চেয়েছিল অতুল কিন্তু প্রোপ্রাইটর হেসে বললে, সার্কাসের গ্রীনরুমটা একটা নির্বাক রুম্মশ্বাস জায়গা, সেখানে গালগল্প দূরে থাক, সাধারণ কথাবার্তা পর্যন্ত বারণ, থিয়েটারের গ্রীনরুমের সঙ্গে এই তার তফাত। ও-জায়গায় বচন, এ-জায়গায় ব্যায়াম। সব কথা বাড়িতে গিয়ে হবে। কিন্তু বাড়িতে এসে প্রোপ্রাইটর বললে, সেকেন্ড শো-র পরে মেয়েরা অত্যন্ত শ্রান্ত

হয়েছে, এখন আর ওদের রাত জাগতে দেওয়া ঠিক হবে না। রোজ-রোজ দবার করে শো, পর্যাপ্ত ঘুম না পেলে ওদের চলবে কেন?

দেখা গেল পরদিন ভোরবেলা, বাড়ির কাছেই নদীর ধারটিতে। কিন্তু সুভদ্রার পরনে তখন শাড়ি, কাছা-দেওয়া, টান করে আঁটতে গিয়ে বাঁ হাঁটুর কাছাকাছি পর্যন্ত যা-একটু সামান্য অসাবধান। নচেৎ শাড়িতে তার অনেক বিস্ফার, অনেক বাহুল্য, রাতের সুভদ্রার লেশমাত্র অবশেষ নেই। সমস্ত কটি রেখা এমন স্তিমিত, মৃদুমান; সমস্ত উদ্ভূতি এখন ক্রান্তচেতন, বিষাদ-বিনীত। ভালো লাগে না এই বিষম ছন্দপাত, কেমন অশুভ লাগে। আঁট, লেপটানো ইজেরের বদলে এই স্থূল হৃদয় কাছা, বহুলবিশৃঙ্খল আঁচল। ঘাড় পর্যন্ত ছাঁটা চুল, কিন্তু মূখে একটুও প্রসাধন নেই, নেই আর সেই ঠোঁটের লালিমার অস্তিত্ব। ভীষণ বেমানান, প্রায় একটা হেঁচট খাওয়ার মতো।

স্বাস্থ্যের প্রতি যেমন তীক্ষ্ণ দৃষ্টি, প্রোপ্রাইটর হয়তো ভোরের হাওয়ার জন্যে নদীর ধারে সুভদ্রাকে পাঠিয়ে দিয়েছে বেড়াতে। কিন্তু সমস্ত ঢাল গ্রাস করে নদী এখন প্রায় রাস্তার ধারের বাড়িগুলি ছোঁয়-ছোঁয়, এখন এখানে বেড়াবার জন্যে ফাঁকা জায়গা কোথায়? অতুলের আন্দাজটাই ঠিক, সুভদ্রা হাওয়া খাচ্ছে না, একটা মাঝারি আকারের পিতলের গামলাতে করে চাল ধুচ্ছে।

‘একি, সার্কাসের মেয়ের এ কী কাজ?’

সুভদ্রা মৃদুরেখায় হাসলো। বললে, ‘কেন, সার্কাসের মেয়ে ভাত খাবে না?’

‘তা হয়তো খাবে, কিন্তু চাল ধোবে কেন?’

‘তবে কে ধোবে?’

‘কেন, চাকর!’

‘ইস্, চাকর! কেন আমার এ হাত দুটো কী দোষ করেছে!’ বলে সুভদ্রা তাকালো তার দুই কর্মলীলিত বলিষ্ঠ বাহুর দিকে এবং তক্ষুনি অতুলের উৎসুক চক্ষুর সঙ্গে দৃষ্টির সংঘর্ষ হতেই ঈষৎ শিউরে উঠলো। কিন্তু সে লজ্জা, সে আনন্দস্পন্দটুকুকে সে মিলিয়ে দিল এক ফুৎসে। বললে : ‘শুধু চাল ধোয়া কী এখন গিয়ে সবার জন্যে রান্না করবো আমি। উনুন ধরিয়ে এসেছি দুটো। ঝাঁটপাট, জামা-কাপড় কাচা, কখন সব শেষ হয়ে গেছে—আপনি তো ঘুমুচ্ছিলেন দিবা। রান্নার পরে আবার বাসন-মাজা জল তোলা—কত কাজ, কাজের কিছুর শেষ আছে? আর, সার্কাসের মেয়ে ছাড়া কেউ পারবে এত কাজ করতে?’

এ কি শুধু স্পর্ধা, না এতে একটু বিষাদ একটু-বা বিতৃষ্ণা আছে অনুচ্চারিত?

মেয়েদের পক্ষে গেরস্থালির কাজ করা তো ভালোই, বিশেষত ভারতীয় মেয়েদের এই তো আদর্শ, অতুল এমনিধার্য্য একটা বিবর্ণ বক্তৃতার অংশ আওড়ালো। কিন্তু কথাটা তো তা নয়, অবস্থা যাদের ভালো, সমাজে যারা সম্ভ্রান্ত, তারা এই সব তুচ্ছ পরিশ্রমের কাজগুলি চাকর-ঠাকুরকে দিয়েই করায়।

‘হ্যাঃ, ঠাকুর রাখবে! কী বা সম্ভ্রম আর কী বা জোটে সার্কাসে!’ সদ্ভদ্রা একটা হতাশ্বাসের শব্দ করলো।

এই সূত্রে জানা গেল সদ্ভদ্রার পৃষ্ঠপট্টা। দি রিগ্যাল সার্কাসের প্রোপ্রাইটরের নাম সংক্ষেপে তাতাচারী, বয়েস প্রায় পঞ্চাশ, স্ত্রীর নাম কৌশল্যা। মন্থরা রাখলেই নাকি ঠিক হত, চরিত্রের দিক দিয়ে। তবে এক হিসেবে কৌশল্যা নামটাও নাকি সার্থক, কেননা বহু সন্তানের বোঝা টেনে-টেনে পণ্ডা হয়ে পড়ার পর থেকে তাতাচারী নাকি একটি কৈকেয়ীর সম্ভান করছে। সদ্ভদ্রা কৌশল্যার ছোট বোন, লতাপাতা ছেড়ে আগাছার সম্পর্কে। শৈশবেই বাপ-মা হারিয়ে পড়েছে এই বোনের খম্পরে, ক্রমে ক্রমে তাতাচারীর আয়ত্তের মধ্যে। তাতাচারী যৌবন থেকেই উদ্ভদ্রা, ভাগ্যান্বেষী। ঘুরেছে অনেক দেশ, কোনো কিছুতেই মন বসেনি। শেষ পর্যন্ত সার্কাস নিয়ে যে আছে, সে শুধু জায়গায় জায়গায় ঘুরতে পাবে বলে। এককালে ইন্সকুল-মাস্টার ছিল বলেই সার্কাসে বাঘের মাস্টার হতে পেরেছে। মেয়ে জাতটার প্রতি তার মমতা নেই, তাই সদ্ভদ্রা না-হয় পর, নিজের মেয়েগুলোকে পর্যন্ত সার্কাসে নামিয়েছে। যদি মেয়েগুলোর শরীর ভালো থাকে, আলুনি না হয়ে যায়, তবে চিরকালই ওদেরকে এমনি নাচাবে, বিয়ে দেওয়াবে না। যে স্বাস্থ্য ও শক্তি ওদের হল, সে আর-কোথাও সম্পদ হয়ে উঠতে পারবে না লাগবে শুধু সার্কাসের বিজ্ঞাপনে।

‘কিন্তু তোমরা ছাড়া আরো মেয়ে তো আছে—’

‘আছে বৈকি। ঐ যে দাঁতের খেলা দেখায়, সে তো আর্মিনিয়ন মেয়ে আর ঐ চুল দিয়ে যে গাড়ি টানলো সে একটা জুয়েস। ওদের কথা বলবেন না, ওরা যাচ্ছেতাই, যেমন দেখতে তেমন শক্তিতে। পয়সার জন্যে এসেছে, পয়সার জন্যে ভেসে যাবে। কিন্তু যে যাই বলুক, যদিও আমি আছি, তবুও তবুও সার্কাসের জোলুস।’ চোখে ঝিলিক দিয়ে সদ্ভদ্রা হাসলো।

‘কেন, ছেলেরাও তো আছে।’

‘হ্যাঁ, নাগস্বামী আছে, আছে রত্নসভাপতি, আছে রামানাথন। কিন্তু এক রাতে আমাকে আর রত্নাকে বাদ দিয়ে দিন, দেখবো জুড়ে কেমন ডে-লাইট।’

‘এত যখন তোমার প্রতিপত্তি, তখন তো সার্কাসের খুব ভালো অবস্থা!’

‘হওয়াই তো উচিত। কিন্তু শুনতে পাই শব্দ, ধার আর ধার। তাঁবুটা সেলাই হয় না, দড়ির নেটটা ফাঁক হয়ে থাকে। আর বারে-বারে আমাকে শব্দ একই পোশাকে এসে সেলাম ঠুকতে হয়।’ সদ্ভদ্রা উঠে দাঁড়ালো।

‘ধার—এত ধার কিসে?’

‘ষে-মেয়েটা পিপের খেলা দেখালো শব্দে-শব্দে, তার চিকিৎসার জন্যে নাকি সর্বস্ব শেষ হয়ে গেছে তাতাচারীর—’

‘কই, কে আবার পিপের খেলা দেখালো?’

সদ্ভদ্রারই সঙ্গে সঙ্গে চোখ ফেরালো অতুল। দেখলো সামনেই তাতাচারীর বপদ্বীপ্তী মেদমন্তরা সদ্ভিশালা স্ত্রী এক চোখে কোতুল ও অন্য চোখে ক্লোথ নিয়ে আছে দাঁড়িয়ে।

সদ্ভদ্রা বললে, ‘আমি সার্কাসের মেয়ে, ভয় করিনে।’

দ্বপরের দিকে সদ্ভদ্রাকে আবার পাওয়া গেল নদীর ঘাটে, সঙ্গে এক কাঁড়ি বাসন।

অতুল বললে, ‘বাই বলো, তোমার জোর করা উচিত।’

‘কিসে?’

‘ঠাকুর-চাকর রাখা নিয়ে। তোমার দামে নিশ্চয়ই দুটো ঠাকুর-চাকর রাখা যায়।’

‘তা কে না জানে? ঠিকমতো মাইনে পেলে এ্যান্ডিনে আমার একটা মোটর গাড়ি হত। অন্তত কিছু গয়না।’ তাকালো বৃদ্ধি একবার রিস্ত গলা ও মণিবন্ধের দিকে।

‘কিছু আছে নাকি এখানে মাইনে?’

‘পরিবারের জন্যে খাটছি, তার আবার মাইনে কী!’

‘পরিবারের জন্যে!’

‘তা ছাড়া আবার কী? আমার আর কে আছে!’ শেষের দিকের কথাটা একটু কাতর শোনালো বোধ হয়।

‘না, তোমার এর প্রতিকার করা উচিত। মানায় না তোমাকে এসব নোংরা কাজে।’

‘বলো কী! এই তো আসল কাজ। নইলে সারা জীবন কি দুঃখবো নাকি গাছে চড়ে?’ সদ্ভদ্রা লজ্জালু চোখে হেসে উঠলো। পরে খুব জোর

দিয়ে বাসন মাজতে-মাজতে বললে, ‘এসব কাজের জন্যেই তো শরীরের শক্তি ধরা সার্থক আমাদের।’

‘না, মোটেই ভালো দেখায় না তোমাকে—’ কিছুক্ষণ স্তব্ধতার পর অতুল বললে।

‘ভালো দেখায় না?’ আঘাতের মতো কথাটা লাগলো যেন সুভদ্রার। চমকে উঠে বললে ‘কেন? কিসে?’

‘এই কাজের ভিগতে! পোশাকে।’

‘ওমা, পোশাক আবার কি দোষ করলো?’ সুভদ্রা সন্তুষ্ট হয়ে শাড়ির হুস্বতাগুলোকে বিস্ফারিত করবার চেষ্টা করতে লাগলো।

‘এই শাড়ির চেয়ে তোমার সার্কাসের পোশাকটা অনেক সুন্দর, অনেক তেজী।’

‘ওমা, কী লজ্জা!’ মাথা ঝুঁকিয়ে অনুচ্চবশ্ঠে হেসে উঠলো সুভদ্রা।

‘আমি যদি সার্কাসের কর্তা হতাম বদলাতে দিতাম না তোমাকে ঐ পোশাক।’

‘কী সর্বনাশ! ভীষণ কুচ্ছিত দেখাতো সে আমাকে।’ বাহুর আড়ে মৃদু লুটকিয়ে হাসির আরেকটা ঢেউ সুভদ্রা শেষ করলো।

‘তুমি তো কত বোঝো! কুচ্ছিত দেখায় তো খেলার সময় পরো কেন ঐ পোশাক?’

‘বা, ও তো খেলার সময়। যখন শরীরটা ঘুরছে, দুলছে, জট পাকাচ্ছে। যখন কেবল ছোট আর চক্কর খাওয়া, চুপচাপ শূন্যে-বসে থাকা নয়। তখন তো শরীরটাকে শরীর বলেই মনে হয় না একদম। এখন—এখন যেন কেমন ভার-ভার মোটা-মোটা লাগে কেমন এলোমেলো। তাই নয়?’

‘এখন একেবারে যাচ্ছেতাই। চেনাই যায় না তোমাকে। সেই আঁট, ডাঁটো শরীর দেখায় এখন কেমন ঢাবঢেবে।’

‘দেখাক।’ সুভদ্রা যেন রাগ করে উঠলো, ‘তাই বলে আমি সত্যিকারের যা তাই হবো না? চিরকাল ঝুলবো শূন্যে শূন্যে মাটিতে নেমে আসবো না? কুটবো না কুটনো, মাজবো না বাসন?’

‘না, হবে না বাসন মাজতে।’ বাজের হুঁমকির মতো চেঁচিয়ে উঠলো কে রাস্তার উপর থেকে। দেখলো, তাভাচারী স্বয়ং। শূন্যে মৃদু এতটুকু হয়ে গেল সুভদ্রার।

শূন্য ইট-কাঠ দিলে চলবে না, নগদ টাকা দিতে হবে। ক’দিনের খরায়

পর বৃষ্টি শব্দ হচ্ছে, তাঁবু গিয়েছে চূপসে, ভিজ়ে সপসপ করছে নিচের শতরঞ্গ। ছেদ বৃক্ষে ব্যান্ড বাজাতে চাইলেও লোক জমছে না। খেলুড়েদের হজম হচ্ছে না ব্যায়ামের অভাবে।

এমনি ষখন অবস্থা তখন তাতাচারীকে নরম করবার জন্যে অতুলের ইচ্ছে করলো বলে,—পথ দেখো। কিন্তু তাতাচারী পথ দেখলে সুভদ্রাও বেরিয়ে যায়, তাই জিভের ডগা থেকেই কথাটা ফিরিয়ে নিতে হয়। কী আশ্চর্য, এক বাড়িতে থাকবে, আতিথেয়তার প্রশ্ন নেবে ষোলো আনা, কিন্তু কিছুতেই ঘনিষ্ঠ হতে দেবে না, তাতাচারীর এ কী অত্যাচার! তাকে না জানিয়ে তারই বাড়িতে যেখানে-সেখানে সে বেড়া তুলবে এই বা কেমন ব্যবহার!

কিন্তু ঝগড়া করে লাভ নেই। টাকা দিতে হবে কোনোরকমে। কিন্তু, টাকা শব্দ রোজগার করাই কঠিন নয়, ঠিকমতো অপব্যয় করবার জন্যেও সুবর্ণ-সুযোগের দরকার।

শেষে কিছু হাদিস না পেয়ে অতুল একটা সোনার হার কিনলো। তাতাচারীকে বললো, ‘এমন সুন্দর খেলা সুভদ্রার, ওকে একটা উপহার দেব।’

‘কী, মেডেল?’ উজ্জ্বল হয়ে উঠলো তাতাচারীর চোখ।

‘না, নেকলেস।’

স্মান চোখে মুখ গম্ভীর করে তাতাচারী বললো, ‘না, মারফ করবেন, ও-সব হালকা জিনিস পারবো না নিতে।’

‘হালকা জিনিস? দেখুন না ওজন! সাতআট ভরির কম হবে না। আর দাম কত আন্দাজ করতে পারেন?’

‘অত দামী বলেই তো জিনিসটা হালকা। ও গলায় পরলে মনটা নরম, মেয়েলি হয়ে আসবে, চোখেও লাগবে একটু সোনালি ভাব, সেটা সার্কাসের মেয়ের পক্ষে ঠিক নয়। সার্কাসের মেয়ে হবে শক্ত, মজবুত বৃকে তারা পাথর ভাঙবে, মোটর তুলবে। ও-সব হার গলায় দিয়ে বাইজি সাজবার তাদের পার্ট নয়। তার চেয়ে মেডেল দিন, যত খুশি, অনেক মান বাড়বে সুভদ্রার।’

সুভদ্রারই নিজের কথা তাতাচারীর মুখের উপর ছুঁড়ে মারতে ইচ্ছে করলো। তার বৃক কি শব্দ তার বইবার জন্যে, হার বইবার জন্যে নয়? সে কি নরম হবে না কোনো দিন, নরম বলে বৃকবে না কোনো দিন নিজেকে? সে কি চিরকাল নিষ্কিন্ত হবে শুন্যে, নেমে আসবে না মাটির স্বচ্ছ-সীমায়? কিন্তু এ-সব কথা বলে কি-করে? এর একটাও ষে অতুলের নিজের কথা নয়।

কিন্তু একদিন সদুযোগ এলো। আর্মিনিয়ন মেয়ে তার খেড়ীসমেত কলকাতা চলে যাবার জন্যে ব্যস্ত হয়ে উঠলো। তাতাচারী মিটিয়ে দিক তাদের সতের টাকাকড়ি। দশো টাকার উপর। তাতাচারী বললে, টাকা কোথায়?

ঝগড়াটা জিহ্বাগ্র থেকে অন্য অঙ্গ-প্রত্যঙ্গে প্রায় সঞ্চারিত হচ্ছে, এমনি সময় অতুল এসে মাঝে পড়লো। বললো, দাঁতের খেলাটা সে কিনে নেবে। আর্মিনিয়নদের মিটিয়ে দিল পাওনা, বাধ্য করলো দশ-দশ দিন আরো থেকে যাওয়ায়। বললে, শরতের নীল ধরেছে আকাশে, মেঘ সাদা হয়ে আসছে, বৃষ্টি এই তাঁবু গুটোলো বলে। এখনো চাষীদের ঘরে ধানের পাহাড়, এখনো তারা ঘটি-বাটি পৈছে-খাড়ু বেচতে শুরু করেনি। হাঁটতে শুরু করেছে পয়সা, দেখা যাক আর এক হস্তা হয়তো দৌড়তে শুরু করবে।

রামানাতন আস্ত-আস্ত জ্যান্ত মাছ গিলে খায়, আর আস্ত-আস্ত সেই জ্যান্ত মাছ উগরে ফেলে ফের টামব্রারের জলে। সস্তর টাকায় তার খেলাটাও সে অতুলকে বেচে ফেললে।

নাগস্বামীকে বললে অতুল, 'তোমার খেলাটাও বেচো না? যত তুমি চাও।'

লজ্জিত হাসি হেসে নাগস্বামী বললে, 'সুভদ্রাকে ছাড়া আমার খেলার দাম কী। সুভদ্রা কি বেচবে?'

সুভদ্রার খেলার মালিক সুভদ্রা নয়। কিন্তু তাতাচারী রাজী হবে কেন?

সে কি আর ব্যবসা বোঝে না?

'বাবুজী—।' নাগস্বামী ডাকলো।

অতুল তাকিয়ে দেখলো নাগস্বামীর কালো দুই চোখে ছুরির ফলার মতো একটা মতলব চকচক করছে।

'ও-সব খুচরো খেলা কিনে নিয়ে লাভ কী বাবুজী, কত আর পাবে মুনামা? নতুন একটা নিজের সার্কাস খোলো।'

বৃষ্টি ধরে যাওয়াতে এখন ফের শো শুরু হয়েছে, কাতারে-কাতারে আসছে আবার গ্রাম-গ্রামান্তরের লোক। দশ-দশটা খেলার মালিক হয়ে আনুপাতিক মুনামা যা পাচ্ছে অতুল, তা তার আশার অনেকখানি উপরে। এখন নাগস্বামীর কথায় আশাটা প্রায় তাঁবুর মাস্তুলের কাছাকাছি এসে ঠেকলো। 'তুমি আসবে?' অতুল নাগস্বামীর হাত চেপে ধরলো।

'আমার আসতে কতক্ষণ! কিন্তু কথা হচ্ছে সুভদ্রাকে নিয়ে—'

‘আসবে না সুভদ্রা?’

‘আসা তো উচিত। এখানে তো ওকে শুষে নিচ্ছে তাতাচারী। আর ওর ভবিষ্যৎ কী। রক্তার মা মরবে আর তাতাচারী বিয়ে করবে ওকে। ও কি বদ্বতে পাচ্ছে না কিছ?’

‘তবে তুমি একবার চেষ্টা করো।’

‘তুমি চেষ্টা করলেই হবে। টাকা, টাকাই যথেষ্ট। আমার যদি টাকা থাকতো তবে কত কী করতে পারতাম! টাকা নেই তো কিছ নেই।’

নাগস্বামী একটা নিশ্বাস ফেললো।

অতুলের টাকা আছে বলেই কি সব আছে—একবার ভাবলো অতুল। কে জানে, কে বলতে পারে! দেখা যাক না সার্কাসের তাঁবু মেলে, দোলনা দু’লিয়ে।

ভিতরে থেকে নাগস্বামীই বন্দোবস্ত করে দিলে। সেকেন্ড শোর ঠিক শেষ হবার আগে পদ্রুপ খেলোয়াড়দের পরিত্যক্ত তাঁবুতে, খোলা গ্যাসের আলোয়। সুভদ্রার তখন সার্কাসের পোশাক। খোলা থামের আলো কে’পে কে’পে কখনো আভা কখনো বা ছায়া ফেলে পদ্রুপ রেখাকে মন্দ ও মন্দ রেখাকে পদ্রুপ করে তুলছে।

নাগস্বামীর কথাতেই সুভদ্রা বদ্বতে পেরেছে যেন ষড়যন্ত্রের আভাস, তাই ঝাপসা গলায় জিগগেস করলে, ‘কী?’

‘আমার সঙ্গে যাবে?’

‘কোথায়?’

‘আমি নতুন সার্কাস খুলছি—সেই দলে। সবাই আসছে—তুমি যদি আস—’

‘আবার সার্কাস!’ সুভদ্রা যেন থেমে পড়লো।

‘হ্যাঁ, এইখানে যখন সার্কাস, তখন আবারও সার্কাস বইকি। কিন্তু এইখানে শূকনো, শূন্য, ওখানে নগদ টাকা—এই দেখো, পাঁচ শো—’ অতুল পকেট থেকে এক তাড়া নোট বের করে ধরলো।

‘কত বললেন? পাঁচশো? সর্বনাশ! গদনতেই পারবো না।’ কথাটা উড়িয়ে দিলে সুভদ্রা। যেন এটা উড়িয়ে দেবার কথা!

অতুল বললে, ‘সিজন নয়, মাস-মাস মাইনে। রেজিস্ট্রি করে নেবে ডিড; তোমার নিজের দলের লোক সব সাক্ষী হবে। কি, ঠকাবো ভাবছ? আরও যারা আসছে—’

‘না, না, ঠকাবেন কেন? এর চেয়ে বেশি আর আমি কী ঠকতে পারি

বলুন? কিন্তু কথটা তা নয়। বলি, নতুন কিছুর খেলার কথা ভাবতে পারেন না? সেই সার্কাস, সেই দোল খাওয়া, সেই টোল খাওয়া, আর সেই ঘোরা আর ঘোরা? তবে তাতাচারী কী দোষ করলো?’

‘শোনো—’

‘বেশি সময় নেই। তাতাচারী আসছে এদিকে।’

‘আসুক। সার্কাসের মেয়ে, সার্কাস ছাড়া নতুন খেলা আর কী দেখাবে তুমি? পাঁচশোতে না পোষায়—’

নাগস্বামীর দিকে তেরছা একটা চার্ভিনি হেনে সুভদ্রা বিদ্রুতের মতো গেল মিলিয়ে।

অতুল বেরিয়ে এসে বললে, ‘আর একবার সন্নিবেশ করে দাও। কালকেই। ঠিকমতো জায়গায় ঢোকা মারা হয়নি। দেখি শেষ চেষ্টা করে।’

নাগস্বামী বললে, ‘আচ্ছা।’

পরের রাতেই আবার নাগস্বামী বন্দোবস্ত করলে। সেটা ব্লিট-ফোঁপা রাত, হাওয়ার চাবুক-খাওয়া। অন্ধকার যেন হেঁটে-হেঁটে বেড়াচ্ছে। ডাকছে না ‘কি’কি’, জ্বলছে না জোনাকি। নিজের কানে নিজের হৃৎপিণ্ডের শব্দ শোনবার মতো স্তব্ধতা।

জ্বলছে সেই খোলা গ্যাস, কিন্তু তার শিখাটা আজ বেশি কাঁপছে। নাগস্বামী অদূরে দাঁড়িয়ে আছে বটে পাহারায়, কিন্তু অন্ধকারে তার অস্তিত্বের কোনো অনুভব নেই।

তেমনি নিভীক পোশাকে নিভয় সুভদ্রার আবির্ভাব।

‘কি, নতুন খেলা ভাবতে পারলেন কিছুর?’

‘পেরেছি।’

গলার স্বরে চমকালো সুভদ্রা। বললে, ‘কী?’

‘পাঁচশোর স্বেদগুণ। যাতে গুনতে না অসন্নিবেশ হয়, দশখানা নোট এনেছি একশো টাকার।’ বলে অতুল সুভদ্রার ডান হাতটা ধরে ফেললো। অতুলের হাতটা গরম, এত লোফাল্ফি করেও খরাটা সুভদ্রার অজানা।

সুভদ্রা হঠাৎ ভঙ্গিটা কঠিন করে বললে, ‘কী করবো ঠিক কিছুর ভেবে উঠতে পারছি না, অতুলবাবু। হাতটা ছাড়িয়ে নেব, না, বাঁ হাত দিয়ে গলাটা টিপে ধরবো আপনার?’

অতুল হাতটা ছেড়ে দিল। বললো, ‘তার চেয়ে দূর হাতে-জড়িয়ে ধরতে

পারো গলাটা।' বাপের বরাদ্দ পাঁচসিকে আজ পাঠায়নি নাকি অতুল? কী হল তার হঠাৎ?

'দু-হাত দিয়ে গলা জড়াবার মান্দুষ আপনি নন। পলকা ঘাড়ে পারবেন না ভার সহিতে। মটকে যাবে।'

'অত দেমাক কিসের, কেউই সহিবে না ঐ ভার। সার্কাসের মেয়ে, শরীর দেখিয়ে যার বাহবা, তার আবার স্পর্ধা কী! কে আসবে আর ঐ নিধানী ধাতের কাছে? কে বিশ্বাস করবে, আছে আর এতে শ্যামলের পরিচয়? তোমার পক্ষে হাজার টাকাটা কম ছিল না, সুভদ্রা।' দুর্বল হাতে অতুল আবার নোটগুলি মেলে ধরলো।

'এই তো—এই তো শেষ কথা?' সুভদ্রা বাস্ত হয়ে বললে, 'না, আরো কিছু আছে?'

কাঁপতে-কাঁপতে গ্যাসের শিখাটা আবার স্থির হয়ে দাঁড়িয়েছে।

নোটগুলি পকেটে পুরে রাখতে-রাখতে অতুল ক্লান্ত গলায় বললে, 'কেন, এত বাস্ত কেন?'

'না, তাতাচারী দেখে ফেলবে কখন।'

'তাতাচারীকে অত ভয় কিসের?'

'তাতাচারীকে ভয় নয়। অন্যায়কে দেখে ফেলে একজন ঠিক তাকে অন্যায় বলেই চিনবে, তার ভয়।'

'বলিহারি তোমার পছন্দ, সুভদ্রা। যেমন নিজে মোটাচ্ছ তেমনি প্রবৃন্তি-গুলিও মোটাচ্ছ। অন্যায় যে কোনটা তাই চিনতে পাচ্ছ না।' অনেক শান্ত, নিরাসক্ত অতুলের স্বর : 'নইলে ঐ বড়ো ধুমসো তাতাচারী তোমার গলা জড়াবার মান্দুষ?'

'মন্দ কী!' ছুটে বেরিয়ে গেল সুভদ্রা, আর যাবার সময় নাগস্বামীকে দিয়ে গেল একটা প্রবল ধাক্কা। নাগস্বামী ধরতে গেল তাকে হাত বাড়িয়ে, পারলো না।

অতুল বললে, 'এই হাজার টাকা তোমার। আর এই বোতল।'

নাগস্বামী টাকাটা নিলো। কিন্তু বোতলটা ছুঁলো না। বললে, 'রক্ত এমনিতেই জ্বলছে, বাবুজি।'

অতুল চাপা গলায় বললে, 'ভুল হবে না তো?'

'আজ এত বছর ওকে হাত বাড়িয়ে লুফে নিচ্ছি, ছুঁড়ে দিচ্ছি আবার

হাতের ঘেরা থেকে, ভুল হবে আমার? ওর শরীরের প্রত্যেকটি ঢেউ আমার মৃদুস্থ, বাবুজী।’

‘নেটটার মাঝখানটায় একটু—’

‘না, না, উত্তরের দিকে যে ছেঁড়া আছে, তাই যথেষ্ট। ওখানে থামটা আছে বলেই আরো সুবিধে। টঙ্কর খেয়ে ঠিক গলে যাবে দেখবেন।’

তুমুল লোক হয়েছে সেদিন, আগে এক পশলা বৃষ্টি হয়ে গেলেও। গ্যালারির ভিড়ে রুদ্ধশ্বাসে বসে আছে অতুল, আর উপরে চলেছে দোলনার খেলা।

মিথ্যে কথা, নাগস্বামী রাজি নয় সত-পালনে। যতবারই সুভদ্রা ঝাঁপিয়ে পড়েছে শূন্যে ততবারই নাগস্বামী তাকে লুফে নিচ্ছে আলগোছে, আর যতবারই ছুঁড়ে দিচ্ছে সুভদ্রাকে, ততবারই সে অবহেলায় ধরে ফেলছে তার নিজের দোলনা। সমস্তটাই যেন একটা অভোস, তৈলাক্ত কোমলতা।

না, নাগস্বামীকে দিয়ে হবে না, ওর হাত মেলে-দেয়ার মধ্যে বা যেন একটি মমতার ভাব আছে। যাক হাজার টাকা, অন্য রাস্তা ভাবতে হবে। যে করে হোক, গুঁড়ো করে দিতে হবে সুভদ্রার স্পর্শ, তার শরীরে ঐ পোশাকের ধৃষ্টতা।

এমন সময় প্রকাশড একটা পিণ্ডাকার শব্দ, সঙ্গে-সঙ্গে শতকণ্ঠের সমবেত কাতরতা। নাগস্বামীর হাত থেকে উড়ন্ত অবস্থায় নিজের দোলনা ধরতে না পেরে সুভদ্রা পড়ে গেছে মাটিতে, উল্কার মতো ছিটকে। আর পড়িবি তো পড়, নেটের মাঝখানে নয়, উত্তর প্রান্তে যেখানটা ছেঁড়া ঠিক সেই বরাবর।

খেলতে-খেলতে ওরা দুজনেই আজ ভীষণ মেতে গিয়েছিল, নানান রকম নতুন ভাঁজ ও ভাঁগ দেখাচ্ছিল নাকি। একটা ছিল উড়ন্ত অবস্থায় শূন্যে ডিগবাজি খেয়ে নিয়ে দোলনা ধরা। তারই শেষ লাফটোতেই এই দুর্ঘটনা। লোকে বললে, সুভদ্রারই হঠকারিতার জন্যে এটা ঘটেছে। অন্তত নাগস্বামী এই ভাবে ব্যাপারটা সাজিয়েছে যেন লোকে বলে সুভদ্রার হঠকারিতা।

সুভদ্রা অজ্ঞান, লেগেছে ঠিক নিতম্বের অস্থিতে। শোয়া-চেয়ারে করে নিয়ে যাওয়া হল স্থানীয় হাসপাতালে। এ-হাসপাতালটার নিজেরই প্রায় য়াম্বদুলেস করে হাসপাতালে যাওয়ার দাখিল; স্তরার রাত্রের ট্রেনেই সদর। সদর বললে, দঃসাধ্য। চলো কলকাতা।

ক্যাবিনে থাকতে হল প্রায় এক মাস। সেখান থেকে ছোট একটা ভাড়াটে বাড়িতে। সমস্ত খরচ যোগালে অতুল, শূদ্রাধা করলে নাগস্বামী, আর

তাতাচারী নতুনতরো রত্নতার সামনে শূন্য চোখে চেয়ে রইলো। ডাক্তার বললে, খোঁড়া হয়ে যাবে চিরকালের জন্যে, সার্কাস দূরে থাক, লাঠির ভর ছাড়া হাঁটতেই পারবে না। অতুল দেখলো পোশাকের তিরোধান, নাগস্বামী দেখলো দর্পের আর তাতাচারী পুনরুত্থানের।

যেদিন প্রথম বিছানা ছেড়ে উঠে দাঁড়াবে সদ্ভদ্রা সেদিন তার বিছানার পাশে তিনজনই ছিল—তাতাচারী, অতুল আর নাগস্বামী। আরো অনেক আত্মীয়-আত্মীয়া। কিন্তু সবাইকে ফেলে, এমনকি লাঠির আশ্রয় ফেলে, নাগস্বামীর কাঁধের উপর বাহুর ভর রেখে সদ্ভদ্রা উঠে দাঁড়ালো। নাগস্বামী তাকে টেনে নিল সার্কাসের চেয়েও কোমলতর অভ্যাসে।

এক-পা দ-পা হেঁটে সদ্ভদ্রা প্রশ্ন করলে নাগস্বামীকে, ‘আচ্ছা, তুমি আমাকে নিজে ইচ্ছে করেই ফেলে দিয়েছিলে, না?’

‘কেন, তুমি বৃদ্ধিতে পারোনি এতদিন?’

‘বৃদ্ধোঁছ কিছ, সম্পূর্ণ বৃদ্ধিতে পারিনি।’ পরিপূর্ণ চোখ তুলে সদ্ভদ্রা বললে, ‘কেন ফেলে দিয়েছিলে বলো দিকি?’

‘বা, এ আবার কে না বোঝে?’ হাঁটতে-হাঁটতে এগিয়ে গেল তারা ভোরের জানলার দিকে। নাগস্বামী অন্যদিকে মূখ ফিঁরিয়ে বললে, ‘নইলে তোমাকে বিয়ে করতুম কি-করে?’

ষশোমতী

বাজার আর ঘাট বিলি হবে এ-সময়, মহলে রিসিভারবাবু এসেছেন। বিলি হবে বাকি-পড়া নিলামী জমি। খাস জমি পত্তন হবে কতক। কাচারিতে বহুলোকের আনাগোনা।

জমিদারির সরিকদের মধ্যে বণ্টনের মামলা হচ্ছে। নানান খেচাখেঁচিতে ডিক্রি আর চড়ান্ত হতে পারছে না। রিসিভার বসেছে। রিসিভারের হাতেই এখন কর্তৃত্ব। সমস্ত কিছুর চলছে এখন তার মুনবানায়।

আগে জমিদারদের আমলে একটা উচ্ছৃংখল তাণ্ডব চলছিল। অপব্যয়ের আর অপকর্মের। সে-সব দঃস্বপ্নের কথা গ্রামের লোক এখনো ভুলতে পারেনি। তার সাক্ষ্য এখনো অনেক ছাড়া-বাড়িতে, মজা-পুকুরে ও ভাঙা-মন্দিরে লেখা আছে। লেখা আছে বেজাবেদা হিসাবের খাতায়।

কিন্তু রিসিভারবাবু একেবারে উলটো জাতের লোক। নায়েব-গোমস্তার মত ঘৃষ নেন না বা বে-রসিদে টাকা নিয়ে গাপ করেন না। জমিদারদের মত মদ খান না বা কোথায় কোন বাগদি-বাইতি বা ধোপা-মুচির মেয়ে পাওয়া যাবে তার তালাস করেন না। স্বধর্মনিষ্ঠ, খাঁটি লোক। রাশভারি, নিরপেক্ষ, সূক্ষ্ম নিষ্ঠিতে বিচার করেন। অন্যায় ক্ষমাও নেই, অন্যায় জুলুমও নেই। লোকে ভয়ও কবে কাছেও আসে।

নাম শৈলেশ্বর। বয়েস প্রায় পঁয়তাল্লিশ।

‘আমার একটা নালিশ আছে বাবু—’

কত নালিশই তো দিন-রাত শুনছেন। শৈলেশ্বর, জমা-ওয়ারিশিলের খাতার থেকে চোখ তুললেন না। বললেন, ‘কি নাম তোর?’

‘শ্রীনিবাস ঘাসাঁ’

‘কি হয়েছে?’

‘আমার পরিবারকে বার করে নিয়েছে হুজুর—’

অন্যরকম নালিশ। শৈলেশ্বর চমকে উঠলেন। মূহূর্তে তাঁর দৃষ্টি চোখে আগুন জ্বলে উঠল। গলায় এল প্রায় বাজের হুঙ্কার : ‘কে বার করে নিয়েছে?’

শ্রীনিবাস বললে, ‘দুর্গগোচরণ।’

তা হলেও শৈলেশ্বর আশ্বস্ত হলেন না। হিন্দু বলেই এ দৃষ্কৃতির শাসন হবে না তিনি বরদাস্ত করে যাবেন, এ অসম্ভব।

‘কে দুর্গগোচরণ?’

‘দুর্গগোচরণ ভূইমালি। ক্রোকে-দখলে ঢোল পেটায়। থাকে পাশ-গায়ৈ, বাঁশদুরিতে।’

‘ধরে আনো দুর্গগোচরণকে।’ শৈলেশ্বর হুকুম দিলেন।

ছোটল কাচারির সিং। বরকন্দাজ।

‘তোমার বউ কোথায়?’ জিগগেস করলেন শৈলেশ্বর।

‘খুঁজে পাচ্ছি না।’

‘দুর্গগোচরণ কোথায়?’

‘সে আছে তার বাড়িতে।’

‘সে-বাড়িতে লুকিয়ে রাখনি তোমার বউকে? দেখেছিছ ভালো করে?’

‘তম্ন-তম্ন করে দেখেছি। সেখানে নেই। আর কোথাও গুম করেছে।’

‘থানায় গিয়েছিলি?’

‘গিয়েছিলাম। দারোগাবাবুদ্বারা গা করে না। বলে, বায়না দে, তবে এজাহার লিখব। আমি বাবু গরিব মানুষ—’ শ্রীনিবাসের নিরুদ্দ শোক অশ্রুতে ফেটে পড়ল।

‘দাঁড়া, আমি শ্লিপ দিচ্ছি ও-সি-কে। সঙ্গে পেয়াদা দিচ্ছি। চলে যা থানায়। দ্যাখ কি হয়। ভয় নেই, আমি আছি পিছনে।’

বরকন্দাজ ফিরে এসে বললে, ‘দুর্গগোচরণ বাড়ি নেই। তাকে থানায় ধরে নিয়ে গেছে।’

শ্লিপে কাজ হয়েছে তা হলে। কিন্তু একা দুর্গগোচরণকে ধরে লাভ কি? শ্রীনিবাসের বউকে পাওয়া দরকার।

পরদিন সকালবেলা দুর্গগোচরণকে এনে হাজির করা হল।

সারা-রাত পুলিসের হেপাজতে বন্ধ হয়ে ছিল থানায়। বেদম মার খেয়েছে বোঝা যাচ্ছে। পিঠ দগড়া-দগড়া হয়ে গেছে। চোখ-মুখ ফোলা। কিন্তু শ্রীনিবাসের পরিবারের কোনো কিনারা নেই।

‘কোথায় রেখেছিছ ওকে লুকিয়ে?’ শৈলেশ্বর গর্জে উঠলেন, ‘ভালয়-ভালয়

বার করে দে শিগগির, নইলে খাড়া মারা পড়বি।। জেল তো হবেই, ভিটে-মাটি সব উচ্ছ্বে যাবে।’

‘এখন সে কোথায় আমি তার কিছই জানি না।’ দূর্গাচরণ ভার-ভার গলায় বললে। ‘সে’ কথাটার মধ্যে অলক্ষ্যে যেন একটু আশ্বীয়তা ফুটে উঠল। কানে লাগল শৈলেশ্বরের।

‘কবেকার কথা জানিস তবে?’

‘পরশু যশোমতী আমার বাড়ি এসেছিল সন্দের সময়। বললে—’

‘কে এসেছিল?’ পরশুর নাম এমন শব্দ সারল্যের সঙ্গে উচ্চারিত করবে এ শৈলেশ্বর সহ্য করতে পারলেন না, ধমকে উঠলেন।

কিন্তু দূর্গাচরণের কুণ্ঠা নেই। বললে, ‘কে আবার! যশো— যশোমতী। শ্রীনিবাসের পরিবার।’ বলে পায়ে-দাঁড়ানো শ্রীনিবাসকে ইসারা করলে। সেই সঙ্গে শৈলেশ্বরও তাকালেন শ্রীনিবাসের দিকে। কুঞ্জ হয়ে হাত জোড় করে দাঁড়িয়ে আছে উজবুকের মত। মুখে খোঁচা-খোঁচা দাড়ি, অবোলা জন্তুর মত চাউনি। জোর-জবরদস্তি নেই নিতান্ত ল্যাদাড়ে, লেজগুটানো। তার দিকে চেয়ে শৈলেশ্বরের, একবার দাঁত খিঁচিয়ে উঠতে ইচ্ছে করল। কিন্তু তিনি সামলে নিলেন। শ্রীনিবাস স্বামী। শ্রীনিবাস দূর্বল। শ্রীনিবাস উৎপীড়িত।

দূর্গাচরণের চেহারায়ও কোনো জেজ্বা নেই। তবে এক নজরেই চোখে পড়ে তার বয়স কম, তার সাহস বেশি। তার অনড়বটা পরিষ্কার। স্বীকৃতি নিঃসংকেচ।

‘ওদের মধ্যে বয়সে বড় কে?’ শ্রীনিবাসকে জিজ্ঞেস করলেন শৈলেশ্বর।

‘যশোমতীই বড়।’ দূর্গাচরণ জবাব দিলে : ‘আমার চেয়ে প্রায় বছর পাঁচেকের বড়। তা হলে কি হবে? বলে, আমাকে তুই নাম ধরে ডাকবি। বয়সে ছোট বলেই তুই ছোট হয়ে যাসনি। মেয়েমানুষের কাছে পুরুষ ছোট-বড় হয় বয়সে নয়, মেয়েমানুষ যে-ভাবে তাকে দেখবে সে-ভাবে। তাই সে আমাকে ডাকত দূর্গগোচরণ, আমি তাকে ডাকতাম যশোমতী।’

শৈলেশ্বর মার দেবার হুকুম দিতে জানেন না এমন নয়। ইচ্ছে হল পায়ের জুতো খুলে নিজেই বসিয়ে দেন যা কতক। কিন্তু ভেবে পেলেন না ওর শরীরে মারের আর জায়গা কোথায়। এত বিস্তারিত মার খেয়ে এসেও যে এমন তন্মন হয়ে কথা বলা যায় শৈলেশ্বর ভাবতে পারতেন না। ভয় নেই লজ্জা নেই আচ্ছাদন নেই।

আগের অসমাপ্ত কথায় তিনি ফিরে গেলেন। বললেন, ‘পরশু সন্ধের সময় তোর বাড়ি এসে কী বললে ও?’

‘বললে হতচ্ছাড়া সোয়ামীর ঘর আর করব না দৃগগোচরণ। তুই এখান থেকে কোথাও আমাকে নিয়ে চল। দূর-দূরান্তের শহরে গিয়ে দৃ-জনে কুলি হব তাও ভালো।’

‘তুই কী বললি?’

দৃগাচরণের ফোলা-ফোলা চোখদুটো জ্বলজ্বল করে উঠল। বললে, ‘আমি এক কথাতেই রাজি। চাষা থাকি কি কুলি হই আমার কী এসে যায়, যদি যশোমতী সঙ্গের থাকে। আমি শৃধু বললাম, এই রাতটা আমার এখানে থাকো, শেষরাতে ধানখালির ঘাটে গিয়ে ইন্সটিমার ধরব।’

‘তোর ওখানে যে থাকবে, বাড়িতে তোর পরিবার নেই?’

‘ছিল হৃজদর। ভাগ্যমানি গেল-বছর গত হয়েছেন। ভালই গেছেন বলতে হবে নইলে মনে বড় দাগা পেতেন। করবার কিছুই উপায় থাকত না।’

শৈলেশ্বর হিম হয়ে রইলেন।

‘তারপর কী হল?’

‘রাতটা আর এরা কেউ ঘনাতে দিলে না। চলে এল থানার দারোগা, কাচারির বরকন্দাজ। ব্যাপারটা ঝাপসা-ঝাপসা টের পেতে-না-পেতেই আগে-ভাগে যশোমতী সটকান দিলে। এখন দেখতে পাচ্ছি স্নেফ হাওয়া হয়ে গিয়েছে। আমি পর্যন্ত জানি না।’

তার এই ভিনিতায় কান দিলেন না শৈলেশ্বর। কি-রকম একটা কৌতূহল হিচ্ছিল তাঁর, জিগগেস করলেন ‘পুলিশ গিয়ে না পড়লে শেষরাতেই বেরিয়ে পড়তিস দৃজনে?’

‘রাত শেষ হবার আগেই বেরিয়ে পড়তাম। ধানখালির ঘাটে না উঠে হেঁটে চলে যেতাম সেই পারগঞ্জে। যত আগে ধরা যায় ইন্সটিমার। যত আগে নিবিয়ে ফেলা যায় হাতের লন্ঠনটা।’

‘কোথায় যেতিস?’

‘তা ঠিক করিনি তখনো। ইন্সটিমারে উঠে ঠিক কবতাম।’

‘যেখানে যেতিস সেখানে গিয়ে বিয়ে করতিস যশোমতীকে?’

‘বা, বিয়ে করতাম বৈকি। ও কি আমাকে চিরকালই ‘তুই’ বলবে নাকি? ‘তুমি’ বলবে না? বিয়ে না করলে ‘তুমি’ বলবে কবে?’

শৈলেশ্বর ঢোক গিললেন। ‘পরের তালাক-না-করা স্ত্রীকে তুই বিয়ে করবি এমন আইন আছে সংসারে?’

উদাসীনের মত দর্গাচরণ বললে, ‘আইনের আমরা কি জানি?’

‘কি জানিস মানে?’

‘এখান থেকে তো চলেই যাচ্ছিলাম আমরা।’

যেন যেখানে যাচ্ছিল সেখানে কোনোই আইন নেই।

‘যেখানেই যেতিস লম্বা জেল হয়ে যেত।’

‘জেল হয়ে যেত?’ নির্বোধ বিস্ময়ে দর্গাচরণ বললে, ‘পাপ করলাম না, অধর্ম করলাম না, তবু জেল হয়ে যেত?’

‘পাপ করোনি হতভাগা?’ আর সহ্য হচ্ছিল না শৈলেশ্বরের। ‘পরের বউকে স্বামীর আশ্রয় থেকে বার করে নিয়ে যাচ্ছ, সেটা পাপ নয়? ঘাড় ধরে হারামজাদাকে বার করে দে তো রাস্তায়—’

বরকন্দাজের ঘাড়কাতা খেয়ে দর্গাচরণ রাস্তার উপর পড়ল মদুখ থুবড়ে। শৈলেশ্বরের মনে হল শ্রীনিবাসকেই বন্ধি ফেলে দেয়া হল ভুল করে। কিন্তু না ভুল হবে কেন। শ্রীনিবাস স্বামী, তার কোনো অপরাধ নেই।

‘এখনো যদি খোঁজ দিতে পারিস যশোমতীর, জেল থেকে রেহাই পাবি।

• নইলে রক্ষে রাখব না।’

‘খোঁজ তো এখন আমারই চাই।’ গায়ের ধুলো ঝাড়তে-ঝাড়তে দর্গাচরণ বললে, ‘কিন্তু ওর ছেলের কাছে খোঁজ নিয়েছিলেন?’

‘ছেলে? ওর আবার ছেলে আছে নাকি?’

‘হ্যাঁ আছে একটি আট-নয় বছরের। রজ্জব আলি চৌকিদারের বাড়ি কাজ করে। খেতালি-রাখালি কাজ। আরো দুটি ছিল ছোট-ছোট। বছর দুই আগে মারা গেছে পর-পর। যে-বছর চালের দর হয়েছিল আশি টাকা, সেই বছরই শ্রীনিবাস একটু বিদেশ গিয়েছিল টাকার জোটপাট করতে। ফিরে এসে দেখে এই কান্ড। এঁর মধ্যে মনের মত নাগর জুটিয়ে নিয়েছে যশোমতী।’

ডাকো রজ্জব আলিকে।

কি ব্যাপার? শ্রীনিবাসের পরিবার তোমার বাড়িতে আছে নাকি?

সে কি কথা? রজ্জব আলির প্রায় ভির্মি যাবার দাখিল।

‘তোমার বাড়িতে ওর ছেলে কাজ করে তো? তাকে দেখবার জন্যেও তো ওর মা যেতে পারে সেখানে।’

‘কার ছেলে? ও তো আমার ছেলে। আমি ওর পালক-পিতা।’ রঞ্জব আলি তেজী গলায় বললে, ‘আমি ওকে নগদ কুড়ি টাকায় কিনেছি। শ্রীনিবাসই বেচেছে হাতে ধরে।’

কথাটা সত্যি, শ্রীনিবাস অস্বীকার করতে পারল না। দর্ভিক্ষের বছর বেচে দিয়েছিল সে ছেলেকে। যাতে সে না মরে, যাতে দুটি তারা বাপে মায়ে খেতে পারে দু’দিন।

না এখনো মসজিদে কলমা পড়ায়নি ছেলেকে, নাম আগের মত সেই প্রহ্লাদই আছে। বেশ, টাকা ফেরৎ দিচ্ছেন শৈলেশ্বর। সদুদও দিচ্ছেন কিছুর, বাপের কাছে পাঠিয়ে দিক প্রহ্লাদকে। আইন-কানুনই ছিল না, তখন আবার দান-বিক্রি কি! সে-দুঃসময়ে লোকের বৃদ্ধি-বিবেচনাই লোপ পেয়ে গিয়েছিল। শ্রীনিবাসও সেই সব হাড়-হাবাতের দলে। তার ঘর-বাড়ি রুজি-রোজগার সব তছনছ হয়ে গিয়েছে। তাকে আবার দাঁড় করিয়ে দিতে হবে। ফিরিয়ে দিতে হবে তার ছেলে। ফিরিয়ে আনতে হবে তার পরিবার।

রঞ্জব আলির আপত্তি নেই।

কিন্তু আপত্তি প্রহ্লাদের। বাপের কাছে কিছুরেই সে ফিরে যাবে না।

‘কেন?’

‘মা বারণ করে দিয়েছে।’

শৈলেশ্বর অবাক হয়ে তাকিয়ে রইলেন।

‘যে-বাপ ছেলেকে খাওয়াতে পারে না, টাকার জন্যে ছেলেকে বিক্রি করে দেয় মুসলমানের কাছে, মা বলেছে, সে-বাপ বাপই নয়।’

বড় তেজের কথা। এ-তেজ সে নিশ্চয়ই শ্রীনিবাসের থেকে পায়নি। পেয়েছে যশোমতীর থেকে। কেমন দেখতে না-জানি যশোমতীকে। এতক্ষণে এই প্রথম শৈলেশ্বরের মনে হল।

‘মাকেও বিক্রি করে দিয়েছিল দু’বার। আগাম টাকা নিয়ে এসেছিল বেপারীদের ঠেঙে। কিন্তু মা যায় নি নর্ডেন বাড়ির দরজা ছেড়ে।’

‘কারা তারা?’

‘রহমালি আর কাম্বন।’ বললে দু’গাচরণ।

ডাকো তাদের।

তারা এসে বললে, খবরটা মিথ্যে নয়। দু’-দু’বার দু’জনের কাছে বউ বেচে টাকা নিয়েছে শ্রীনিবাস। টাকা নিয়ে সটকান দিয়েছে। কিন্তু তারা দখল

পায় নি যশোমতীর। দখল নিতে গেলে বারে-বারে ঠেকিয়ে দিয়েছে দৃগগো-চরণ। গরু বেচে, ধান বেচে, জমি বেচে কিস্তিতে-কিস্তিতে টাকা শোধ দিয়ে দিয়েছে। তবু বিপথে যেতে দেয় নি যশোমতীকে। ভিক্ষুকের অধম হতে দেয় নি।

‘তাইতো যশোমতী একদিন বললে, আমাকে তুই বিয়ে করে ফেল, দৃগগো। আমার জন্যে কত আর তুই খেসারত দিবি। আমাকে তুই বিয়ে করে ফেললে কেউ আর আমাকে শ্রীনিবাসের বউ বলতে পারবে না। শ্রীনিবাসও পারবে না আমাকে বিক্রি করতে, আর করলেও সে-বিক্রি টিকবে না, বাতিল হয়ে যাবে।’ দৃগাচরণের চোখ-মুখ উজ্জ্বল হয়ে উঠল।

‘তাই বলে পরের স্ত্রী তুমি আত্মসাৎ করবে? এটাই বা কোন সংপথ?’ শৈলেশ্বর হৃৎকার ছাড়লেন : ‘এ-হারামজাদা বলে কী অসম্ভব কথা! বার করে দে ঘাড় ধরে।’

দৃগাচরণ আবার ঘাড়ধাক্কা খেল।

যে যাই বলুক শ্রীনিবাসকে আবার তিনি জায়গা করে দেবেন। বানচাল নাস্তানাবদ্ হয়ে গিয়েছিল সে, আবার ফিরিয়ে দেবেন তাকে শক্ত ভিস্তির আশ্রয়। প্রথমেই যশোমতীকে ফিরিয়ে আনতে হবে। যশোমতী এলে তার হাত ধরে প্রহ্লাদও তার নিজের জায়গায় গিয়ে বসবে। ততদিন সে কাচারিতেই থাক, ছুটকো চাকরের কাজ করুক। মা এসে পড়লে তার আর রাগ থাকবে না।

ছিন্নভিন্ন বিপর্যস্ত শ্রীনিবাসের জন্যে শৈলেশ্বরের সহানুভূতির অন্ত নেই।

বড় তেজী মেয়ে যশোমতী। তা হোক। তবু বদ্বিয়ে বললে বদ্বাতে পারবে নিশ্চয়ই। নিদারুণ দূর্বাপকে মাথা খারাপ হয়ে গিয়েছিল শ্রীনিবাসের। কার না হয় শূন্য? এর চেয়ে আরো কত ভয়ংকর কান্ড লোকে করে বসে। যশোমতী যে স্বামী বেঁচে থাকতে দৃগাচরণকে বিয়ে করতে চেয়েছিল এটা সেই দূর্বাপকের পরিচয়। না, ওদের মধ্যে আবার তিনি ফিরিয়ে আনবেন বনিবনা। শ্রীনিবাসকে মহলের আটপ্রহরী করবেন কিছ্রু জমি দেবেন চাকরান। নতুন করে ঘর তুলে দেবেন ওদের। ওদের জীবনে নিয়ে আসবেন শক্ত অব্যাহতি! সময় স্নগম হয়ে উঠলেই আবার ওদের মধ্যে স্বীকৃতি ফুটে উঠবে। যে দুটো ছেলে মরে গিয়েছিল আবার ফিরে আসবে যশোমতীর কোলে।

কিন্তু যশোমতী কোথায়?

যশোমতীর দেখা নেই।

ওদিকে পদলিখ, এদিকে জমিদারের লোকলস্কর, কোনো পাত্তাই পাওয়া যাচ্ছে না। সন্দেহ-অসন্দেহ সব জায়গায় তদন্ত হচ্ছে, কোথায় কে যশোমতী! ঘাটে-অঘাটে প্রত্যেকটি নৌকোর উপর কড়া নজর, এমন সোয়ারী কেউ নেই যাকে তখুনি-তখুনি সনাক্ত করা যায় না। অলিতে-গলিতে, হাটে-বাজারে পাহারা। কিন্তু যশোমতী নিরুদ্দেশ।

কোথায় সত্যি যেতে পারে? যা জানা যাচ্ছে হাতে তার পয়সা ছিল না, সময় ছিল না স্টিমার ধরে। এমন সাহস নেই নৌকো নেবে একলা। এখানেই কোথাও আছে। নিশ্চয় লুকিয়ে রেখেছে কেউ। কোনো গভীর অন্তঃপদে।

তবে কি কোনো অবস্থাপন্ন মুসলমান তালুকদার তাকে গায়েব করেছে? বিশ্বাস হয় না। নগদ টাকায় খরিদ হয়েও যার দখল হয় না সে নিজের থেকেই গিয়ে ধরা দেবে এ অসম্ভব কথা। তেমনি অসম্ভব কথা সে আত্মহত্যা করেছে। এত যার তেজ সে কখনো আত্মহত্যা করে না।

আর কিছুর নয়। শয়তান ঐ দুর্গাচরণ, সেই কোথাও লুকিয়ে রেখেছে। তাই ওকে আর চোখের বাইরে ছেড়ে দেয়া নয়, সব সময়েই পিছনে ওর লোক রয়েছে। হয় পদলিখের নয় জমিদারের। ও টেরও পায় না।

চাষবাসে আজকাল আর বিশেষ মন নেই দুর্গাচরণের। কেমন ছমছাড়া সর্বস্বান্তের মত ঘুরে বেড়ায়। কোথায় কি খায় না-খায়, বড় কাহিল হয়ে পড়েছে, ঘরে না গিয়ে মাঝে-মাঝে বাইরে পড়ে থাকে। আর, সব খবর নিয়মিত রিপোর্ট হয় শৈলেশ্বরের কাছে। তবে, সন্দেহ নেই, এই দুর্গাচরণের থেকেই সন্ধানের সূত্র পাওয়া যাবে। গুপ্তচরদের উৎসাহ দেন শৈলেশ্বর। প্ররোচনা জোগান। যশোমতীর উদ্ধারের জন্যে পুরস্কার ঘোষণা করেন।

কিন্তু কোথায় যশোমতী!

মাঝে-মাঝে উড়ো খবর আসে। আজ নাকি ইয়াকুব গাজীর পদকুরে ওকে কে স্নান করতে দেখেছে। আরজ আলির উঠানে ওর শাড়ি শুকোচ্ছে নাকি আজ। কিংবা আজ নাকি আতাহার মিঞার খলেনে ও ধান কুটছে।

ডাকো ইয়াকুবকে। তলব দেও আতাহারকে। আরজ আলিকে ধরে নিয়ে এস।

সবাই প্রথম বাকোই অস্বীকার করে। তার চুলের ডগা, চোখের পলকটিও কেউ দেখেনি। হ্যাঁ, পদলিখ-তদন্ত হোক। তত্ক্ষণাত্ প্রমাণ পাওয়া যায় না।

তবু আশা হারান না শৈলেশ্বর। যে-রকম জাল পেতেছেন, ঠিক সে ধরা

পড়বে। ঠিক আবার তাকে তিনি মিলিয়ে দিতে পারবেন স্বামীর সঙ্গে। তাই তিনি শ্রীনিবাসকে নতুন কাপড়-জামা কিনে দিয়েছেন, রেখেছেন পরিস্কার ফিটফাট করে। কাচারিতে চাকরি জুটিয়ে দিয়েছেন একটা। তার জীবনে এনে দিয়েছেন একটা ভদ্রতার পরিবেশ। স্বামীহের মর্যাদা। এবার এনে দেবেন স্ত্রীর প্রেম, গৃহবাসের শান্তি।

তবু শত ফিটফাট ছিমছাম হলেও লোকটাকে কেমন যেন অপদার্থ মনে হয়। মনে হয় সে যোগ্য নয় যশোমতীর।

যোগ্যতার প্রশ্ন কি আর ওঠে? সে স্বামী। এখন ওঠে অধিকারের কথা।

মাঝে মাঝে তার সঙ্গে গল্প করেন শৈলেশ্বর। একটু বা নিবন্ধম নিরিবিলিতে খুঁটিয়ে-খুঁটিয়ে জানতে চান তার গেরস্তালির ইতিহাস। একেকবার ইচ্ছে করে প্রশ্ন করেন, কেমন দেখতে যশোমতীকে। মূখের থেকে ফিরিয়ে নেন প্রশ্নটা। ভয় হয়, লোকটা যেমন মিথোবাদী, হয়তো বলে বসবে, কদাকার, জঘন্য। স্ত্রী বলেও বিন্দুমাত্র তার মায়া হবে না।

কিন্তু শৈলেশ্বর অনুভব করেন এত যার তেজ, এত যার জ্বালা, সে সুন্দর না হয়ে যায় না। সে-সৌন্দর্য বোঝে শ্রীনিবাসের সাধ্য কি?

যশোমতীকে যদি পাওয়া যায় তবে তাকে তিনি পাশের হাজত-ঘরে রেখে দেবেন এক রাত্রি, অন্ধকারে গিয়ে চুপি চুপি আলো জ্বালাবেন। দেখবেন তার সেই তেজ, তার সেই জ্বালা।

অধিকারের প্রশ্ন কি আর ওঠে? তিনি প্রভু। এখন ওঠে আধিপত্যের কথা। শৈলেশ্বর ভয় পান। কিন্তু প্রভাত তো হবে। স্বামী-পুত্রের চাকরি হয়েছে, জমি হয়েছে, ঘর উঠেছে। দিনের আলোতে চোখ মেলে দেখবে না যশোমতী? তার জীবনের সমস্ত রাত্রি সে মূছে ফেলবে না?

স্বপ্ন দেখছিলেন শৈলেশ্বর। চর এসে বললে, 'যশোমতীকে পাওয়া গেছে।'

শৈলেশ্বর চমকে উঠলেন। বিশ্বাস করবেন কিনা বুঝতে পারলেন না।

‘এখানে নিয়ে আসব?’

এখন মোটে সন্ধ্যা। শৈলেশ্বর গলা নামিয়ে বললেন, ‘এখন নয়। মাঝরাতে।’

মাঝরাতে ফরাসে চুপচাপ একা বসে ছিলেন শৈলেশ্বর। উচ্চশিখায় লন্ঠন জ্বলছে তাঁরই প্রতীক্ষার মত।

‘তুমিই যশোমতী?’

জিগগেস করবার দরকার ছিল না। শৈলেশ্বর এক পলকেই তাকে চিনতে পেরেছেন।

কিন্তু তার কপালে সিঁদুর, ডগডগে সিঁদুর। ঐটেই তার তেজ। আর তার চোখে ও কি জল? না ঐটেই তার অপূর্ব জ্বালা।

জয়ী হয়েছেন শৈলেশ্বর। অনুতপ্ত হয়ে যশোমতী তার স্বামীর আগ্রহে আনন্দগতের অভিজ্ঞান নিয়ে ফিরে এসেছে।

তবু এ সৌন্দর্য্য আশ্বাদ করে এ যোগ্যতা গ্রীনিবাসের নেই, হয়তো অধিকারও নেই।

চর কাচারিরই পেয়াদা। শৈলেশ্বর হুকুম করলেন, ‘একে হাজত-ঘরে বন্ধ করো।’

ঘর খুলল পেয়াদা। ঝাঁট দিয়ে ধুলো ঝাড়ল। নতুন একটা লণ্ঠন জ্বালল মিটিমিটি।

‘তোমাকে আজ রাতে ঐখানে থাকতে হবে।’ বললেন শৈলেশ্বর।

‘ঐ নোংরা ঘরে, শূকনো মেঝের উপর?’ পান-খাওয়া ঠোঁটে হাসল যশোমতী : ‘তার চেয়ে আমার ঘরে চলুন, নরম লেপ-তোষক কিনেছি।’

‘তোমার ঘর?’ শৈলেশ্বর যেন চাবুক খেলেন।

‘হ্যাঁ, আমি যে ঘর নিয়েছি খালপাড়ে।’

‘খালপাড়ে?’

‘হ্যাঁ যেখানে খরাপ মেয়েদের বসিত। চেনেন না? আপনারাই তো জমির খাজনা পান।’

‘কেন? সেখানে কেন?’ শৈলেশ্বর চেঁচিয়ে উঠলেন।

তা ছাড়া কোথায় আর যেতে পারে যশোমতী! কোথায় গিয়ে সে মদুস্তি পেতে পারে স্বত্বহীন স্বামিদের দাবি থেকে? জমিদার আর পুঁলিশ তার জন্যে আর কোথায় জায়গা রেখেছে, আর কোথায় তার আগ্রহ! তাড়া-খাওয়া ইন্দুরের মত সে ঢুকে পড়েছে আঁস্তাকুড়ে। কোনো ঘাটেই নোঙর ফেলতে না পেরে সে ডুবেছে পাকের মধ্যে।

কিন্তু সে মদুস্তি। সে অধরা। তাকে আর কেউ ধরে রাখতে পারে না।

‘তাই আমাকে আপনি আর বন্ধ করতে পারেন না। আমার সম্বন্ধে আর কোনো ওজ্জ্বাহত নেই, আকর্ষণও নেই।’ যশোমতী শব্দ করে হাসল : ‘আমার

কপালে যে সিঁদুর সে আমি স্ত্রী বলে নয়, আমি চিরকালের সখবা বলে।
যাবেন আমার ঘরে?’

‘না।’ শৈলেশ্বর চীৎকার করে উঠলেন।

অনেক রাতে যশোমতীর বন্ধ ঘরের দরজায় কে করাঘাত করল।

‘কে?’

‘আমি দূর্গাগো—দূর্গাগোচরণ।’

‘মদ খেয়ে এসেছিস? মদ খেয়ে না এলে ঢুকতে দেব না। আর-আর
দিনের মতো তাড়িয়ে দেব।’

‘না মাইরি বলছি, ঠেসে টেনে এসেছি আজ।’ জড়ানো গলায় বলতে
লাগল দূর্গাচরণ : ‘দাঁড়াতে পারছি না, টলে টলে পড়ছি। দরজা খুলে দে
শিগগির, নইলে মাথা ঠুকে-ঠুকে দরজা ভাঙব।’

না, ভুল নেই, মাতাল হয়ে এসেছে দূর্গাচরণ। যশোমতী দরজা খুলে
দিল।

একটি মনুষ্যের চরিত্রটি ঝুঁকু ভাঙাংশের মার ঠিক করতে হবে। দশদিকে দশটা লোক বাঘের মতো থাবা পেতে আছে। আরেকটা দৃঢ়দাঁত বিক্রমে বল ছুঁড়ে মন্থামুখি। আর সে-বলে কত পাকচক্র, কত কুটকৌশল, কত উড়ন-ঘূরন। তোমাকে নস্যাৎ করবার জন্যে সর্ববিধ পার্থিব প্রতারণা। চক্ষের নিমিষে সিদ্ধান্ত এক চুল দেরি হয়েছে কি তুমি আউট হয়ে গিয়েছ।

সাধ্য কি ব্রক করো। ব্রক করতে তোমাকে দেবে কেন? তোমাকে প্রলুপ্ত করবে।

আর ব্রক করাই ক্রিকেট নয়। টিংকে থাকাই জীবন নয়।

‘একটা গাড়ি কিনতে পারেন না?’

জগদ্দল পাথর-ভর্তি বাস-এ হঠাৎ সেদিন দেখা।

লোডিজ নেই, লোডিজ হবে না - সমানে চেঁচাচ্ছে কণ্ডাক্টর। তবুও পাদানি ও দরজার ভিড় ঠেলে নিরঙ্কুশ ঔদাসীন্যে উঠে পড়ল সূক্ণাশী। যেতে যখন হবেই তখন ভয়-ভবিষ্যৎ না ভেবেই যেতে হবে।

কিন্তু দাঁড়াবে কি করে? ধরবার অবলম্বন কি? অবলম্বন বোধ হয় একটুমান আশা কেউ তাকে স্টেট ছেড়ে দেবে।

আজকের যুগেও এমন আশা কেউ করে নাকি? সমান স্বাধীনতা নিয়েছ সমান দায়িত্ব নেবে না? আসরে নেমে আবার ঘোমটা টানা কেন? দয়া চাও কোন লজ্জায়? যদি ফুলের কুঁড়িই হবে হাটে-বাজারে রোদে-বৃষ্টিতে নেমেছ কেন? হাট-বারে পাঠ নেই।

মহানুভব কে খুঁজছে? দু-একটা মিনিমুখো বোকাসোকা লোকও তো থাকতে পারে।

আশ্চর্য, আশার রাজ্যে পাথরেও ফুল ফোটে।

পাশের লোককে বিপন্ন করে দাঁড়িয়ে পড়ল পরাশর। পাশের লোককে প্রসন্ন করে বসে পড়ল সূক্ণাশী।

যেখানে সূক্ণাশীর নামবার কথা তার আরো তিনটে স্টপ পেরিয়ে পরাশরের

বাড়ির গলি। তিনটে স্টপ পেরিয়েই নামল। বদান্যতার বদলে যে এতটুকু কৃতজ্ঞতা জানায় না তার কেমনতর রীতি-নীতি!

নামতেই সুকণ্ঠী বললে, 'একটা গাড়ি কিনতে পারেন না?'

এ কৃতজ্ঞতার চেয়ে অনেক বেশি।

'গাড়ি কেনা মানেই তো যন্ত্রের অধীন হ'য়ে যাওয়া।' বললে পরাশর। 'তখন বাস-ট্রাম, ফাস্ট ক্লাস-সেকেন্ড ক্লাস রিকশা-সাইকেল—আনন্দময় পদরজ—সব কিছু থেকেই বঞ্চিত হতে হবে। তা ছাড়া আজকের এই রোমাঞ্চ? তোমাকে এই সিট ছেড়ে দেওয়া?'

সুকণ্ঠী হাসল। বললে, 'তার চেয়ে একটা স্মুথ লিফ্ট পেলে বেশি সুখ।'

পরদিন অফিস-টাইমে সুকণ্ঠীর বাস-স্টপের কাছে একটা ট্যাক্সি এসে সাঁ করে ঘুরে দাঁড়াল।

পরাশর নামল গাড়ি থেকে। উন্মনস্ক সুকণ্ঠীর কাছে গিয়ে বললে, 'একটা গাড়ি আছে। চলো তোমাকে পেঁাছে দিই। তোমার আপিস তো আমাদেরই পাড়ায়।'

গোটা চারেক বাস ছেড়ে দিয়েছে সুকণ্ঠী। এমন গাড়ারের মতো ভিড় ছুঁচ গলাবারও সাধ্য নেই। তাল্লেন্দ্রে তাকিয়ে আছে পঞ্চমের দিকে। আর মনে-মনে লড়াইয়ের জন্যে প্রস্তুত হচ্ছে।

এমন সময়ে এই দৈবাগত নিমন্ত্রণ।

যেমন অভ্যাস, গায়ের আঁচল মৃদু শাসন কবে সুকণ্ঠী বললে, 'মন্দ কি।' তারপর দু'পা এগিয়ে গাড়ির সামনে এসে বললে, 'ট্যাক্সি!'

যেন খুব সম্ভ্রান্ত নয় এমন কটাক্ষ। ভাড়াটে-ভাড়াটে গন্ধ, কেমন যেন অকুলীন। তাকে দেখলাম এক ভদ্রলোকের সঙ্গে ট্যাক্সি করে যেতে, আপিসের কোনো মেয়ে যদি বলে, কেমন নিশ্চয়ই টোকো শোনাবে। তবু বন্ধ গুমোটের মধ্যে এক বলক বাসন্তী হাওয়ার মতোই মহাগ্রাণ এই ট্যাক্সি।

পরাশর বললে, 'অফিস-টাইমে এই ট্যাক্সি যোগাড় করাও বা কি কঠিন।'

আরো কঠিন, তাক বুঝে ঠিক সময়ের সূচ্যগ্রমুখে গাড়ি নিয়ে এসে উপস্থিত হওয়া। তার মানে কতক্ষণ আগে থেকে মিটার নামিয়ে দাঁড়িয়ে আছে সুকণ্ঠীদের গলির মোড়ে, কতক্ষণে দেখা যায় তার শাড়ির পাড়, তার ব্যাগের স্ট্র্যাপ, তার এগিয়ে-আসার ঢেউ।

সুকণ্ঠী আগে ঢুকল ট্যান্ডিতে। পরে পরাশর।

কেমনতর হয়ে গেল। পরশরের ডাইনে হয়ে গেল সুকণ্ঠী। শব্দ শব্দ বাড়িয়ে ডাকত আর সরে বসে জায়গা দিত, সুকণ্ঠী বাঁয়ে থাকত। বাঁ-টাই সমীচীন, শাস্ত্র ও আইনসম্মত। আর, অনেক অভিজ্ঞতার ফল থেকেই আইন।

শম্ভুনাথ পিণ্ডিত স্ট্রিট হয়ে হরিশ মদখার্জি রোডের মোড় ঘুরল ট্যান্ডি।

‘ঘুরপথে চলতে বললেন কেন?’ একটু কি কুণ্ঠিত হল সুকণ্ঠী।

‘চৌরঙ্গিতে ক্ষণে-ক্ষণে শব্দ রক্তচক্ষুর আশ্ফালন।’ একটু যেন ঘেঁষে বসল পরাশর : ‘আর লাল চোখ যদি একবার তোমার দিকে তাকায় বারে-বারেই তাকায়। তুমি একটা স্মৃথ রান চেয়েছিলে, না? জীবনে যদিও স্মৃথ রান কোথাও নেই, তবু লাল চোখ যত এড়ানো যায় ততই মগ্নল।’

তবু পিঠ ছেড়ে দিয়ে বসছে না সুকণ্ঠী। হাঁটু দুটো কেমন কাঠ করে বসে আছে। কনুইটা কেমন কোণ-তোলা। কাঁধের ঝোলানো ব্যাগটা পাশ থেকে সরিয়ে এনে বসিয়েছে কোলের উপর।

লোয়ার সার্কুলার রোড ঘুরে ক্যাজারিনা এভিনিউতে পড়েছে ট্যান্ডি।

চোখ না মেলেও দেখা যায়। চূপ করে থেকেও কথা হয়। কিন্তু চোখ ফিরিয়ে মৃথ বজ্রে শব্দ কাছাকাছি বসে থাকাও যে দেখা আর কথা বলা এ কে জানত।

সেদিনের সেই মফস্বলের মেয়েটিকে মনে-মনে আবার রচনা করল পরাশর।

এক বৃষ্টি-থামা সন্ধ্যায় লন্ঠনের টানে ঝাঁকে-ঝাঁকে পোকা এসেছে, নানা মাপের নানা রঙের পোকা। তাই বসে-বসে দেখাছিল পরাশর আর ভাবাছিল এত যেখানে পোকা তখন কে বলে এ পৃথিবী শব্দ মানুষের জন্যে।

একজনের হাতে একটা মোটা খাতা, গোটা কয় কলেজের মেয়ে এসে হাজির।

ওদের মধ্যে যে মেয়েটি অচপল সে খাতাটি বাড়িয়ে দিয়ে বললে, ‘আমরা একটা হাতে-লেখা পত্রিকা বার করেছি। আপনি যদি একটা লেখা দেন—’

স্বাস্থ্য শ্রীতে ডগমগ মেয়েটি। যেন বকবকে একটা করাতের পাত।

খাতাটা বাড়িয়ে দিল না হাতখানিই বাড়িয়ে দিল কে জিগগেস করবে।

উৎসাহে উথলে উঠছে। আগ্রহ দূরে থাক, এতটুকুও কৌতূহল দেখাল না পরাশর। খাতাটাও একবার দেখল না পৃষ্ঠা উলটিয়ে। নিহাস্য গম্ভীর মূখে বললে, ‘আমি তো কবিতা লিখি। আর সে শব্দ প্রেমের কবিতা।’

‘লিখবেন।’ এতটুকু অপ্রতিভ হল না মেয়েটি।

মুখের দিকে তাকাল পরাশর। দেখল লজ্জার গাঢ় পদ্মরাগ সূকণ্ঠীর চোখের কোণে বিশ্রাম করতে বসেছে।

সে কবিতা আর লেখা হয় নি। সে পত্রিকা মুছে গেছে। সমস্ত শহরটাই মুছে গেছে মানচিত্র থেকে।

কিন্তু মনের চিত্র থেকে মুছে যায় নি সেই মেঘমাখানো সন্ধ্যা, সেই মিটিমিটি লণ্ঠনের আলোয় অনেক পোকার মধ্যে একটি মানুষী প্রজাপতি। আর রক্ত-মাংসে যে-প্রেমের কবিতা লেখা হবে না তারই অব্যক্ত গুঞ্জরণ।

আকাশের দেশ নেই, প্রেমেরও বয়স নেই।

ফেলে-আসা গাঁ-শহরের অধিবাসীদের মাঝে-মাঝে সভা হয়, একত্র মেলামেশার জন্যে। যেহেতু এককালে সে-শহরে পরাশর অধিষ্ঠিত ছিল এবং সৌহার্দ্য সকলের সঙ্গে প্রায় একাত্ম ছিল, তারও নিমন্ত্রণ হল।

তেমনি এক সভায় সূকণ্ঠীর সঙ্গে দেখা।

‘আমাকে চিনতে পারেন?’ সূকণ্ঠীই এসেছিল এগিয়ে।

‘তুমি তুমি সেই সূ, সূ—শরীরের কি যেন একটা অংশ—সুদতী, সুদ্রু, সুকেশী—না, না, সূ—সূকণ্ঠী নও?’ রক্তিম উত্তেজনায় সুন্দর হয়ে উঠেছিল পরাশর।

‘আশ্চর্য, এখনো মনে আছি দেখছি।’ সূকণ্ঠী চোখ নামাল না।

‘ঠিক বলেছ, মনে আছে নয় মনে আছি।’ দর্শনের মধ্যে স্পর্শনের সুদর মৌশল পরাশর : ‘ধনে-জনে সুখ নেই, মনেই সুখ।’

তাজা ডগালে শাকের মতো লকলকে ছিল এখন একেবারে দড়ি পাকিয়ে গিয়েছে। দয়াহীন দারিদ্র্যের ঝড় দাগ ফেলে-ফেলে বয়ে গেছে দেহের উপর দিয়ে তা ঠাহর করলেই বোঝা যায়। কাছে বসে কথা কয়ে কিছু খবরও জানা গেল, সেই পুরোনো খবর। বাবা উকিল ছিলেন বয়স্খা মেয়েদের নিয়ে থাকতে পারলেন না। কিছুই আনতে পারেন নি। বাড়িঘরেরও খন্দের নেই। এখানে কে চেনে, প্র্যাকটিস জমাবার কথা ভাবাও পাগলামি। তবু দুপুরে, গরমে-গরমে পচে মরার চাইতে আদালতে ঘোরাফেরা করেন, অস্থিস্থি যদি এক-আধটা মিলে যায় কখনো। দুখানা ঘরে যে একটা বাসা নিয়েছেন তাকে একটা বাস্তু বললেই ঠিক হয়। যা চাকরি একা সূকণ্ঠীই করছে। তার সঙ্গে একটু রাজনীতি বা কাজনীতি না মিশিয়েই বা উপায় কি। ফোকটে যদি দুটো টাকা মাইনে বাড়ে সে ফিকির কে না দেখে।

‘তোমার পিঠ-পিঠ যে ভাই ছিল সে কি করছে?’

‘ভুগছে।’

‘অসুখ?’

‘রাজ-অসুখ। রাজযক্ষ্মার চেয়েও মারাত্মক।’

‘সে কি?’ চমকে উঠেছিল পরাশর।

‘হ্যাঁ, সে অসুখের নাম বেকারি। সমর্থ ছেলে, বি-এ পাস, একটা চাকরি জুটছে না।’

বিয়ে যে হয় নি তা তো হাতে-মাথেই বোঝা যাচ্ছে। কি করেই বা হবে? সময় কই? স্বাস্থ্য কই? টাকা কই?

একজনের চোখের উঠানে আরেকজনের চোখের রোদ খেলা করেছিল অনেকক্ষণ।

যে ছবির চোখ একবার তোমার চোখের দিকে তাকিয়েছে তাকে দূরে-সামনে যে কোণ থেকেই দেখ না কেন সব সময়েই সে তাকিয়ে থাকবে চোখের দিকে। তেমনি যাকে একবার ভালো লেগে গিয়েছে, সব অবস্থাতেই সে জাগিয়ে রাখবে সেই ভালোলাগার আলো— যে আলো মাটিতেও নেই সমুদ্রেও নেই।

সভা শেষে, ভেঙে যাবার আগে আবার একটু দেখা হল। এ ওর ঠিকানা বললে। এত কাছে? অলক্ষ্যে যেন আরো একটু কাছাকাছি হল। একদিন যেয়ো না। তোমার ভাইকে— কি না জানি নাম— ধুবজ্যোতিকে পাঠিয়ে দিও আমার কাছে। দেখি কি করতে পারি।

ভাইকে কিছদ্বলে নি নিজেই একদিন দেখা করতে গিয়েছিল সুকণ্ঠী।

একটা প্রকান্ড একান্নবতী বাড়ি বড়ো-ছোটো অনেক আত্মীয়পরিজন নিয়ে একত্র আছে পরাশর। ভাড়াটে বাড়ি, এখানে-ওখানে অনেকগুণি কোঠায় অনেক শিশু বড়ো ছোকরা-ছুকরির হিজিবিজি।

‘নিজের একটা আলাদা বসবার ঘর নেই তাই এস এই প্যাসেজটাতেই বসি।’ বললে পরাশর।

‘থাকেন কোথায়?’

‘মানে শুনই কোথায়? ঐ তেতলার এক কোণে। অদৃষ্টে কোনো রকমে জুটছে একখানা।’

‘আলাদা একটা ফ্ল্যাট নেন না কেন?’

‘একের পক্ষে পাঁচজনের মানে পাঁচের পিঠে চড়ে একান্ন হওয়াই সর্বিধে।’

সুক্ঠী হাসল, কিন্তু আলাপ জমল না। কেমন বাজার-বাজার আপিস-আপিস শোনাল। কত মাইনে সুক্ঠীর, বাড়তি-আদায় কিছদ আছে কি নদ, মরা নরীতে কি করে চালায় গাধাবোট— এই সব। পরাশর আরো কত উঠেছে মই বেয়ে আকাশ প্রায় ছোঁয়-ছোঁয়— ছি ছি, তার হিসেব।

কি রকম যেন প্রার্থী-প্রার্থী মনে হ'ল নিজেকে। সুক্ঠী উঠে পড়ল।

‘কই আমাকে একদিন যেতে বললে না তোমাদের বাড়ি?’ পরাশর এগিয়ে দিল দ্দ পা।

‘তব্দ তো আপনাদের বাড়িতে একটা প্যাসেজ আছে বসবার, আমাদের বাড়িতে তাও নেই।’

‘ভালোই তো। পথেই তা হলে আমাদের ঘর-দোর।’

ট্যাক্সি রেড বোডে পড়েছে।

গতিটাকে একটা গভীর শান্তির মতো মনে হল পরাশরের। প্রগাঢ় নিষ্ক্লেশতার শান্তি। গল্পটা কিভাবে শেষ হবে মনে যখন ঠিক-ঠিক এসে যায় তখন লেখকের যে শান্তি সেই শান্তি সুক্ঠীকে এখন পাশে নিয়ে। মনে-মনে লেখার সমাপ্তি খুঁজে পাবার পর যেমন আর লিখতে ইচ্ছে করে না তেমনি যেন ওকে নিয়েও পরাশরের আর কিছদ ইচ্ছে নেই।

সামান্য একটা ফুল ফোটাবার জন্যে মৃণ্তিকার কত দীর্ঘ ও ধীব আয়োজন চলে। মানুষেরই ধৈর্য নেই, আয়দ নেই, ভবিষ্যৎ নেই।

‘কই তোমার ভাই তো এল না।’

‘আমি ওকে বলি নি কিছদ—’

‘সে কি? আমার আপিসে কত দিক থেকে কত রকম ভেকেন্সি হয়—’

‘ওর হবে না। আর যখন হবে না তখন আমার কাছে ও আপনার নিন্দে করবে। আপনাকে অযোগ্য অক্ষম বলবে। এ আমি সহিতে পারব না।’

সুক্ঠীর বাঁ হাতখানির দিকে তাকাল পরাশর। দুর্বল, দরিদ্র, পরিত্যক্ত। আস্তে-আস্তে ধরবে না ছোঁ মেরে তুলে নেবে ভাবতে লাগল।

পরিশ্রমের কাঠিন্যে লেখা ঔৎসুক্যের নরম কবিতা।

পরাশরের হাতের মধ্যে সুক্ঠীর হাতখানি ভয়ে কুঁকড়ে রইল। বিস্কুটের মতো গুঁড়ো-গুঁড়ো হ'য়ে গেল।

খটখটে রোদ, দ্দ-দিক থেকেই ধাবন্ত মোটর। আগাপাশতলা-বোঝাই একটা এক্সপ্রেস দোতলা বাস কাটিয়ে গেল ট্যাক্সি।

‘আপিস থেকে ফিরতে তোমার বৃষ্টি খুব দেরি হ’য়ে যায়?’

‘হ্যাঁ, মাঝে-মাঝে গানের টিউশানি থাকে।’

‘তোমার গলা কি আশ্চর্য সুন্দর। যেন সোনা ঢালা—’

প্রশংসা করলে কোন মেয়ে না সুখী হয়? তবু সুকণ্ঠী, খুশি হ’য়েও হাতের দিকে কড়া নজর রেখেছে। হাত নিয়েই পরাশর শান্ত থাকে কি না, না এলাকার বাইরে চলে আসে। শুকনো গলায় ঢৌক গিলে বললে, ‘চর্চাই করতে পারি না। পাবলিসিটি নেই—’

পদ্রুপের স্বভাব কি কিছুতেই যাবে না?

হাত ছেড়ে দিয়েছে হাত। কাঁধের উপর উঠে এসেছে।

মুহূর্তে পরাশরের সান্নিধ্যকে ছুঁড়ে ফেলে দিয়ে এক কোণে ছিটকে পড়ে তীক্ষ্ণ আত্ননাদ করে উঠল সুকণ্ঠী : ‘এই, রোকো। রোকো—’

এমনটি কোনোরূপে শোনে নি ড্রাইভার। গাড়ি আস্তে করল।

একটা টুকরো-করা সেকেন্ডের এক কণিকা ভুল হয়েছে মারে। পিচে বল পড়বার আগেই ব্যাট হাঁকড়ে বসেছে।

কিন্তু তাই বলে শালীনতাকে বিসর্জন দেওয়া কি উচিত হবে? বর্বরতার প্রতিরোধে আবার শালীনতা কি। তবু ব্যাণ্ডেজটা সিলেক্ট হওয়াই তো ভালো। ব্যাণ্ডেজ কোথায়? এ দগদগে ঘা।

পরাশর সহজ হবার চেষ্টায় বললে, ‘এইখানে নেমে পড়লে বিপদে পড়বে যে।’

‘না, আমি এইখানেই নামব। পায়ে হেঁটে যাব।’ কোণের কাছে লেপটে গিয়ে সুকণ্ঠী দৃঢ়তা রাগে থরথর করে কাঁপছে।

‘এখানে ট্যান্ডি কোথায়? বাস কোথায়? হঠাৎ নেমে পড়লে চলতি গাড়ির লোকেরা ভাববে কি।’

‘অন্যে কি ভাবে বয়ে গেল। আমি কি ভাবছি তা কে ভাবে।’ মেরুদণ্ড খাড়া করে বসল সুকণ্ঠী : ‘এই, রোকো। ট্যান্ডি ভাড়া আমি দিয়ে দিচ্ছি।’ ব্যাগ হাটকাতে বসল নিচু হয়ে।

‘এসম্প্ল্যান্ডে পর্বন্ত চলো, নামিয়ে দেব। সেটাই ডিসেন্ট হবে। সেখানে বাস-স্ট্রাম যা হোক কিছু একটা পেয়ে যাবে সহজে।’ নিশ্চল নিরুদ্বেগ মূখে বললে পরাশর।

বিপদে বৃষ্টি হারানো কাজের কথা নয়। এটুকু পথ রুদ্ধস্থান বন্ধস্থান সহ্য করা ছাড়া উপায় কি। গানের আঁচল ঘন করে বসল সুকণ্ঠী।

তাই এখনো বিয়ে করে নি। এমনি উড়ে-ঘুরে বেড়াবার মতলব। বলে, যন্ত্রাধীন হব না। বাস ট্রাম ফাস্ট ক্লাস সেকেন্ড ক্লাস রিকশা সাইকেল—যখন যা হাতের কাছে চলে আসে তাই লুফে নেবে। কিন্তু আমি ছ্যাকড়া গাড়ি নই।

চিস্তুরঞ্জনের মোড়ের কাছে ট্যান্ডি থামল। ঝটকা মেরে নেমে পড়ল স্দুকঠী।

পরশরকে খানিক এগিয়ে গিয়ে নামতে হল। কি না জানি করে ফেলে মেয়েটা। নখে-দাঁতে ঝাঁপিয়ে পড়তে পারে নি, ট্রাম-বাসের তলায় না ঝাঁপিয়ে পড়ে। কেলেঙ্কারির ভয় বলে বালাই কিছ্ আছে বলে তো মনে হয় না। কে জানে, হয়তো যা রেওয়াজ হয়েছে আজকাল, থানায় না ডাইরি করে বসে।

না, স্দুখ-শান্ত ভিজ্জতে তেরো নম্বর বাসেই উঠল স্দুকঠী। পরশর আরেকটা ট্যান্ডি নিল।

সন্ধ্যায়ও রাগ মরে নি স্দুকঠীর। বাড়ি ফিরে এসে ছোটো অ্যাটাচি কেসটা খুলে বসল। দৈনিক পত্রিকার কটা কাটিংস জমিয়েছিল স্দুকঠী, যেখানে-সেখানে পরশরের বক্তৃতার সারাংশ বেরিয়েছিল তার টুকরো। কটা ছবি। কটা বিজ্ঞাপন। অন্যের থেকে ভিক্ষে করে আনা অটোগ্রাফের পৃষ্ঠা।

ধারালো নখে সব ছিঁড়তে বসল স্দুকঠী। টুকরো-টুকরো করে। তাতেও জ্বালা মিটেছে না। ছেঁড়া অংশগুলি আবার ছিঁড়ল, কুচিকুচি করে ছিঁড়ল। মনে-মনে ভাবল অনেক বেঁচে গিয়েছি—এক-একবার ইচ্ছে হত চিঠি লিখ—ভাগ্যিস লিখি নি। জঞ্জাল জড়ো করি নি বেশি।

দেশলাইয়ের কাঠি জেরলে পোড়াতে বসল সে ছিন্নস্তপ।

সেদিন খবরের কাগজ খুলতে গিয়ে চোখে পড়ল বড়ো অক্ষবে কি একটা সংবাদ বেরিয়েছে পরশর সম্বন্ধে। চোখে পড়তেই ঝলসে উঠল। পরে ভাবল, কোনো কেলেঙ্কারির সংবাদ হয়তো। কিংবা কে জানে, হয়তো মোটর চাপা পড়েছে। নয়তো বা অন্য কোনো দুর্ঘটনা। পড়ে দেখতে ক্ষতি কি।

বিপরীত সংবাদ! কতক্ষণ পরেই দুর্ঘটনা ছোকরা এসে হাজির। আমাদের সভায় আপনি যদি দুর্ঘটনা গান গান।

উৎফুল্ল হ'ল স্দুকঠী। এভাবেই তো পার্বলিসিটি হবার সুযোগ। বললে, 'আপনারা কারা?'

কতদিনের পুরোনো ও শক্তিশালী প্রতিষ্ঠান তার বিবরণ দিল ছোকরারা। কারা-কারা সব সভাপতি হয়ে গিয়েছেন দৈর্ঘ্য পরিধিতে কত বড়ো সব

জাঁকালো জাঁদরেল। কত ফিল্ম-স্টার, রেডিওআর্টিস্ট গান গেয়েছেন এখানে, কত নৃত্যভারতী দেখিয়ে গিয়েছেন ললিতকলা।

‘কিসের সভা?’

‘আমরা পরাশর রায়কে সংবর্ধনা দিচ্ছি।’

‘কে পরাশর রায়?’

‘সে কি কথা? এত বড়ো একজন সাহিত্যিক, জনপ্রিয়তার সবচেয়ে উঁচু চূড়োয় যার বাসা—’

‘ও, শুনছি বটে।’ মৃদু গম্ভীর করল সুকণ্ঠী : ‘কিন্তু এও শুনছি লোকটা অত্যন্ত বাজে, রোথো, থার্ড ক্লাস—’

‘চামড়া ও চরিত্র যার-যার নিজের ব্যাপার।’ এক ছোকরা হাই তুলল, আরেক ছোঁড়া তুড়ি মারল : ‘ও সব কে দেখে? দেশ সম্মান দেবে প্রতিভাকে।’

‘মাপ করুন। যার-তার সভায় গান গাইতে পারব না।’ রাগে পড়তে লাগল সুকণ্ঠী।

এত বড়ো একটা পাবলিসিটির সুযোগ এমনি করে গোপ্তায় পাঠাবে? প্রসাদের ফুলকে এমনি করে পায়ে দলবে? উপায় কি তা ছাড়া? গানের চেয়ে মান বড়ো।

বলে কিনা গলা যেন সোনা-ঢালা। যদি পারতাম, গালাগাল দিয়ে সিসে-ঢালা করে দিতাম।

একটা শ্রাম্ববাড়িতে হঠাৎ সেদিন দেখা। কোন এক দূরসম্পর্কিত লোকের বাড়িতে কাজ, সেখানে ও লোকটার নিমন্ত্রণ হতে পারে কে জানত। সম্পর্কের কত শেকড় যে চারিদিকে ছড়িয়েছে তার ঠিক নেই।

গদগদকণ্ঠে শোকভিক্ষা-ঢলঢল গান গাইছিল সুকণ্ঠী। সবাই তন্ময় হয়ে শুনছে। জমাট হয়ে আছে স্তব্ধতা। এমন সময় ঘরে ঢুকল পরাশর।

মুহূর্তে গান গেল থেমে। সুকণ্ঠী হঠাৎ অসুস্থ হয়ে পড়েছে। বাতাস যেন উড়ে গিয়েছে ঘর থেকে। গা-মাথা কেমন ঘুরতে লেগেছে। সাঁ করে ছুটে চলে গিয়েছে পাশের ঘরে। বাথরুমে। বাথরুমে ঢুকে মাথায় জল ঢালতে শুরুর করেছে।

কি হল, ডাক্তার ডাকো। ভিড় সরিয়ে দাও।

পরাশর বেরিয়ে গেল।

না, সুস্থ হয়েছে। ভয়ের কিছু নেই। বাড়ির বাইরে এসে শুনতে পেল পরাশর, সুকণ্ঠী আবার গান ধরেছে।

‘আপনারা একজন ঠিক করুন। হয় গাইয়ে নয় বলিয়ে।’ প্রোগ্রামটা হাতে করে ছুঁলও না সুকণ্ঠী। উপর-উপর চোখ বুলিয়েই বললে।

‘আপনার সঙ্গে বস্তার ক্র্যাশ হচ্ছে কোথায়?’

‘ভীষণ হচ্ছে। আপনাদের রুটির সঙ্গে হচ্ছে।’ ঝাঁজিয়ে উঠল সুকণ্ঠী।

‘কিন্তু পরাশরবাবুর নাম যে কার্ডে ছাপা হয়ে গেছে। ওঁকে এখন বাদ দিই কি করে?’

‘তা হলে আমাকে বাদ দিন। আমার নাম, গায়কের নাম তো আর ছাপা হয় না।’

‘ওরে বাবা, আপনাকে বাদ দিলে সভা তো ফাঁকা মাঠ। আগে গাইয়ে পরে কইয়ে।’

‘তা হলে যে সভায় ওরকম সভাপতি সে সভায় আমি গাই না।’

মাথা চুলকোতে লাগল ছোকরারা। ‘তা হলে কি করে ম্যানেজ করা যায়?’

‘খুব যায়। নিতে লোক পাঠাবেন না। লোক না পাঠালে যায় কখনো সভাপতি? নিজের থেকে গাড়ি ভাড়া কবে?’

‘তা মন্দ বলেন নি। লোকই পাঠাব না। আর এদিকে সভায় ঘোষণা করে দেব হঠাৎ অসুস্থ হয়ে পড়েছেন। কিংবা বাড়িতে দুর্ঘটনা ঘটেছে।’

ভোঁতা অস্ত্র দিয়ে থেঁতলে-থেঁতলে কাটার মধ্যেও আনন্দ আছে।

জামা-কাপড় পরে তৈরি হয়ে দাঁড়িয়ে থাকবে। লোক যাবে না। থেকে-থেকে শব্দ মোটরের হর্ন শুনবে। একটাও দাঁড়াবে না দরজায়। হৃদিসও পাবে না কেন এই প্রত্যাখ্যান।

ধারালো অস্ত্রের উলটো পিঠ দিয়ে ফাটিয়ে-ফাটিয়ে মরার মধ্যেও সুখ কম নয়।

‘দিদি, আমার একটা চাকরি হয়েছে।’ ধুবজ্যোতি চুল আঁচড়াতে-আঁচড়াতে বলল।

‘বলিস কি?’ আনন্দে প্রায় পাখা মেলল সুকণ্ঠী : ‘কত মাইনে?’

‘স্টার্টিং তো ভালোই। প্রায় আশাতীত। একশ কুড়ি টাকা।’

‘সত্যি?’ ভাইকে প্রায় আদর করে সুকণ্ঠী : ‘কোথায়, কোন আপিসে?’

আপিসটার নাম করল ধুব।

‘কি করে পেলি?’

‘অ্যাংলাইও করি নি, কোথায় আবার খোঁজ পাব! পরাশরবাবু নিজের থেকে ডেকে নিয়ে গিয়ে চাকরি দিলেন।’

‘কে?’ যেন হৃৎকার করে উঠল সূক্ঠী:

‘পরাশরবাবু। সেই যিনি— সেই যে—’

জ্বলন্ত একটা উনুন নিবে গিয়ে তাতে যেন গোবর লেপা হয়ে গেল। সূক্ঠী গলা মোটা করে বললে, ‘ওখানে তোমার চাকরি করা হবে না, ধুব।’

‘কেন?’

‘ওখানকার অ্যাসোসিয়েশন ভালো নয়।’

পেটের ভাত প্রায় চাল হয়ে গিয়েছিল আতঙ্কে। ধুবজ্যোতি মন খুলে হাসল। বললে ‘চাকরির আবার অ্যাসোসিয়েশন! ভূতের আবার জন্মদিন!’

‘পরাশরবাবু লোকটা শঠ, ভণ্ড জঘন্য—’ যেন শব্দসম্পদ বেশি নেই সূক্ঠীর। অসহায়ভাবে হাত ছুঁড়ল শূন্যে। বললে, ‘ঠিক বোঝাতে পাচ্ছি না।’

‘সূচনায় এটা কি তারই পরিচয় দিচ্ছে?’

‘যারা প্রভারক তারা সূচনায় এমনি ছদ্মবেশ পরে। ভালো করবার ছলে সর্বনাশ করে। চাকরি দিয়েছে গদু কোনো শত্রুতার উদ্দেশ্যে।’

‘এরকম শত্রুর সংখ্যা দেশ জুড়ে বৃদ্ধি পাক।’ আশীর্বাদের ভঙ্গিতে হাত তুলল ধুব: ‘বেকারির নিপাত হোক।’

‘তুমি বৃদ্ধিতে পাচ্ছ না ও এই সুযোগে এই বাড়িতে আনাগোনা শুরুর করবে।’

‘বলো কি, আসবে আমাদের বাড়ি?’

‘আসবে? এলে মূখের উপর দরজা বন্ধ করে দেব না?’

‘সে কি কথা? তোমার সঙ্গে ঝগড়া হয়েছে নাকি?’

‘শুধু ঝগড়া হলেই কি দরজা বন্ধ করে দেয়?’

‘তবে কোনো দুর্ব্যবহার?’ চিরুনি ছেড়ে দিয়ে শুধু আঙুলে মাথা চুলকোতে লাগল ধুব।

‘ধুব!’ গজন করে উঠল সূক্ঠী: ‘যদি এ চাকরি তোমার করতেই হয় তবে এ বাড়িতে তোমার থাকা হবে না বলে দিচ্ছি। হয় তুমি আলাদা নয় আমি আলাদা হয়ে যাব। কালসাপকে বাস্তুসাপ হতে দেব না।’

বাবা এসে মাঝে পড়লেন। ধীরস্থির না মহাতি। তিনি বললেন, ‘আগেই

দড়িকে সাপ ভাবা কেন? আর সাপ ফণা তুললেই বা ভয় কিসের? পাথর হতে পারলে সাপের ছোবলে কি হবে!

পাথরই হতে হবে। বাড়ির সঙ্গে ছিন্ন করতে হবে সম্পর্ক।

কোথাও কোনো একটা মেয়ে-হস্টেলে জায়গা পায় কিনা তারই জন্যে ঘোরাঘুরি করছে স্নক্‌স্ট্রী। ঠিকানাটা না বদলানো পর্যন্ত শান্তি নেই। শুধু বাড়ির ঠিকানা নয় পাড়া, মহল্লা, বাস-রুট। কোনদিন ধুবর খোঁজে বাড়িতে এসে ওঠে চোরের মতো তার ঠিক কি।

‘জানো দিদি, পরাশরবাবু পড়ে গিয়েছেন।’

স্নক্‌স্ট্রী মৃদু ফিরিয়ে রইল। কত লোকই তো পড়ে-মরে তাতে কার কি মাথাব্যথা।

‘সিঁড়ি দিয়ে নামতে গিয়ে স্লিপ করেছেন।’

‘মেরুদণ্ড ভেঙে গিয়েছে?’ রি-রি করে উঠল স্নক্‌স্ট্রী।

‘অতটা হয় নি। পায়ে চোট লেগেছে—’

‘ঠ্যাং খোঁড়া হয়ে যায় নি?’

‘বলা যায় না কি হয়।’

‘অমন লোকের অমন কিছু না হলে প্রকৃতির নিয়ম বলে কিছু থাকে না।’

স্নক্‌স্ট্রী সর্বজ্ঞ দার্শনিকের মতো বললে।

‘হাসপাতালে আছেন। এক্স-রে রিপোর্ট পেলে তবে বোঝা যাবে।’

এই, এই হচ্ছে অসুবিধে। রোজ তার খবর সরবরাহ করছে ধুব। এমনি করে তার অস্তিত্বের শারীরিক অনুভবটো বাঁচিয়ে রাখবার আয়োজন চলেছে।

‘বিশেষ ভাবনার কিছু নেই বলেছে ডাক্তার। সিম্পল ফ্র্যাকচার। প্ল্যাস্টার করে দিয়েছে। মাসখানেকের ধাক্কা।’

‘মোট?’ মৃদু দিয়ে বেরিয়ে এল স্নক্‌স্ট্রী। উজ্জ্বাটা যে চাপা দেবে চট করে এমন কোনো কথা খুঁজে পেল না।

‘আজ আবার হাসপাতালে গিয়েছিলাম—’

‘যেখানে খুঁশি তুমি যাও, চুলোয় হোক গোছায় হোক নরকে হোক—আমাকে জানাবার কোনো দরকার নেই। হাসপাতালে রুগী খালি একটা নয়।’

‘জানো দিদি, সেদিন বিমর্ষ মৃদু ধুব এসে বললে, ‘পরাশরবাবু আমাকে বাইরে বদলি করে দিয়েছেন—’

উত্তরে জিগ্গেস করা উচিত কোথায়? কিন্তু স্বস্তির নিশ্বাসের সঙ্গে স্নক্ঠীর মৃদু দিয়ে বেরিয়ে এলু: 'বাঁচলাম!'

'বাঁচলে?'

'তা ছাড়া আবার কি। সব সময় আর খবর যোগান দেওয়া চলবে না। গায়ের জ্বালায় নিবারণ হবে।'

ধুব গেল বাবাকে বলতে। রামমোহনবাবু মাথায় হাত দিয়ে বসলেন। মফস্বলে গেলে তো বিষম ক্ষতি। কিছুই তখন তুলে তো পাঠাতে পারবে না সংসারে।

'না, না, একা থাকতে শেখাই তো ভালো।' স্নক্ঠী সহজ-স্পষ্ট স্বরে বললে, 'আত্মীয়দের আঁকড়ে ধরে কোনো রকমে মাথা গুঁজে পড়ে থাকায় কোনো বাহাদুরি নেই। খোলামেলা জায়গায় স্বাবলম্বনের স্বাধীনতায় থাকা অনেক ভালো।'

এ একটা কাজের কথা হল? যে করে হোক এ বদলি রদ করাতে হবে।

'তুমি একবারটি যাবে দিদি? তুমি যদি একটু বলো—' মিনতিস্লান মৃদু ধুব কাছে এসে দাঁড়াল।

'আমি? আমি যাব?' বোমার মতো ফেটে পড়ল স্নক্ঠী।

বুঝতে পেরেছি, মনে-মনে গণনা করতে বসল, সব কারসাজি। চাকরি দেওয়া বদলি করা তদবিরের ক্ষেত্র প্রস্তুত করা সবই শাণিত ষড়যন্ত্র।

অগত্যা রামমোহনবাবু ছেলেকে নিয়ে নিজে গেলেন দরবার করতে।

'বাবা, তোমার যাবার কি হয়েছে? তুমি কেন ছোটো হতে যাবে?' স্নক্ঠী বাধা দিতে এল।

রামমোহনবাবু শুনলেন না। শুধু বললেন, 'আমার তো মনে হয় দিতে জানাটাই চালাকি নয়, নিতে জানাটাও চালাকি।'

মফস্বলই যেন বহাল থাকে। রাগে জ্বলতে লাগল স্নক্ঠী। এত কথা তা হলে উঠতে পায় না সংসারে। পরাশরের জ্বলন্ত স্মারক চিহ্নের মতোই যেন জেগে আছে ধুব। সব সময়ে যেন তারই সমৃদ্ধি আর ঐশ্বর্যের গন্ধ বয়ে বেড়াচ্ছে। ও চলে যাক, সরে যাক চোখের সামনে থেকে। নিতানতুন কথার নিবৃত্তি হোক, মনে-জাগিয়ে-রাখার ঘা শুকোক। গা-জুড়োনো হাওয়া দিক।

‘তোমার ইচ্ছাই পূর্ণ হ’ল যদি।’ ধুব ফিরে এসে বললে, ‘বদলি কিছতেই রদ করতে রাজি হলেন না।’

‘আমার কথা কিছ্ বলিছিলে বদলি?’ যেন মাথার উপর খজা তুলল সূক্ঠী।

‘না, তোমার কথা বলতে হয় নি। কিন্তু মনে হয় বদলিতে পেরেছেন। নইলে প্রায় ঐ কথাগুলিই বললেন কি করে?’

‘কোন কথা? কোন কথা আবার বলিছিলাম আমি?’

‘বললে, আত্মীয়দের আঁকড়ে মাথা গুঁজে পড়ে থাকার মধ্যে কৃতিত্ব নেই। ওরকমভাবে থাকতে গেলেই নানারকম ক্ষুদ্রতা, নানারকম কলহ। বিরোধের মধ্যে আলাদা হলে জোড় লাগে না, কিন্তু এমনি আলাদা থাকতে শিখলে আত্মীয়রা আলাদা হয় না।’

‘এ সব আমি কিছ্ বলি নি। এ সব মোটেই আমার মনের কথা নয়।’ চাপা আক্রোশে গজরাতে লাগল সূক্ঠী : ‘তোমাকে সরিয়ে দেওয়ার উদ্দেশ্যই হচ্ছে আমাদের জন্ম করা, নাকাল করা আমাদের সংসারের আয় কমিয়ে দেওয়া—’

ধুব কান চুলকোতে লাগল।

কে জানে হয়তো বা দুর্বল, অভিভাবকহীন করে ফেলা। হাতের কাছে একটা খাটিয়ে-পিটিয়ে ভাই ছিল, উঠতে-ছুটতে পারত, তাকে সরিয়ে দেওয়া। মনে-মনে আবার গণনা করতে বসল সূক্ঠী। গভীর, সূগভীর ষড়যন্ত্র।

রাগে-রোষে দগ্ধ হ’তে লাগল সূক্ঠী। কোথায় শীতলসিঞ্চন আছে, মনোহর সরোবর আছে যেখানে ডুবতে পারলে শরীর ঠাণ্ডা হয়, মনের জ্বালা যায়।

বৃষ্টি. বৃষ্টি নামল সেদিন। আপিস-আদালত ভাঙো-ভাঙো, এমন সময়।

একটা সমুদ্রকে যেন আকাশে তুলে এনে সহসা উপড় করে দিয়েছে। বৃষ্টিতে ফোঁটা থাকে, রেখা থাকে, দ্রুটো রেখার মধ্যে খানিকটা বা ফাঁক থাকে। এ বৃষ্টির মধ্যে কোনো ফোঁটা নেই রেখা নেই ফাঁক নেই। এক সমুদ্র জল একসঙ্গে নেমে পড়েছে। যেন বাঁধ-ভাঙা বন্যা. কারু ধার-না-ধারা ধারাপাত।

আপিস থেকে বেরিয়ে পড়ল সূক্ঠী। তাড়াতাড়ি একটা বাস ধরতে হয়।

প্রায় ছুটে একটা গাড়ি-বারান্দার নিচে এসে দাঁড়াল। কিন্তু বাস কোথায়? যা দু-একটা আসছে গম্ভীর হয়ে আসছে। হাত তুললেও দাঁড়াচ্ছে না। ভিতরের তাগিদে যদি বা কখনো দাঁড়াচ্ছে, পিলপিপ করে লোক ছুটেছে হানা

দিতে। পেঁপীছড়বার আগেই ভিজ়ে একসা হয়ে যাচ্ছে। তারপর আবার ফিরে আসছে স্বস্থানে।

ঠায় দাঁড়িয়ে আছে স্ক্‌ক্‌ঠী। মৃদুধলধার শুনছে, এ শতঘণ্টীধার। কোথাও বিরাম নেই, দয়ামায়া নেই। কি করে বাড়ি ফিরবে ভেবে কঁদল পাচ্ছে না। নিঃসহায় দৃশ্চিন্তায় সমস্ত শরীর ভারি হয়ে উঠেছে। জলের শাদা পর্দা যেমন ঘিরে আছে শূন্যকে, তেমনি স্ক্‌ক্‌ঠীকে ঘিরে আছে আতঙ্কিত অনিশ্চয়।

ট্যাক্সি, ট্যাক্সি—বহুজনের সঙ্গে স্ক্‌ক্‌ঠীও হাত তুলল।

ভালো করে দেখে নি কেউ, একটা লোক আছে ভিতরে। সবাই নিরস্ত হল কিন্তু ট্যাক্সি নিরস্ত হল না। স্ক্‌ক্‌ঠীর কাছে দাঁড়াল, কার্ব ঘেঁষে। দরজা খুলে দিল ভিতর থেকে। আর আশ্চর্য এক মৃদু হাসি নিয়ে ভিতরে ঢুকল স্ক্‌ক্‌ঠী।

উঠতে-উঠতে বললে, ‘আমার কেমন মনে হচ্ছিল আপনার সঙ্গে দেখা হয়ে যাবে।’

‘বর্ষায় সমস্ত হিসেব মূছে যায়। কুম্ভকর্ণের মতো অসম্ভবেরও ঘূম ভাঙে।’ বললে পরাশর।

‘হবে।’ দরজা বন্ধ করল স্ক্‌ক্‌ঠী।

বেশ মেলে-ঢেলেই বসেছে মাঝখানে। ভিগ্গিটা আর কাঠ-কাঠ নয়, কাঠগোলাপ-কাঠগোলাপ। বেশ অনায়াসেই ডান হাতখানা নিজের হাতের মধ্যে টেনে নিল পরাশর।

‘ভিজ়ে গিয়েছ দেখছি।’

‘ও কিছ্‌ নয়—’

জনে-যানে যে শহর ঝলমল করছিল সে কেমন এখন অন্যরকম হয়ে গিয়েছে। অবাস্তবতার ছায়ামাখানো অন্যরকম পোশাক পরেছে। বাড়িঘরের দরজা-জানলা বন্ধ, যেন কোন পরিত্যক্ত পাষাণের রাজ্য। দোকানের সাইন-বোর্ডগুলি যেন অন্য কি কথা কইছে। অসময়ে যে কটা আলো জ্বললে উঠেছে তা যেন কোন অনির্দেশের হাতছানি। লোকজন যারা দাঁড়িয়ে আছে বা যারা পথ ভাঙবার চেষ্টা করছে সব আরেক কোন অজানা দেশের বাসিন্দে। সবাই কেমন অসতর্ক, অন্যমনস্ক। কিছ্‌ আসে যায় না, সবাই কেমন নিয়মের বাইরে, নিষেধের বাইরে রুদ-টানা রুটিনের বাইরে।

ট্যাক্সি থেমে পড়ল। আর যাবার পথ নেই।

জলে জলময় রাস্তা। রাস্তা তো নয়, ডহরপানির খাল। দস্তুরমতো টেউ দিয়েছে, আশেপাশের দোকান বাড়ির দেয়ালে গিয়ে লাগছে। কোমরডুব জল ঠেলে যাচ্ছে কেউ-কেউ, ছেলেরা নৌকো ভাসিয়েছে। কাগজের, কাঠের। কেউ-কেউ বা সাঁতার কাটছে, জল নিয়ে ছোঁড়াছড়ি করছে। এখানে-ওখানে বিগড়ে আছে মোটর। বোঝাই হয়ে রিকশা চলেছে ছম্পর তুলে।

‘কি বিপদই না হত ট্যাক্সি না পেলে।’ বললে স্দকশ্ঠী।

‘বিপদ তো এখনও।’ বললে পরাশর। ‘ট্যাক্সি আর যাবে না। এঞ্জিনে জল ঢুকেছে। কতক্ষণে জল নামবে ট্যাক্সি চলবে কে জানে।’

তব্দ যেন এতটুকু দর্শিত্তা নেই স্দকশ্ঠীর। এই অজস্র বর্ষণ পথঘাট ডোবানো বাড়িঘর ভোলানো জল এই অনিশ্চয়ে থেমে থাকা—কিছুই যেন দ্দরহ নয়।

কলকাতাই যেন নয় আর কলকাতা। যেন কোন আরেকটা জায়গা। নদীর ধারে একটা নৌকো বাঁধা। একটা ছাতিম গাছ ভিজছে নিব্দম হয়ে। কোথায় বসে কাঁদছে একটা নিরালো পাখি।

যেন এটা বাড়িঘেরা কেরানির বিকেল নয়, ঘদ্মে-অঘদ্মে মেশা মস্ত মধ্যরাত।

খোকা মারা গেল।

পাশেই ঝরদুলি গ্রাম। সেখানে লোক গিয়েছিল রোস্তমকে ডেকে আনতে। যদি অন্তত এ সময়েও সে আসে। কিন্তু সে এল না। বরং বলে পাঠাল, ‘কার না কার ছেলে—তার ঠিক নেই।’

কাঁদতে-কাঁদতে হঠাৎ থেমে গিয়ে সরবান্দু দাঁত দিয়ে ঠোঁট কামড়াল।

পাড়ার মদ্রুদ্বি এসে বললে, ‘এবার কাফন-দাফনের ব্যবস্থা করা হোক।’ কারী এল। বাজার থেকে এল নতুন কাপড়, গোলাপজল, আতর-কর্পূর। এল খাটিয়া। খোকাকে একটা তক্তার উপরে শুইয়ে সরবান্দুর নানী গরম জলে তার গা ধুইয়ে দিল। খাটিয়ার উপর পাতলা কাপড়—দুটো চাদর, একটা খেলকা। ছিটিয়ে দিল আতর-কর্পূর, গোলাপজল। খোকাকে এনে তার উপর শুইয়ে খেলকা আর চাদর মদ্রুড়ি দিয়ে মাথার উপর, পায়ের তলায় আর মাজায় তিন বাঁধন দেওয়া হল। নতুন কাপড়ের স্নাতোর বাঁধন। তারপর কারী জানাজা নামাজ পড়লে। তারপর—তারপর খোকাকে নিয়ে গেল কবরখোলায়। জন্মের মতো চোখের আড়াল হয়ে গেল সরবান্দুর।

শুনেছে বাড়ির পাশেই, বাগানে, খোকাকে গোর দেওয়া হয়েছে। কবরের উপর বাঁশ দিয়ে তার উপর মাদ্রু দিয়ে, তার উপর মাটি দিয়েছে। জাফরির বেড়া দিয়েছে চার ধারে, যাতে শেয়াল এসে না খোঁড়ে। এত কাছে, তবু যেন কোথায়!

ছেলে সবে তিন মাস পেটে এসেছে, সরবান্দু চলে আসে তার বাপের বাড়ি। তারপর এই কেটে গেল তিন বছর। একটানা।

সে কি অমনি এসেছে? অমনি কি কেউ আসে? এলেও বাপের বাড়িতে বসে অশান্তির ভাত খায়?

তাকে তার স্বামী আর শাশুড়ী তাড়িয়ে দিয়েছে।

তাকে জ্বালা-বন্দ্রণা দিত, মারধোর করত, মদ্রুখে কাপড় পুরে ঝাঁটা দিয়ে ঠেসে রাখত। মার সহ্য করা যায়, কিন্তু খিদে বোধহয় সহ্য করা যায় না।

ওকে দিত এই খাওয়ায় কষ্ট। কুকুর-বাঁধা লোহার শিকল দিয়ে খুঁটির সঙ্গে বেঁধে রাখত ওকে, কিছ্‌দু এসে যেত না, যদি তেঁতে দিত পেট ভরে, একটু বা আদর ভক্তি করে। খালা-বাসনে না দিয়ে মালসায় করে ভাত দিত, যে-মালসায় কুকুরে খায়। তাও নুন জল ভাত সব একত্র করে। নুন-জলের বেশি আর কিছ্‌দু মিলত না ডাল-তরকারি।

অপরাধ কী সরবান্দুর? সরবান্দু খুবসুন্দর নয়। সে বে-পছন্দের মেয়ে।

ধারধোর করে বাপ বিয়ে দিয়েছিল তার। দিয়েছিল সোনার পাশি-মাকড়ি, নোলক আর সিতাপাটি। রূপোর চুড়ি ছয় গাছা তাবিজ দুই পাটি, মল এক জোড়া। সব কেড়ে নিয়ে গেছে ওরা। ওরা যা দিয়েছে তা তো কোনোদিন গায়েই ওঠেনি। মদুখ-দেখানি দিয়ে গিয়েছিল পাঁচটি টাকা, তাও আঁচলের খুঁট থেকে কবে খুলে নিয়েছে।

এক এক দিন রাতে রুস্তম এসে তার শিকল খুলে দিত। একদিন খাটে না উঠে সোজা দরজা খুলে সরবান্দু চলে এল তার বাপের বাড়ি, গাং-ভোড়ির উপর দিয়ে। এতটুকু তার ভয় করল না।

সেই থেকে তিন বছর সে আছে তার বাপের কাছে। আর এই তিন বছরের মধ্যে একদিনের জন্যেও রোস্তম এমুখো হয়নি। খোঁজ খবর নেয়নি। দেয়নি খোরাক-পোশাক।

তার বাপ, কিছ্‌মন্দি জমিজমা খুঁইয়ে তখন শুধু ভাগচাষী। লাঙল-গরু নেই। মদুজরো কবুলতিতে চাষ করে। দিনান্তর খাওয়া হয় না। তারই সংসারে সে কিনা এসে ভাগীদার হল! ছেলে হবার পর খবর পাঠিয়েছিল, যদি এবার ওদের মন টলে। ছেলে মারা যাবার পর আবার পাঠিয়েছিল, যদি বা গলে এবার।

দু'বারই এক তুরদুক জবাব : 'কার না কাব ছেলে তার ঠিক নেই।'

আর নয়। গাঁয়ের মোড়ল-মাতস্বররা বললে, 'এবার বিয়ে-ছাড়ানোর মোকদ্দমা করো। মারপিট করত, তিন বছরের উপর খোরপোশ দেয়নি—মামলা এক ডাকেই ডিক্রি হয়ে যাবে।'

দুর্বল মোকদ্দমা করবো কি!—কিছ্‌মন্দি চুপ করে চেয়ে থাকে।

'কিছ্‌দু ভাববার নেই। মোকদ্দমার খরচ আকুঞ্জি সাহেব দেখেন বলেছেন। বলেছেন,—বিয়ে ছাড়ান পেলো নিকে করবেন সরবান্দুকে।' হোমরা-চোমরাদের মধ্যে কে একজন বললে।

‘আকুঞ্জি সাহেব! কই শুনিনি তো!’ মজলিসে সাড়া পড়ে গেল।

‘হ্যাঁ হাঁটনে-ছেলে-শুন্দ্ৰ নিকে করবেন না, এই ছিল তাঁর গোঁ। ছেলে এবার মরেছে, আকুঞ্জি সাহেবও তাই এগিয়ে এসেছেন।’

তবে আর কথা কী! আকুঞ্জি সাহেবের মতো লোক! এতবড়ো গাঁতদার! বোর্ডের যিনি প্রেসিডেন্ট! খাঁ-সাহেব হবার জন্যে আদা-জল খেয়ে লেগেছেন। তিনি চান সরবান্দকে? কচ্ছিমন্দির বুক আহ্লাদে উছলে উঠল।

তবে ডাক দাও এবার দিদার বজ্ঞকে। কচ্ছিমন্দিরকে নিয়ে যাক উকিল-সাহেবের সেরেস্তায়। বিবাহ-বিচ্ছেদের আর্জির মশাবিদা হোক।

এতটা হাঙ্গামা-হুজুত সরবান্দের পছন্দ হয় না। মামলা-ফয়সালা করে লাভ কী! তার চেয়ে সবাই যদি ধরে-পড়ে চাপ-চুপ দিয়ে রোস্তমকে রাজি করাতে পারে মাস-মাস বরান্দ কিছ্ টাকা পাঠাতে, তা হলেই সে বর্তে যায়। রোস্তমদের অবস্থা তো ভালো। বাড়িতে টিনের ঘর, কাঠের খুঁটি। জোন-মান্দার দিয়ে চাষ করায়। গাড়ি-গরু রাখে। অনায়াসেই ক’টা টাকা ফেলে দিতে পারে। পেটের ভাত পরনের কাপড়টা অন্তত চলে যায়। নিকে-সাদিতে সুখ কই!

কিন্তু রোস্তম একেবারেই কাঠ-গোঁয়ার। টাকাকড়ি তো দেবেই না, বরং উলটে বদনাম দেবে। খাওয়া-পরার চেয়েও মান-ইজ্জত বড়ো জিনিস। না, আর সে কাকুতি-মিনতি করতে পারবে না। চূড়ান্ত হয়ে গেছে। এবার দাঁড়াবে সে নিজের জোরে, নিজের অধিকারে। আইনের হাওয়ালায়।

তাই ডাক পড়ল এবার দিদার বজ্ঞের। বাঘের মুখে যেন হরিণ পড়ল। তুষের গাদায় আগুনের ছিটে।

এ অঞ্চলটা উকিল হামিদ সাহেবের প্রতাপের মধ্যে। তা ছাড়া এ বিয়ে-ছাড়ানো মোকদ্দমায় তাঁর মতো ওস্তাদ-ওস্তাগর আর কেউ নেই।

ঝরুদুল গ্রামে সমন জারি হল রোস্তমের উপর। এ গ্রাম উকিল হরিসহায়বাবুর জিম্মাদারিতে। তাঁর দালাল হৃদয় ঘোষ রোস্তমকে প্রায় ঘোড়া-ছুটিয়ে নিয়ে এল তাঁর বৈঠকখানায়।

যারা দালাল তারা ই মূহুরি। আর এই মূহুরিদের মূঠোর মধ্যেই যত মামলা-মোকদ্দমা। তারা উকিলের থেকে মদনফা নেয় মক্কেলের থেকে মেহনতানা। তারা আসতেও কাটে, যেতেও কাটে।

রোস্তম জবাব দেয় : সমস্ত ভুয়ো, সমস্ত মিথ্যে কথা। একদিনের জন্যেও

সে সরবান্দুর গায়ে হাত তোলেনি, দাবাড়ু দিয়ে কথা বলেনি কখনো। লায়লা-মজনুদর মতো তাদের ভালোবাসা ছিল। সমস্ত তার শব্দুর কচ্ছিমন্দির জালসাজি। বিয়ে ভেঙে দিয়ে নিকে দেওয়াবে। মেয়ে মোটা টাকা পাবে দেনমোহরের, আর নিজেও সে আদায় করবে তহরি। কচ্ছিমন্দি একটি পাকা শয়তান। বড়ো মেয়ে কুলসমকেও এমনিভাবে বিয়ে ভাঙিয়ে নিকে দিয়েছে।

শ্বিতীয় দফায় : সরবান্দু বাপের বাড়িতে আছে মোটে দেড়বছর। দুই বছর ধরে খোরপোশ না দিলেই তবে বিয়ে ভাঙার একতিয়ার হয়। সেই দুই বছর এখনো পুরো হয়নি। তা ছাড়া যে মেয়ে স্বামীর সঙ্গে ওঠা-বসা করে না, কুমতলবে বাপের বাড়িতে গিয়ে বসে থাকে, তার আবার খোরাক-পোশাক কী।

তৃতীয় দফায়, আর এইখানেই হরিসহায়বাবুর নিজস্ব খোদকারি : মেয়েটা খারাপ একেবারে খাস্তা।

তাই যদি, তিন-তালাক দিয়ে দে না? কচ্ছিমন্দির দল রোস্তমের কাছে গিয়ে ঝাপটা মারে। যে মেয়ে নষ্ট হয়ে গেছে, তার সঙ্গে আবার পিরিত কিসের? যাক না সে জলে ভেসে।

‘না, আমি তালাক দেব না। আমার মান আছে।’ রোস্তম গম্ভীর হয়ে বলে : ‘আমি বউ-ফিরে-পাবার উলটো মামলা করব।’

সদুতরাং দু’-পক্ষে শব্দু হয়ে গেল তোড়জোড়। যন্ত্রতন্ত্র। সাক্ষী সাজানোর কারিগরি। মেয়ের পক্ষে, প্রথমে, মহিম ঘাসী। তিন বছর আগে জ্যেষ্ঠের এক জ্যেৎস্নারাতে সে সরবান্দুকে দেখেছিল হেঁটে যেতে গাং-ভেড়ির উপর দিয়ে, বদরুলি থেকে নাগপদরের দিকে।

‘তুমি তখন করছিলে কী অত রাতে?’

‘কুটুম-সাক্ষাৎ করে বাড়ি ফিরছিলুম।’

হ্যাঁ, নাগপদরে কচ্ছিমন্দির বাড়ির থেকে বিশ-কুড়ি রশি দুরেই তার ভিটে। পাড়াসদ্বাদে সরবান্দু তাকে নানা বলে ডাকে।—হ্যাঁ, একটুখানি অন্তরে-অন্তরে থেকে বাকি পথটুকু এগিয়ে গিয়েছিল মহিম।

উলটো দিকে কাটান-সাক্ষী মমিন গাজি। সে গরুর গাড়ির গাড়োয়ান। তার গাড়িতে চড়েই কচ্ছিমন্দি তার মেয়ে নিয়ে গেছে গেল বছর আগন মাসের শেষে। ফসল উঠে যাবার পর টানা মাঠের উপর দিয়ে। আলগা সাক্ষী আছে

আরো। সাধু দালাল আর জুড়ন সরদার। এরা কেউ খাতির-খাতরার লোক নয়, চুনের ঘরে সব ধর্মকথা বজল যাবে।

আরো সব শাঁসালো সাক্ষী আছে রোস্তমের। পাড়াপড়শী। আলতাপ আর আরমান কারিকর। কেউ এরা শোনেনি কোনোদিন হুঁড়-ঝগড়া। খারাপ-মন্দ কথাও একটা কানে আসেনি। যদি মারপিট হবে তবে চিক্কুড় মেরে কাঁদবে তো মেয়েটা। কোনো একটা টু শব্দও তাদের কানে পৌঁছায়নি।

কাছিমন্দির দল বলে, 'ঘরের বউ কি চেঁচিয়ে কাঁদবে নাকি? পাড়া মাথায় করে? সাক্ষী রেখে? সে কাঁদবে গুমরে-গুমরে বন্ধ বৃকের মধ্যে। তা ছাড়া সরবান্দুর খালু, রাজাউল্লা, নিজের চোখে সরবান্দুর পায়ে শেকল দেখে আসেনি? ওদের বাড়িতে জন দিত যে গোপাল মোল্লা, সে দেখেনি তার ভাত খাবার মালসা? কাঁদবে কি? মার খেতে-খেতে মারঘেঁচড়া হয়ে যায়নি সে?'

দু'পক্ষেই সাজ-সাজ রব পড়ে গেছে। সাক্ষী ভাঙাবার ফাঁকির খুঁজছে দু'দলেই। দিদার বক্স আর হৃদয় ঘোষ এসে বিরুদ্ধ তাঁবুতে বসে ফিসফিস করে। এটা-ওটা তদবির করতে হবে বলে পরস্পর নেয়। তারপর একই হাঁটা-পথ দিয়ে পাশাপাশি খোশগল্প করতে-করতে শহরে ফেরে।

হৃদয় বলে, 'মেয়ের ঐ খালু রাজাউল্লা ভারি তেজি সাক্ষী। বড়ো জোতদার, তাই ইউনিয়ন-বোর্ডের ভাইস-প্রেসিডেন্ট। ওকে যদি হাত করতে পারা যায় তা হলে আর কথা নেই।'

ওদিকে দিদার বক্স বলে, 'পাড়ার সাক্ষী একটা খাড়া করা দরকার। এতটা নির্যাতন হল মেয়েটার ওপর আর পাড়ার কেউ তা জানতে পারবে না? পাড়ার লোক এককাটা হয়ে থাকে, কুচ পরোয়া নেই, আমি দাঁড় করাব পাড়ার লোক। এই তো সামনেই আছে—ফরিদ মন্ডল। এমন শেখা শিখিয়ে দেব যে, কলকাতা বোম্বাই বনে যাবে।'

এদিকে টাকা খরচ করে আকুঞ্জি সাহেব; ওদিকে রোস্তমের চাচা, বশিরাম্দি।

শুনানির দিন পড়েছে, মাস দুয়েক পরে।

এখন কথা উঠেছে সরবান্দুর জবানবন্দিটা কমিশনে হবে কিনা।

দিদার বক্স বলে, 'বা, কমিশনেই হবে বৈকি। পর্দানিশিন স্ত্রীলোক, সে কি আদালতের কাঠগড়ায় গিয়ে দাঁড়াবে নাকি? কী বলেন আকুঞ্জি সাহেব?'

কখনই না। যত টাকা লাগে আকুঞ্জি সাহেব রাজি।

কিন্তু সরবান্দ রাজি নয়। সে বলে, 'না। আমি আদালতে, হাকিমের সামনে গিয়ে দাঁড়াব। উঁচু গলায় বলব আমার মদুখের কথা। যারা গরিব, যাদের কেউ নেই, হাকিমই তাদের মা-বাপ।'

অন্তরালে কচ্ছিমন্দি তাকে বোঝাতে আসে। সরবান্দ ঝিলিক মেরে বলে ওঠে, 'আকুঞ্জি সাহেব আমাদের কে? ওর ঠেঙে টাকা খেতে যাব কেন আমরা? বিয়ে তো এখনো ছাড়ান পাইনি।'

দিদার বস্ত্রের বাড়ি ভাতে যেন ছাই পড়ে। কমিশন-জবানবন্দি হলে আরেক কিস্তি পয়সা। উকিল-আমলা-মুহুরি-পেয়াদা। ওর যেন গো-ভাগ্য নয়, এঁটুলি ভাগ্য।

'শুনেছ? বাদিনী কমিশন করাবে না। এ যে প্রায় ধান পাকিয়ে মই দিয়ে দিলে!' দিদার বস্ত্র হৃদয় ঘোষের কাছেই নালিশ করে!

'আর বলো কেন!' হৃদয় ঘোষেরও সেই একই নালিশ : 'রোস্তমকে বললাম, তোমার মার একটা কমিশন-জবানবন্দি করাও। আর্জিতে তোমার মার নামে বলেছে অনেক নরম-গরম, সাফাই একটা তার দিয়ে রাখো। ছেলে তাতে রেগে প্রায় মারতে আসে! বলে,—আমাতে-ওতে কান্ড, তাতে আবার মাকে টানো কেন?'

'আমি ভয় খাইয়ে দিয়ে এসেছি কচ্ছিমন্দিকে। বলেছি : মেয়ে তোমার আদালত-আদালত করছে, ভিড়ের মাঝে হকচকিয়ে গিয়ে সব শেষে ভণ্ডুল করে দেবে।'

'আমিও ছেড়ে দিইনি। বলে এসেছি : তোমার মা যদি না নিজের মদুখে আর্জির কথা অস্বীকার করে, তবে আর দেখতে হবে না; মামলা নিষঘাত ডিক্রি হয়ে যাবে।'

দুই বন্ধু পাশাপাশি হেঁটে যায়। মদুখের কাছে মদুখ এনে এক কাঠিতে বিড়ি ধরায় দুজনে।

দু'-পক্ষই ভয় পেয়ে গেছে মনে হচ্ছে। কেননা আপোস-নিষ্পত্তির কথা উঠেছে একটা : দল-সালিস ডেকে মিট করিয়ে ফেলো। গাঁয়ের মোড়ল-মাতস্বররা নিজের থেকেই মজলিস ডেকেছে।

দু'-পক্ষেরই ভয়। সরবান্দ যদি জেতে তবে রোস্তমের মান যায়, মদুখ পোড়ে। দেনমোহরের বাজার চড়ে যায় দেখতে-দেখতে। বউ-কাঁটকী বলে

মার অপবাদ হয়। আর, যদি রোস্তম জেতে, তবে জন্মের মতো সরবান্দু অন্নদাসী হয়ে ঘরে-ঘরে ঘুরে বেড়ায়। মামলার ফলাফল কিছই বলা যায় না, তরাজু কখন কার দিকে ঝুঁকে পড়ে! তাই দূ-পক্ষই সায় দেয়, উস্কে দেয় সালিসবাবুদের।

সালিসের সত' খুব সোজা। রোস্তম সরবান্দুর বরাবর একটা তালাকনামা সম্পাদন করে দেবে, আর তার পণস্বরূপ সরবান্দু দেবে তাকে পঁচাশ টাকা।

মন্দ কী। ভাবলে রোস্তম। যে মেয়ে বশ মেনে থাকতে চায় না, কী হবে তাকে শেকল দিয়ে বেঁধে রেখে? দূর করে দিয়ে নতুন বউ ঘরে আনবে। মন্দ কী, মাকের থেকে পঁচাশ টাকা রোজগার। পড়ে পাওয়ার চোন্দ আনাই লাভ।

মন্দ কী। ভাবলে সরবান্দু। যে ভাবে হোক বিয়ে ছাড়ান পেলোই হল। আখোচ করে কী হবে। গায়ে এখন আর কোনো দাগ-জখমও নেই, জ্বালা-যন্ত্রণার ঝাঁজও এখন মুছে গেছে মনের থেকে। টাকা কে দেয় না-দেয় তার খোঁজে তার কী দরকার। ছেলে একটা তার অনাদরে মরে গেছে বটে, কিন্তু তাই বলে তার শরীরের জোর মরে যায়নি।

আপোস-রফার কথা উঠতেই আরেক মহলে আগুন জ্বলে উঠল। হৃদয় ঘোষ-দিদার বন্ধ নয়, এবার আসল ঠাকুরের স্থান। আগুন জ্বলে উঠল হরিসহায়বাবু আর হামিদ সাহেবের জঠরে। আপোস হওয়া মানেই গোড়া ধরে গাছ কেটে ফেলা। এ বজ্রপাত মাথা পেতে সহিবেন না তাঁরা কখনো। অন্তত পঁচিশ টাকা করে না পেলো তাঁরা ছোলেনামায় দস্তখৎ দেবেন না।

এমনিতে দূটাকা পেলো যাঁরা টঙে ওঠেন তাঁদের হাঁকার আজ—পঁচিশ টাকা। মক্কেলের আপোস আর উকিলের আপোস। উপায় কী? কুড়িয়ে খেতে না পেলোই কেড়ে খেতে হয়।

উকিলরা ঘাড় বেঁকায় দেখে পক্ষরাও পিছিয়ে পড়ে। দূ'দিক থেকে হৃদয় ঘোষ আর দিদার বন্ধ শক্ত হাতে পাঁচন কষতে থাকে। শূন্য উকিলের সই? মদুর্দায়ানা নেই? আমলায়ানা?

আর, দুর্বল ছাড়া আপোসে রাজি হয় কে? মোকদ্দমায় যার যতখানি জিদ, তার ততখানি জিত।

সালিসরা ছোড়ভগ্ন হয়ে যায়। পক্ষরা আবার নিজের-নিজের কোটে ফিরে গিয়ে ঘোঁট পাকায়।

সত্যি, কোনো মানে হয় না—রোস্তম মনে-মনে বলে। আপোস হয়ে গেলে শব্দর কঁছিমন্দি জন্ম হয় না। থোঁতা মুখ ভোঁতা হয় না সরবান্দুর। রোস্তমের কী? একটা ছেড়ে চারটে পর্যন্ত সে বিয়ে করতে পারে। গায়ে পড়ে তালুক দিতে যাবার তার কি হয়েছে?

সত্যি, কোনো মানে হয় না—এ সরবান্দুরও মনের কথা। সে আদালত করেছে, আদালতই তাকে আশ্রয় দেবে। এমন দাঙ্গাবাজের সঙ্গে আবার আপোস-রফা কী। লাথি-চড় মেরে না-খেতে দিয়ে শরীরের জৌলস কেড়ে নিয়েছে তার উপরে এই বেইজ্জতি! বলে,—কার ছেলে কে জানে। তাকে আবার টাকা দিয়ে তোষামোদ করা! কখনো না।

হৃদয় ঘোষ আর দিদার বক্স আবার বিড়ি ধরিয়ে শহরে ফেরে।

সরবান্দু সাক্ষীর কাঠগড়ায় এসে দাঁড়ায়।

গায়ে-মুখে বোরখা নেই। আলগা একটা ছোট কাপড় গায়ের উপর চাদরের মতো করে ভাঁজ করে নিয়েছে। মাথার কাপড় মাথা থেকে এক চুলও নেমে আসেনি। চোখ দুটো টলটল করছে। অনেক কথা বলে ফেলার অধৈর্যে।

‘কি উকিল সাহেব,’ হাকিম জিগগেস করলেন এজলাস থেকে : ‘মামলা মিটিয়ে ফেলুন না?’

সরবান্দু ঝঙ্কার দিয়ে উঠল, ‘জীবন বিসর্জন দেব, তবু মামলা মিটিয়ে নিতে পারব না ওর সঙ্গে।’

রোস্তমের দল হরিসহায়বাবুর পিছন ঘেঁষে দাঁড়িয়ে আছে। বে-আরু হয়ে সাক্ষী দিতে এসেছে, সরবান্দুর এই বেহায়াপনায় রোস্তম প্রথমটা তর্জন করে উঠেছিল—তার স্ত্রী হয়ে এই অশিষ্টতা! কিন্তু বেগতিক হয়ে তাকে ঠান্ডা হতে হয়েছে,—সরবান্দু আর তার স্ত্রী থাকতে রাজি নয়। সে বেছস্পর, তাই সে বে-পরদা।

লম্বা জবানবন্দি হচ্ছে সরবান্দুর। রঙ ফলিয়ে তার মারের কাহিনী বলছে। তাব না-খেতে পাওয়ার কাহিনী। গলাটা বন্ধ খরখরে, স্পষ্ট। এতটুকু থামে না, দমে না। জায়গা বদলায় না। সত্যের সুর যেন এসে কানে লাগে।

তারপর ছেলের কথা উঠল। এবার সরবান্দু ঝরঝর করে কোঁদে ফেললে। এ একেবারে তার আরেক রকমের চেহারা। বর্ষার আকাশের মতো। কাদিতে

যদি একবার শব্দ করল, আর থামতে চায় না। কেবলই বৃকের মধ্যে মাথা গুঁজে ফুঁপিয়ে-ফুঁপিয়ে কাঁদে। শরীরটা ঝাঁকানি খেয়ে কেঁপে-কেঁপে ওঠে।

বড়ো রোগা হয়ে গেছে সরবান্দু। অনেক জুড়িয়ে গেছে তার গায়ের রঙ। ডান ভুরুর উপরে মারার সেই কালো দাগটা কেমন করুণ করে রেখেছে তার চোখের চাউনিটাকে। হাতে শব্দ দৃগাছা গালার চুড়ি। খালি পা। পরনের শাড়িটা মোটা, আধ-ময়লা। বৃকের থেকে, কোলের থেকে, দুই বাহুর মধ্যে থেকে কী যেন চলে গিয়েছে এমনি একটা খালি-খালি ভাব।

জেরায় উঠে হরিসহায়বাবু প্রথমেই ছেলের জন্ম ও মৃত্যুর তারিখ নিয়ে একটা জট পাকিয়ে তুললেন। তার সঙ্গে বিয়ের তারিখ, বাপের বাড়ি যাবার তারিখ, আর্জি-দাখিলের তারিখ সব একত্র করে বাধিয়ে দিলেন গোলমাল।

ধাঁধা লেগে গিয়েছে সরবান্দুর। ভুল করে ফেলছে। উলটা-পালটা বলছে। উদোর পিণ্ডি বৃধের ঘাড়ে চাপাচ্ছে। এমনি করলে মামলা সে জিতবে কি করে? তার জন্যে কণ্ট হয়। মায়া করে।

‘আফটার দি রিসেস—’ হাকিম হঠাৎ কলম রেখে খাস-কামরায় নেমে যান।

এক জেরাতেই মামলা ডিসমিস হয়ে যাবে—রোস্তমের দল খুশি হয়ে ওঠে।

আধ ঘণ্টা পর হাকিম আবার উঠে আসতেই মামলার ডাক পড়ে। হাজিরার সব সাক্ষীই আছে, শব্দ সরবান্দু আর রোস্তমকেই খুঁজে পাওয়া যায় না।

তারা ততক্ষণে টাবুরে নৌকায় করে ইছামতীতে ভেসে পড়েছে।

তাদের জীবনে এমন একটা দিন কোনোদিন আসেনি। তাদের চার দিকে উকিল-মুহুরি আমলা-ফয়লা সাক্ষী-সাবুদের ষড়যন্ত্র—তারি মধ্য থেকে ছুটে পালিয়ে এসেছে তারা। চলে এসেছে নদীর উপর ঝকঝকে আকাশের নিচে। আর কে তাদের ধরে! যদি ধরে জলে লাফিয়ে পড়বে তারা, সাঁতরে পার হয়ে যাবে।

‘খোকা কে কোথায় গোর দিয়েছিস?’ জিগগেস করে রোস্তম।

‘বাগানে—’ রোস্তমের কাঁধের কাছে মৃদু গুঁজে সরবান্দু ফুঁপিয়ে ওঠে।

‘বাগান? বাগান কোথায়?’

‘নামে বাগান। আওলাত-ফসল কিছই নেই। শব্দ একটা গাব গাছ। সেই গাবগাছের তলায়—’

‘চল, দেখে আসি।’

মোকদ্দমা শেষ হয়ে গেল।

শেষ হয়ে গেল? জিগগেস করল হেলালম্দি। জিগগেস করল আরো অনেকে। পাড়া-বোপাড়ার দশজনে। মোকদ্দমায় কে পেল কে ঠকল সেটা জিজ্ঞাস্য নয়। মোকদ্দমা যে শেষ হয়ে গেল এটাই আপশোষের কথা।

এ কদিন সমানে তারা ভিড় করেছে আদালতে। কে কী বলে বা এক কথা বলতে আরেক কথা বলে ফেলে তাই শুনছে শুনছে এ কদিন। কে কি রকম হিমসিম খায়, কার কী কেচ্ছা-কীর্তি বেরোয়। কার দায়মূল হয়েছিল, কে বেটি চুরি করেছিল, কে পড়েছিল ঘরপোড়া মোকদ্দমায়। সকাল থেকে শেষবেলার কাচারি পর্যন্ত ঠায় দাঁড়িয়ে থাকে এক জায়গায়। ভিড়হুড় দেখে আদালত-ঘর থেকে তাদেরকে বের করে দিলে চাপরাশি-আদালতের হাতে টিকিটের পয়সা গুঁজে আবার গুঁটি-গুঁটি এসে দাঁড়ায়। সাক্ষীর প্রতি সহানুভূতিতে নিজেরই অলক্ষ্যে ঘাড় নেড়ে হাঁ-না ইঙ্গিত করে বসে। শত্রু-মিত্র সব যেন তাদের ঘরের লোক।

জীবনে আর কোনো নেশা নেই। রোমাণ্ড নেই। ক্রিকেট-ফুটবল নেই, থিয়েটার-বায়স্কেপ নেই, রেস-রেশালা নেই। নেই কোন জুয়োখেলা, মদ-গাঁজা। থাকার মধ্যে আছে এই মোকদ্দমা। দাদ-ফরিয়াদ। তার হার-জিতের খাম-খেয়াল। উকিলে-উকিলে কাঁছ-টানাটনি।

মোকদ্দমার ফল বেরিয়েছে শুনলাম। পেল কে? ফলের কথা একমাত্র জিগগেস করলে আমিরন।

আর কে পাবে? সোনাম্দি তাকিয়ে রইল দুর্বলের মত।

তার মানে? আমরা পাইনি?

আমরাই তো পাব। যেদিকে ধর্ম সেই দিকেই তো জিত হবে।

আহরাদে ঘাই মেরে উঠল আমিরন। আমরা পেয়েছি? আমাদের দিকে রায় হয়েছে? ঠকে গেছে জলিল মন্সি? বলো কি, খোদাতালার এত রহস্য হয়েছে আমাদের উপর? জমি-জায়গা আমাদের থেকে গেল নিজ চাষে?

মোকদ্দমা জিতলাম তবু তুমি অমন মনমরার মত তাকিয়ে আছ কেন? তোমার জেল্লা-জলুস সব গেল কোথায়?

এরপর আবার আপিল আছে। জলিল মন্সি আপিল করবে বলেছে।

সে পরের কথা পরে। এখন তো আমোদ করে নাও। কাল উপোস করতে পারি ভেবে আজকের বাড়ি ভাতে তো ছাই দিতে পারি না। নাও, তামাক সেজে দি এক ছিলিম। উজ্জুর পানি এনে দি। আছরের নামাজ পড়ো। মজিদে যাও, মজিদে পয়সা দিয়ে এস কারীর হাতে। দরগার খাদেমের কাছে চেরাগী দিয়ে এস। সঙ্গে মহবুবকে নিয়ে যাও। আমাদের বুকচেরা ধন মহবুব। পাকা স্বস্তের জমি পেলাম। এবার আর ভাবনা কি। থিত-ভিত হল এতদিনে।

কিন্তু না, এরপর আবার আপিল আছে। আবার খরচান্ত, আবার ভোগান্তি, আবার আইনের খাম-খেয়াল।

তোমার কোনো ভয়-ডর নেই। কড়া করে তামাক সেজে আনে আমিরন। জলিল মন্সির সাজানো মোকদ্দমা ফেঁসে যাবে নিশ্চয়। জুলুমদারি টিকবে না শেষ পর্যন্ত। আমাদের ছাল ছাড়িয়ে নিয়ে যাক, জমি ছাড়িয়ে নিতে দেব না।

রায়তি স্বস্তের জমি ছিল হুকুমালির। লড়াইয়ে গেছে সে কুলি-মজদুরের ঠিকাদার হয়ে। যাবার আগে বেচে দিল সে সোনামন্দির কাছে প্রায় মাটির দরে। উনিশ গন্ডা জমি, মোটে আড়াই শো টাকা বহায়। সোনামন্দির বউটা সোনালিয়ার মত দেখতে। সেই একটু দর কষাকষি করেছিল। না, শাড়ি-জেওয়ার টাকা-পয়সা কিছুই যে চায় না। সে জমি চায়, জোরের জমি। শব্দ ফসলের জোর নয়, স্বস্তের জোর। পাকাপাকি স্বস্ত। যাতে কয়েম হয়ে থাকতে পারে তারা। গাঁথনিটা মজবুত হয়। যাতে না পরের জমিতে বর্গাইত হতে হয়। জমিতে চষি-রুই কিন্তু তা পরের জমি। নিজের জমি চাই। স্থিতিবান স্বস্ত। যাতে না এক নুটিশেই মেছমার হয়ে যায়।

একটু মায়্যা পড়েছিল কি হুকুমালির?

কি মায়্যা, বেচবেই যদি জমি, একবার আমাকে যাচতে পারলে না? না, আমরা উচিত দাম দিতাম না? জলিল মন্সি পাকড়াল হুকুমালিকে।

রোকের জমি। জলিল মন্সির বাড়ির বগলে। ডাক নাম আশি-মণি।

এক কানিতে আশি মণ ধান হয়। কবালার কথা শুনে জলিল মন্সি করাতের পাতের মত লকলক করে উঠল।

বলি দিয়েছে কত সোনামন্দি? আড়াই শো? এই বাজারে এ জমির দাম আড়াই শো? আমি তোমাকে পাঁচ শো দিতাম।

দলিল এখনও রেজিস্ট্রি হয়নি। চোখ ছোট করল হুকুমালি। ক্রমে ক্রমে যুদ্ধের দিকে এগুচ্ছে বলেই বুদ্ধি মন তার শক্ত হচ্ছে।

না হোক, রেজিস্ট্রিতে কিছু এসে যায় না।

হুকুমালির সঙ্গে ষড় করলে জলিল মন্সি। নগদ দুশো টাকা দিয়ে আরেকটা কবালা লেখাপড়া করিয়ে নিলে। যোগ-সাজস করলে স্ট্যাম্প-ভেণ্ডারের সঙ্গে। সোনামন্দির কবালার যে তারিখ, তার চারদিন আগেকার। তারিখ বসালে স্ট্যাম্প বেচার তায়দাদে। সেই মোতাবেক দলিল সম্পাদনের তারিখ দিলে। ফলে দাঁড়াল এই, জলিল মন্সির কবালা সোনামন্দির কবলার আগুড়ি হয়ে গেল। সোনামন্দির কবালা যদি পাঁচুই, জলিল মন্সির হল পয়লা। স্ট্যাম্প বেচার খাতা-পত্রেও সেই পয়লা লেখা। কোথাও আর ফাঁক-ফেঁকড়া রইল না। তত্ত্বায় তত্ত্বায় মিশ খেয়ে গেল।

ওয়াকিবহাল লোক এই জলিল মন্সি। সে জানে দলিলের স্বত্ব হয় দলিল লেখাপড়ার তারিখ থেকে, রেজিস্ট্রারির তারিখ থেকে নয়। কারসাজি করে তারিখ পিছিয়ে দিতে পারলেই তার স্বত্ব প্রবল হয়ে উঠবে।

কোনো ভেজালে পড়ব না তো? হুকুমালি ভয়ে ভয়ে জিগগেস করলে।

তোমার ভয় কী! তুমি তো যুদ্ধে যাচ্ছ কুলির জোগানদার হয়ে। তোমার লাগ তখন পায় কে? যখন মামলার ডাক হবে, আদালত জিগগেস করবে, বায়া কোথায়, বায়া কী বলে? কোথায় বায়া, কে তাকে সমন ধরায়! আমি বলব, বাধ্য হয়েছে সোনামন্দির। সোনামন্দি বলবে, দায়াদী আছে জলিল মন্সির সঙ্গে। শুধু দলিল তজদিগ করে হাকিমের বিচার করতে হবে। ধোঁয়ায় ধোঁয়ায় ধোঁকা লাগিয়ে দেব।

সেই মামলার রায় বেরিয়েছে আজ।

দলিল লেখক, ইসাদী সাক্ষী নিশান দায়ক সবাই হলফান জবানবন্দি দিয়েছে জলিল মন্সির দিকে। রেজিস্ট্রি আফিসের টীকটবরাত, ভেণ্ডারের খাতা তলব—সব কিছুরই তজবিজ হয়েছে। কিন্তু কিছুতেই কিছু হল না।

লখাইর বজ্রসার লোহার ঘরে কোথায় একটি ফুটো লুকানো ছিল ঢুকল কাল-কেউটে। জলিল মন্সির তপ্তকী মামলা বেঞ্চাস হয়ে গেল।

দখল ছাড়েনি সোনামন্দি। একদিনের জন্যেও নয়। একবার হাল-গরু নিয়ে জবরান দখল করতে এসেছিল জলিল মন্সির কিরবান। সোয়ামী-স্বাীতে মিলে হাল তাড়িয়ে দিয়েছে। নিজ হাতে জুয়ালি খুলে দিয়েছিল আমিরন। বলেছিল, বৃকের মাংস ছিঁড়ে নিয়ে যেতে পারো, কিন্তু জমি নিতে দেব না। হাট-ঘাট বাজারবন্দর করতে সোনামন্দি বাইরে যায়, ততক্ষণ আমিরন চোখ রাখে। পাখির নখের মতন চোখ। জমি তার বাড়ির বন্দের সামিল এক ঘেরের মধ্যে। খাটে-পিটে খায়-লয় আর সব সময় চোখ রাখে জমির কিনারে। ঘেসতে সাহস পায় না জলিল মন্সি।

তাই জলিল মন্সিকেই আর্জি করতে হল। নিজের দখল-স্থিরতরের নয়, বিবাদীর জবরদখল উচ্ছেদের।

কিন্তু টেকাতে পারল না মামলা। ডিসমিস থেয়ে গেল। আদালত রায় দিল, সোনামন্দির কবালাই খাঁটি বাদীরটা জাল-সাজ, ফেরেবী। তাই জমির স্বত্ব শুধু সোনামন্দির। তার আইনী দখল। জলিল মন্সি বেমালেক।

আপিল করবে জলিল মন্সি। এই আদালতই শেষ নয়। আছে আরো উপরতলা। সেই ঘরে উঠবে সে সিঁড়ি ভেঙে।

উঠুক। উঠতে দাও। আমরা নিচে থেকেই আসমান দেখি। উপরের দিকে তাকাল আমিরন।

আপিল করলে আর ওর সঙ্গে পেরে উঠব না। বললে সোনামন্দি।

আমরা না পারি ধর্ম পারবে। আপিল করুকই না আগে। আগেই তুমি ঘাবড়ে যাচ্ছ কেন? প্রথম জিতের পর যে একটু আমোদ করব তা করতে দিচ্ছ না।

কাঁচা চিকণ ধান ফলেছে জমিতে। কালচে ধরেছে এখন, কদিন পরেই পাকা সোনার রং ধরবে। আলের আগায় দাঁড়িয়ে যে একটু রূপ দেখি তার তুমি ফরসুৎ দেবে না। দাঁড়াও, বালি দিবে কাস্তে-কাঁচি ধার করি আগে, আমিও তোমার সঙ্গে গিয়ে ধান দাইব। ঢেঁকিঘরের তদবির করি, “সুন্দুইরার হাতি” ঢেঁকিগাছটাকে ঝাড়ি-পুছি। একদিন ফিরনি-পায়েস তৈরি করি, একদিন বা চিটে গুড় দিয়ে চিতই পিঠা খাই। তুমি আগে থেকেই কু ডেকো না।

সব বিষয়ে বুদ্ধজ্ঞান হয়নি এখনো আমিরনের। কড়ি খেলতে বসে কখন চার চিতে চক আর কখন পাঁচ চিতে পাঞ্জা—এ কে বলতে পারে। কে বলতে পারে মোকদ্দমার ফলাফল। সাজানো বাগান শূন্যকিয়ে যায় এক শ্বাসে। আবার কখনো বা মরা গাছে বউল-মউল ধরে। কেউ বলতে পারে না। হয়তো ঘাটে এসে ঘাটের নৌকো ঘাটে পচল আর পাল মেলল না।

আর এমনও তো হতে পারে যে আমাদের জিং বহাল থাকল শেষ পর্যন্ত। বা সত্য তার আর রদবদল হল না। হতে পারে না এমন? কুচকুচে কালো চোখে ঝিলিক খেলে গেল আমিরনের।

এতটা যেন সোনামন্দির বিশ্বাস হয় না। যে দুর্বল তাকে নিয়ে ধর্ম শূন্য খেলা দেখায়। ছলচাতুরি করে। দরজার গোড়ায় স্থির হয়ে বসে থেকে সারা জীবন পাহারা দেয় না। কখন আবার চলে যায় একলা রেখে।

আপিলের শুনানি তো আর কালকেই হয়ে যাচ্ছে না। রায়ও উল্টে যাচ্ছে না রাতারাতি। এখনি মদুখ কালো করব কেন? বাজার-সওদা করো, কুটুম্বিতেয় যাও, ভাই-বন্ধুর সঙ্গে হৈ-হল্লা করো, পান-তামুক খাও। আমিও কটা দিন একটু হালকা পায়ে হাঁটা-চলা করি, মেন্দি পাতায় হাত পা রাঙাই, চোখের কোলে কাজল আঁকি। ছেলেটাকে নাচাই-খেলাই।

তুমি কিছুর ভেবো না, মন খারাপ কোরো না। আমিরন বসে এসে সোনামন্দির পাশ ঘেঁসে। আমার মন বলছে আমাদের পাওয়া জমি আমাদের থাকবে। দেখছ না জমি কেমন আমাদের দিকে তাকিয়ে আছে বাম্ববের মতন।

তা তো দেখছি। কিন্তু খরচ-তখরচ করতে হবে আপিলের মোকদ্দমায়। তা জুটবে কোথেকে?

আমিরন ঝাঁকরে উঠল : আমরা তো জিংপাট্টি। আমাদের আবার খরচ কি?

আনাড়ি অবদুখ, আদালতী কান্ড কিছুরই জানে না। জলিল মন্সি এর মধ্যে কত তলাসী-তদবির আরম্ভ করে দিয়েছে। আপিলের মামলা কার ঘরে চালান করে নিয়ে সদৃফল হবার আশা তার তদবির। অমদুক হাকিম নতুন সবজজ হয়েছে, আপিল পেলেই হাতে মাথা কাটে, তার ঘরে নিয়ে চলে। এর আবার উল্টোবদুখ আছে অমদুক হাকিম। বোঁটা খসতে আর দৌরি নেই, বেশি লিখতে-বকতে চায় না, নম-নম করে সেরে দেবে। যা আছে তাই বহাল রাখবে। তার ঘরে নিয়ে চলে। অমদুক না তমদুক তার দরবিট চলবে। তারপর উকিল

নিয়ে টানাটানি। কোন ঘরে কোন উকিলের পসার তার খোঁজ-তালাস। প্রতি পদে তহরি। প্রতি পদে মেহেনতানা।

তোমার কিছ্ করতে হবে না। তুমি শব্দ আল্লার নাম করে বসে থাকো।

বদ্বজ্ঞান থাকলে এমন কথা কেউ বলে না। ঘরগৃহস্থ করে, সংসার-সৃষ্টির জানে কী? শেষকালে জেতা মামলা বে-তদবিরে না ফস্তুত হয়ে যায়। ওষুধে সারা ভালো রুগী না শেষকালে পথের অভাবে মারা পড়ে।

নিম্ন আদালতের খরচ টানতেই সোনামন্দি নাকাল হয়ে পড়েছে। উপরো-উপরি গত দুই খন্ডে ধান বেচে কতক টাকা পেয়েছিল, জমি কিনে বাকি সব গিয়েছে মামলার অন্দরে। তাতেও কুলোয়নি পুরোপুরি। ভাণ্ড-বাসন বেচতে হয়েছে। বেচতে হয়েছে আমিরনের বাউ-খাড়ু। হয়েছে কিছ্ হাওলাত-বরাত। 'তব্দ' আমিরন জমি ধরতে দেয়নি। খবরদার, জমির গায়ে হাত দিতে পারবে না। জমি আমাদের নিটুট থাকবে। একেবারে নিষ্পাপ। বাঁধা-বেচা করতে পারবে না ওকে নিয়ে। ও আমাদের বুদ্ধের মাংস, কলজের রক্ত।

অনেক রকম লোয়াজমা। হাঁপিয়ে উঠেছিল সোনামন্দি। মহাফেজখানা থেকে নথি তলব করে আনতে হবে, তার তদবির চাই। সাক্ষীর বার-বরদারি লাগবে, অন্য পক্ষকে দিতে হবে মূলতুবি খরচ। সোনামন্দির হাত খালি। আমিরন খোরাকির ধান বের করে দিল। বললে, বাঁধা মাইনের চাকর খেটে খাব দুজনে, তব্দ তোমাকে আমি জমি বেচতে দেব না। না, না, পস্তন রেহানও না, কিছ্ না, আমার লক্ষ্মীকে পরের হাতে সৎপে দেব না কিছ্তেই।

খরচ যখন আর টানতে পারে না, ভাই-বন্ধুরা বলেছিল জলিল মন্দির সঙ্গে আপোসরফা করে ফেল। আপোসের শর্ত আর কিছ্ই নয়, যে দামে কিনেছিলে কিছ্ নাহয় বেশি নিয়ে জমি বেচে দাও জলিল মন্দিরকে। কিছ্টা গাড়িমসি হয়ত করেছিল সোনামন্দি, কিন্তু আমিরন হাঁকার দিয়ে উঠল : কিছ্তেই না। ধর্মের কাছে ঠিকি, বুদ্ধে ধরে জমি ওকে দিয়ে দেব স্বচ্ছন্দে। অধর্মের কাছে ঠকে জমি জিরাত খোয়াতে পারব না। ভিখ মেগে খেতে হয়, সাধু গৃহস্থের বাড়ি ভিখ মাগব, চোরের কাছে খয়রাত নেব না।

সেই কণ্টের জমি তাদের বজায় রয়েছে। বলবৎ রয়েছে ধর্ম। তার আবার ফির-যাচাই হবে আপিলের আদালতে। কিন্তু তার খরচ কই? খন্ড উঠতে এখনো ঢের দেরি আছে। আংটি-চুংটিও নেই আর আমিরনের কানে নাকে। হাঁড়ি-পাতিলের দাম কি।

ছুটা খতে আর ধার পাওয়া যায় না। জমি এবার বন্ধক রাখতে হবে।
ভয়ে-ভয়ে বললে সোনামন্দি।

কী করবে?

বন্ধক রাখব।

পাপ কথা মদুখেও এনো না। বন্ধক উদ্ধার করবে কি করে?

খন্দ উঠলে ধান-পান বেচে শোধ করে দেব।

ওসব শোধবোধের ধার দিয়েও যাবে না মহাজন। সে শব্দ ফন্দি দেখবে
কি করে জমিতে ঢুকতে পারে। ওয়াশিল দিয়ে শব্দ তামাদি বাঁচাবে। তাই
যেই একবার খন্দ খারাপ হবে, ঝোপ বন্ধে কোপ মেরে জমি দখল করে নেবে।
তোমার পায়ে পড়ি, আমাদের জমি তুমি পরাধীন করে দিও না।

ভাই-বন্ধুর সল্লা-পরামর্শ নিল সোনামন্দি।

বউ বলে, ধর্মের দুয়ার ধরে বসে থাকো। এক আদালতের রায় যখন
আমাদের দিকে হয়েছে তখন সব আদালতের রায়ই আমাদের দিকে হবে।
বলে আপিলে আমাদের হাজির হবারই দরকার নেই। দোঁখ ধর্মের রায় কে
ওলটায়!

মদুরাশ্ব-মাতঙ্গররা হেসে উঠল। ঠাট্টা করে উঠল। বলল, শব্দ সদুরে
আপিল কি, দরকার হলে হাইকোর্ট করতে হবে। তার জন্যে তৈয়ার হও,
মিয়া। কারবার-দরবারের কথায় বউকে ডেকো না।

সত্যিই তো। যদি সদরে সোনামন্দি ঠকে যায় তবে চুপ করে সে-হার
সে মেনে নেবে নাকি? শেষ চেষ্টা সে দেখবে না? কুটুমমহলে সে বলবে
না বন্ধ ফন্ডিলয়ে হাইকোর্ট করেছিলাম?

আমিরন ঘরের বৌ, সে আইন বেআইনের জানে কী!

সে কিছ্ জানতে না পারলেই হল। জমির চাষদখল ঠিক থাকলেই সে
নিশ্চিন্ত থাকবে।

কিন্তু বন্ধকী মহাজন কই আজকাল দেশ-গায়ে। ঋণসালিশী আর
মহাজনী আইন তাদেরকে কাব্দ করেছে। তবে যদি খাইখালাসী দাও, দেখতে
পারি। তাতে সোনামন্দি রাজী হতে পারে না। তা হলে তাকে জমির দখল
ছেড়ে দিতে হয়। তা কি করে চলে? তা হলে যে আমিরন জেনে ফেলবে।

অগ্রিম পাট্টা নেবার লোক আছে। ওয়াদা করে নগদ খাজনায় লাগিয়ে
এক থেকে বোবাক টাকা নিয়ে নাও আগাম। কায়েমী প্রজা নয়, ওয়াদা অন্তে

জমি আবার ফেরৎ পাবে। কিন্তু অল্প কয়েক বছরের জন্যেও জমির উপর রায়ত বর্গীকৃত সহিতে পারবে না আমিরন। অশান্তি করবে। চোখের জলে নিবিয়ে ফেলবে আখার আগুন।

এখন শুদ্ধ সাফ-কবলার দিন। যদি বলো জমি বেচব, রায়তি স্বত্বের জমি, কাড়াকাড়ি পড়ে যাবে। ঢোল দিতে লাগবে না দেশ-বিদেশের লোক এসে হাজির হবে। কিন্তু জমিই যদি বেচে ফেলল তা হলে থাকল কি? আপিলও যদি সে পায়, সে কেবল রায়ই পাবে, জমি পাবে না।

এক উপায় শুদ্ধ আছে। রায়তি স্বত্ব বেচে ফেলে তার তলায় কোলরায়তি বন্দোবস্ত নেওয়া। জমিতে জমি রইল কাবেজের মধ্যে, শুদ্ধ স্বত্বের যা একটু বরখেলাপ হল। স্বত্বের কারিকুরি অতশত বৃদ্ধিবে না আমিরন। আমল-দখল ঠিক থাকলেই সে খুশি। বছর-বছর খাজনা টানতে হবে বটে, তা জমির দোয়ার আটকাবে না। জানতে দেওয়া হবে না আমিরনকে। সালিয়ানা খাজনা দিয়ে যেতে পারলে কেউ আঁচড় কাটতে পারবে না জমিতে। তাদের ভোগ-তছরুপ ঠিক থাকবে।

আশ্চর্য, সহজেই খন্দের পাওয়া গেল। আপিলের আদালতে স্বত্বের চূড়ান্ত নিষ্পত্তি হবার আগে কেউ কিনতে চাইবে না এই সবাই আন্দাজ করেছিল। কিন্তু যুবনালি এল এগিয়ে। মোলায়েম ভাবে বললে, আমি নিতে রাজী আছি। জমি নিয়ে অমন ফটকা খেলি। যদি আপিলে সোনামন্দি ঠকে, আমিও না হয় ঠকব। সরল কিস্তিতে শোধ করে দেয় দেবে, না দেয় তো মারা পড়ব না।

নগদ তিনশো টাকায় কিনল যুবনালি। দশ টাকা জমায় কোলরায়তি পত্তন নিল সোনামন্দি। কবালা হল। কবুলতি হল। জমি রইল সোনামন্দির চাষে।

আমিরন দু' শব্দটিও জানতে পেল না। দাওয়া ধান আগের মতই আঁটি বেঁধে এল তার উঠানে। ধান ঝাড়ল, ধান সারল নিজের হাতে। এবার আগের মতই ধান কাড়বে ঢেঁকিতে। পাড়ার গরিব চাষানীরা আসবে তার ধানের খিদমতে। এক সঙ্গে ধান-ভানার গান গাইবে তারা।

খবর এল, আপিলেও সোনামন্দি জিতেছে।

আমিরন উজ্জলে উঠল : এবার কী খাওয়াবে খাওয়াও। বাউ-খাড়ু গড়িয়ে দাও নতুন করে, গাড়িয়ে দাও পার্শি-মাকড়ি। এবার একখানা শান্তিপদরী তাঁতের শাড়ি কিনে আনো।

কিন্তু সোনামন্দির মন খারাপ। বললে, অনেক তত্ত্বাউত করেছি বলেই না জিততে পারলাম। সব চেয়ে বড় উকিল লাগিয়েছি। টানাটানি করে আপিল রেখেছে খোদ জজসাহেবের কামরাতে। বহু টাকা খরচ হয়ে গেছে।

কোনো কথা আর গায়ে মাখে না আমিরন, দেখে না তলিয়ে। বললে, হোক খরচ, জমি তো আমাদের থাকল। লক্ষ্মী তো বাঁধা রইল ঘরের কানাচে। পাকাপোক্ত স্বপ্নে কয়েম হলাম। যার জমি আছে তার ভাত আছে। যার ভাত নেই তার জাতও নেই।

কিন্তু সোনামন্দির কী করে বলে তার সত্যিকারের হারের কথা? মামলায় সে নিচু হল না বটে, কিন্তু জমির স্বপ্ন দিল নিচু করে। সব সময়ে ভাঙা-নদীর মতো ছাড়া বাড়ির মত বসে থাকবে এখন থেকে। ফদকা, ঠুনকা স্বপ্ন। দায়রহিতের একটা নুঁটিশ জারি হলেই ফক্কিকার। এক সন খাজনা না দিলেই ডিক্রি, আর ডিক্রির টাকা তিরিশ দিনের মধ্যে না দিলেই উৎখাত।

কিন্তু তা না হলে টাকার সে জোটপাট করত কি করে? মোকদ্দমা চালাত কি করে? স্বপ্ন সাব্যস্ত করত কি করে?

হুঁশিয়ার থাকবে সব সময়। যুবনালি দেবতার লোক, সে কখনও দিললাগি করবে না। অনেক জমি আছে তার, এ উনিশ গন্ডার জন্য তার লোভ নেই। হয়তো বা কবালার পণ সুদ সমেত ফেরত পেলে সে স্বপ্ন ফিরিয়ে দেবে, ফির-বিক্রি করবে। তা না দিক, ঘোর দুর্দিনে কিস্তি খেলাপ হলেও উচ্ছেদ করে দেবে না।

কিন্তু শুনতে পেল যুবনালি জলিল মন্সির বেনামদার। কবলার টাকা যুবনালি দেয়নি, জলিল মন্সি দিয়েছে। তার হিসাবের খাতায় ঐ তারিখে ঐ টাকা খরচ লেখা। কবলাও এখন তার হেপাজতে। শূদ্ধ তাই নয়, যুবনালি জলিল মন্সির বরাবর মন্তিপত্র করে দিয়েছে। মন্তিপত্রে কবলার স্বপ্ন জলিল মন্সির।

ফল দাঁড়াল, জমিতে সোনামন্দির কোফা প্রজা, আর জলিল মন্সি তার মর্নিব। বছর-বছর তার দশ টাকা খাজনা। আমিরন শুনতে পেলে গাণ্ডে ডুবে মরবে।

সোনামন্দির শরীরে-মনে সুখ নেই। খেতে-মাখতে আহরাদ নেই। তাম্বকে-বিড়িতে ঝাঁজ নেই।

কেন, তোমার কী হয়েছে? মনের মধ্যে যেন কী ভার বেঁধে বেড়াচ্ছ।

রাগ-রংগ করে আর কথা কও না আমার সঙ্গে!

জোর করে হাসল সোনামন্দি। বললে, বা, বয়স বাড়ছে না দিন দিন?

সত্যি বলো তো, জমির কিছন্ন করেছ?

বা, জমির কী করব? আমাদের যেমন জমি তেমনি আছে।

বেচা-বাঁধা নেই তো কোথাও?

বদ্বন্দ্বিকে তোমার বলিহারি। জমি রইল আমাদের নিজ চাষে ধান আমরা গোলাজাত করেছি, আউশ বুনলাম এ বছর, জমি বেচা-বাঁধা হয়ে গেল?

না জমি যদি তোমার ঠিক থাকে আমি যদি তোমার ঠিক থাকি, তবে তোমার আর দ্বন্দ্ব কী! তবে তুমি কেন মন ভার করে থাকো?

না গো বউ না, জমি ঠিক আছে। মানুষই আর ঠিক নেই।

এক কিস্তিও খাজনা খেলাপ করে না সোনামন্দি, ঠিক জলিল মন্সির তর্জিলদারকে পেঁপে দিয়ে আসে। রসিদ নেয়। সালিয়ানা হলে দাখিলা আদায় করে। যাতে খাজনার বকেয়ায় না উচ্ছেদের আর্জি পড়ে তার নামে। আর উচ্ছেদের আর্জি পড়লেই বা কি, ডিক্রির তিরিশ দিনের মধ্যে টাকা দিয়ে দিলেই খালাস। শূদ্ধ আমিরন না টের পায়।

জলিল মন্সি সে পথে গেল না। নিজে খাজনা বাকি ফেলে নিজের রায়তিস্বত্ব নিলাম করালে। কেনালে চাচাত বোনাই দরবার মোল্লাকে দিয়ে। টাকা দিলে নিজে। নিলাম ইস্তাহার গোপন করলে। ঝাঁপিয়ে পড়ল সোনামন্দির উপর। দায রহিতের নুটিশ নিয়ে। সোনামন্দির কোলরায়তি বিলোপ হয়ে গেল।

এবার সোনামন্দির দখল জবর দখল বলে সাব্যস্ত হতে দেয়ি হল না। জলিল মন্সি ঘব ভেঙে খাসদখলের ডিক্রি পেল একতরফা।

এল দখল জারির পরোয়ানা। ঘরদোর ছেড়ে বেরিয়ে যাও হালট ধরে। পাঁচ দোরের কুকুর হয়ে।

এসব কী? আমিরন চোখে আগুনের হলকা নিয়ে তাকাল সোনামন্দির দিকে।

তোকে ফতুর করে দিয়েছি আমিরন। জমির জন্য মামলা করলাম, মামলার জন্য জমি গেল। পথের থেকে নতুন করে আবার আমাদের আরম্ভ করতে হবে। সোনামন্দির চোখ ছলছল করে উঠল।

রাস্তায় নেমে এল তারা মহবুবের হাত ধরে। বাড়ি-ঘর ভূমিসাৎ হয়ে

গেল চোখের সামনে। জমির দিকে তাকাল। মনে হল যেন গৃহহারার মত তাকিয়ে আছে।

কোথায় আর যায়! আতুর-এতিমের জন্যে কোথায় কোন মদুসাফিরখানা! তাদের কে আশ্রয় দেবে?

জলিল মদুন্সিই তাদেরকে আশ্রয় দিল। জমিতে সোনারমন্দি হালিয়া খাটেবে আর বাড়িতে আমিরন দাসসী-বাদি হবে।

উপায় কি। জমি যখন নেই তখন ভাত নেই। আর যার ভাত নেই তার জাত কোথায়!

আমিই তোকে পথের কাঙাল করলাম! বলে সোনারমন্দি।

আমার জন্যে তুমি ভাবো কেন? জমির জন্যে ভাবো। আমার চেয়েও জমির দাম অনেক বেশি।

বেশি দিন থাকতে হল না সে-বাড়ি। আমিরনকে জলিল মদুন্সি নিকা করলে। মহল্লার মোল্লা এসে কলমা পড়াল।

সোনারমন্দি হতবদুন্দির মত বললে বা, তালাক দিলাম কখন?

ঐ হয়েছে তোমার তালাক দেওয়া। ওর কাছে নিকা বসে জমি আবার ফিরিয়ে দিলাম তোমাকে। এই দেখ কবালা। আমিরন কবালা দেখাল।

জলিল মদুন্সিকে দিয়ে ফির-বেচার কবালা করিয়ে নিয়েছে আমিরন। রেজিস্ট্রি হয়ে গিয়েছে। রায়তি স্বত্ব আবার চলে এসেছে সোনারমন্দির দখলে। ঘর তুলে দিয়েছে নতুন করে।

আর তুই?

আমিই কবালার পণ। আমার জন্য মন খারাপ কোরো না। আমার চেয়ে তোমার জমির দাম অনেক বেশি। আমি গেলে কী হয়? কিন্তু জমি তো তোমার ফিরে এল। তোমার জমির গায়ে তো কেউ হাত দিতে পারল না।

মহবদ?

যদি রাগে খুব কাঁদে, চুপি-চুপি দিয়ে আসব তোমার কাছে।

কুরমান হাটে কাঁচের চুড়ি কিনতে এসেছে।

মেজাজ খুব খারাপ। গা এখনো কশ-কশ করছে। তবু এ-দোকান থেকে ও-দোকানে সে ঘোরাঘুরি করে। সোনালি কিনবে না বেগুনি কিনবে চট করে ঠাহর করতে পারে না।

অন্যদিন হাটে এসে তামাক কিনত, লঙ্কা-পেঁয়াজ কিনত, তিতপট্টি বা ঘুসো চিংড়ি। আজ তাকে কাঁচের চুড়ি কিনতে হচ্ছে। কিনতে হচ্ছে চুলের ফিতে।

চুড়ির সোয়া তিন আঙুল জোখা। চুড়ির মধ্যে হাত ঢুকিয়ে-ঢুকিয়ে দেখে কুরমান। জোখা মেলে তো রং পছন্দ হয় না, রং মনে ধরে তো জোখায় গরমিল।

নূরবান্দর কাঁচের চুড়ি সে আজ ভেঙে দিয়ে এসেছে। ফিতে ধরে টানতে গিয়ে খুলে দিয়েছে চুলের খোঁপা। চোট-জখম লেগেছে হয়তো এখানে-ওখানে।

জমি-জায়গা নেই, কর-কবলত নেই, বর্গায় চাষ করে কুরমান। তাও লাঙল কিনে আনতে হয় পরের থেকে। ধান যা-ও হয়েছিল গত সন, পাখিতে খেয়ে নিয়েছে, খেয়ে নিয়েছে ইঁদুরে। এ-বছর গাছ হয়েছে তো শিশু হয়নি। ডোবা জমি, নোনা কাটে না ভাল করে। যা ধান হয়েছে দলামলা করে মনিবের খাস খামারে তুলে দিয়ে আসতে হবে। সে পাবে মোটে তিন ভাগের এক ভাগ।

বড় দুর্বল অবস্থা তাদের। না আছে থান না আছে থিত। তাই কুরমানের একার খাটনিতে চলে না। নূরবান্দকেও কাজ করতে হয়।

নূরবান্দ মনিবের বাড়িতে ধান ভানে, পাট গুটোয়, কাঁথা-কাপড় কাচে, জল টানে। আর মনিব-গিন্নির খেজমৎ করে। চুল বাছে, গা খোঁটে, তেল মাখে। ভাল-মন্দ খেতে পায় মাঝে-মাঝে। দরমা পায় চার টাকা।

কিন্তু শান্তি নেই। মনিব, উকিলান্দি দফাদার, নূরবান্দকে অনায়াস চোখে দেখেছে!

প্রথম দিনেই নালিশ করেছিল নদ্রবান্দু : মদ্রনিব আমাকে অন্যায় চোখে দেখে।

কেন, কি করে?

খুক-খুক করে কাশে বাঁকা চোখে তাকায়, আমোদ-সামোদ করে কথা কয়।

তুই ওর ধারাধারি ঘাসনে কোনোদিন।

না, আমি ঘোমটা টেনে চলে যাই দূর দিয়ে।

কিন্তু দফাদার তাতে ক্ষান্ত হয় নি। একদিন নদ্রবান্দুর হাত চেপে ধরল।

সেদিনও কাঁদতে-কাঁদতে নদ্রবান্দু বললে, হাত ছাড়িয়ে নেবার সময় খামচে দিয়েছে।

বাগে শরীরের রগগুলো টান হয়ে উঠল কুরমানের। বললে, তুই সামনে গেঁছিল কেন?

কে বললে? যাইনি তো সামনে।

সামনে ঘাসনি তো হাত চেপে ধরে কি কবে?

আমি ছিলাম ঢেঁকি-ঘরে। ও ঘরে ঢুকে বললে বীজ আছে ক-কাটি? আমি পালিয়ে যাচ্ছি পাছ-দুয়ার দিয়ে ও খপ করে আমার হাত চেপে ধরল।

তবু সেদিনও সে মারেনি নদ্রবান্দুকে। নিজের অদৃষ্টকেই দোষ দিয়েছিল।

আশ্চর্য, গরিবের বউএর কি একটু ছুরতও থাকতে পারবে না? গরিব বলে স্ত্রীর বেলাও কি তাদের অনুভব আর উপভোগের মাথাটা নামিয়ে আনতে হবে?

খবরদার, সামনে ঘাবি না ওর। ওরা জোরমন্ত লোক, থানা-পদলিশ সব ওদের হাতে, ওদের অনেক দূর দিয়ে আমাদের হাঁটা-চলা। কাজ-কাম সেরে ঝপ করে চলে আসবি।

কিন্তু আজ ওর হাত-ভরা কাঁচের চুড়ি। ফিতে ঘদ্রিয়ে-ঘদ্রিয়ে বিন্দুনি পাকানো।

হাসিতে ভেসে যাচ্ছিল নদ্রবান্দু, কুরমানের মূখের চেহারা দেখে ঝিম মেরে গেল।

এসব কোথেকে?

মদ্রনিবগিন্মি দিয়েছে।

কিন্তু, জিগগেস করি, পয়সা কার? এ সাজানোর পিছনে কার চোখের সায় রয়েছে লুকিয়ে? আজ কাঁচের চুড়ি, কাল আংটি-চুংটি। নোনা জমি

এমনি করেই আস্তে-আস্তে মিঠেন করে তুলবে। হাত ধরেছিল, ধরবে এবার গলা জড়িয়ে।

খুঁলে ফ্যাল শিগগির। গর্জে উঠল কুরমান।

সাজবার ভারি সখ নূরবান্দর। একটু সে হয়তো টালমাটাল করেছিল, কুরমান হাত ধরে হেঁচকা টান মারল। পটপট করে ভেঙে গেল কতকগুলি। হেঁচকা টান মারল খোঁপায়। একটা কুন্ডলী-পাকানো সাপ কিলবিল করে উঠল।

ডুকরে কেঁদে উঠল নূরবান্দ। চুড়ির ধারে জায়গায়-জায়গায় হাত কেটে গিয়েছে। চামড়া ছিঁড়ে বেরিয়ে এসেছে রক্ত।

ঘরের পদ্রুঘের এমন দুর্দান্ত চেহারা দেখিনি সে আর কোনো দিন। বাবা, ভয় করে। দরকার নেই তার চুড়ি-খাড়ুতে। কিসানের বউ সে, ঠুটো পাথর হয়ে থাকবে। সাধ-আমোদে তার দরকার কি।

কিন্তু এ কি! হাটের থেকে তার জন্যে চুড়ি নিয়ে এসেছে কুরমান। লম্বা-পেঁয়াজ তামাক-টিকে না এনে। লম্বায় গলে যেতে লাগল নূরবান্দ।

পাঁচ আঙুলের মুখ একসঙ্গে ছুঁচলো করে চেপে ধরে কুরমান। টিপে-টিপে আস্তে-আস্তে চুড়ি পরিয়ে দেয়। হঠাৎ রাগে মাথা ঘুরে গিয়েছিল তার। নইলে এমন যার তুকতুকে হাত তার গায়ে সে হাত তোলে কি করে?

তুমি কেন মিছিমিছি বাজে খরচ করতে গেলে? এদিকে তোমার একটা ভালো গামছা নেই, লুঙ্গিটা ছিঁড়ে গেছে।

যাক সব ছিঁড়ে-ফেড়ে। তুই শূদ্ধ একবারটি হাস আমার মুখের দিকে চেষ্টা।

পিঠে চুলগুলি খোলা পড়ে আছে ভুর করে।

তোর চুলবাঁধা দেখিনি কোনো দিন—

আজ শূদ্ধ দেখে ন্ন কুরমান, শোনেও। শোনে চুলবাঁধার সঙ্গে সঙ্গে চুড়ির ঠুন-ঠুন।

উকিলদ্বির বাড়িতে তবু না গেলেই নয় নূরবান্দর। চারটে টাকা কি কম? কম কি একবেলার খোরাকি? খান-পান যদি পায় ভবিষ্যৎ, তাই কি অগ্রাহ্য করবার?

কিন্তু সেদিন নূরবান্দ উকিলদ্বির বাড়ি থেকে নতুন শাড়ি পরে এল। ফলসা রঙের শাড়ি। নূরবান্দর বর্ণ যেন ফুটে বেরুচ্ছে।

এ শাড়ি এল কোথেকে? বর্শার মূখের মত চোখা হয়ে উঠল কুরমান।

আজ যে ঈদ, খেয়াল নেই তোমার? ঈদের দিনে মুনিব-গান্নি দিয়েছে শাড়িখানা।

ঈদের দিন হলেও নরম পড়ল না কুরমান। ফিরান-পায়ের ছিটে-ফাঁটাও নেই, নতুন একখানা গামছা হয় না, ঈদ কোথায়?

না, নরম পড়ল না কুরমান। শাড়ির প্রত্যেকটি সূতোয় দেখতে পাচ্ছে সে উকিলান্দির ঘোলা চোখ, ঘসা জিভ। ফাঁই-ফাঁই করে সে ছিঁড়ে ফেলল।

এবার আর সে হাটে গেল না পালাটা শাড়ি কিনে আনতে। পয়সা নেই, ইচ্ছেও নেই। ক্ষুদ্র চাষা, তার বউয়ের আবার সাইবানী হবার সখ কেন? চট মড়ি দিয়ে থাকতে পারে না সে ঘরের কোণে?

সত্যি, এত সাজ তার পক্ষে অসাজলত ছিল। বদ্বতে দেরি হয় না নূরবান্দর। কিন্তু তখন কি সে বদ্বতে পেরেছে শাড়ির ভাঁজে-ভাঁজে সাপ রয়েছে লুকিয়ে? গা বেয়ে-বেয়ে শেষকালে বৃকের মধ্যে ছোবল মারবে? নূরবান্দ তার কালো ফুলের ছাপ-মারা কালো শাড়িই পরে এবার। তার রাতের এ নিরিবিবি শান্তির মতই এ শাড়িখানি। তাই ঘুমের স্রোতে স্বচ্ছন্দে চলে আসতে পারে সে স্বামীর স্পর্শের ঘরের মধ্যে। ফলসা রঙের শাড়িটার জন্যে তার এতটুকুও কষ্ট নেই।

কুরমান কাজ থেকে ছাড়িয়ে আনল নূরবান্দকে। নিয়ে এল পর্দার হেপাজতে। উপাসে-তিয়াসে কাটবে তব্দু পাপের পথের পাশ দিয়ে হাঁটবে না। দারিদ্র্য লাগদু গায়ে তব্দু অধর্ম যেন না লাগে। অদিন এলেও যেন না অমানুষ বনে যায়।

কিন্তু উকিলান্দি ছিনে-জোঁক। বয়স হয়েছে কিন্তু বিবেচনা নেই।

ধান কাটতে মাঠে গিয়েছে কুরমান। লক্ষীবিলাস ধান কাটবার দিন এখন। পা টিপে-টিপে দুপুর বেলা উকিলান্দি এসে হাজির। কানের জন্যে বৃদ্ধকো, পায়ের জন্যে পশু, গলার জন্যে দানাকবজ নিয়ে এসেছে গাড়িয়ে।

বললে, কই গো বিবিজান। দেখ এসে কই এনিছি।

বেরিয়ে আসতে নূরবান্দর চক্ষু স্থির। রূপোর জেগুর দেখে নয়, চোখের উপরে বাঘ দেখে।

অনেক ভয়-ডর নূরবান্দর। এক নম্বর মালেক, দুই নম্বর মুনিব। তিন নম্বর দফাদার। চার নম্বর একটা মাংসখেকো জানোয়ার।

চলে যান এখান থেকে। চোখে মূখে আঁচ ফুটিয়ে আপসা গলায় বললে নূরবান্দ।

তোমার জন্যে লবেজান হয়ে আছি। এই দেখ, জেওর এনেছি গাড়িয়ে।

দরকার নেই। আপনি চলে যান। নইলে সোর তুলব এখুনি।

কিন্তু সোর তুলবার আগেই কুরমান এসে হাজির।

রোদে সে তেতে-পুড়ে এসেছে, চোখে ঘোলা পড়েছে বোধ হয়। নইলে দেখছে সে কী তার বাড়ির উঠানে? উকিলন্দির হাতে রূপোর গয়না আর নূরবান্দের চোখে খুঁসির ঝলকানি। কত না জানি ঠাট্টা-বটখেরা, কত না জানি হাসির বজ্রঝড়। রং-সং, আমোদ-বিনোদ। এই গয়নাতে কতো না-জানি যোগসাজসের সতর্ক।

মাথায় খুন চেপে পেল কুরমানের। চার পাশে চেয়ে দেখল সে অসহায়ের মত। দেখল ধানের আঁটির সঙ্গে কাঁচি সে ফেলে এসেছে মাঠে।

এখানে কেন?

ধানাই-পানাই করতে লাগল উকিলন্দি। শেষ কালে বললে, লক্ষ্মীবিলাস ধান কাটতে গিয়েছিল কি না দেখতে এসেছিলাম।

তা মাঠে না গিয়ে আমার বাড়ির অন্দরে কেন?

বেশ করছি। সমস্ত জায়গা-জমি সদর-অন্দের আমার। আমার যেখানে খুঁশি আমি যাব আসব।

কুরমান হঠাৎ উকিলন্দির দাড়ি চেপে ধরল। লাগল ঝটাপটি, ধস্তাধস্তি। উকিলন্দির হাতে যে লাঠি ছিল দেখেনি কুরমান। তা ছাড়া কুরমান আধপেটা খাওয়া চাষা, জোর-জেল্লা নেই শরীরে, সেটাও সে বিচার করে দেখেনি। উকিলন্দি তাকে ধাক্কা মেরে ফেলে তো দিলই, তুলে নিল লাঠিগাছটা।

কুরমানকে দেখেই ঘরের মধ্যে লুকিয়েছিল নূরবান্দ। এখন মারমুখো লাঠি দেখে বেরিয়ে এল সে হস্ত-দন্ত হয়ে, শিকরে-পাখির মত ঝাঁপিয়ে পড়ল উকিলন্দির উপর। লাঠিটা ছিনিয়ে নিতে চেষ্টা করল জোর করে। মূঠো আলগা করতে পারে না, শব্দ শব্দ হয় লাটপাট।

কি চোখে দেখল ব্যাপারটা কে জানে, কুরমানের রক্তের মধ্যে ঝড় বয়ে গেল। এক ঝটকায় টেনে আনতে গেল নূরবান্দকে চুলের ঝড়টি ধরে : তুই, তুই কেন বেরিয়ে এসেছিস পর্দার বাইরে? কেন পর-পুরুষের সঙ্গে জাপটাজাপটি শব্দ করে দিয়েছিস? উকিলন্দিকে রেখে মারতে গেল সে নূরবান্দকে।

আর, যেমনি এল এগিয়ে, হাতের নাগালের মধ্যে, অমনি উকিলশ্দির লাঠি পড়ল কুরমানের মাথায়। মনে হল নূরবান্দুই যেন লাঠি মারলে। মনে হল কুরমানের মারের থেকে উকিলশ্দিকে বাঁচাবার জন্যেই তার এই জোটপাট। উকিলশ্দির গায়ে পড়ে তাই এত সাধ্য-সাধনা।

কুরমান দিশেহারার মত চোঁচিয়ে উঠল : এক তালাক, দুই তালাক, তিন তালাক—বাইন।

বাস, উথল-পাথল বন্ধ হয়ে গেল মদহুর্তে। সব নিশ্চুপ, নিঃশেষ হয়ে গেল।

রাগ ভুলে মাথায় হাত দিয়ে বসে পড়ল কুরমান। হাজার লাঠি পড়লেও এমন চোট লাগত না। অঁধার দেখতে লাগল চারদিক। নূরবান্দুর সেই রাগরাগাড়া মদ্য ফুসফুসে ছাইয়ের মত শাদা হয়ে গেল। ফকির-ফতুরের মত তাকিয়ে রইল ফ্যাল-ফ্যাল করে। আর মাটি থেকে লাঠিটা তুলে নিয়ে চাপা মদ্যে হাসতে লাগল উকিলশ্দি।

লোক জমতে শূরু করল আস্তে-আস্তে।

কুরমান গা ঝাড়া দিয়ে উঠে পড়ল। বললে নূরবান্দুকে, ও কিছ্ হইনি, তুই চলে যা ঘরের মধ্যে।

সত্যিই যেন কিছ্ হইনি এমনি ভাবেই আঁচল গদাটিয়ে নূরবান্দু চলে গেল ঘরের মধ্যে, ঘরের বউএর মত।

কিছ্ হইনি বললেই আর হয় না। আস্তে-আস্তে বসে গেল দশ-সালিশ। তালাক দেওয়া স্ত্রী এখন আলগা আলগোছ মেয়েলোক। তার উপর আর পূর্ব স্বামীর এক্তিয়ার নেই। এক কথায় অমনি আর তাকে নেয়া যায় না ফিরতি। অমন হারামি সমাজ বরদাস্ত করতে পারবে না।

উকিলশ্দি দাঁত বার করে হাসতে লাগল।

রাগের মাথায় ফস করে কথা বেরিয়ে গেছে মদ্যের থেকে, অমনি আমার ইস্ত্রী পর হয়ে যাবে? কুরমান কেঁদে উঠল।

পর বলে পর! এপার থেকে ওপার! একবার যখন বিয়ে ছাড়ার ফারখৎ জারি করেছে তখন আর উপায় নেই। ঘড়ি কাটা পড়লে নাটাই গদাটিয়ে কি ঘড়িকে ধরে আনা যায়?

মদ্যের কথাটাই বড় হবে? মন দেখবে না কেউ?

মদ্যের জ্বানের দাম কি কম? রং-তামাসা করে বললেও তালাক তালাক।

আর এ তো জল-জীৱন্ত রাগের কথা। গলা দরাজ করে দিনে-দুপুরে তালাক দেওয়া।

আর দস্তুরমত সাক্ষী রেখে। ফোড়ন দিল উকিলন্দি।

এখন উপায়? নূরবান্দকে আমি ফিরে পাব না?

এক উপায় আছে। দশ-সালিশ বসল ফরমান দিতে। ইন্দতের পর কেউ যদি নূরবান্দকে বিয়ে করে তালাক দেয় তবেই ফের কুরমান নিকে করতে পারে তাকে। এ ছাড়া আর ম্বিতীয় পথ নেই।

কে বিয়ে করবে? কুরমানকে ফিরিয়ে দেবার জন্যে কে বিয়ে করবে নূরবান্দকে? আর কে! দাড়িতে হাত বদলতে-বদলতে উকিলন্দি বললে, আমি বিয়ে করব।

কিন্তু বিয়ে করেই তক্ষুনি-তক্ষুনি তালাক দিতে হবে। কথার খেলাপ করলে চলবে না। দশ-সালিশের হুকুম মানতে হবে। এর মধ্যে আছে খাদেম-ইমাম, মোল্লা-মুনসি, ইউনিঅন বোর্ডের প্রেসিডেন্ট মানী-গুণী লোক সব। এদেরকে অমান্য করা যাবে না।

একটু যেন বল পেল কুরমান। কিন্তু তার বাড়িতে থাকতে পারবে না আর নূরবান্দ। বিরাণা পর-পদ্রুঘের ঘরে কি করে থাকতে পারে সমর্থ বয়সের মেয়েছেলে? পাশ-গাঁয়ে তার এক চাচা আছে, বেচারী নাচার, সেখানে সে থাকবে। ইন্দতের তিন মাস।

এক কাপড়ে কাঁদতে-কাঁদতে চলে গেল নূরবান্দ। যেন কুরমানকে গোর দেওয়া হয়েছে। পুঁতে রেখেছে মাটির নিচে।

তা ছাড়া আর কি? কুরমানের হাতের নাগালির মধ্য দিয়ে চলে গেল, তবু হাত বাড়িয়ে সে ধরে রাখতে পারল না।

সামান্য কটা মূখের কথা এমনি করে সব নাস্তানাবুদ করে দিতে পারে এ কে জানত! কুরমানের নিজের রাগ নিজেকে যেন কুরে-কুরে খাচ্ছে।

দাউলে হয়ে কুরমান চলে গেল দক্ষিণে। নূরবান্দ ছাড়া তার আর ঘর-দুয়ার কি! ঘরের উইয়ে খাওয়া পাটখড়ির বেড়া ভেঙে-ভেঙে পড়ছে, তেমনি ভেঙে-ভেঙে পড়ছে তার বৃকের পাঁজরা। চলে গেছে দক্ষিণে, কিন্তু মন কেবল উত্তরে ভেসে-ভেসে বেড়ায়।

ধান কাটা সারা হয়ে গেছে, নিজের গাঁয়ে ফিরে আসে কুরমান। গাঁয়ের হালট ধরে নিজের বাড়িতে। ঘরের ঝাপ খোলে। কোথায় নূরবান্দ! চৈতী

মাঠের মত বৃকের ভিতরটা খাঁ খাঁ করে। কিন্তু রাত করে লুকিয়ে একদিন আসে নূরবান্দ। হেন খুব একটা অন্যায় করেছে এমনি চেহারায়। কুরমানের থেকে অনেক দূরে সরে বসে আঁচলে চোখ চাপা দিয়ে কাঁদে।

কুরমান বৃক্কি ঝাঁপিয়ে ধরতে চায় নূরবান্দকে। ইচ্ছে করে কোলের কাছে বসিয়ে হাত দিয়ে চোখের জল মূছে দেয়।

নূরবান্দ বলে, না। এখনো হালাল হইনি। ইন্দত কাবার হয়নি। ই য়নি ফিরাত বিয়ে, ফিরাত তালাক।

বলে, তোমাকে শূধু একটিবার দেখতে এলাম। বড় মন কেমন করে।

বড় কাহিল হয়ে গেছে নূরবান্দ। বড় মন মরা। গায়ের রং তামাটে হয়ে গেছে। জোর-জলদুস মূছে গেছে গা থেকে।

এটা ওটা একটু আধটু গোছগাছ করে দেয় নূরবান্দ। ঘরের মধ্যে নড়ে-চড়ে।

তোকে কি আর ফিরে পাব নূর?

নিশ্চয়ই পাবে। দশ-সালিশের বৈঠকে চুক্তি হয়েছে, কড়ায় ক্রান্তিতে সব আদায় উশূল হয়ে যাবে। চোখ বৃজে এক ডুবে মাঝখানের এই কয়েকটা দিন শূধু কাটিয়ে দেয়া।

আমার কি মনে হয় জানিস? ও তোকে আর ছাড়বে না। একবার কলমা পড়া হয়ে গেলেই ও ওর মূখে কুলুপ এঁটে দেবে। বলবে দেব না তালাক।

ইস? নূরবান্দ ফণা তুলে ফোঁস করে উঠল। দশ-সালিশ ওকে ছাড়বে কেন?

না ছাড়লেই বা কি, ও স্পষ্ট গরকব্দল করবে। এ নিয়ে তো আর আদালত চলবে না। বলবে, কার সাধ্য জোর করে আমাকে দিয়ে তালাক দেওয়ায়?

ইস্, করুক দেখি তো এমন বেইমানি। আবার ফোঁস করে ওঠে নূরবান্দ : বেতমিজকে তখন বিষ খাইয়ে শেষ করব। ওর বিষয়ের অংশ নিয়ে এসে সাদি করব তোমাকে।

নূরবান্দের চোখে কত বিশ্বাস আর স্নেহ।

গা-টা তেতো-তেতো করছে, জ্বর হবে বোধ হয়।

গায়ে হাত দিতে যাচ্ছিল নূরবান্দ। হাত গুটিয়ে নিল ঝট করে। অমন সোনার অঙ্গ স্পর্শ করার তার অধিকার নেই।

একেক দিন গহিন রাতে কুরমান যায় নূরবান্দের ঘরের দরজায়। নূরবান্দের চোখে ঘুম নেই। বেড়ার ফাঁকে চোখ দিয়ে বসে থাকে।

বলে, কেন পাগলের মত ঘুরে বেড়াচ্ছ? লোকে যে চোর বলবে। চৌকিদার দেখলে চালান দেবে।

কবে আসবি?

দফাদার লোক নিয়ে এসেছিল। আসছে জুন্মাবার কলমা পড়বে তার পরেই তালাক আদায় করে নেব ঠিক। এখন বাড়ি যাও।

কোথায় বাড়ি! কুরমানের ইচ্ছে করে পাখিটাকে বৃকের উমে করে উড়াল দিয়ে চলে যায় কোথাও! কোথায় তা কে জানে? যেখানে এত পাঁচঘোঁচ নেই, যেখানে শূদ্ধ দেদার মাঠ আর দেদার আসমান।

শিগগির বাড়ি যাও। কুরমান চোর। কুরমান পরপুরুষ।

জুন্মাবারে বিয়ে হয়ে গেল, কিন্তু, কই, শনিবার তো তালাক নিয়ে চলে এল না নূরবান্দু।

যা সে ভেবে রেখেছে তাই হবে। একবার হাতের মূঠোর মধ্যে পেয়ে উকিললিঙ্গ আর ছেড়ে দেবে না নূরবান্দুকে। গলা টিপে ধরলেও তার মন্থ থেকে বার করানো যাবে না ঐ তিন অক্ষরের তিন কথা। বলবে, মরণ ছাড়া আর কারুর সাধ্য নেই আমাদের বিচ্ছেদ ঘটায়। কুরমান খোঁজ নিতে গেল। দাবিদারের মত নয়, দেনদারের মত।

উকিললিঙ্গ বললে, আমার কোনো কসুর নেই। বিয়ে হয়েছে তবু নূরবান্দু এখনো ইস্ত্রী হচ্ছে না। ইস্ত্রী না হলে তালাক হয় কি করে?

যত সব ফাঁকিজুঁকি কথা। তার আসল মতলব হচ্ছে নূরবান্দুকে রেখে দেবে কবজার মধ্যে। রাখবে অষ্টঘড়ির বঁাদি করে।

কুরমান দশ-সালিশ বসাল। জানাল তার ফরিয়াদ।

ডাকো উকিললিঙ্গকে। জবাব কি তার? কেন এখনো ছাড়ছে না নূরবান্দুকে? কেন এজহার খেলাপ করছে?

উকিললিঙ্গ বললে, বিয়েই যে এখনো সিদ্ধ হয়নি, ফলন্ত-পাকান্ত হয়নি। এখনো মাটির গাঁথনিই আছে, হয়নি পাকা-পোস্ত। বিয়ে হয়েছে অথচ এড়িয়ে-এড়িয়ে চলছে নূরবান্দু। ধরা-ছোঁয়া দিচ্ছে না। শূদ্রে আসছে না দরজায় খিল দিয়ে। ও ভেবেছে কলমা পড়ার পরেই বৃষি ও তালাকের কাবিল হল। তাই রয়েছে অমন কাঠ হয়ে, বিমুখ হয়ে। এমনি যদি থাকে, তবে কাটন-ছিঁড়েন হতে পারে কি করে?

সত্যিই তো। দশ-সালিশ রায় দিলে। স্বামীর সঙ্গে একরাত্রিও যদি

সংসার না করে তবে বিয়ে জায়েজ হয় কি করে? বিয়ে পোক্ত না হলে তালাক চলে না। হালাল হওয়া চলে না নূরবান্দর।*

উপায় নেই, হালাল হতে হবে নূরবান্দকে। তালাক মেনে নিতে হবে ভিক্ষুকের মত।

ঘরে ঢুকে দরজায় খিল দিল নূরবান্দ।

পর দিন ভোরে পাখিপাখলা ডাকার সঙ্গে-সঙ্গেই উকিলস্‌মি নূরবান্দকে তালাক দিল।

বিকেলের রোদ উঠোনটুকু থেকে যাই যাই করছে, নূরবান্দ চলে এল কুরমানের বাড়িতে। কুরমান বসে আছে দাওয়ার উপর। হাতের মধ্যে হুকো ধরা, কিন্তু কলকেতে আগুন নেই। কখন যে নিবে গেছে তা কে জানে। চেয়ে আছে—শূনা মাঠের মত চাউনি। গায়ের বাঁধন সব ঢিলে হয়ে গেছে, খস ভেঙে পড়েছে জীবনের। ভাঙন নদীর পারে ছাড়া-বাড়ির মত চেহারা।

যেন চিনি অথচ চিনি না, এমন চোখে কুরমান তাকাল নূরবান্দর দিকে। তার চোখে গত রাতের সুদূর টানা, ঠোঁটে পান-খাওয়ার শূকনো দাগ। সমস্ত গায়ে যেন ফুঁতির আতর মাখা। পরনে একটা জামরঙের নতুন শাড়ি। পরলে-পরলে যেন খুঁশির জলের স্রোত।

সে জল বড় ঘোলা। লেগেছে কাদা-মাটির ময়লা। পচা দামের জঞ্জাল। মড়ার মাংসের গন্ধ।

সে জলে আর স্নান করা যায় না।

ইন্দত আমি এখানেই কাবার করব। দিন হলেই মোস্তা ডেকে কলমা পিড়িয়ে নাও তাড়াতাড়ি। নূরবান্দ ঘরের দিকে পা বাড়াল।

নেবা হুকোয় টান মারতে-মারতে কুরমান বললে, না। আমার নিকে-সাদিতে আর মন নেই। তুই ফিরে যা দফাদারের বাড়িতে।

শিশেখাল। এপারে আদমপুর ওপারে ধুলেশ্বর। দুই গ্রাম। মাঝখানে অনেক আগে ডিস্ট্রিক্ট বোর্ডের পুঁল ছিল একটা। তার কাঠ আর লোহা দুই গ্রামের লোক চুরি করে নিয়েছে। এখন শুধু একটা দুই-বাঁশের সাঁকো। বাঁশের ধরুনি আছে উপর দিকে। হেলে বেকে।

কাঁকালে কলসী, চলেছে মমিনা। ত্যাড়াবাঁকা সাঁকোর উপর দিয়ে। ধরুনিটা না ধরেই। হাতে খোঁটা দাড়ি, চলেছে জিন্নাতালি, তেমনি নমড়ে সাঁকোর উপর দিয়ে। তেমনি ধরুনি না ধরেই।

এপারে পুকুর. ওপারে গোবাট। গোরু আগেই হেঁটে পার হয়ে গেছে খাল, জলের থেকে নাকের তুলতুলে ডগাটা উঁচুতে তুলে ধরে। নদীর জল লোনা, পুকুরের জল ছাড়া খাওয়া যায় না। গোরুকে খোঁটায় বেঁধে না রাখলে কার খেতের ফসল কখন তছরুপ করে।

মমিনা আর জিন্নাত। ধুলেশ্বর আর আদমপুর। দক্ষিণ আর উত্তর। দুজনে দেখা হল মুখোমুখি।

মমিনা বলে, পথ দাও।

জিন্নাত বলে, পিছন হাঁটো।

মমিনা বলে, সে মেয়ে, তার দাবি সকলের আগে। জিন্নাত বলে, তার দাবি মমিনার আগে, কেননা সে আগে এসে সাঁকো ধরেছে। পথ এগিয়ে এসেছে আন্দেকেরও বেশি। এখন সে আর ফিরে যাবে না। এমন কোনোই নুঁটিশ টাঙানো নেই যে মেয়ে দেখলেই সাঁকোর থেকে জলে ঝাঁপ দিতে হবে।

হ্যাঁ, দিতে হবে। আগুনে পর্যন্ত দিতে হবে। চোখ ঝলকিয়ে বললে মমিনা। কলসীটা ঢলে পড়েছিল, কোমরের খাঁজের উপর তুলে চেপে ধরল আঁট করে। বাঁকা বাহুর বন্ধনীতে ফোটাতে বা একটু নব-যৌবনের গরিমা।

আগে আগুনে ঝাঁপ দিই. পরে না হয় পানিতে দেব। জিন্নাতালি বললে।

পথ ছাড়ো বলছি। রাগ-রংগের জায়গা নয় এটা। ঝলসে উঠল মমিনা : যদি না ছাড়ো তো বাড়ি ফিরে গিয়ে বাজানকে বলে দেব।

আমিও বাড়ি ফিরে গিয়ে বাজানকে বলতে পারি।

কি বলবে তুমি?

বলব মকবুল মদুখ্লির মেয়ে মমিনা বলেছে ঘরে আগুন লাগিয়ে দেবে।

ওমা কখন বললাম!

ঘরে নয়, বলেছে আমার মদুখে আগুন লাগিয়ে দেবে।

দেবই তো একশোবার। নুড়ো জেবলে দেব।

তাই, বাজানদের বললে লাভ হবে না দাঙ্গা বেধে যাবে দুই বাপে। আমার মদুখে জ্বলুক নুড়ো, ক্ষতি নেই, কিন্তু তোমার মদুখে একটু হাসি ফোটাও মমিনা।

মমিনা চোখ নামাল। বললে, হাসির গল্প নেই, তবু হাসি কি করে? শূধু শূধু কারু ফরমায়েসে হাসা যায়?

চাঁদ কি কারুর ফরমায়েসে হাসে? আর যার অমন চাঁদমুখ—

মমিনা হেসে ফেলল। ছলছলে জলে চিকচিক করে উঠল রূপদুলি চাঁদের টুকরো। খালের মধ্যে লাফিয়ে পড়ল জিন্নাত। বাকি জলটুকু পার হয়ে গেল সাঁতরে।

শিকস্ত-পর্যস্তের দেশ। নতুন চর উঠেছে। যে নদী ভেঙেছে সেই নদীই দিয়েছে ভরাট করে।

জিন্নাতের বাপের নাম গফুরালি। সে বলে, আমার ভাঙা জমি আবার ভেসে উঠেছে। শিকল জরিপ করে জমি ভাঁউরে নিলেই বোঝা যাবে ঠিকঠাক।

মিথ্যা কথা। বলে মকবুল। মমিনার বাপ। বলে, নতুন চর, যখন আমার জমির লপ্ত, তখন আমার স্বত্ব।

প্রথমে ঝগড়া-বচসা। তর্ক-বিতর্ক। মন কষাকষি। শত্রুতালি। পক্ষাপক্ষি।

দুপক্ষের জমিদার দুপক্ষের পিছে এসে দাঁড়াল। ঠিক করলে প্রজাদের দিয়ে মামলা বসিয়ে পরোক্ষভাবে নিজেদের স্বত্ব বর্তিয়ে নেবে। পিছনে থেকে উস্ক দেয় ঘন ঘন।

কিন্তু মামলা বসানো মদুখের কথা নয়। তার অনেক তোড়জোড় লাগে, অনেক কাঠখড়। অনেক দলিল-দাখিলা। বাদী হওয়া সুবিধে না বিবাদী হওয়া, এই নিয়ে সন্ধ্যা-পরামর্শ চলে। খালি দিন গোনে। চরে ঘাস গজায়। গজায় বনঝাউ।

একদিকে আদমপুর, অন্যদিকে ধুলেশ্বর। তারা আর অপেক্ষা করতে রাজী নয়। দেওয়ানি আদালতের ফেরফার আর গলিঘুজির মধ্যে তারা যেতে চায় না। তারা ল্যাজা-লাঠির তদারক করে। আমি আমি হব, বলে গফুরালি। মকবুল বলে, আমি আমি হব। লাঠিতে তেল মাখায়, ল্যাজার মখে শান পড়ে। শরু হয় বুঝি হামলা-হামলি।

পলিমাটি শস্ত হয়ে উঠেছে। ফলেছে উড়ি ধান। সমর্থ হয়ে উঠেছে আবাদের জন্যে। সাজ-সাজ রব পড়ে গেল দুদিকে। গাজী-গাজী। ঢাল-সড়কি, বর্শা-বল্লম ল্যাজালাঠি কেঁচা-টাঙ্গি দা-কুড়ুল দুদিকেই ঝকঝকিয়ে উঠল। চরের দখল নিয়ে বাধে বুঝি হাঙগামা।

আদমপুরের মোড়ল গফুরালি, ধুলেশ্বরের মোড়ল মকবুল। দুজনেরই হাল-হালুটি বিস্তর পাকা ভিতের উপর টিনের ঘর অনেকগুলি। তাঁবেদার লোক-লস্করের অভাব নেই। মোড়লে-মোড়লে ঝগড়া, কিন্তু দেখতে-দেখতে ছেয়ে পড়ল তামাম গ্রামে। এ-ও এককাটা, ও-ও এককাটা।

অকু হলে হোক। কুছ পরোয়া নেই। মারপিট, খুনোখুনি দাঙা ফ্যাসাদ। হয়ে যাক হয়-নয়। এসপার কি ওসপার। আগে থেকে পুঁলিশে এস্তেলা দেবে না কেউ। পরে জেল-ফাটক হয় তো হবে। স্বাীপান্তরেও রাজী। বৃকের মাংসের চেয়ে দামি যে জমি, সেই জমির চেয়ে মান বড়। স্বস্তের চেয়েও বড় হচ্ছে দখল।

উলু মাঠ ভেঙে চাষ শরু করে দিল জিন্নাত। লাঙল দিলেই খড় ভেঙে-ভেঙে যায়। মাটি ফেটে-ফেটে পড়ে। এক চাষ দিয়েছে, দুয়ারে-তিয়ারে দরকার নাই, আদমপুরের লোকেরা ছুটে এল দলে-দলে। পাখা-মেলা বাদুড়ের ঝাঁকের মতো।

গফুরালি হুকুম দিল, কোট-এলাকা বজায় রাখতে হবে। দখল যখন নিয়োছি একবার, বেদখল হতে পারব না। ও হটে গিয়ে আদালত করুক। থানায় গিয়ে এজাহার দিক। আমরা আমাদের গায়ের বস্ত্রের মতো জমি কামড়ে পড়ে থাকব।

উঠন্ত রোদ্রে বলসে উঠল অনেক পালিশ-করা শানানো লোঁহমুখ, উড়ল অনেক ধুলো মাটি ফিনিক দিয়ে ছুটল অনেক কাঁচা রক্তের তোড়। যার আতঁনাদ করার কথা সেও উম্মস্ত, ক্রুশ্ণ উল্লাস করছে। অস্ত ফেলে দিয়ে যার মাটি নেওয়ার কথা সেও লাথি ছুঁড়ে মারে। হেরে গেল গফুরালির

দল। ছোড়ভাঙ্গ হয়ে গেল দেখতে দেখতে। চম্পট দিল খাল-নালা সাঁতরে।
কিন্তু জিন্নাতালি ফিরল না।

জিন্নাতালি আটক পড়েছে শত্রুর কব্জার মধ্যে। আর ছাড়াছাড়ি নেই।
কয়েদ-খালাসী মোকদ্দমা করতে চাও তো করোগে, কিন্তু তার আগেই গুম
হয়ে যাবে।

মুচলেকা দাও, এই চর মকবুল মুছল্লির। দাও মনুস্তিপত্র। একটানা দখল
করতে দাও বারো বছর। রাজী হও তো ফিরিয়ে পাবে ছেলে। না হও তো
কচু কাটা করে ভাসিয়ে দেব দরিয়ায়।

হাতে পায়ে কোমরে দড়ি বাঁধা, জিন্নাত শূয়ে আছে লকড়ি-ঘরে। শূকনো
হোগলার উপর।

রাত গাহন ঝি-ঝি ডাকছে। জ্যেৎস্নায় মোছা-মোছা অন্ধকার।

হঠাৎ ঘুম ভেঙে গেল জিন্নাতের। তার জ্বরো কপালের উপর কার
মিঠে হাতের ছোঁয়া।

কে?

আমি গো আমি। মমিনা।

স্বপ্নের মিঠানিতে জ্বর জুড়িয়ে গেল গায়ের। যেন স্বপ্ন দেখছে, স্বপ্ন
শুনছে জিন্নাত।

জখম হয়েছে তোমার?

লাঠি লেগেছে ডান হাতে, বাঁ কাঁধের উপর। ব্যাথায় ছিঁড়ে পড়ছে
দুহাত। বেতাগী ল্যাজা ফসকে গেছে, বিঁধতে পারে নি বুকের মধ্যে।

এইখানেই লেগেছে? হাতের মিঠানি কপালের থেকে চলে আসে বাহুর
উপর।

এখন আর ব্যথা নেই। শূধু দড়ির বাঁধনটাই যা ফেলেছে বেকায়দায়।

সত্যি, সমস্ত জ্বর-জ্বালা, ব্যথা-বেদনা যেন সব উবে গিয়েছে এক পরশে।
ফুটন্ত গায়ের রক্ত ঝিমিয়ে পড়ল। চোখে লাগল যেন ঘুমের আমেজ। নতুন
ফোটা কদমের গন্ধ পাচ্ছে মৃদু-মৃদু। দড়ির গিট খুলে দিতে লাগল মমিনা।

এ করছ কি মমিনা, বাঁধন খুলে দিচ্ছ গা থেকে?

হ্যাঁ, ছোট-ছোট আঙুলে বিন্দু-বিন্দু স্পর্শের শিশির ঢেলে-ঢেলে মমিনা
বললে, এ বাঁধন যে আমাকেও বেঁধে আছে আন্টপন্টে। প্রথম রাতে

সদাঁর-চাঁইরা হস্তা-ফুঁতি করেছে। জ্বর দখল তো করেইছে, হাটিয়ে দিয়েছে বিপক্ষদের। তার উপরে কয়েদ করেছে ও দলের সাজোয়ানের ছেলে। কিন্তু আমি শুধু কেন্দেছি।

এ-কি, ছেড়ে দিচ্ছ আমাকে? জানতে পারলে তোমার কি সর্বনাশ হবে জানো?

জানতে পারবে না।

পারবে না মানে?

মানে জানতে পারলেও কিছুই করতে পারবে না আমার।

তা কি করে বলছ?

বলছি আমি ছাড়া পাব তোমার সঙ্গে।

তুমি?

হ্যাঁ, আমিও তোমার সঙ্গে চলে যাব।

চলে যাবে? কোথায়?

বল্লভপুরের কাজীর কাছে। জানো তো, কাজি কুরমান মোল্লা আমার খালদ। নদীর দুবাক পরেই বল্লভপুর।

সেখানে কি?

সেখানে গিয়ে কাজির দরবারে কাবিননামা রেজিস্ট্রি করব; তোমার সঙ্গে আমার সাদি হবে। তুমি দুলাহা আর আমি দুলাহিন। কথার মাঝে লজ্জা আর আনন্দের মিশেল। সাহস আর ব্যাকুলতার।

গায়ের রক্ত শিরশির করে উঠল জিহ্বাতের। বললে, তোমার বাপ-চাচা রাজী হবে?

না হোক। আমি তো আর নাবালগা নই যে অলি লাগবে বিয়েতে। আমি বালিগ হয়েছি গেল পৌষ মাসে। পনেরো বছর পেরিয়ে গেছি আমি। তা আমি সাবিদ করতে পারব। আমাদের বিয়ে তুড়তে পারবে না কেউ।

বিয়ে হবে আমাদের? ঘোর-ঘোর চোখে এখনো স্বপন দেখছে জিহ্বাত?

হ্যাঁ, তোমার খেদমতে থাকব চিরকাল। আমাদের বিয়ে হয়ে গেলেই ঝগড়া বিবাদ মিটে যাবে দু পক্ষের। যে চর আমার বাজান বলেছে আমার, আর তোমার বাজান বলেছে তার, সে চর তারা দুয়ে মিলে আমাদের দুজনকে দিয়ে দেবে। নাইয়ের ষেতে-আসতে হবে আমাকে, বাঁশের নড়বড়ে সাঁকো আবার শক্ত কাঠের পোল হয়ে উঠবে। দু গ্রামে ফিরে আসবে মিল-মহম্বত।

তা ছাড়া আমি তো আর পথ দেখি না। নইলে চিরকাল দৃ-দল কেবল মারামারি করবে? আমার মনের মানুষের গায়ে ঝরবে রক্ত আর আমার চোখে ঝরবে দরিয়ার পানি!

কি করে যাবে মমিনা? জিম্মাত উঠে বসল।

ঘাটে ডোঙা আছে মাছ ধরার। তাতে করে পালাব। কালো চোখে আলো জ্বলল মমিনার।

আমার হাত যে ভাঙা। নৌকো বাইবে কে?

আমি দাঁড় টানব। তুমি শূধু হালটা ধরে বসে থাকবে। পারবে না? পারব।

তবে চলো। নদীর নাম আঁধার মানিক। আঁধার থাকতে থাকতেই বেরিয়ে পড়ি।

দৃজনেই হস্ত হালকা পায়ে চলে এল নদীর পারে। বাদাম গাছের নিচে নৌকা বাঁধা। হালকা মেছো ডিঙি।

হাল-দাঁড় কই? জিগগেস করল জিম্মাত।

ও! বৃদ্ধে পেয়েছে মমিনা। সব আশা সোটা হয়েছে দাঙ্গার উরদিশে। বললে, তুমি একটু বোসো। উঠোনে মূলি-বাঁশ আছে, তাই দুটো নিয়ে আসি কুড়িয়ে। লগি ঠেলে-ঠেলে চলে যাব দৃজনে। তুমি যদি না পার আমি একা বাইব। ভাটির নদী তরতরিয়ে বয়ে যাবে। মমিনা ফিরে গেল।

এমনি করেই বৃদ্ধি সমাধান হবে, এত সব হাঙ্গামা-হুজুতের, আক্রোশ-আক্রমণের! একটা মেয়েকে বিয়ে করে! ঘরের বিবি বানিয়ে। এত হুড়-দঙ্গল, কলহ-কোন্দল, চোট-জখম, এত রক্তপাত—সব এমনি করে রফানিস্পত্তি হয়ে যাবে। এমনিভাবে ভুলে যেতে হবে হার-মার, ঘায়ে মলম লাগাতে হবে মোলাম করে। বাজানকে গিয়ে বলবে, মোল্লার কাছে কেতাব-কলমা পড়ে এসেছি আমরা, এবার ছোলেনামা দাখিল করে দাও আদালতে।

সে না মরদের বাচ্চা?

কিন্তু উপায় কি। এ যে একটা মেয়ে নয় খালি এ যে মমিনা। নদীর নামে তারও নাম। সে যে আঁধারমানিক।

ছোট দেখে দুটো হালকা বাঁশ নিয়ে এল মমিনা। এসে দেখে জিম্মাত নেই, ডোঙাও নেই। দৃ হাতে জল কেটে-কেটে বেরিয়ে গেছে সে অনেক দূরে। ঐ দেখা যায়।

ভাঙা চাঁদা ডুবে গেল পশ্চিমে। মমিনা তাড়াতাড়ি চলে এসে তার ছাড়া
বিছানায় শুয়ে পড়ল। বেড়ার ফাঁক দিয়ে নদীর আভাস দেখা যায় বাপসা-
বাপসা। অন্ধকারে অধারমানিকের দিকে চেয়ে থেকে ভাবতে লাগল, জিন্মাতের
দু হাতে হঠাৎ এত জোর এল কি করে?

ভিন্নশী

সকলের মূখের উপর সটান বলে বসলুম : বিয়ে যখন আমিই করছি, মেয়েও আমিই দেখতে যাব। তোমরা সব পছন্দ করে এলে পরে আমি গিয়ে হয়কে নয় করে দিয়ে এলুম—সেটা কোনো কাজের কথা নয়। মাথার দিকে হোক, ল্যাজের দিকে হোক, পাঁঠাটা যখন আমার, আমাকেই কাটতে দাও। যা থাকে কপালে আর যা করেন কালী।

প্রস্তাবটায় কেউ আপত্তি করলে না। তার প্রধান কারণ আমি চাকরি করছি, আর সেটা বেশ মোটা চাকরি।

বাবা দিন ও সময় দেখে দিলেন, আমার মামাতো ভাই রাধেশ আমার সঙ্গে চলল।

বলা বহুলতরো হবে, সেদিনের সাজগোজের ঘটনা আমার পক্ষে একটু প্রশস্তই হয়ে পড়েছিল। ইদানীং বিয়ের কথাবার্তা হিচ্ছিল বলে আমি আমার কৌচার ঝুলটা পঞ্চাশ-ইঞ্চিতে নামিয়ে এনেছিলাম কিন্তু সেদিন যেন পঞ্চাশ ইঞ্চিতেও আমার পায়ের পাতা ঢাকা পড়েছিল না। চাকরকে বিশ্বাস নেই, জুতোয় নিজেই বদরুশ করতে বসলাম। এবং রাধেশ যখন আমাকে তাড়া দিতে এল, দেখলাম মূখটা নির্মূল নির্মূল করে এক মুঠো কিউটিকুরা ঘষে আমি তার ছায়ায় এসেও দাঁড়াতে পারি নি।

ব্যাপারটা নির্জলা ব্যবসাদারি, তবু মনে নতুন একটা নেশার আবেশ আসছিল। বলতে গেলে, বইয়ের থেকে মূখ তুলে সেই আমার প্রথম বাইরের দিকে তাকানো। শরীরে মনে এত সচেতন হয়ে জীবনে এর আগে কোনোদিন কোনো মেয়ের মূখ দেখেছি বলে মনে পড়ে না। বিয়ে করব এই ঘটনাটার মধ্যে তত চমক নেই, কিন্তু মূখ ফুটে একবার একটি 'হাঁ' বললেই এত বড়ো পৃথিবীর কে-একটি অপরিচিতা মেয়ে এক নিমেষে আমার একান্ত হয়ে উঠবে—এটাই নিদারুণ চমৎকার লাগছিল। আমি ইচ্ছে করলেই তাকে সঙ্গে করে আমার বাড়ি নিয়ে আসতে পারি, কারুর কিছু বলবার নেই, বাধা দেবার নেই। অহরহই তো আমরা 'না' বলছি কিন্তু সাহস করে একবার 'হাঁ' বলতে পারলেই সে আমার।

গ্রহ-নক্ষত্রদের চক্রান্তে অশ্ব, অভিভূত হয়ে রাধেশের সঙ্গে কালীঘাটের দ্র্যাম ধরলুম।

ভাগ্যিস রাধেশ গোড়াতেই আমাকে কন্যাপক্ষীয়দের কাছে চিহ্নিত করে দিয়েছিল, নইলে তার সাজগোজের যে বহর তাকেই তাঁরা পাত্র বলে মনে করতেন, অন্তত মনে করতে পারলে সুখী যে হতেন তাতে সন্দেহ নেই। তবে পদ্রুঘের শোভাই নাকি তার চাকরি সেই ভরসায় রাধেশের ভ্রাতৃভক্তিকে ভূয়সী স্তুতি করতে-করতে ভদ্রলোকদের সঙ্গে দোতলায় উঠে এলুম।

যবনিকা কখন উঠে গেছে, রংগমণ্ডে আমাদের আবির্ভাব হল। প্রকাশড ঘরটা যেন রুদ্ধশ্বাস নিঃশব্দতায় পাথর হয়ে আছে। মেঝের উপর ঢালা ফরাস, তারই মাঝখানে ছোট একটি চেয়ার। টিপয়ের উপর কড়া ইস্তির ফর্সা একটি ঢাকনি : একপাশে দোয়াত-দানিতে কালি-কলম, অন্যদিকে স্তপীকৃত কতক-গদুলো বই। ওধারে লম্বাটে একটা খালি টেবিলের দ্বাধারে যে অবস্থায় মৃদুখোমৃদুখ কথানা চেয়ার সাজিয়ে রাখা হয়েছে, মনে হল, ওখানে উঠে গিয়েই আমাদের মিষ্টিমুখ করবার অবশ্যকর্তব্যটা পালন করতে হবে। মনে হল, রিহার্স্যাল দিয়ে-দিয়ে ভদ্রলোকদের পার্টগদুলি আগাগোড়া মৃদুস্থ।

টিপয়টার দিকে মৃদু করে পাশাপাশি দ্বখানা চেয়ারে দ্বজন বসলুম।

অভিনয় দেখবার জন্যে দর্শকের, সত্যি করে বলা যাক, দর্শকার অভাব দেখলুম না। জানলার আনাচে-কানাচে মেয়েদের চোখের ও আঙুলের সস্কৃত-গদুলি রাধেশের প্রতি এমন অজস্র ও অব্যাহত হয়ে উঠতে লাগল যে হাতে নেহাত চাকরিটা না থাকলে তাকে জায়গা ছেড়ে সটান বাড়ি চলে যেতুম। রাধেশ যে বছর দুয়েক ধরে বি-এ পরীক্ষায় খাবি খাচ্ছে সেইটেই আমার পক্ষে একটা প্রকাশড বাঁচোয়া।

হ্যাঁ, মেয়েটি তো এখন এসে গেলেই পারে। ভদ্রলোকের সঙ্গে প্রাথমিক কথাবার্তা সেরে কখন থেকে হাঁ করে বসে আছি।

চক্ষু থেকে শ্রবণেন্দ্রিয়টাই এখন দ্রুত ও তীক্ষ্ণ কাজ করছে। অস্পষ্ট করে অনুভব করলুম পাশের ঘরেই মেয়ে সাজানো হচ্ছে—বিস্তৃত শাড়ির খশখশ ও চুড়ির টুকরো-টুকরো টং-টাং আমার মনে নতুন বৃষ্টির শব্দের মতো বিবশ একটা তন্দ্রার কুয়াশা এনে দিচ্ছিল। তার সঙ্গে অনেকগদুলো চাপা কণ্ঠের অনুন্নয় ও তারো অনুচ্চারিত গভীরে কার যেন রঙিন খানিকটা লজ্জা। সেই লজ্জা গায়ের উপর স্পর্শের মতো স্পষ্ট টের পেলুম।

রাধেশের কনুইয়ের উপর অলক্ষ্যে একটা চিমটি কাটতে হল।

কস্জির ঘাড়ের দিকে চেয়ে ক্লান্ত হয়ে রাধেশ বললে—বন্ড দেবির হয়ে যাচ্ছে। সাড়ে নটা পর্যন্ত ভালো সময়।

তাড়া খেয়ে ভদ্রলোকদের একজন অন্তঃপুরে প্রবেশ করলেন। ফিরতে তাঁর দেবির হল না; বললেন : এই আসছে।

এবং নতুন করে প্রস্তুত হবার আগেই মেয়েটি ঢুকে পড়ল। ঠিক এল বলতে পারি না, যেন উদয় হল। অনেকক্ষণ বসে থাকার জন্যে ভিগাটা শিথিল, ক্লান্ত হয়ে এসেছিল, তাকে যথেষ্ট রকম ভদ্র করে তোলবার পর্যন্ত সময় পেলুম না। সবিষ্ময়ে রাধেশের মূখের দিকে তাকালুম।

দেখলুম রাধেশের মূখ প্রসন্নতায় বিশেষ কোমল হয়ে আসে নি। তা না। আসলুম, আমি কিন্তু এক বিষয়ে পরম নিশ্চিন্ত হলাম। আর যাই হোক, মেয়েটি রাধেশের যোগ্য নয়। আর যাই থাক বা না-থাক মেয়েটির বয়েস আছে।

টিপয়ের সামনের চেয়ারটা একেবারে লক্ষ্যই না করে মেয়েটি ফরাসের এক-কোণে হাঁটু মূড়ে বসে পড়ল। তার আসা ও বসার এই স্বরাটা একটা দেখবার জিনিস। তার শরীরে লজ্জার এতটুকু একটা দুর্বল আঁচড় কোথাও দেখলাম না। প্রাণশক্তি উজ্জ্বল, চঞ্চল সেই শরীর একপাত নিষ্ঠুর ইম্পাতের মতো ঝকঝক করছে। কোনো কিছকেই যেন সে আমলে আনছে না, সব কিছুর উপরেই সে সমান উদাসীন।

বুখাই এতক্ষণ উৎকর্ণ হয়ে তার সাজগোজের শব্দ শুনছিলুম, আমার জীবনের আজকের ভোরবেলাটির মতোই মেয়েটি একান্ত পরিচ্ছন্ন, বোধহয় বা বিষাদে একটু ধূসর। পরনে আটপোরে একখানি শাড়ি, খাটো আঁচলে দুই কাঁধ ঢাকা, হাতে দু-এক টুকরো ঘরোয়া গয়না, কালকের রাতের শূকনো খোঁপাটা ঘাড়ের উপর এখন অবসন্ন হয়ে পড়েছে। এই তো তাকে দেখবার। এঁড়িয়ে এসেছে সে সব আয়োজন, ঠেলে ফেলে দিয়েছে সব উপকরণের বোঝা : সে যা, তাই সে হতে পারলে যেন বাঁচে। কিন্তু কেন এই ঔদাস্য? মনে-মনে হাসলাম। আমি ইচ্ছে করলে এক মূহুর্তে তার এই বিষাদের মেঘ উড়িয়ে নিয়ে যেতে পারি। আর তাকে লোলুপদৃষ্টি পুরুষের সামনে রূপের পরীক্ষা দিতে এসে ক্লান্ত, বিরক্ত, কলুষিত হতে হয় না।

গায়ের রঙটা যে রাধেশের পছন্দ হয় নি তা প্রথমেই তার মূখ দেখে অনুমান করেছিলুম। বিনয় করে লাভ নেই, মেয়েটি দস্তুরমতো কালো। চামড়ার

তারতম্য-বিচারের বেলায় এমন রঙকে আমরা সাধারণত কালোই বলে থাকি। শূন্য ভাষায় শ্যামবর্ণ বলতে পারো বটে, কিন্তু টুইডলডাম ও টুইডলডিতে কোনো তফাত নেই।

ভদ্রলোকের পার্ট সব মৃৎস্থ। একজন অযাচিত বলে বসলেন : এমনিতে গায়ের রঙ ওর বেশ ফর্সা, কিন্তু পুরীতে চেঞ্জ গিয়ে সমুদ্রে স্নান করে-করে এমনি কালো হয়ে এসেছে।

কিন্তু, মনে-মনে ভাবলুম, এর জন্যে এত জবাবদিহি কেন? মেয়েরা যেমন শূন্য আমাদের অর্থোপার্জনের দৌড় দেখছে, তাদের বেলায় আমরাও কি তেমন শূন্য তাদের চামড়ার বুনট দেখব?

ভদ্রলোকের একজন আমাকে অনুরোধ করলেন : কিছ্ জিগগেস করুন না।

একবারে অথই জলে পড়লুম। এমন একখানা ভাব করলুম যেন আমাকেই যদি আলাপ করতে হয় তবে ঘরে রাজ্যের এত লোক কেন?

ভদ্রলোকদের আরেকজন টিপয় থেকে একটা বই তুলে বললেন—কিছ্ পড়ে শোনাবে?

আমার কিছ্ বলবার আগেই রাধেশ এগিয়ে এল : না। ফাস্ট ডিভিশনে যে ম্যাট্রিক পাশ কবেছে তাকে পড়াশুনার বিষয় কিছ্ প্রশ্ন করাটাই অবান্তর হবে। চেয়ারের মধ্যে রাধেশ উশখুশ করে উঠল, গলাটা খাঁখরে মেয়েটিকে জিগগেস করলে : তোমার নাম কি?

কী আশ্চর্য প্রশ্ন! ম্যাট্রিক পাশের খবর পেয়েও তার নামটা কিনা সে জেনে রাখে নি।

দেয়ালের দিকে মৃৎ করে মেয়েটি নির্লিপ্ত গলায় বললে,—সুমিতা ঘোষ।

মনের মধ্যে যুগপৎ দুটো ভাব খেলে গেল। প্রথমত, দিন কয়েক পরে নাম বলতে গিয়ে দেখবে তার ঘোষ কখন আমারই মিত্র হয়ে উঠেছে—দেহ-মনে এমন কি নামে পর্যন্ত তার সে কী অদ্ভুত পরিবর্তন। দ্বিতীয়ত, রাধেশের এই ইয়ার্কি আমি বার করব। তার মাস্টারের এই সম্মানিত, উদ্ধত ভঙ্গিটা যদি সুমিতার গায়ের কাছে প্রণামে না নরম করে আনতে পারি তো কী বলছি!

আলাপের দরজা খোলা পেয়ে রাধেশের সাহস যেন আরো বেড়ে গেল। বললে,—খবরের কাগজ পড়ো?

সুমিতা চোখ নামিয়ে গম্ভীর গলায় বললে—মাঝে-মাঝে।

তব্দ রাধেশের নিলজ্জতার সীমা নেই। জিগগেস করলে : বাঙলা গভর্নমেন্টের চিফ সেক্রেটারির নম বলতে পারো?

ভুরু দুটি কুটিল করে সন্মিতা বললে,—না।

—উনিশ শো বাইশে গয়ায় যে কংগ্রেস হয়েছিল তার প্রেসিডেন্ট কে ছিল?

সন্মিতা স্পষ্ট বললে,—জানি না।

রাধেশের তব্দ কী নিদারুণ আত্মপর্থা! জিগগেস করলে : আম্মালায়ে যে একটা নতুন ইউনিভার্সিটি হয়েছে তার খবর রাখো? জায়গাটা কোথায়?

সন্মিতা বললে,—কী করে বলব?

রাধেশ যেন তার দু-বছরের পরীক্ষা-পাশের অক্ষমতার শোধ নেবার জন্যে মরিয়া হয়ে উঠেছে। সেখানে বসে তার কান মলে দেয়া সম্ভব ছিল না, গোপনে আরেকটা চিমটি কেটে তাকে নিরস্ত করলুম।

সত্যিকারের দেখাটা মানুষের সদীর্ঘ উপস্থিতিতে নয়, তার আকস্মিক আবির্ভাবে ও অন্তর্ধানে। সন্মিতাকে তাই লক্ষ্য করে বললুম,—এবার তুমি যেতে পারো।

যা ভেবেছিলুম তাই, তার সেই শরীরের নিব্বরিণীতে ভগ্নদূর বিশীর্ণ কটি রেখা মৃদুস্তির চঞ্চলতায় ঝিকমিক করে উঠল। বসার থেকে তার সেই হঠাৎ দাঁড়ানোর মাঝে গতির যে তীক্ষ্ণ একটা দ্যুতি ছিল তা নিমেষে আমার দৃষ্টোৎক্রে যেন পিপাসিত করে তুললে। সন্মিতা আর এক মূহূর্তও স্থিতি করল না, যেন এখান থেকে পালাতে পারলে বাঁচে, এমনি তাড়াতাড়ি পিঠের সংক্ষিপ্ত আঁচলটা মৃদুস্তিতে আলদুলায়িত করে ঘর থেকে বেরিয়ে গেল। ঠিক চলে গেল বলতে পারি না, যেন গেল নিবে, গেল হারিয়ে।

মনে মনে হাসলুম। দিন কয়েক নেহাত আগে হয়ে পড়ে, নইলে ঐ তার পাখির পাখার মতো মৃদুস্তিতে বিস্ফারিত উদ্ভূত আঁচলটা মৃদুস্তিতে চেপে ধরে অনায়াসে তাকে স্তব্ধ করে দিতে পারতুম, কিংবা আমিও যেতে পারতুম তার পিছদ-পিছদ। আজ যে এত বিমূখ, সে-ই একদিন অব্যবহিত, অজস্র হয়ে উঠবে ভারতেও কেমন একটা মজা লাগছে। যে আজ পালাতে পারলে বাঁচে, সে-ই একদিন আমার কণ্ঠতট থেকে তার বাহুর ঢেউ দুটিকে শিথিল করতে চাইবে না।

আমি যেন ঠিক তাকে চলে যেতে বললুম না তাড়িয়ে দিলুম—ভদ্রলোকের দল চিন্তিত হয়ে উঠলেন। একজন বললেন—অন্তত গানটা ওর শুনতেন। স্কুলে ও উপাধি পেয়েছে গীতোম্মিমালিনী।

আরেকজন বললেন—এই দেখুন ওর সব সেলাই। স্কার্ফ, মাফলার, টেপেস্ট্রি—যা চান।

আরেকজন যোগ করে দিলেন : অন্তত ওর হাতের লেখার নমুনাটা একবার—
রুমাল দিয়ে ঘাড়টা সবলে রগড়াতে-রগড়াতে বললুম,—কোনো দরকার নেই।
এমনিতেই আমার বেশ পছন্দ হয়েছে।

রাধেশের মুখের দিকে চেয়ে দেখলুম, তার চেয়ে তার পিঠে একটা ছুরি
আমূল বসিয়ে দিলেও যেন সে বেশি আরাম পেত।

পুরাঙ্গনারা, যারা এখানে-ওখানে উর্পিক-ঝুঁকি মারছিল, সমমুহুর্তে সবাই
কলধ্বনিত হয়ে উঠল। তার মাঝে স্পষ্ট অনভব করলুম একজনের সুন্দর
স্তম্ভতা।

তারপর শব্দ হল ভোজনের বিরাম রাজসূয়। এত বড়ো একটা ভোজের
চেহারা দেখেও রাধেশের মুখ উজ্জ্বল হয়ে উঠল না।

আমি যে কী ভীষণ উজবুদ্ধ ও আনাড়ি। বাড়িতে ফিরে রাধেশ সেইটেই
সাবাস্ত করতে উঠে-পড়ে লেগে গেছে। এক কথায় মেয়ে পছন্দ করে এলুম,
অথচ খোঁপা খুলে না দেখলুম তার চুলের দীর্ঘতা, না বা দেখলুম হাঁটুয়ে তার
লীলা-চাপল্য। সামান্য একটা হাতের লেখা পর্যন্ত তার নিয়ে আসি নি।

—তারপর, রাধেশ মুখ টিপে হাসতে লাগল : এমন তাড়াতাড়ি ভাগিয়ে
দিলে যে মেয়েটার চোখ দুটো পর্যন্ত ভালো করে দেখতে পেলুম না। দেখবার
মধ্যে দেখলুম শব্দ একখানা গায়ের রঙ।

বাড়ির মহিলারা ব্যস্ত হয়ে উঠলেন : কী রকম? আমাদের মিনির মতো
হবে?

রাধেশের একবিন্দু মায়া-দয়া নেই, অভদ্র, রুঢ় গলায় বললে,—
ম্যাপলোজটিক্যালও নয়।—আমাদের মিনি তো তার তুলনায় দেবী।

আমার রুচিকে কেউ প্রশংসা করতে পারল না। বাড়ির মহিলারা, যারা
তাদের যৌবদশায় এমনি বহুতর পরীক্ষার ব্যহ ভেদ করে অবশেষে আমাদের
বাড়িতে এসে বহাল হয়েছেন, টিম্পনী কাটতে লাগলেন : এমন মেয়ে-কাঙাল
পুরুষ তো কখনো দেখি নি বাপু। এমন কী দুর্ভিক্ষ হয়েছে যে খাদ্যাখাদ্যের
আর বাছবিচার করতে হবে না। সাথে কি আর পাত্রকে গিয়ে নিজের জন্যে
মেয়ে দেখতে দেয়া হয় না? ডবকা বয়সের একটা যেমন-তেমন মেয়ে দেখলেই
কি এমনিধারা রাশ ছেড়ে দিতে হয় গা?

প্রশ্ন পেয়ে রাধেশ তার রসনাকে আরো খানিকটা আলগা করে দিল : মা হয়তো বা কোনোরকমে পার হলেন, কিন্তু তাঁর মেয়েদের আর গতি হচ্ছে না, এ আমি তোমাদের আগে থাকতে বলে রাখছি।

সে অপরিচিতা মেয়েটির হয়ে শূদ্ধ আমি একা লড়াই করতে লাগলাম। তাকে পছন্দ না করে যে আর কী করতে পারি কিছুই আমি ভেবে পেলুম না। আমার চোখ না থাক, অস্তত চক্ষু লজ্জা তো আছে।

মা প্রবল প্রতিবাদ শূদ্ধ করলেন : কালো বলেই ওরা অতো টাকা দিতে চায়। কিন্তু তোর টাকার কী ভাবনা? আমি তোর জন্যে টুকটুকে বৌ এনে দেব।

হেসে বললাম,—টাকা অবিশ্য আমি ছেড়ে দেব, মা, কিন্তু মেয়েটিকে ছাড়তে পারব না। তাকে যখন আমি দেখতে গেছলাম, তখন তাকে বিয়ে করব বলেই দেখতে গেছলাম। একটি মেয়েকে তেমন আত্মীয়তার চোখে একবার দেখে তাকে আমি কিছুতেই আর ফেরাতে পারব না। তোমরা তাকে পরীক্ষা করতে পারো, কিন্তু আমার শূদ্ধ পছন্দ করবার কথা।

এই যে আমার কী এক অন্যায় খেলা, আমার মস্তিস্কের সুস্থতা সম্বন্ধে সবাই সন্দেহান হয়ে উঠল। কিন্তু বাবা আমাকে রক্ষা করলেন। বললেন : ওর যখন ওখানেই মত হয়েছে, তখন ওখানেই ওর বিয়ে হবে।

তোমরা ঠাট্টা করতে পারো, কিন্তু বলতে আমার বিশ্বাস নেই সন্মিতাকে আমি ভালোবেসে ফেলছি। কথাটা একটু হয়তো রুঢ় শোনাচ্ছে, কিন্তু ভালো লাগার একটা বিশেষ অবস্থার নামই কি ভালোবাসা নয়? তাকে এত ভালো লেগেছে যে তার সমস্ত হৃদয়, সমস্ত অসম্পূর্ণতা সত্ত্বেও তাকে আমি বিয়ে করতে চাই, এইটাই কি আমার ভালোবাসার প্রমাণ নয়?

সন্মিতা কালো এবং তাঁর জন্যে সমস্ত সংসার প্রতিকূলতা করছে, মনে হল, এ-ব্যাপারে সেইটেই আমার কাছে প্রধান আকর্ষণ। সন্মিতাকে যে আমি এই অপমান থেকে রক্ষা করতে পারব সেইটেই আমার পদ্রুপ।

বাবা দিন-রক্ষণ ঠিক করে ওদের চিঠি লিখে দিলেন।

পাশাপাশি সে কটা দিন-রাত্রি আমার একটানা একটা তন্দ্রার মধ্যে দিয়ে কেটে গেল। কে কোথাকার একটি অচেনা মেয়ে পৃথিবীর অগণন জনতার মধ্যে থেকে হঠাৎ একদিন আমার পাশে এসে দাঁড়াবে তাঁর বিস্ময়ের রহস্যে মদহত-গদালি আচ্ছন্ন হয়ে উঠল। তার জীবনের এতগুলি দিন শূদ্ধ আমারই

জীবনের একটি দিনকে লক্ষ্য করে তার শরীরে-মনে স্তূপে-স্তূপে সঞ্চিত হয়ে উঠেছে। পদুরীতে যখন সে সমুদ্রে ডুব দিত, তখনো সে ভাবে নি তীরে তার জন্য কে বসে আছে। ঘটনাটা এমন নতুন, এমন অপ্রত্যাশিত যে কল্পনায় অসুস্থ হয়ে উঠতে লাগলুম। কাজের আবর্তে মনকে যতোই ফেনিল করে তুলতে চাইলুম, ততোই যেন অবসাদের আর কূল খুঁজে পেলুম না।

হয়তো সন্মিতারো মনে এমনি দক্ষিণ থেকে হাওয়া দিয়েছে। বাইরে থেকে কে কোথাকার এক অহঙ্কারী পদ্রুপ নিমেষে তার অন্তরের অঙ্গ হয়ে উঠবে এর বিস্ময় তাকেও করেছে মদহ্যমান। হয়তো সেদিনের পর থেকে তার চোখের দীর্ঘ দূই পল্লবে কপোলের উপর ক্ষণে-ক্ষণে লজ্জার শীতল একটু ছায়া পড়ছে, হয়তো আয়নাতে চুল বাঁধবার সময় তার শূদ্র সীমন্তরেখাটির দিকে চেয়ে সে একটি নিশ্বাস ফেলছে, হয়তো আমার মতো রাতের অনেকক্ষণ সে ঘুমুতে পারছে না।

বলা বাহুল্য, নইলে এ কাহিনী লেখার কোনো দরকার হত না, সন্মিতার সঙ্গে আমার বিয়েটা শেষ পর্যন্ত ঘটে ওঠে নি।

কেন ওঠে নি, সেইটেই এখন বলতে হবে।

বাবা সাংগোপাঙ্গ নিয়ে মেয়েকে পাকা দেখতে বেরোবেন, সকালবেলার ডাক এসে হাজির। আমারই নামে খামে মোটা একটা চিঠি। মোড়কটা ক্ষিপ্ৰহাতে খুলে ফেলে নিচে নাম দেখলুম : সন্মিতা।

বলতে বাধা নেই, সেই মদহ্যতটা আনন্দে একেবারে বিহবল হয়ে গেলুম। বিয়ের আগে এমন একখানি চিঠি যেন বিধাতার আশীর্বাদ।

তারপরে লুকিয়ে একটা জায়গা বেছে নিয়ে বসে গেলুম চিঠিটা পড়তে। মেয়ের চিঠি, তাই চিঠিটা একটু বিস্তারিত। সন্মিতা লিখছে :

মান্যবরেষ,

আপনাকে চিঠি লিখছি দেখে নিশ্চয়ই খুব অবাক হবেন, কিন্তু চিঠি না লেখা ছাড়া সত্যি আর আমার কোনো উপায় নেই। রক্ততা মার্জনা করবেন এই আশা করেই চিঠি লিখছি।

আপনি যে আমাকে পছন্দ করবেন, কেউই যে আমাকে এইভাবে পছন্দ করতে পারে, একথা আমি ঘুণাক্ষরেও ভাবতে পারি নি। আপনার আগে আরো অনেকের কাছে আমাকে রূপের পরীক্ষা দিতে হয়েছিল, কিন্তু সব জায়গাতেই আমি সসম্মানে ফেল করে বেঁচে গিয়েছিলাম। শূদ্ধ আপনিই আমাকে এই অভাবনীয় বিপদে ফেললেন। ক্ষতিপূরণস্বরূপ ভয়াবহ একটা টাকা পর্যন্ত দাবি করলেন না। সব দিক থেকেই আমার পালাবার পথ বন্ধ করে দিলেন। এর আগে আর কাউকে চিঠি লেখার আমার দরকার হয় নি, একমাত্র আপনাকে লিখতে হল। জানি আপনি মহানুভব, তাই আমি এত সাহস দেখাতে সাহস পেলুম।

আপনি আমাকে মুক্তি দিন, এই বিপদ থেকে আপনি আমাকে উদ্ধার করুন। বিয়ে করে নয়, বিয়ে না করে। পরিবারের সঙ্গে সংগ্রাম করে-করে আমি ক্লান্ত, প্রায় পগুদ হয়ে পড়েছি—কী যে আমি করতে পারি, কোনোদিকে পথ খুঁজে পাচ্ছি না। জানি এই ক্ষেত্রে আপনিই শূদ্ধ আমাকে বাঁচাতে পারেন, তাই কোনোদিকে না চেয়ে শেষকালে আপনার কাছেই ছুটে এসেছি।

কেন বিয়ে করতে চাই না, তার একটা স্থূল, স্পর্শসহ কারণ না পেলে আপনি অশ্বস্ত হবেন না জানি। সে কারণ আপনাকে জানাতে আমার সঙ্কেচ নেই।

আমি একজনকে ভালোবাসি—কথাটা মাত্র লিখে আমি তার গভীরতা বোঝাতে পারব না। তার জন্যে আমাকে আরো কিছুকাল অপেক্ষা করতে হবে, যতোদিন না সে নিজের পায়ের উপর দাঁড়াতে পারে, ততোদিন, তার জন্যে, আমাকে নানা কৌশল করে এই সব ষড়যন্ত্র পার হতে হচ্ছে। রূপের পরীক্ষার চাইতেও সে কী কঠিনতর সাধনা।

আশা করি, আপনি একজন উচ্চশিক্ষিত ভদ্রলোক, আপনার কাছে আমি সহানুভূতি না পেলেও করুণা পাব। আমার এই অসহায় প্রেমকে আপনি মার্জনা করুন। একজন বন্দিদনী বাঙালী মেয়ে আপনার কাছে তার প্রেমের পরমায়ু ভিক্ষা করছে।

তবু এততেও যদি আপনি নিরস্ত না হন তো আমার পরিণাম যে কী হবে আমি ভাবতে পারছি না। ইতি।

বিনীতা
সুদামিতা

চিঠি পড়ে প্রথম কিন্তু মনে হল সন্মিতার হাতের লেখাটি ভারি সুন্দর লাইন কটি সোজা ও পাশাপাশি দড়টো লাইনের অন্তরালগুলি সমান। বানান-গুলি নিভুল, এবং দস্তুরমতো কমা, দাঁড়ি ও প্যারাগ্রাফ বজায় রেখে চিঠি লেখে। তার উপর শ্রদ্ধা আমার চতুর্গুণ বেড়ে গেল এবং যে-পাত্রী আমি মনোনীত করেছি সে যে নেহাত একটা যা-তা মেয়ে নয়, সে-কথাটা বাড়ির মহিলাদের কাছে সদ্য-সদ্য প্রমাণ করতে এ-চিঠিটা তাঁদেরকে দেখাবার জন্যে পা বাড়ালুম।

কিন্তু পরমুহুর্তেই মনে পড়ল, তার চিঠির কথা নয়, চিঠির ভিতরকার কথা। সুখ হল না দুঃখ হল চেতনাটার ঠিক স্বাদ বদললুম না। খানিকক্ষণ স্তম্ভিতের মতো সামনের দিকে তাকিয়ে রইলুম।

ওদিকে বাবা দলবল নিয়ে প্রায় বেরিয়ে যাচ্ছেন। তাড়াতাড়ি চোখ-কান বুজে তাঁর কাছে ছুটে গেলুম। বললুম,—থাক, ওখানে গিয়ে আর কাজ নেই। ও-মেয়ে আমি বিয়ে করব না।

বাবা তো প্রায় আকাশ থেকে পড়লেন : সে কী কথা?

—হ্যাঁ, আমি আমার মত বদলোঁছি।

সে একটা বীভৎস কেলেকারিই হল বলতে হবে, কিন্তু সন্মিতার জন্যে সব আমি অক্লেশে সহ্য করতে পারব।

কথাটা দেখতে-দেখতে ছিড়িয়ে পড়ল। সবাই আমাকে আশ্টেপৃষ্ঠে ছেঁকে ধরলে : মত বদলাবার কারণ কী?

হাসবে না কাঁদবে কেউ কিছুর ভেবে পেল না। বললে,—বা, এই কালো জেনেই তো এত তড়পেঁছিলি! এই কালোই তো ছিল ওর বিশেষণ!

কী যুক্তি দেব ভেবে পাচ্ছিলুম না। বললুম,—বিয়েতে আমার টাকা চাই।

—বেশ ছেলে যা হোক বাবা। তুইই না বলতিস বিয়েতে টাকা নেয়ার চাইতে গণিকাবৃত্তিতে বেশি সাধুতা আছে। ভদ্রলোকদের কথা দিয়ে এখন পিঁছিয়ে যাবার মানে কী?

বললুম,—বেশ তো, তাঁদের অকারণ মনস্তাপের দরুন না হয় যথাযোগ্য খেসারত দেয়া যাবে।

সবাই বিদ্রূপ করে উঠল : এদিকে পণ নিয়ে বিয়ে করবার মতলব, ওদিকে গরচা খেসারত দেয়া হচ্ছে। মাথা তোর বিগড়ে গেল নাকি?

কিন্তু এদের পাঁচজনকে আমি কী বলে বোঝাই? শুধু নিজের মনকে

নিভুতে ডেকে নিয়ে গিয়ে চুপি-চুপি বোঝাতে পারি : সন্মিতাকে আমি ভালোবেসেছি।

সন্মিতাকে আমি ভালোবেসেছি, নিশ্চয়, ভালোবেসেছি তার ঐ প্রেম। তাই, তাকে অপমান করি, আমার সাধ্য কী! তাকে যে আমার কেন এত পছন্দ হয়েছিল, এ কথা এখন কে বুঝবে?

আমার সঙ্গে তার বিয়ের সম্ভাবনাটা সমূলে ভেঙে দিলুম। নিরীহ একটি মেয়ের অকারণ সর্বনাশ করছি বলে চারিদিক থেকে একটা নিদারুণ খিঙ্কার উঠল, কিন্তু আমি জানি, ঈশ্বর জানেন, আমার এই আত্মবিলোপের অন্তরালে কার একখানি বেদনায় সুন্দর মৃদু সুখে উদ্ভাসিত হয়ে উঠেছে। কাউকে ভালো না বাসলে আমরা কখনো এতখানি স্বার্থ ত্যাগ করতে পারি না। সন্মিতাকে এত ভালোবেসেছিলাম বলেই তার জন্যে নিজের এত বড়ো ঐশ্বর্য অনায়াসে ছেড়ে দিয়ে এলুম। আমার ত্যাগ তার প্রেমের মতোই মহান হয়ে উঠুক।

প্রাগবিচার করা বৃথা, জীবনে সত্যিই সন্মিতা সুখী হতে পারবে কিনা; কিন্তু প্রেমের কাছে সুখের কল্পনাটা সূর্যের কাছে দেয়াশলাইয়ের একটা কাঠি। তার সেই প্রেমকে জায়গা ছেড়ে দিতে আমি আমার ছোটো সুখ নিয়ে ফিরে এলুম।

তারপর বছর তিনেক কেটে গেছে, আমি বারাসত থেকে দুবরাজপুরে বদলি হয়ে এসেছি।

বলা বাহুল্য, ইতিমধ্যে আমার বৈবাহিক ব্যাপারটা সম্পন্ন হয়ে গেছে, এবং এবার অতি নির্বিষে। বলা বাহুল্য, এবার আমি নিজের আর মেয়ে দেখতে যাই নি, মা তাঁর কথামতো দিবা একটি টুকটুকে বোঁ এনে দিয়েছেন। নিতান্ত স্ত্রী বলেই তাঁর সম্বন্ধে বিশেষ উৎসাহিত হতে পারছি না।

আমার স্ত্রী তখন বাপের বাড়ি, আসন্নসন্তানসম্ভবা। আমার কোয়ার্টারে আমি একা, নথি-নজির নিয়ে মশগুদ।

এর মধ্যে যে কোনো উপন্যাসের অবকাশ ছিল তা আমি স্বপ্নেও ভাবতে পারতুম না।

সেরেস্তাদার তাঁর এক অধীন কেরানির নামে আমার কাছে নালিশের এক লম্বা ফিারিস্তি পেশ করলেন। পশুদপতিত্ব চুরিটা অবিশ্যি আমিই ধরে ফেলেছিলাম। আমারই শাসনে এতদিনে সেরেস্তাদারের যা-হোক ঘুম ভাঙল।

নতুন হাকিম, মেজাজটা সাধারণতই একটু ঝাঁঝালো, পশুদপতিকে আমি ক্ষমা করলাম না।

আমারই খাসকামরায় পশুদপতি দহাতে আমার পা জড়িয়ে লুটিয়ে পড়ল, অশ্রুদ্রব্দকণ্ঠে বললে—হুজুর মা-বাপ, আমার চাকরিটা নেবেন না। এমন কাজ আর আমি কখনো করব না—এই আপনার পা ছুঁয়ে শপথ করছি।

পা দড়তো তেমনি অবিচল কঠিন রেখে রুদ্ধ গলায় বললাম,—তুমি যে-কাজ করেছ, আর শত করবে না বললেও তার মাপ নেই।

পশুদপতি আমাকে গলাবার আরেকবার চেষ্টা করল : ভয়ানক গরিব হুজুর, তারি জন্যে ভুল হয়ে গেছে।

আমারো উত্তর তৈরি : ভুল যখন করেছ, তখন ভয়ানক গরিবই থাকতে হবে।

কিন্তু পশুদপতি আরো যে কতো ভুল করতে পারে তা তখনো ভেবে দেখে নি।

রাত্রি শোবার ঘরে লণ্ঠনের আলোতে খুব বড়ো একটা মোকদ্দমার যোজন-ব্যাপী রায় লিখছি, এমন সময় দরজায় অস্পষ্ট কার ছায়া পড়ল, স্ত্রীলোকের মতো চেহারা। অকুণ্ঠ পায়ে ঘরের মধ্যে সোজা ঢুকে পড়েছে।

কোনো অফিসারের স্ত্রী বেড়াতে এসেছেন ভেবে সসম্ভ্রমে চেয়ার ছেড়ে উঠে দাঁড়িয়ে অপ্রতিভ হয়ে বললাম—আমার স্ত্রী তো এখানে নেই—

স্ত্রীলোকটি পরিস্কার গলায় বললে,—আমি আপনার কাছেই এসেছি।

লণ্ঠনের শিখাটা তাড়াতাড়ি উস্কে দিলাম। গলা থেকে আওয়াজটা খানিক আতর্নাদের মতো বেরিয়ে এল : এ কী? তুমি, সূর্যমিতা? তুমি এখানে কী করে এলে?

তাকে চিনতে পেরেছি দেখে যেন খানিকটা নিশ্চিন্ত হয়ে সূর্যমিতা সামনের একটা চেয়ারে বসল। ঘরের চারদিকে বিষন্ন চোখে তাকাতে লাগল যেখানে খাটে পাতা রয়েছে আমার বিছানা, যেখানে দেয়ালে টাঙানো রয়েছে আমার স্ত্রীর ফোটো।

আবার জিগগেস করলাম : তুমি এখানে কি করে এলে?

সূর্যমিতা আগের মতো তেমনি চোখ নামিয়ে বললে,—ভাসতে-ভাসতে!

তার এই কথায় চারপাশে মূহূর্তে যে আবহাওয়া তৈরি হয়ে উঠল তারই ভিতর দিয়ে তার দিকে তাকালুম। দেখলুম সেই সন্মিতা আর নেই। যেন অনেক ক্ষয় পেয়ে গেছে। আগে তার শরীরে বয়সের যে একটা বোঝা ছিলো তা-ও যেন খসে শিথিল হয়ে পড়েছে। সে আজ শূন্য কালো নয়, কুৎসিত। পরনের শাড়িটাতে পর্যন্ত আটপোরে একটা সৌষ্ঠব নেই। হাত দুখানি দুটি মাত্র শাঁখায় ভারি রিক্ত, অবসন্ন দেখাচ্ছে।

গলা থেকে হাকিমি স্বর বার করলুম : আমার কাছে তোমার কী দরকার?

দ্বিমাত্র দৃষ্টি চোখ তুলে সন্মিতা বললে,—আমার স্বামীকে আপনি রক্ষা করুন।

মনে মনে হাসলুম। একবার তাকে রক্ষা করেছিলুম, এবার তার স্বামীকে রক্ষা করতে হবে। আদালত সাক্ষীকে যেমন প্রশ্ন করে তেমনি নির্লিপ্ত গলায় জিজ্ঞাস করলুম : তোমার স্বামী কে?

সন্মিতা স্বামীর নাম মুখে আনতে পারে না, চোখ নামিয়ে চুপ করে রইল।

শেষে নিজেকেই অনুমান করতে হল : তোমার স্বামীর নাম কি পশুপতি?
—হ্যাঁ।

চিত্তার্ণবের মতো তার মুখের দিকে চেয়ে রইলুম। সেই সন্মিতা আর নেই। হাসি মিলিয়ে যাবার পর সে যেন একরাশ স্তম্ভতা। তার ভাগিতে নেই আর সেই স্বরা, রেখায় নেই আর সেই তীক্ষ্ণতা। মুখের ভাবটি তৃপ্তিতে আর তেমন নিটোল নয়। তার জন্যে মায়া করতে লাগল।

জিজ্ঞাস করলুম : কন্দির তোমরা বিয়ে করেছ?

যেন বহুদূর কোনো সময়ের পার হতে উত্তর হল : এই তিন বছর।

কথাটার বলবার ধরনে চমকে উঠলুম,—শেষ পর্যন্ত তোমার সেই নির্বাচিতকেই পেলে?

—না।

—না? তবে পশুপতি তোমার কে?

সন্মিতার চোখ দুটো জলে ঝাপসা হয়ে উঠল। বললে,—আমার স্বামী।

—হুঁ। একটা ঢোক গিলে ফের প্রশ্ন করলুম : ওকে বিয়ে করলে কেন?

—না করে পারলুম না।

—ওকেও চিঠি লিখেছিলে?

—লিখেছিলুম, কিন্তু শুনলেন না।

—শুনলেন না?

—না।

চোখ দুটো অন্ধকারে জ্বালা করে উঠল : শুনলেন না কেন?

সুমিতা বললে—তাঁর দৃষ্টি ছিলো তাঁর নিজের স্নেহের দিকে।

—নিজের স্নেহ?

—হ্যাঁ, টাকা। বিয়ে করে কিছু তিনি টাকা পেয়েছিলেন।

রুদ্ধ গলায় বললুম—তুমিই বা নিজের স্নেহ দেখলে না কেন? কেন গেলে ওকে বিয়ে করতে?

—পারলুম না, হেরে গেলুম। একেক সময় মানুষে আর পারে না। সুমিতা নিচের ঠোঁটটা একটু কামড়াল।

বললুম—আমার বেলায় তো মরবার পর্যন্ত ভয় দেখিয়েছিলে, তখন মরলে না কেন?

হাসবার অস্ফুট একটি চেষ্টা করে সুমিতা বললে,—মরতে আর কি বাকি আছে!

—না, না, তোমার এই ফ্যাশানেবল মরা নয়, সত্যি-সত্যি মরে যাওয়া। প্রেমের জন্যে তবু একটা কীর্তি রেখে যেতে পারতে।

রুদ্ধ আঘাতে সুমিতা যেন আম্ল নড়ে উঠল। কথার থেকে যেন অনেক দূরে সরে এসেছে এমন একটা নৈরাশ্যের ভঙ্গি করে সে বললে,—কিন্তু সে-কথা থাক আমার স্বামীকে আপনি বাঁচান।

—তোমার স্বামীকে বাঁচাব? তোমার স্বামীকে বাঁচিয়ে আমার লাভ?

তবু কী আশ্চর্য, সুমিতা হঠাৎ দুহাতে মুখ ঢেকে ঝরঝর করে কেঁদে ফেলল, বললে,—অবস্থা দোষেই এমন করে ফেলেছেন। এবারটি তাঁকে মাপ করুন। তাঁর চাকরি গেলে আমরা একেবারে পথে ভাসব। জলে ভরা চোখ দুটি সে আমার মুখেব দিকে তুলে ধরল।

নিখর দিকে চোখ নিবিষ্ট করে বললুম—তোমার মতো আমরা এর মধ্যে অনেক পরিবর্তন হয়ে গেছে। আমি আর তেমন উদার ও মহানুভব নই।

—না, না, আপনি মুখ তুলে না চাইলে—

বাধা দিয়ে বললুম,—কার দিকে আর মুখ তুলে চাইব বলো? তুমি আমাকে যে অপমান করলে—

—অপমান? সুমিতা যেন ভেঙে টুকরো-টুকরো হয়ে গেল।

—হ্যাঁ, এতদিন অন্য সংজ্ঞা দিয়েছিলুম। কিন্তু একে অপমান ছাড়া আর কী বলব? তোমার জন্যে, তোমার প্রেমের জন্যে, আমি যে স্বার্থ ত্যাগ করলুম তুমি তার এতটুকু সন্নিবিচার করলে না, এতটুকু সম্মান রাখলে না। শেষকালে পশুপতি কিনা তোমার স্বামী। তোমার স্বামী কিনা শেষকালে পশুপতি! এরপর তুমি আমার কাছ থেকে কী আশা করতে পারো?

—কিন্তু, সন্নিবিধতা আমার পায়ের কাছে বসে পড়ল : তবু, আপনি দয়া না করলে—

চেয়ার ছেড়ে এক লাফে উঠে দাঁড়ালুম। বললুম,—কেন দয়া করতে যাব? তুমি আমার কে?

—কেউ না হলে কি আর দয়া করা যায় না?

—না। তুমিই বলো না, কী দেখে আমার আজ দয়া হবে? কঠিন কর্তৃ গলায় বললুম—তোমার মাঝে দেখবার মতো আর কী আছে?

সন্নিবিধতা উঠে দাঁড়াল। আজ তার বসার থেকে এই দাঁড়ানোর মাঝে কোনো দীপ্তি নেই। সঙ্কেচে নিতান্ত স্তান হয়ে প্রায় ভয়ে ভয়ে বললে,—সেদিনই বা কী দেখেছিলেন?

উত্তপ্ত গলায় বললুম—সেদিন দেখেছিলুম তোমার প্রেম।

নিখ-পত্রের মধ্যে ডুবে যাবার আগে একটা হাকিমি ডাক ছাড়লুম : নগেন। নগেন আমার পিওন।

বললুম,—এঁকে আলো দিয়ে পশুপতিবাবুর ওখানে পৌঁছে দিয়ে এস। দেরি কোরো না।

মৃদুস্বৰ্ণ দীপশিখার মতো সন্নিবিধতা একবার কেঁপে উঠল। কী কথা বলতে গিয়ে চমকে বলে ফেললে,—না, আলোর দরকার হবে না। আমি একাই যেতে পারব।

দরজার কাছে এসে সন্নিবিধতা তবু একবার থামল। ঘরের চারদিকে মৃত, শূন্য চোখে চেয়ে একবার চোখ বৃজল। কী যেন আরো তার বলবার ছিল, কিন্তু একটি কথাও সে বলতে পারল না।

তার সঙ্গে অস্পষ্ট চোখাচোখি হতেই তাড়াতাড়ি চোখ ফিরিয়ে নিলুম।

হৃদইস্‌ল্

রতিকান্তর এমন বয়েস নয় যে আবার সে একটা বিয়ে করতে পারে না। কিন্তু কাকে কে বোঝায়, রতিকান্ত মচকাবে তবু ভাঙবে না।

সমস্ত ব্যাপারটা তলিয়ে ভাবতে যেতেই তার সমস্ত শরীর ঘৃণায় কাঁটা দিয়ে ওঠে। আবার একটি মেয়ে আসবে, আরেকটি মেয়ে, মাথায় লজ্জা-নোয়ানো আধখানা ঘোমটা, দেহে কামনার অব্যক্ত সম্মতি, সেই আবার মধুর, স্দগন্ধ অন্ধকার। সেই আবার পুনঃপুনরুক্ত কথার নিভূঁল আবর্তি : তোমার মতো কাউকে আমি আর এত ভালোবাসিনি, এই তোমার গা ছুঁয়ে দিবি করছি।

ভাবতেই রতিকান্ত সমস্ত শরীরে গলিত একটা অশূচিতা অনুভব করে।

—কিন্তু বিয়ে না করলে সংসার চলবে কি করে রতি? আত্মীয়-বন্ধুরা প্রতিবাদ করে ওঠে : ছোট-ছোট ছেলে মেয়ে দুটোরই বা কে দেখা শোনা করবে?

রতিকান্তর ঠোঁটের উপর তীক্ষ্ণ একটা হাসি জ্বলে ওঠে : আর তিনি এলেই যে ওদের কোলে-পিঠে করে মানুষ করবেন তার ঠিক কী! দৃদ্দিন যেতে-না-যেতেই হয়তো নিজেরই কোল নিয়ে ব্যস্ত হয়ে উঠবেন। সাবি আর ছন্দুর জন্যে আমি কিছ্‌ ভাবি না। বড়ি—কেন বড়িই তো ওদের মা'র মতো।

—কিন্তু বড়ি তো আর এ-বাড়িতে চিরকাল বসে থাকবে না। তার বিয়ে দিতে হবে তো?

—তেমনি সাবি-ছন্দুরাও চিরকাল ছোট হয়ে থাকবে না, তর্দিনে তারাও নিজের-নিজেরটা দেখতে-শুনতে শিখবে।

আত্মীয় বন্ধুরা এইটুকুতেই নিরস্ত হয় না; গলাটা খাদে নামিয়ে বলে : কিন্তু বউ একটা মারা গেলে পর এই তোমার বাউন্ডুলে ছমছাড়া স্বভাবটাই কি বিশেষ ভালো দেখাচ্ছে?

রতিকান্ত অলক্ষ্যে গম্ভীর হয়ে পড়ে : সব জিনিস সকলের চোখে সমান ভালো দেখায়?

—তোমার এই সতীত্বের তো কোনো মানে বৃদ্ধিতে পারি না, রতিকান্ত। স্ত্রীর স্মৃতির অবমামনা হবার ভয়ে তুমি বিয়ে করছ না, এদিকে—

—সব জিনিসের মানেও সকলে সমান বোঝে না। রতিকান্ত মুখের উপর ঘন করে গাম্ভীৰ্যের পরদা টেনে দেয় : পৃথিবীতে যে লোক রক্ত, কুংসিত, সে-ও ভালোবাসতে পারে। ভালোবাসতে পারে বলেই যে চিরকাল তার আয়ু, অক্ষয়, দেহ নিরাময় থাকবে পৃথিবীর আইনে এমন কোনো নিয়ম নেই। প্রয়োজনসাধনের ব্যাপারটার মধ্যে প্রেমের খাদ মেশাতে চাই না।

বাঙলা-দেশের ছোট, পাড়াগেঁয়ে একটি শহর, রেল-লাইনের ধারেই রতিকান্তর বাসা।

বুড়ি সমস্ত দিন সংসারের কাজ-কর্ম করে, আর যখনই বাড়ির পাশ দিয়ে হুইস্‌ল্ দিয়ে ট্রেন যায়, হাতের কাজ ফেলে-ছড়িয়ে রেখেই সে এলো-আঁচলে জানলার কাছে ছুটে আসে। দিন-রাতের মধ্যে কতবার যে ট্রেন যাওয়া-আসা করে গুনে তা আর শেষ করা যায় না। কোনোটা দাঁড়ায় না, কোনোটা আবার দাঁড়ায়। যখন একবার দাঁড়ায়—

—বুড়ি!

নিশ্চিন্ত হয়ে ঠায় দু মিনিট দাঁড়িয়ে যদি কিছুর তার দেখবার জো আছে!

রতিকান্ত বলে : কলকেটা ঢেলে সাজিয়ে নিয়ে আয় শিগগির। কী সারাক্ষণ ইন্সটিশানের দিকে হাঁ করে চেয়ে থাকিস?

কলকেটা হাতে করে বুড়ি রান্নাঘরের দিকে চলে যায়। তখনো কান পড়ে আছে স্টেশনের টুকরো টুকরো শব্দের শিলাবৃষ্টিতে : এই ফের হুইস্‌ল্ দিল, রান্নাঘরের বেড়ার ফাঁক দিয়ে স্পষ্ট সে এঞ্জিনের ধোঁয়া দেখতে পাচ্ছে। আবার কোথায় না জানি গিয়ে ট্রেন থামবে। সেখানে হয়তো লাইনের ধারে কারো বাড়ি নেই, দুধারে হয়তো ফাঁক, ঢাল, মাঠ। স্টেশনের লাল সূর্যকির সরু রাস্তাটা কত দূর গিয়ে শাদা হয়ে গেছে।

বুড়ি রতিকান্তর প্রথম সন্তান,—পনেরোটি বছরে শরীর প্রায় ভরো-ভরো ; মা মারা যাবার পর আড়াই বছর ধরে সে-ই সংসার তদারক করে বেড়াচ্ছে। কটি লোকেরই বা রান্না-খাওয়া, বুড়িই একহাতে সব দেখা-থোলা করে—হাতের পাঁচ একটা ঝি আছে, বুড়িকে কিছুর আর ভাবতে হয় না। এত খাটা-খাটনির পরেও হাতে তার অনেক সময়।

বুড়ির পর দু দুটি ভাইয়ের মৃত্যুর পর ঘেঁষাঘেঁষি করে সারি আর ছন্দ। সারির বয়েস আট আর ছন্দের এই প্রায় সাড়ে পাঁচ বছর হলো।

ভাতের ফেন গালতে-গালতে বড়ি রান্নাঘর থেকে চেঁচিয়ে ওঠে : সকাল থেকে উঠেই কী কতোগুলি মাটির হাঁড়িকুঁড়ি নিয়ে বসেছিঁস সাঁবি? ওদিকে ছেলেটা যে 'মা' 'মা' বলে কেঁদে বড়ি মাথায় করছে তোর কানে ঢুকছে না? যা শিগগির ওকে মদুখ ধুইয়ে নিয়ে আয় এখানে। দেখছিঁস না আমার হাত জোড়া! ভারি উনি মেজ-দি হয়েছেন! যা, গেলি? বাবা একুনি তেড়ে আসবেন।

ছন্দ ছোট-ছোট হাত বাড়িয়ে পিছন থেকে বড়ির গলা জড়িয়ে ধরে : চলো দিদি, আমাকে গাড়ি দেখাবে চলো। আজ মা আসবে বলছিলে না?

হাতের কাছে ঘাটের জলে তার চোখ ধুয়ে দিয়ে আঁচলে মদুখ মদুহতে-মদুহতে বড়ি বলে : তুমি আগে থেয়ে নাও, পরে গাড়ি দেখাবো চলো।

ছন্দ দিদির কোল ঘেঁষে দাঁড়িয়ে হাত দিয়ে তার চিবুক তুলে ধরে জিগগেস করে : মা আজ আসবে?

—আসবে বৈ কি, তুমি আগে থেয়ে নাও। না-থলে মা কখনো আসে নাকি? রতিকান্ত ব্যস্ত পায়ে ভিতরে চলে আসে, গলা ছেড়ে হাঁক পাড়ে : বড়ি! ভয়ে ভয়ে নিতান্ত নিরীহ গলায় বড়ি সাড়া দেয় : আন্তে।

—ছন্দ কাঁদছিল কেন? তোদের বলছিঁ না ওকে কখনো কাঁদাতে পারাবি না। সাঁবিটা ফের ওর সঙ্গে মারামারি করেছে বড়ি?

সাঁবি ভয়ে খুঁটির পেছনে লুকোয়, বড়ি অপরাধীর মতো জড়োসড়ো হয়ে বসে থাকে।

ছন্দ প্রসন্ন গলায় বলে ওঠে : না বাবা, একটুও কাঁদছিঁ না। দিদির কাছে বসে মড়ি খাচ্ছিঁ।

সে কাঁদলে যে দিদিদের উপর বাবা অসন্তুষ্ট হন এটুকু ছন্দ বদুহতে শিখেছে।

—ওর কান্না আমি কিছুতেই সহিতে পারি না, রতিকান্তর গলা হাওয়ার ভেসে আসে : ওর কান্না শুনলেই সব ছেড়ে-ছুড়ে কোথায় পালিয়ে যেতে ইচ্ছে করে।

সারা দিনের মধ্যে ছন্দ বেশি আর কোনো গোলমাল করে না, নিজের খেলাধুলা নিয়েই সে মশগূল। বেতের মোড়াটাকে কখনো ঘোড়া বানায়, বাবার লাঠিটাকে দু'পায়ের মাঝখানে রেখে সমস্ত উঠোন সে ছুটোছুটি করে, থেকে-থেকে প্রায় গলা চিরে শব্দ করে ওঠে : পি—!

সাবি চোখ পাকিয়ে তেড়ে আসে : বাবা এক্ষুনি মারতে আসবে, ছন্দ।

—বা, আমি কাঁদছি নাকি? আমি তো গাঁড়ি-গাঁড়ি খেলা করছি।

তারপর সম্মুখ হতে-না হতেই খাইয়ে-দাইয়ে বৃড়ি যখন তাকে ঘুম পাড়াতে আসে, তখন তার বৃকের কাছে রাশীভূত আঁচলের মধ্যে মৃদু লুকিয়ে সজল-কণ্ঠে ছন্দ আরেকবার জিগগেস করে : কই, মা তো আজো এল না, দিদি? সেই গাঁড়ি কি এখনো আসে নি?

তার একরাশ অবিন্যস্ত চুলে চুলকে দিতে দিতে বৃড়ি বলে : আসবে বৈ কি। তুমি আগে ঘুমোও, কাল ভোরে দেখবে মা এসেছেন। না-ঘুমোলে মা কখনো আসে নাকি?

ছন্দ জেরে-জেরে নিশ্বাস টানতে-টানতে ঘুমিয়ে পড়ে।

বৃড়িকে এখন আবার রান্নাঘরে উঠে যেতে হবে। নিজের খাওয়া আছে, বাবার ভাত বেড়ে রাখতে হবে। রান্নাঘরে ঢেকে না রেখে নিয়ে আসতে হবে তাঁর শোবার ঘরে। কখন তিনি বারিড় ফেরেন ঠিক কী! খান-না-খান, ভাত রাখতে হবে সাজিয়ে, পরিপাটি করে। তারপর ঝিয়ের সঙ্গে বসে ঘর নিকোও, কুপি নেবাও, দরজায় তালা দাও। সে অনেক রাত।

ভাইকে ঘুম পাড়িয়ে রেখে বৃড়ি ওঠবার উদ্যোগ করে, ও-পাশ থেকে এবার সরে আসে সাবি। কেমন অস্পষ্ট, অচেনা গলায় সে হঠাৎ কথা কয়ে ওঠে : তুমি সেদিন বলছিলে না দিদি, মা ঐ তারার দেশে চলে গিয়েছে?

বৃড়ি রুদ্ধ গলায়, নিজেরই অজানতে, ধমক দিয়ে ওঠে : তুই এখনো ঘুমোসনি লক্ষ্মীছাড়ি? এত বড়ো বড়ো মেয়ে, তুইও আমাকে জ্বালাবি?

—না, এই ঘুমুচ্ছি, দিদি। বালিশে মৃদু ঢেকে ঘুমোবার চেষ্টা করতে-করতে সাবি বলে : কিন্তু অত দূর পর্যন্ত কি ট্রেনের লাইন আছে?

অগত্যা বৃড়িকে আবার বসতে হয়। তার চুলে আঙুল বুলোতে-বুলোতে বলে : মানুষে একদিন তা-ও করবে দেখিস।

—তারপর আমরা একদিন সেখানে বেড়াতে যাব? দিদির মৃদু আর কথা নেই দেখে তার বিরক্তি অনুমান করে সাবি আবার তার দিনের গলায় বলে ওঠে : না, তুমি এবার যাও দিদি, খেয়ে এসো। আমি ঠিক ঘুমিয়ে পড়বো দেখো। শৃঙ্গ দরজাটা ভেজিয়ে দিয়ে যাও, আলোর পলতেটা আরো একটুখানি উষ্ণ দাও। মা এলে আমার কিন্তু দিদি, সত্যি ভারি ভয় করবে। মনে হয় ঠিক যেন মাকে চিনতে পারব না।

তার গালে মৃদু-মৃদু চাপড় দিতে দিতে বৃড়ি বলে : না, তুই আগে ঘুমো। কাজ-কর্ম সেরে সব পাট কর্ত্তে বিছানায় ফিরতে-ফিরতে বৃড়ির তখন অনেক রাত। সমস্ত স্টেশনটি নিবৃদুম, লাইনের ও-পারে ঘুমন্ত বিশাল শূন্যতা। কখন ফের ট্রেন আসবে তারই প্রতীক্ষায় লাইন দুটো যেন কঠিন হয়ে আছে। বৃড়ির চোখে ঘুম আসে না, কখন ট্রেন আসবে তারই আশায় সে-ও যেন অন্ধকারে চুপ করে বসে মূহূর্ত্ত গোলো।

তারপরে কত রাত করে না-জানি বাবা ফিরবেন। বৃড়িকে উঠে দরজা খুলে দিতে হয়। ধাক্কা দিয়ে তক্ষুনি দরজা খোলা পেলে আর রক্ষে নেই। ততক্ষণ পর্যন্ত বসে থাকতে-থাকতে বৃড়ি কেবল তার বৃকের মধ্যে ট্রেনের শব্দ শোনে— সে-ট্রেন শূন্যতার সমুদ্র পেরিয়ে অনবরত তার দিকে এগিয়ে আসছে।

একদিন বৃড়ির সেই ট্রেন তাদের উঠানের উপর এসে দাঁড়ায়।

ভর দুপুর বেলা রতিকান্ত তখন আপিসে, ঘরের দিকে লক্ষ্য রেখে কে ডেকে ওঠে : উষা।

ছোট্ট একটি নামের হাওয়ায় বৃড়ির সমস্ত গা থেকে শিশির-বিন্দুর মতো যেন লাবণ্য ঝরে পড়তে থাকে। তাড়াতাড়ি গায়ের উপর আধময়লা শাড়ির খানিকটা ভাঁজ করতে-করতে বৃড়ি বেরিয়ে আসে। তার নাম যে উষা সে যেন এই প্রথম শুনল! তার একটিমাত্র পোশাকি শাড়ির মতো এই নামটিও সে তার বিস্মৃতির কোঠোয় সময়ে তুলে রেখেছে।

গলার আওয়াজেই সে চিনতে পেরেছিল—অপূর্ব।

কুড়ি থেকে বাইশের কোঠায় তার বয়েসটা এক টুকরো কঠিন হাঁরের মতো জ্বলজ্বল করছে, যার সামনে সমস্ত গুণ্ণিবীটা প্রায় একপাত কাঁচের মতোই ঠুনকো। জামায়-কাপড়ে দূর শহরের ঝাঁজালো একটা গন্ধ পাওয়া যাচ্ছে, সমস্ত চেহারায় তারি যেন একটা গতির গুঞ্জরল্য। এইখানে, এই গেংগো শহরে একটা দারিদ্র্যগণ সমিতির পান্ডাগিরি করে তার খুব নাম-ডাক। বৃড়ির মা যখন মরতে চলেছে তখন এর নেতৃত্বে দলের লোকেরা কী সেবাটাই না সেবার করেছিল! তখন থেকেই এ-বাড়িতে তার ষাওয়া-আসা। তবে আসবার সময় অপূর্বকে এদিক-ওদিক উর্কিঝুঁকি দিতে হয় রতিকান্ত তাকে ঠিক দেখে ফেলেছে কিনা, তার ঐ চাউনিটাকে সে বড়ো পছন্দ করে না।

হাতের থেকে ব্যাগটা দাওয়ার উপর নামিয়ে অপূর্ব চুলগুঁলি উলটো দিকে

ঠেলে দিয়ে বললে—কলকাতার সেই চাকরিটা হয়ে গেলো। আগস্ট মাস থেকে—তার এখনো দিন কয়েক দৌঁর আছে। ভাবলাম কদিন ফের বাড়ি থেকে ঘুরে আসি। কাল রাত্রে ঘেঁনে এসেছি—সেই যেটা তিনটে পঞ্চামতে আসে। তোমাকে বলেছিলাম না, অপূর্ব দামী জামাকাপড়ে মাটির উপরেই বসে পড়ল : আবার আমি ফিরে আসব।

বুড়ি কুণ্ঠিত হয়ে বললে,—একটা আসন এনে দিই।

—না, না, আসনে কী হবে? অপূর্ব তার ব্যাগের তালার চাবি পরাতে লাগল : তুমি যে আমাকে একদম বিশ্বাস করো না তার একবার প্রমাণ দেখ। কী, ঠিক এলাম কিনা। তোমাকে বলে গিয়েছিলাম বলেই তো ফিরে এলাম, নইলে কাজ হয়ে যাবার পর কেউ বুঝি আবার আসে?

বুড়ির গলা বুজে এল : কিন্তু তেমনি তো তুমি আবার চলে যাবে।

—বেশ তো, তুমিও আমার সঙ্গে চলো না। অপূর্ব কথা একটা বলে ফেলে বাস্তব থেকে কি-সব জিনিস-পত্র বার করতে লাগল।

মুহূর্তের জন্যে সমস্ত চেতনা স্তব্ধ করে বুড়ি তার শরীরে রক্তের একটা উদ্দাম চাপল্য অন্তর্ভব করছিল—চোখের সামনে দিয়ে ঝাপসা করে দেখছিল দ্রুতরেখার অপস্রিয়মান একটা প্রকাণ্ড ট্রেন। কিন্তু কথা একটা বলে ফেলার পর অপূর্বের মুখে এককণা আভা নেই যেন—ট্রেন চলে যাওয়ার পর স্টেশনের শূন্যতা।

বুড়ি অবাক হয়ে বললে,—এত সব কিসের?

চোখ ভরে তাকে দেখতে-দেখতে অপূর্ব বললে,—তোমার জন্যে আনলাম।

—আমার জন্যে? আমি এ দিয়ে কী করবো?

—আলতা, এ দেবে পায়ে, মুখে মাঝবে এ স্নো। কোটোটা কেমন সুন্দর দেখেছ? আর এ তেলে চুল উঠবে তোমার ঘন হয়ে, পিঠ ভরে, তার ভার আর তুমি বইতে পারবে না। কথাকে কবিতা করে বলতে পারার নেশায় অপূর্ব বিহ্বল হয়ে উঠল : আর এ দেখ দু'গজ দিশি ভয়েল, তোমার দুটো ব্রাউজ হবে। সেলাই করতে যাতে তোমার সুবিধে হয় তার জন্যে কাঁচি, ছুঁচ, সুতো—সব এনেছি। এই দু'পাত সেফ্‌টিপিন, চুলের কাঁটা—আর এই আরেকটা জিনিস—বলো তো কী?

বুড়ি গম্ভীর হয়ে বললে,—এ-সব দিয়ে আমার কী হবে?

—বা, তুমি সাজবে।

—যা একটা পেঙ্গুর মতো চেহারা, তার আবার সাজ।

—বটেই তো। দেখ দেখি একবার মুখখানা। অপূর্ব শেষ সম্ভার—
রঙিন-ফুল-তোলা আয়নাখানি এবার তুলে ধরল।

—সেজেগুজে আয়নায় বসে নিজের মূখই দেখি আর-কি। লজ্জায় বদাড়ির
লাবণ্য যেন আরো উথলে উঠল : বলে, বড়ো হতে চললাম, তায় কত ঢং।

—তোমার আরেকটা নাম উষা, সে-কথা তুমি বারে-বারে ভুলে যাও কেন?
অপূর্ব ফের ব্যাগ হাতে করে উঠে দাঁড়াল : উষার উদয়-সম অনবগুণ্ঠিতা—
তুমি তা পড় নি?

ততক্ষণ ঘরের ভিতর থেকে সাবি আর ছন্দ এসে হাজির। জিনিসপত্রের
বিশাল একটা পাহাড় দেখে সাবি তার উপর হুইস্‌ল্‌ দিয়ে পড়ল : এ সব কার
দিদি?

বুড়ি হেসে বললে,—আমার।

তার হাসির উত্তরে সাবির মুখে নেমে এলো গভীর ম্লানিমা। দেয়ালের
ধারে সরে দাঁড়িয়ে সে শূন্য চোখে অপূর্বর মুখের দিকে চেয়ে রইল।

কিন্তু ছন্দ অত সহজে হাল ছাড়বার পাশ্চ নয়। এক হাতে স্নোর বাটিটা
আঁকড়ে ধরে সে খুঁশি হয়ে বললে,—এটা আমার। তারপর ঝকঝকে কাঁচিটাও
তার নজর এড়ায় নি, বাঁ হাতে নিলো সেটা কুড়িয়ে : এটাও।

ছুটেই হয়তো সে পালিয়ে যেত কিন্তু অপূর্ব তক্ষুনি তার মূঠি চেপে
ধরেছে। নিমর্ম হাতে জিনিস দুটো ছাড়িয়ে নিতে-নিতে সে বললে—জিনিস-
গুলো যত্ন করে তুলে রেখে দাও, নইলে এরা সব এক্ষুনি নষ্ট করে ফেলবে।

জিনিসদুটো হস্তচ্যুত হতেই ছন্দ মাটির উপর প্রবল কাম্বায় গাড়িয়ে পড়ল।

সে-দিকে দৃকপাত না করে একটু সরে এসে বুড়ি বললে,—চললে?

—হ্যাঁ বেশিক্ষণ থাকবার কি জো আছে? অপূর্ব মূচকে একটু হাসল :
তোমার বাবা আপিস থেকে—

—থাক, খুব বীরত্ব হয়েছে।

—বা, আমার কী! আমি যতক্ষণ না কেন বসি। তোমার জনেই তো
তাড়াতাড়ি চলে যেতে হয়—

—থাক, আমার জন্যে তোমার ভাবতে হবে না। যতটুকু এগিয়ে এসেছিল
বুড়ি তার অনেক বেশি সরে গেল : কিন্তু আরেক দিন আসবে না?

চুলটা আরেকবার উল্টো দিকে ঠেলে দিয়ে অপূর্ব বললে,—দেখি। তবে

যাবার আগে আরেকবার আসবো ঠিক। যেতে-যেতে অপূর্ব আবার ফিরে দাঁড়াল : তুলে রাখতে বললাম বলে জিনিসগুলো একবারে বাস্তবে পচিয়ে না। ব্যবহার কোরো কিন্তু।

—কেন? বড়ি অল্প একটু শব্দ করে হেসে উঠল : বাবাকে দেখাবার জন্যে?

—না, আমাকে দেখাবার জন্যে। সেজেগুজে আয়নাতে তুমি মৃদু দেখলেই আমার দেখা হবে।

উঠোন পৌঁছিয়ে অপূর্ব চলে যেতেই বড়ি ছনুকে ধুলো থেকে তুলে নিলো। সাবি চোখ ছলছল করতে-করতে এগিয়ে এসে বললে,—সব, সমস্তই তোমার, দিদি?

—নে না, তোর যেটা ইচ্ছে।

ছনু লাফিয়ে উঠল : ওটা আমার, ওটা আমার।

জিনিসগুলো দু'ভাই বোনের মধ্যে ভাগ করে দিয়ে শূন্য আয়নাটি সে তার নিজের জন্যে তুলে রাখল।

সে-রাতে বড়ির হয়তো গা ভরে গভীর ঘুম এসেছিল। রতিকান্ত কখন যে দরজায় ঠেলা মারছে তার কানেই ঢোকে নি।

নাম ধরে ডাক, কড়া-নাড়া, তারপর একেবারে পা দিয়ে জোরে-জোরে ধাক্কার পর ধাক্কা। বাড়ি-ঘর যেন এখনি ভেঙে পড়বে।

বড়ি ধড়মড় করে উঠে বসল। মৃদু উঠল অস্বকার করে। লণ্ঠনটা উল্কে দিয়ে ছুটে গেল সে দরজা খুলতে।

দরজার উপর রতিকান্তর শেষ যেই লাথিটা মৃদুখেয়ে ছিল সেটা ছিটকে পড়ল এসে বড়ির উপর। বাঁ হাতে তার খোঁপাটা টেনে প্রায় ছিঁড়ে ফেলে ডান হাতে রতিকান্ত তাকে বেদম মারতে সুরু করলে—কিল, চড়, ঘৃষি,—হাতে যখন যেটা ভালো খেলে। জড়িত গলায় সঙ্গ-সঙ্গে চলেছে নিলুজ্জ গালাগাল : এই বয়সে এত ঘুম কেন? আমি ঠান্ডায় বাইরে দাঁড়িয়ে কাঁপছি, আর উনি মোরশি করে ঘুম মারছেন।

বড়ি গাঙিয়ে উঠল। তার কান্না শনে ছনু উঠল কেঁদে, সাবি ভয়ে কুকড়ে ছোট হয়ে গেল।

—একেবারে ঘুমিয়ে যেতে পারিস না হারামজাদি? মেঝের উপর তাকে ছুঁড়ে ফেলে দিয়ে রতিকান্ত টলতে-টলতে পাশের ঘরে চলে গেল।

নিজের কান্না ভুলে বৃড়ি ছন্দকে গেল শান্ত করতে। উঠে দরজায় খিল চাপিয়ে দিল।

কান্নায় বালিশের কানে সে বারে-বারে বলতে লাগল : এখানে সে কেন পড়ে আছে? তার মরে যেতে আর দোষ কী!

আরেক দিন বলতে ঠিক তার পরের দিনই যে অপূর্ব এসে হাজির হবে এতটা বৃড়ি আশা করে নি। সকাল থেকেই তার জ্বর, তা নিয়ে সমস্ত সকালটা উন্ননের পাশে কাটিয়ে শরীর এখন তার নৈতিয়ে পড়েছে হঠাৎ জ্বরের উপর যেন ঘাম দিল। কিন্তু কে জানে, হয়তো আজ রাতেই তার ফিরে যাবার ট্রেন।

—উষা!

আজ আর বৃড়ি দাওয়ায় ছুটে যেতে পারল না, অপূর্ব উঠে এলো ভিতরে।

—এ কী, শূয়ে আছ কেন? কী হয়েছে?

চোখের উপর থেকে রুদ্ধ চুলের বিচ্ছিন্ন গুচ্ছ কটি সরিয়ে তার দিকে পরিপূর্ণ করে চেয়ে বৃড়ি বললে,—জ্বর হয়েছে।

ছন্দ কোথায় বাবার লাঠি নিয়ে গাড়ি-গাড়ি খেলতে গেছে, সাবি ছিল কাছে। মৃদুস্বিয়ানা করে বললে,—কাল রাতে বাবা দিদিকে ভীষণ মেরেছে। পিঠের ওপর চাপটা-চাপটা দাগ।

বৃড়ি ঝুৎকার দিয়ে উঠল : তোর আর পাকামো করতে হবে না তো।

সাবি ভারি গলায় বললে,—কিছু খায় নি, এতক্ষণে ঝি গেছে পালো কিনে আনতে।

তার গায়ে একটা ঠেলা মেরে বৃড়ি বললে,—তুই এখন এখানে থেকে যা দেখি সর্দারনি, দেখতো ঝি ফিরল কি না।

স্নানমুখে সাবি চলে গেলে বৃড়ির জ্বরের উত্তাপ নিতে অপূর্ব তার পাশ ঘেঁষে বসে পড়ল। আর কোনো কথা নয়, তার শিথিল, শীর্ণ একখানি হাত চেপে ধরে অপূর্ব দীপ্ত গলায় বললে,—তুমিও চলো।

বৃড়ি তো অবাক। হাসবে না ভয় পাবে কিছু বৃদ্ধিতে না পেরে সে শূকনো গলায় বললে,—কোথায় যাব?

—কলকাতায়। আমার সঙ্গে। আমি কালকেই আবার চলে যাচ্ছি কিনা

—রাত দশটার ট্রেনে। যেটা বরাবর এখান থেকে ছাড়ে।

—কালকেই?

—হ্যাঁ, এক্ষুনি একটা টেলিগ্রাম পেলাম—ভাঙা মাস থেকেই আমাকে কাজে

বসতে হবে। হাতে আরেকটু চাপ দিয়ে অপূর্ব বললে,—চলো। তোমাকে আমি নিয়ে যাব।

—তুমি পাগল হলে নাকি? আমি যাব কোঁথায়?

—তবে এইখানে পড়ে-পড়ে মার খাবে নাকি? অপূর্ব অসহিষ্ণু হয়ে বললে,—শুধু কালকে নয়, প্রায়ই। এ নিয়ে পাড়ায় কান পাতা দায়—আমাকে তুমি কিছদ্ লোকোতে পারবে নাকি ভেবেছ?

ফুলো-ফুলো চোখ তুলে বৃড়ি বললে,—বাপ তার সন্তানকে মারবে এতে পাড়ার কার কী মাথা-ব্যথা শুনতে পাই? আমি কখনো কার কাছে নালিশ করতে গেছি?

—এ নালিশ করতে হয় না, আপনা থেকেই সবাই বদ্বতে পারে। তোমার বাবার কীর্তিকে তুমি ঢাকতে পারবে না, উষা। অপূর্ব ঈষৎ বিষন্ন আঙুলে তার চুলের জট ছাড়াতে লাগল : কিন্তু তোমার যদি বিয়ে হয়ে যেতো, তবে তোমার স্বামী চুপ করে তোমার ওপর এই অত্যাচার সহ্য করত নাকি ভেবেছ?

বৃড়ির গলা প্রায় বৃজে এল : তা, বিয়ে তো আর হয় নি।

—হয় নি, হবে। তুমি আমার সঙ্গে চলো। আমার চাকরি হয়েছে, তুমি গেলে মেস্‌এ না উঠে আমি একটা বাড়ি-ভাড়া করব। তোমার একটুও কষ্ট হবে না।

ভীত, পাংশু মুখে বৃড়ি অস্ফুট একটা আত্ননাদ করে উঠল তুমি কী বলছ যা-তা?

—যা-তা নয়, স্পষ্ট সত্য কথা। এখানে থাকবার তোমার কী মানে আছে, সমস্ত জীবন তুমি এই ঘানি টানবে নাকি? তোমার জীবনের এইটুকু মাত্র পরিসর। তোমার আশা-আকাঙ্ক্ষার এইখানেই ইতি? গভীর মমতায় তার কপালের উপর অপূর্ব একখানি হাত রাখল : তোমার কিছদ্ ভয় নেই, উষা! আমিই তোমার আছি।

—কিন্তু পালিয়ে যাবো কী বলছ?

—তা ছাড়া উপায় কী? বৃদ্ধিমানরাই পালায়। জীবনের বড়ো একটা সার্থকতার কাছে এ-সব কিছ্‌ই চিন্তা করবার নয়। অপূর্ব গলায় জোর দিয়ে বললে,—আমাদের যখন বিয়েই হচ্ছে তখন পালানো না-পালানোয় কী এসে যায়!

এতক্ষণে ব্যাপারটা যেন বৃড়ির প্রাজ্ঞল বোধ হলো। গায়ে দিল যেন কিরীকরে হাওয়া। শরীরের প্রতিটি রেখায় ফুটল ধার, রক্তে জাগল ঢেউ।

বেশিক্ষণ নয়, গলা এল ফের অবসন্ন হয়ে : কিন্তু ছন্দ, সাবি—ওদের ফেলে যাব কী করে? তুমি পাগল হলে নাকি?

—তোমার মা-ও ওদের স্বচ্ছন্দে ফেলে গেছেন। অপূর্ব যেন একটা ধমক দিয়ে উঠল : তোমার বাবাও ওদের ফেলে নিশ্চিন্তে নিশাচর হয়ে উঠেছেন। যত দায় পড়েছে তোমার! তুমি ওদের কে,—আজ তোমার বিয়ে হলে কাল তুমি ড্যাং-ড্যাং করতে-করতে শব্দরবাড়ি চলে যাবে। তোমার কী! তুমি কি এ-সংসারের লোক নাকি? এইখানেই তোমার ভাত মাপা আছে নাকি চিরকালের?

আঘাতে বদ্বিঁ যেন একেবারে অবশ হয়ে পড়ল : সেই জনেই তো বাবা বিয়ে দিচ্ছেন না।

—আর নিজেকে বোঝাচ্ছেন এই কেলেক্কারি। যেন তোমারই কেবল কিছু সাধ-আহ্বাদ থাকতে নেই। তোমার বাবার খেয়াল মেটাবার সন্নিবেশে করবার জন্যেই তুমি এখানে আছ। অপূর্ব তার হাত ধরে জেরে একটা ঝাঁকুনি দিল : না, তুমি চলো। মানুষের জীবনে এমন সুযোগ অনেক আসে না। ওদের জন্যে মিছিমিছি তুমি কেন ভাবতে যাচ্ছ? মাথার ওপরে ওদের বাবা নেই? নিজেকে এই ভাবে বণ্টনা করা ভীষণ পাপ, উষা, তুমি চলো।

অপূর্বর হাতের মধ্যে মৃদু ঢেকে বদ্বিঁ ফুঁপিয়ে উঠল।

অপূর্ব একটু নড়িয়ে পড়ে বললে,—কাল রাত দশটায় ট্রেন, আমি সাড়ে নটা নাগাদ আসবো তোমাকে নিয়ে যেতে—এই তো এইটুকুন মোটে রাস্তা। কিছু ভয় নেই, তোমার বাবা তো তখন বাড়িতেই থাকে না, সাবি আর ছন্দকে তুমি ঘুম পাড়িয়ে রেখো। বলো, যাবে তো?

এত সুখ যে, বদ্বিঁর ভীষণ ভয় করতে লাগল, শূন্য চোখে তার দিকে চেয়ে থেকে বললে,—তুমি যদি বলো যাব।

অপূর্ব দৃষ্ট একটা ভাঁগ করে বললে,—সংসারে তোমার ওপর সবার চেয়ে আমার দাবি বেশি। আমি এখানে তোমাকে বাপের লাঞ্ছনা খাওয়ার জন্যে ফেলে রাখতে পারি না। দুটো দিন আগে বলেই আমার অধিকার আমি জাহির করবো না, তা নয় উষা। সংসারে মেয়েছেলের ভাই-বোন-বাপই বেশি নয়, তার চেয়েও বেশি কিছু তার আছে।

বদ্বিঁ গাঢ় গলায় বললে,—আমি বলছি নেই? ছন্দ আর সাবি মাঝে-মাঝে

আমাদের কাছে কলকাতায় গিয়েও তো বেড়িয়ে আসতে পারবে। আমাদের তো তখন বাসাই হবে বললে।

—হ্যাঁ, অপূর্ব উঠে দাঁড়াল : কিছ্‌র তোমার জিনিস-পত্র নিতে হবে না। পৃথিবীতে জিনিস অনেক হয়, সুযোগই শৃঙ্খল আসে না। তুমি কিন্তু তৈরি হয়ে থেকো, উষা, আমি ঠিক আসব। রাত সাড়ে নটা নাগাদ।

আশ্চর্য, বৃড়ি কিন্তু সেই মৃদুতেই তৈরি—কতো যুগ পরে যে কালকের দশটা-রাত এসে হাজির হবে তার ঠিকানা নেই। সত্যি তার মনের থেকে কে যেন বার-বার বলতে লাগল : মানুষের জীবনে এমন সুযোগ অনেক আসে না। না এই সুযোগের দরজা দিয়ে জীবনের এই জেলখানা থেকে সে পালিয়ে বাঁচবে! তার চোখের সামনে ছোট, পরিচ্ছন্ন একটি সংসার-নিকেতনের ছবি উঠল ভেসে। সেখানে সে সর্বময়ী কন্যা, তার কিনা অপূর্বর মতো স্বামী। সত্যিই তো তার কোথায় আর কিছ্‌র ঋণ থাকতে পারে না। ছন্দ দেখতে-দেখতে কত বড় হয়ে উঠবে,—পুরুষমানুষ, কার কী সে তোলাকা রাখে? আরো ভালো ঘর দেখে সাবির বিয়ে হয়ে যাবে—নদীতে-নদীতে দেখা হয়, তবু দুই বোনে দেখাই হবে না হয়তো কোনদিন। না, মানুষের জীবনের সুযোগ ঝাঁক বেঁধে আসে না। প্রচণ্ড শীতের রোদে সে কুড়িয়ে পেয়েছে একটি আগুনের কণা—তাকেই সে আঁচলের আড়ালে বাঁচিয়ে রাখবে, জীবনে যা দেবে তাপ, আলো, আনন্দ। সমস্ত শরীর তার সেই আগুনে উঠল ঝলমল করে।

প্রথম রাতটা বৃড়ির স্বপ্নে কাটল বিভোর হয়ে, কিন্তু আজ সন্ধ্যা থেকেই তার চারপাশে ঘনিয়ে উঠছে অজানার অন্ধকার। দিনের বেলায় দ্রুত, উচ্চকিত পদক্ষেপগুলি ধীরে ধীরে মন্থর হয়ে এল, সর্বাঙ্গে জড়িয়ে গেল কুণ্ঠার কুয়াশা। অন্ধকারে সত্যি যে আরো স্পষ্ট, আরো উল্গ হয় উঠল—দিনের আলোয় যা ছিল স্বপ্নে রঙিন, অনুভবে প্রচ্ছন্ন—এখন যেন সেই চেতনাটা তার বৃকে এসে আঘাতের মতো লাগছে।

তা হলে অপূর্ব আর তাকে ডাকতে না আসুক, নিজেই একা চলে যাক ট্রেনে করে। ভাবতেও বৃড়ির শরীরের সমস্ত স্নায়ু-শিরা চিৎকারে ছিঁড়ে পড়ে—অন্ধকারকে আঁকড়ে ধরবার জন্যে দুই হাত আঁকুপাঁকু করে ওঠে। আত্মহত্যার চাইতেও তা অসহ্য ব্যর্থতা।

আজকে সন্ধ্যার পরেই কাজকর্ম সব চুকে গেছে—তারা পড়েছে রান্নাঘরে।

রাতিকান্ত সেই কখন বেরিয়ে গেছে। সাবিও পড়েছে ঘুমিয়ে। শূদ্ধ, কেন কে জানে, ছন্দর চোখেই আজ ঘুম নেই।

এতদিন সে লাঠিকে রেলগাড়ি বানিয়েছে, আজ সত্যি-সত্যি পাশের বাড়ির সেকেন্ড মাস্টারের ছেলে বড়ো শহর থেকে কিনে এনেছে এক সত্যিকারের রেলগাড়ি। পের্‌চিয়ে-পের্‌চিয়ে কী খানিকটা ঘুরিয়ে দিলেই গাড়িটা একে-বেঁকে চলে, অনেকক্ষণ চলে। ছন্দর আবদার অমনি তার একটা গাড়ি চাই।

বুড়ি তাকে কতো বুঝিয়ে বললে,—তোমার গাড়ি ওর চেয়ে কতো ভালো। ওর গাড়ি তো কতটুকু গিয়েই থেমে পড়ে—আর তুমি গাড়ি নিয়ে ঐ কতোদূরে অশথ গাছের তলায় গিয়ে দাঁড়াতে পারো। ওর গাড়ি তো শব্দ করতে পারে না, আর তুমি কেমন থেকে-থেকে হুইস্‌ল্ দিয়ে ওঠো। পি—!

ছন্দু দিদির হাতে একটা ঠেলা দিয়ে বললে,—ও শব্দ আমার লাঠি করে নাকি? ও তো আমি করি।

তাকে বোঝানো বৃথা। কেঁদে কেটে ধূলোয় গড়াগড়ি দিয়ে সে একটা কান্ডই বাধালো যা-হোক। কাঁদতে-কাঁদতে যখন সে অবসন্ন হয়ে আসে তখন হঠাৎ তার মার কথা মনে পড়ে যায়, বা, মা বলে কাকে সে মনে-মনে দাঁড় করায়। মা থাকলে নিশ্চয় তার গাড়ি হতো।

আর, মার কথা উঠলেই সাবি আসে দিদির পাশ ঘেঁষে। দিদির মুখে মার সম্বন্ধে মিথ্যাকথাগুলি শুনতে সাবির খুব ভালো লাগে।

—কাল মা গাড়ি নিয়ে আসবেন, মুখে আর ছন্দুকে ‘পি’ বলতে হবে না—এই প্রতিজ্ঞা করাতে তবে ছন্দু চুপ করেছে। ঘুমিয়ে পড়েছে দিদির গলা জড়িয়ে। আর, দেখবো কেমন কাল মা আসেন, সঙ্গে আবার টিনের একটা দম-দেওয়া গাড়ি—মুখে এমন একটা অবিশ্বাসের ভাব মিশিয়ে সাবিও গেছে ঘুমের কোলে ডুবে।

কালকের কথা কাল, আজ তো ওরা ঘুমুক।

বাইরে ঝিঁঝিঁ ডাকছে অন্ধকারে, শোনা যাচ্ছে স্টেশনের টুকটাকি শব্দ। কলকাতার গাড়িটা বুঝি এই ইন হলো—আস্তে আস্তে কামরায় জ্বলে উঠলো আলো; এক আধজন করে লোকও বুঝি উঠতে লেগেছে। অপূর্ব বুঝি তবে আর এলো না। এ-ও বুঝি তার আর-আর রাতের মতো একটা সাধারণ, সহজ রাত—যে রাতে বাবার জন্য উঠে দরজা খুলে দিতে হয়, ঘুমের মধ্যে ছন্দু

কেঁদে উঠলে গদ্নগদ্ন করে ছড়া কাটতে হয়! বৃড়ি অসহায় আতর্কণ্ঠে একটা প্রায় চিংকার করতে যাচ্ছিলো, কিন্তু না, ঐ বৃদ্ধি উঠানে অপূর্বর পায়ের শব্দ। তাড়াতাড়ি ছন্দকে সে বৃদ্ধের মধ্যে আরো নিবিড় করে জড়িয়ে ধরল—কাল ভোরে উঠে দাঁদিকে সে আর দেখতে পাবে না। তাতে কী? বড়ো হলো দাঁদির তো সে ভারি তোয়াক্কা রাখবে!

না, অপদূর্ব নয়, পাতা ফিসফিসিয়ে-তোলা একটা বুনো হাওয়া। এদিকে স্টেশন উঠেছে সরগরম হয়ে, গাড়ি ছাড়বার বদ্বি আর বেশি দের নেই। এলো না তো এলোই না, মিছিমিছি তার আশায় সড়সড়ি দিয়ে তাকে একটু খুশি করে তোলা। বড়ি তো জানতো, অনেক আগে থেকেই জানতো। ছেলেরা ওরকমই বলে থাকে, যাবার ঠিকঠাক করে পরে আর আসে না। কেনই বা আসবে? শুধু নাম একটা ভালো থাকলেই তো হয় না।

বড়ি ছন্দকে আরো কাছে টেনে আনল, তার চোখের পাতা এল ক্লান্তিতে অবসন্ন হয়ে!

উষা! উষা! দরজায় তক্ষুনি কে ধাক্কা দিতে সুরু করেছে।

বড়ি হকচকিয়ে উঠে পড়লো। নিশি পাওয়ার মতো কি করছে কিছু বদ্বতে না পেরে দরজা খুলে বাইরে এলো বেরিয়ে। বিকেলে চুল বাঁধবারো তার সময় হয়নি। পরনের শাড়িটায় নেই এতোটুকু ভদ্রতা। দাঁড়ালো এসে, যেন ফাঁসিকাঠে উঠছে।

অপূর্ব বাঁজিয়ে উঠলো : এ কী, একেবারে দোর দিয়ে বসে আছ যে।
যাবে না?

ঘরের লণ্ঠনের আলোয় বাইরের বারান্দাটা আবছা করে আছে। সেই ঘোলাটে আভাষ বড়ি দেখলো অপূর্বর একেবারে বরের মতো রাঙা টুকটুকে চেহারা। খুঁশিতে ছলছল করতে-করতে বললে,—কিন্তু তুমি যে সত্যিই আসবে তা ভাবিনি।

ভাবো নি মানে? এ একটা ঠাট্টা করবার মতো কথা নাকি? তোমাকে আমি ভালোবাসি, এ একটা শব্দ মতের কথা মনে করলে?

বড়ি সামান্য ব্যস্ত হয়ে উঠলো : আস্তে। কথা শুনে ছন্দ আবার জেগে উঠতে পারে। আমি আসছি।

বড়ি ঘরের দিকেই ফিরে যাচ্ছিল, অপূর্ব তার হাত চেপে ধরলো : না, তোমাকে সাজগোজ করতে হবে না, টেনের আর সময় নেই, এঞ্জিন লেগে গেছে

টিকিট কেটে আমি একটা কামরায় জিনিস-পত্র চাপিয়ে, একটা লোকের জিম্মায় রেখে এসেছি। তুমি চলে এসো একদিনি।

অন্ধকারে সমস্ত পৃথিবী যেন নিরাশ্রয় শূন্যচারী একটা বিন্দুর মতো দুলতে লাগলো। অপূর্বর আকর্ষণের মাঝে হাত শিথিলতরো করে দিয়ে ম্লান গলায় বুদ্ধি বললে,—কিন্তু দরজাটা যে খোলা রইলো—

—থাক খোলা, কয়েদি যখন পালায় তখন বাইরে থেকে দরজা বন্ধ করে পালায় না। তাড়াতাড়ি চলো, স্টেশনের এই এক পা পথ পেরিয়ে গেলেই আমরা নতুন মানুষ।

—কিন্তু, বুদ্ধির হাতের পাঁচিটি আঙুল কাকুতি করে উঠলো : লণ্টনটা শব্দ-শব্দ জ্বলবে, ওটা নিবিয়ে দিয়ে আসি।

—জ্বলুক না। তুমি চলে এসো।

—একদিনি কী? আরেকটু দাঁড়াও। কী মনে করে বুদ্ধি মনুহর্তের জন্য কঠিন হয়ে দাঁড়ালো : কাল সকালে উঠে ওরা কী খাবে কিছই যে এখনো বন্দোবস্ত করে রাখি নি।

—কাল কোরো। এখন তুমি চলো।

—দাঁড়াও, আর এক সেকেন্ড। ওদের মশারিটা একবারটি টাঙিয়ে দিয়ে আসি।

—কিন্তু ওদিকে গাড়ি যে ছাড়ে।

বুদ্ধির মন্থ চুপসে গেলো। দু পা এগিয়ে এসে আবার থামল, করুণ গলায় বললে,—ওদের মন্থ আর আমি একদম মনে করতে পারছি না। চুপি-চুপি একবারটি গিয়ে দেখে আসতে-আসতে তোমার ঘ্রেন কি ছেড়ে যাবে?

অপূর্বর মন্থে আর কথা নেই। সে সিঁড়ি দিয়ে উঠোনে নামল, পিছনে এক-পা দু-পা করে বুদ্ধি এলো এগিয়ে। অথচ, এক হাতও নয়, ঘরের মধ্যে ছন্দুরা শব্দে আছে। আর পিছন ফেরবার পথ নেই, শব্দ এগিয়ে চলো। উঠোন পেরিয়ে রাস্তাটা। আর রাস্তাটা না ফুরোতে-ফুরোতেই স্টেশন।

হঠাৎ রাতির অন্ধকার বিদীর্ণ করে এঞ্জিনের হুইস্‌ল্ বেজে উঠল।

অপূর্ব বললে,—সর্বনাশ।

বুদ্ধি পাংশু শব্দকনো মন্থে জিগগেস করলে : কী ওটা?

—জানো না, কী? হুইস্‌ল্,—আমাদের যাবার বাঁশ। চলো পা চাঙ্গিয়ে, ঠিক ধরে ফেলতে পারবো। ঐ দেখ অনেকে ছোটোছোটো করে উঠছে, এখনো

সময় আছে। দাঁড়িয়ে আছ কি হাঁ করে? চলে এসো বলছি। অপদূর্ব তার হাত ধরে সজোরে একটা টান মারল।

বিমূঢ় চোখে চেয়ে থেকে বৃড়ি নিঃপ্রাণ গলায় বললে,—কে, ছন্দ কেঁদে উঠল না?

—তুমি থাকো তোমার ছন্দের কান্না নিয়ে, আমি চললাম।

—দাঁড়াও।

—তবে এসো শিগগির। আমি আগে যাই, গার্ডকে বলে আর দু মিনিট ট্রেনটা দাঁড় করাই গে। একটু ছুটে এসো, মেয়ে হয়েছে বলে কি সব সময়েই গজেন্দ্রগমনে চলবে?

কিন্তু আবার হুইস্‌ল্‌।

অপদূর্ব প্ল্যাটফর্মে পৌঁছে গেছে, গাড়ি দাঁড় করিয়েছে হয়তো। অন্ধকারে এ-বাড়ির দিকে সঙ্কেত করে হাতছানি দিচ্ছে ঘন-ঘন।

কিন্তু সেই ডাক অনুসরণ করে পথ ভুলে বৃড়ি চলে এসেছে ঘরের মধ্যে। তার ছন্দের বিছানায়।

প্রাসাদশিখর

অনেক খুঁজে-পেতে বাড়ি বের করেছে। সে কি একটা গলির মধ্যে তেতলার ফ্ল্যাট। ঢুকতে যেমন মনে হয়েছিল উঠে এসে তত খারাপ লাগল না। বেশ ফাঁকা, নিরিবিলা। এমনি একটা ঠান্ডা-ঠান্ডা পরিবেশই সর্দাপ্রিয়কে মানাবে বোধেছিল গুরুদাস।

তিন রুমের ফ্ল্যাট।

প্রথমে ঢুকেই বসবার ঘর। সর্দাপ্রিয় আছ?

চাকর এসে বললে, বাবু পুজোর ঘরে আছেন। বসুন।

দু'ঘণ্টার উপর বসে আছে গুরুদাস। উঠে যায়নি। বিরক্ত হয়নি। বই-পত্রিকা এটা-ওটা নাড়া-চাড়া করেছে। এক সময় চা ও জলখাবার দিয়ে গিয়েছিল চাকর। তাই খেয়েছে। সিগারেট পুড়িয়েছে গোটাকতক। এমনি বসতেই হবে দরকার হলে এমনি একটা সমর্পণের ভাঙ্গি গুরুদাসের। কাজটা জরুরি।

চাকর এসে বললে, বাবু জিগগেস করলেন আপনার নাম কি?

নাম বললে।

চাকর ফিরে এল। আপনাকে ভেতরে যেতে বলেছেন।

ছোট একটা প্যাশেজ পেরিয়ে পাশের ঘরে ঢুকতে যেতেই সর্দাপ্রিয় চেঁচিয়ে উঠল, জুতো খুলে এস।

জুতো খুলল গুরুদাস। খোলাই উচিত। যার যেমন শূচিতার রুচি তার মান রাখা দরকার।

পাশের ঘরেই সর্দাপ্রিয়র শোবার ঘর। শোবার ঘর না শূভ্রতার মন্দির। একটি যুগল-শয্যার খাট, সামনে একটা ডিভান। গোটা দুই গদিমোড়া টুল। একপাশে টেবিলের উপর সর্দাপ্রিয়র স্থায়ী একটি বড় বাঁধানো ফোটো। একপাশে রূপোর সিঁদুরের কোটো। ফোটোর ললাটে সিঁদুর পরানোর দাগ।

ওদিকের ঘরটা পুজোর ঘর। পুজোর ঘরই বটে। সবচেয়ে ভালো ঘর। পুঁব আর দক্ষিণ খোলা। ভালো ঘরটি নিজের শোবার জন্যে না রেখে দেবতার জন্যে রেখেছে এটা একটু অভিনব লাগল। তা সর্দাপ্রিয়র অনেক কিছুই অভিনব।

পুজার ঘরের চারদিকের দেয়াল পটে-চিত্রে বোঝাই। মাঝখানে মেঝের

উপর একটি কম্বল পাতা। আসনে দৃঢ়ীভূত হয়ে জপসাধনই আমার পূজা।
কী হয় এতে?

আর কিছ্‌ নয়, সুখ হয়! বাঁধাবরাস্দের উপর সকলেই একটু উপরি-
পাওনা খোঁজে। সেই উপরি-পাওনার সুখ।

ঈশ্বরকে পাবার মানে কি? কত লোকে, কত রকম প্রশ্ন করে। চাকরি
পাওয়া বৃদ্ধি, বাড়ি পাওয়া বৃদ্ধি, বিষয় পাওয়া বৃদ্ধি—

ঠিক ঠিক। ও সব তো আছেই, তার উপরে এই একটু সদর পাওয়া, স্পর্শ
পাওয়া। সেই মা আছেন অনেক ছেলের সংসারে, অন্নজল পরিবেশন করছেন
সবাইকে কে আর মায়ের অস্তিত্ব সম্বন্ধে বিশেষ করে সচেতন? এরই মধ্যে
এক ছেলে এসে মাকে জড়িয়ে ধরল, মার মৃৎখের কথা শুনল। অন্নজলের
সংসারে একটু অতিরিক্ত সদর, অতিরিক্ত স্পর্শ আদায় কবে নিল। সেই
অতিরিক্তটুকুই ঈশ্বর।

কিন্তু যখন অন্নজল নেই?

ঈশ্বরও নেই।

গুরুদাস এসব তর্কিকের দলে নয়; সম্ভেদ করে সঙ্গে সঙ্গে অপেক্ষাও
করে। তা ছাড়া এ ক্ষেত্রে সর্দারপ্রিয় তাব বন্ধু, আলাদা বিভাগে হলেও একই
প্রতিষ্ঠানে কাজ করে, উঁচু ধাপের অফিসর সর্দারপ্রিয়—এবং সর্বোপরি, আজকে
তো তর্কের কথা উঠতেই পারে না।

কি খবর? বিশদ্বন্দ্ব চিন্তায় মনে যে লাভণ্য আসে সেইটিই কাম্ভিত হয়ে
ফুটেছে সর্দারপ্রিয়র দেহে-মুখে।

তুমি ক্ষণ্ড, ক্ষণিকাকে চেন?

কে ক্ষণিকা?

আমার ভাঙ্গনী -

চোখ বৃজল সর্দারপ্রিয়। চিনতে পারল। সেই যার ডাকনাম টেপী।

হ্যাঁ, তার খবর শুনেন?

না।

তার স্বামীটি মারা গেছে।

কম্বিন?

এই বছর খানেক।

কিসে?

য়াকসিডেন্ট—

কি জাতীয় দূর্ঘটনা বিশদু করে বলতে চাইছিল গুরুদাস, সদ্‌প্রিয় বাধা দিল। বললে, বন্ধেছি। অপঘাত।

তুমি তার স্পিরিট—আত্মা আনতে পারো?

আমি ওসব ছেড়ে দিয়েছি।

ভীষণ দমে গেল গুরুদাস। গলার স্বর বেরুল কি বেরুল না : কেন?

প্রেতলোকের বাসিন্দারা বারে বারে একটা খবরই দিয়ে গেছে, ঈশ্বর আছেন, তাঁকে ডাকো তাঁকে ধরো। আমাদের ডেকে আমাদের ধরে লাভ নেই।

সে খবরের জন্যে প্রেতলোকে যেতে হবে কেন?

না, ওরা বলে, আমরা রাজধানীর কাছাকাছি আছি, তোমরা আছ অজ পাড়াগাঁয়ে। আমাদের থেকে খবর নাও, লাটসাহেব আছেন। আমরাই নির্ভর-যোগ্য খবর দিতে পারি। আমাদের কেউ কেউ দেখেছে তাঁর মোটরগাড়ি তাঁর পাইকপেয়াদা। এই খবর পেয়ে এখন ওদিকে এগোও। তাই এখন সেই চেষ্টাই করছি। কিভাবে চেষ্টা করতে হবে তারও কিছু কিছু পাঠমালা পেঁছে দিয়েছে দয়া করে—তা ছাড়া—

তা ছাড়া—কান খাড়া করল গুরুদাস।

তা ছাড়া, যাকে ধরবার জন্যে এই প্রেতচর্চা, তিনিই কখন-সখন দেখা দেন মূর্তি ধরে।

দেখা দেন? প্রায় লাফিয়ে উঠল গুরুদাস। কে, তোমার স্ত্রী?

হ্যাঁ। শাম্ভবতী।

কন্দিন মারা গেছেন?

দেহ রেখেছেন। এই দু'বছর।

দেখা দেন, কথা হয় তাঁর সঙ্গে?

কথা হয় বৈকি। শুধু ছুঁতে দেন না। ছুঁতে চাইলেই নিষেধ করেন। কতদিন সিঁদুর দিতে গিয়েছি, সরে গিয়েছেন। ব্যাকুল হয়ে এগোতে গেলেই অদৃশ্য হয়ে গিয়েছেন।

কে জানে কাব্যকথা হয়তো। তবু দিনের বেলায়ই কেমন ভয়-ভয় করতে লাগল গুরুদাসের। বললে, তুমি অনেক উঁচু উঠে গিয়েছ। কিন্তু ময়েটার প্রতি যদি একটু কৃপা করো।

খুব কান্সার্কটি করছে? খুব কান্সার্কটি করলে আসতে চাইবে না আত্মা।

না, এতদিনে সে ঝড়ের অবস্থাটা গেছে। তবু শোকের তো আর শেষ নেই। শেষ সময়ে কাছে ছিল না, একটা কথা বলে যেতে পারল না, শব্দে যেতে পারল না—তারই জন্যে একটু আনতে চায় শব্দেতে চায়। যদি একটু সান্ত্বনা দিতে পারো—পরোপকার—

এই স্পিরিট আনার ব্যাপারটা তোমাকে একটু বদ্বিষয়ে বলি। ঠিক রেডিওর কাণ্ড। এক পারে একটা ট্রান্সমিটিং স্টেশন, আরেক পারে একটা রিসিভিং স্টেট। একটা পাঠাবার যন্ত্র, আরেকটা ধরবার। দুটোই নিখুঁত হওয়া চাই। যে আসবে তারও চাই ব্যাকুলতা আর যে আনবে তারও চাই তেমনি সদ্বিধা দেহ। এপারের দেহ যদি শব্দ কাঠ হয় ধ্বনি শোনা যাবে না, তেমনি ওপারের বিদেহ যদি উৎসুক না হন তা হলে অবস্থা হবে বাজনা আছে বাজিয়ে নেই। সুতরাং দুয়ের যোগ হলেই শব্দযোগ। যদি কোথাও দেখ ফল হয়নি, জানবে যন্ত্রের গোলমাল। যন্ত্র যত জোরালো ততই নিভুল সাড়াশব্দ।

তা হলে তুমি একদিন বসো।

আমি বসলে হবে কেন? ক্ষণিকার স্বামী কি আমাকে চেনে? আমার কাছে আসতে তার আগ্রহ হবে কেন? ক্ষণিকাকে বসতে হবে।

বা, ক্ষণ তুই বসবেই। কখন বসতে হবে বলো, কবে?

প্রথম একবার বসলেই কি পাওয়া যাবে? তার জন্যে আগে একটু কাঠখড় পোড়ানো চাই।

যথা?

একজন গাইড ধরতে হয়। আমাদের বৈঠকে পরিচিত এমন কেউ। সে আগে খুঁজে বের করবে কোন ঠিকানায় রয়েছে ক্ষণিকার স্বামী। কি নাম বললে?

শমীন্দ্রনাথ—

ওতেই হবে। খুঁজে পেলে তারিখ ও সময় ঠিক করে যাবে কখন তাকে আনতে পারবে পৃথিবীতে। সেই অনুসারে বসলে পাওয়া যাবে শমীন্দ্রকে। নচেৎ নয়।

এমন গাইড হবে কে?

ফ্রেডলি গাইড চাই। সে আমার স্ত্রীকে বলা যাবে'খন। সে আনতে পারবে খুঁজেপেতে। তুমি আগে শমীন্দ্রের বিবরণগুলো আমাকে দিয়ে যাবে। কবে কোথায় জন্ম, কবে কোথায় মৃত্যু, বাপ-ঠাকুরদার নাম কি, বাড়ি কোথায়,

কি কাজ করত, কত বয়স, যতদূর যা সম্ভব। এসব একদিন আমি আমার স্ত্রীকে ডেকে এনে বলে দেব।• তিনি খুঁজে দেখবেন। কখনো-কখনো বের করতে দেরি হয় কখনো বা পাওয়াই যায় না, আবার কখনো বা চট করে পেয়ে যায় হাতের কাছে। খুঁজে পেলে তিনি জানাবেন কবে কখন বসতে হবে।

যে সব বিবরণ দরকার আমি এখনই দিয়ে যাচ্ছি।

লিখে দাও। সম্ভব হলে শমীন্দ্রের একটা ফোটোও দিয়ে যেও। লোকটিকে দেখে যেতে পারলে আমার স্ত্রীর পক্ষে সন্নিবিধে হবে।

তারপর দিনক্ষণ ঠিক হলে কি করতে হবে?

হ্যাঁ, আগে থেকেই বলে রাখি, একটি ঠাকুরঘর চাই বাড়িতে। আছে?

তা কোন না আছে?

নিশ্চয়ই নিচের তলার কোণের ঘরটিতে, সিঁড়ির নিচে, তাই না? হাসল সন্নিবিধে। যে তলাতেই থাক সে তলাতেই বসতে হবে।

আবার পূজার ঘর লাগবে কেন?

বলা মর্শকিল। কোথাও একটু শূঁচিতার পরিবেশ চায় হয়তো।

আর?

সেদিন বলে দেব। বিশেষ হ্যাংগাম নেই। এস কদিন পরে।

কদিন পরে খোঁজ নিতে এল গুরুদাস।

সব ঠিক আছে। শাস্বতী দেখা পেয়েছে শমীন্দ্রের। আগামী বৃদ্ধবার রাত নটার সময় আসবে।

আসবে?

তাইতো বলে গিয়েছে। ঘোরাঘুরি করতে হয়নি নাকি, সহজেই পেয়ে গেছে।

সত্যি? পাওয়া গেছে? ক্ষণিকার উৎসাহেরই যেন প্রতিধ্বনি করল গুরুদাস।

বসলেই বোঝা যাবে কতদূর কি হয়।

এখন কি করে বসতে হবে বলো।

কিছু নয়। এটা টেবিল যোগাড় করো। চারপেয়ে টেবিলেই চলবে। যে কোনো সাইজের যে কোনো ওজনের। বেশি বড় ও ভারি টেবিল নিলে বেশি শক্তিশালী রিসিভিং সেট দরকার। ওপারেও চাই বেশি স্পিয়ারটের জনতা। নইলে নড়বে কি করে? আর, না নড়লে স্থূলজ্ঞানে প্রমাণ হবে

কি করে যে তারা এসেছে? সদুতরাং ছোট দেখেই টেবিল নিও। কিছদ্দু
ধূপকাঠি, গঙ্গাজল, লেখবার কাগজ, পেন্সিল—এই আর কি।

শুধু এই?

হ্যাঁ, দেখো রাষ্ট্র করে যেন বেশি লোক জমায়েৎ করো না। কৌতূহলীকে
প্রত্যাখ্যার ভীষণ অপছন্দ করে, ভালোবাসে বিশ্বাসীদের। কৌতূহলীর
ভিড়ে আসতে চায় না, বিশ্বাসীর দলে আরাম পায়। এ ঠিক আমার-তোমার
মনোভাব। সেই আড্ডায় আমরা যেতে চাই না যেখানে আমাদেরকে সন্দেহের
চোখে দেখে। সেই আড্ডায়ই আমরা যেতে চাই যেখানে আমরা সুস্বাগত।
কোথায় বসবে?

ক্ষণে এখন বাপের বাড়িতে আছে সেইখানে। কিন্তু কে কে বসবে?

ক্ষণিকা আমি তুমি ও আরেকজন।

ওরে বাবা, আমি পারব না।

কেন, ভয় কি। নিজের হাতে দেখই না অনুভব করে ব্যাপার কি।

আচ্ছা, শুনতে পাই সবই নাকি অবচেতন মনের কাণ্ড?

বেশ তো, দেখই না পরীক্ষা করে। কতটুকু অবচেতন মন কতটুকুই বা
অলৌকিক। কতটুকু বিজ্ঞান, কতটুকুই বা অবিজ্ঞেয়। তা ছাড়া মনের মত
অলৌকিক আর কি আছে, তারই বা একটু হৃদিস নাও।

আর কিছদ্দু নির্দেশ আছে?

হ্যাঁ, তোমার ভাণ্ডারীকে বলবে সেদিন যেন উপোস করে থাকে। ঠিক
নিজেরা নয় একটু লঘু আহার।

তা আর বলতে হবে না।

আর যেন খানিকক্ষণ হরিনাম করে। যতক্ষণ সম্ভব। বা যতক্ষণ ইচ্ছে।

আবার হরিনাম কেন?

এই একটা কিছদ্দু অনুরাগের ধ্বনি। ঈশ্বরে একটু অনুকূল কম্পন।
ভালো বেহালা বা বাঁশ বা শঙ্খধ্বনি করলেও হতে পারে! কিন্তু বলো তেমন
করে ডাকতে পারলে হরিনামের মত প্রিয়নাম আর কি আছে?

বেশ, বলব।

এই শরীরটাকে একটু সরে বেঁধে নেওয়া আর কি। একটা সুক্ষ্ম সূর
ধরবে একটু তৈরি করে নেবে না যন্ত্রটাকে?

বরাদ্দ দিনে সুপ্রিয় গিয়ে দেখল আটদশজনের ভিড়। সবাই বললে,

আমরা বিশ্বাসী. সম্রাট কেউই কোতুলী নই।

চেহারা ও ভাবভঙ্গি দেখে মনে হয় না। কিন্তু সবাই কনিষ্ঠ আত্মীয়, কাকে ছেড়ে কাকে বারণ করবে। বস্তুক দূরে-দূরে, দেখুক, বস্তুক—

সমস্ত কিছুকে আড়াল করেছে ক্ষণিকা নিজে। এককথায় বলা যেতে পারে, শোকশ্রী। দ্ব্যর্থ একটা আশ্চর্য শক্তি। আয়ত চোখে নিম্পূহ স্নেহ, মৃদুখমন্ডলে অসংকেচ ভক্তি। সমস্ত ভক্তিগীতে বিশ্বাসের নম্রতা। একেবারে যে নিরম্বদ বিধবার সাজ পরে নি তাতে শান্তি পেল সর্দাপ্রিয়। হাতে সোনার চুড়ি, ধোপ-ভাঙা শাড়ির পাড়টি ঢালা সবুজ। ঠিকই করেছে। মৃত্যু বলে কিছু নেই। এ ঘর আর ও ঘর। এখনি প্রমাণ পাওয়া যাবে হয়তো।

বেশ বড় ঘর। জানলা-দরজা খোলা। আলো জ্বলছে। পড়ছে ধূপকাঠি। চারপাশে টেবিল পড়েছে মাঝখানে। চারদিকে চারখানা চেয়ার। কাছে একটা টুলের উপর কাগজ-পেন্সিল। গুরুদাসকে জোর করে রাজি করানো হয়েছে, যদিও সে বলতে চেয়েছিল উপোস-টুপোস খাতে সয়না আর হরিনামের বানান শিখনি এ পর্যন্ত।

আর চতুর্থ, ক্ষণিকার ছোট ভাই বিজন।

সর্দাপ্রিয় বললে, আমাদের দুজনের উপোসেই হবে, আমার আর ক্ষণিকার। তোমরা শুধু পাশে বসে একটু হাত রাখো টেবিলে। অর্কেষ্টার হালকা বাজনা তোমাদের দিচ্ছি। পাশের ঘরে বা প্যাসেজে যারা বসেছে তাদের উদ্দেশ্য করে বললে, চুপচাপ থাকুন। আর যদি ভয় পাবার কারণ ঘটে দয়া করে ভয় পাবেন না।

লঘু উপেক্ষায় হাসল একটু সকলে।

গুরুদাস বললে, টেবিলের উপর হাত রেখে শমীনের কথা চিন্তা করতে হবে তো?

মোটেরই না। নেমন্তন্ত্রের কার্ড আগেই পাঠানো হয়েছে। তারা তৈরি। এখন গাড়ি পাঠালেই হয়।

গাড়ি?

হ্যাঁ. ধর্মির গাড়ি, ধর্মির গাড়ি পেঁছলেই রওনা হবে। তবে একটা কথা বলে রাখি, ক্ষণিকাকে লক্ষ্য করল, যদি আসে কাঁদতে পাবে না।

না।

কান্না বলে কিছু নেই। অনন্ত জীবন, অনন্ত যাত্রা।

আর দেরি করে লাভ কি? ব্যস্ত হয়েছে ক্ষণিকা। আলোটা নিভিয়ে দেব? বড় ভালো লাগল। বৃজরুকি কিছ্ আছে ভালো জ্বালা থাকলেও লোকে ভাববে। তবু ঘর অন্ধকার করবে না বলেই ঠিক করেছিল সন্নিপ্রিয়। ক্ষণিকার এই প্রশ্নে সাহস পেল। যেন মমতার গভীর স্পর্শ বেজে উঠল কণ্ঠস্বরে। যেন যারা আসবে তারাই বলল। প্রথমটা বেশি আলো ভালো লাগে না। বহুদিন পরে নতুন পরিচয় একটি ধূসরতাই আশা করে হয়তো।

দাও। তার আগে গগ্গাজল ছিটিয়ে দাও সকলের গায়ে।

এ আবার কেন? বলে উঠল গুরুদাস।

সংস্কার। বাতাসের সঙ্গে গন্ধ যায় তেমনি আত্মার সঙ্গে সংস্কার।

আলো নিভিয়ে দিল। এপাশে ওপাশে দু-একটা না-জ্বললে-নয় আলো জ্বলছে বাইরে। তবু যারা জমায়েৎ হয়েছিল জলের ছিটেয় কেমন একটু শিউরে উঠল। প্রথমতঃ হয়ে উঠল বাড়ির ভিতরটা। বোমা-পড়ো-পড়ো কলকাতার আকাশের মত।

টোবলের উপর আলগোছে হাত রেখে বোস। যদি মন শূন্য করতে না পারো সমুদ্র ভাবো—

গাড়ি ছাড়ল সন্নিপ্রিয়। অর্থাৎ দরাজ গলায় নামকীর্তন শব্দ করল।

সভা সমাজে বিন্দুমাত্র সঙ্কেচ না রেখে কেউ গলা ছেড়ে নাম করতে পারে এ একেবারে ভাবনার বাইরে। একটা বিলিতি অফিসে সাহেব সেজে কাজ করে তার এ কি দুর্গতি। ভাবতে না ভাবতেই কাজ হল। হাতের নিচে টোবলটা নড়ে উঠল। শব্দ নড়ে উঠল না, খরখর করে হাঁটতে লাগল ঘুরতে লাগল, দুলতে লাগল নৌকোর মত। গুরুদাসের মনে হল পা তুলে তার কোলের উপরেই উঠে আসে বৃষ্টি!

ভূত, ভূত—লাফিয়ে উঠে আলো জ্বললে দিল গুরুদাস।

এক মনোহর স্তম্ভ হল টোবল। কিন্তু আবার গুরুদাস স্থির হয়ে বসে টোবলে হাত রাখতেই টোবল ফের নড়া শব্দ করল।

আলো থাক। বললে সন্নিপ্রিয়। আলো বরং ভালোই করবে। বলে আবার হরিনামের ঢেউ তুললে।

তাকাল একবার ক্ষণিকার মূখের দিকে। চোখদুটি বোজা, মূখ যেন পাষণ। যেন কোন গভীরের প্রতিবিম্ব!

যেমন ছন্দে নাম করে তেমনি ছন্দে টোবল নড়ে। টেনে-টেনে বললে

বিলম্বিত, তাড়াতাড়ি বললে দ্রুততাল।

সাবকনসাস মাইন্ড—চে'চিয়ে উঠল গদরুদাস।

অমনি হাত তুলে নিল সদ্‌প্রিয়। যে-মন রয়েছে আঙুলের আগায় সে-মনকে সরিয়ে নিল। আর হাত তুলে নিতেই টেবিল হাঁটতে লাগল নিজের থেকে, এ'কে-বে'কে ঘুরতে-ঘুরতে এগুতে লাগল প্যাসেজের দিকে।

প্যাসেজের লোকেরা হৈ-হৈ করে উঠল। কিন্তু কথা রেখেছে, চেয়ার সরানোরই যা শব্দ করেছে হাঁউ-মাঁউ-কাঁউ করেনি। অজ্ঞান হয়ে পড়েনি।

কতদূর গিয়ে থেমে পড়েছে টেবিল। সদ্‌প্রিয় উঠে গিয়ে তাতে আবার হাত রেখে নামের সন্ধান করে দিল। আবার টেবিল শব্দ করল চলতে।

ওদিকে যাচ্ছে কেন?

জিগগেস করা তো ওদিকেই ঠাকুরঘর কিনা।

ঠিক। প্যাসেজের পারেরই ঠাকুরঘর। কি আশ্চর্য, কে সেটিকে বন্ধ করে রেখেছে বাইরে থেকে তালা দিয়ে। টেবিল নিজে থেকে দরজায় ধাক্কা মারছে। একবার দু'বার—শিগগির খুলে দাও দরজা।

দরজা খুলে দিল। আবার তাকে ছুঁয়ে দিল সদ্‌প্রিয়। টেবিল ছুটে উঠল গিয়ে সিংহাসনে। বাসনকোসন সব তছনছ করে দিল। প্রণামের ভিগ্নিতে পড়ল নত হয়ে।

দু'বাহুর মধ্যে করে টেবিলকে তুলে নিয়ে এল আগের ঘরে। সদ্‌প্রিয় বললে, ঠাকুর-প্রণাম হয়েছে, এখন শান্ত হও।

ডাক্তার, ডাক্তার—কে কোথায় শান্ত হবে! কে একজন অজ্ঞান হয়ে পড়েছে। জল, জল, পাখা—

আবার আসন ছাড়ল সদ্‌প্রিয়। কাছে গিয়ে বললে, কোনো ভয় নেই। ডাক্তার ডাকতে হবে না। আমি এখন ঠিক করে দিচ্ছি। এ অবস্থায় কি করতে হবে, তা আমাকে শেখানো আছে। কেন যে সব ভিড় করতে আসে! বলে, বিশ্বাসসী! বিশ্বাসসী কখনো অজ্ঞান হয়? বলে সংজ্ঞাহীনের কানে কি মন্ত্র পড়ল সদ্‌প্রিয়। মদহত'মধ্যে লোকটা চাণ্ণা হয়ে উঠল। বললে, না, কিছ' না।

আবার এসে বসল চেয়ারে। বললে, আর জ্ঞানলিয়ো না, এবার দুটো মনের কথা খুলে বলো। কাকে দিয়ে লেখাবে? আমি এক, গদরুদাস দুই, বিজন তিন, ক্ষণিকা চার। টেবিলে শব্দ করে জানাও।

ঠক ঠক ঠক ঠক।

পর পর চারবার টেবিলটা নিজের থেকে বেঁকে গিয়ে পায়া ঠুকে শব্দ করলে।
এতটুকু ঘাবড়াল না ক্ষণিকা। কাগজ-পেন্সিল কুড়িয়ে নিল হাত বাড়িয়ে।
নিজের থেকে কিছু লিখো না। কেউ হাত ঘুরিয়ে লেখাতে চাইলেও
বাধা দিও না।

তুমি কে? জিগগেস করলে ক্ষণিকা।

ক্ষণিকার হাতে লেখা হল : আমি।

আমি কে?

ক্ষণিকা আবার লিখলে : ও, গলার আওয়াজ তো তুমি শুনতে পাচ্ছ না।
আমি—ইংরিজি-বাঙলায় বড় বড় হরফে ক্ষণিকা লিখলে : শমীন্দ্রনাথ—

তুমি যে সত্যি সেই, তা কি করে বুঝব?

নিজের হাতে লিখে যাচ্ছে ক্ষণিকা : আমার ম্যারেজ য্যান্ড মর্যালস বইয়ের
ফাঁকে দশ টাকার তিনখানা নোট গোঁজা আছে। দেখ, পাবে।

সে বই তো তোমাদের বাড়িতে। কি করে দেখব?

না। সে বই তুমি তোমার সঙ্গে এ বাড়িতে নিয়ে এসেছ পড়বার জন্যে।
তোমার বাগ্জেই সেটা আছে। দেখ খুলে।

বাক্স খোলা হল। পাওয়া গেল বই। বইয়ের পৃষ্ঠার ভাঁজে তিরিশ-
তিরিশটা টাকা।

আরো অনেক সব প্রমাণ। চশমার খাপে সোনার বোতাম পড়ে আছে দেখ।
ফাউণ্টেন পেনের কালির বাক্সের মধ্যে ডাইং-ক্লিনিংএর রসিদ। কার কাছে কটা
টাকা পাবে। কোন ব্যাঙ্ক পড়ে আছে কিছু তলানি। অনেক সব অন্তরঙ্গ
কথা। কেমন আছে? কোথায় আছে? ওটা কোনো রকম থাকা নাকি? কি
করে? কি ভাবে? কেন চলে গেল অকালে?

আমাকে তোমার কাছে নিয়ে চলো।

টেবিলটা নিজের থেকে লাফিয়ে উঠল দু'বার। লেখা বেরদুল ক্ষণিকার
হাতে : এই দুর্লভ জীবন স্বেচ্ছারচিত দুর্ভিক্ষে নষ্ট কোরো না। জীবনে-
যৌবনে উচ্ছ্বাসিত হয়ে বাতাসের মত বয়ে যাও হু হু করে।

বেশ বলেছ। মনে বলল ক্ষণিকা। কোথায় আমার শান্তি? আমার
আশ্রয়!

স্পষ্ট লিখেছে ক্ষণিকা নিজের হাতে : যে মহদাশয় এসেছেন তোমার ঘরে

তাঁকে ধরো, তাঁর কাছ থেকে দীক্ষা নাও, নাম নাও, মন্ত্র নাও—সেইখানেই তোমার পরা-গতি, পরা-সিদ্ধি—

পেন্সিলটা থামাল জোর করে। বললে, আমাকে দেখা দিতে পারো?

লেখা হল : পারি।

পারো?

হ্যাঁ, তবে এ বাড়িতে নয়।

কোথায়?

সুদ্রিপ্রয়বাব্দুর বাড়িতে। সেখানে প্রেতাঙ্কারা আসে। তাঁর স্ত্রী আসেন। পুণ্যস্থান। সেখানে দেখা দেওয়াই সহজ। দিন-রক্ষণ আমি বলে দেব স্বপ্নে—বাস্তব হয়ে উঠল ক্ষণিকা। বললে, না, না, এখানে এ বাড়িতে দেখা দেবে। আমার নিজের ঘরে। নয়তো ছাদের উপর। মধ্যরাতে শেষরাতে। স্বপ্নে নয়, স্বপ্নে দেখে শান্তি নেই। বাস্তব চোখে দেখতে চাই, ধরতে চাই—

হঠাৎ লেখা পড়ল : আমরা এবার যাব। মেয়াদ ফুরিয়ে গেছে।

আর কারু কথা। সুদ্রিপ্রয় বললে, শাস্বতীর।

এবার ছেড়ে দিন। পড়ল শেষ লেখা।

হাত ছেড়ে দিল। পুরো কথাটা শেষ হতে পারল না।

হাত তুলে নিতেই টেবিল আবার ছুটল ঠাকুরঘরের দিকে। ঠাকুর-প্রণাম করে যাবে। এবার ঘর খোলা, লোকজনের মন বিগলিত, সহজেই পাশ কাটিয়ে চলে যেতে পারল ভিতরে। নুয়ে পড়ে প্রণাম করল টেবিল।

গুরুদাস বললে, অপরিমেয় ব্যাপার।

ডিভানে বসে আছে শাস্বতী।

আমি জানি আজ রাতে তুমি আসবে। দেখা দেবে। স্বপ্ন দেখেছি তোমাকে কাল। পূজার ঘর থেকে মাতালের মত বেরিয়ে এল সুদ্রিপ্রয়। গভীর ধ্যানের পর দেহে-মনে অপার্থিব মাদকতা আসে, পা টলে। দেয়াল ধরে ধরে এগুতে হয়।

ঘরে মৃদু নীল আলোটি জ্বলছে। চাঁদের আলোও মিশে গেছে নীল হয়ে।

এস, আজ দিনটি তো জানো, তোমাকে পরিণয়ে দি সিদ্ধুর।

আর-আর দিন নড়ে-চড়ে ওঠে। আজ স্থির হয়ে বসে রইল। ছোঁয়ার ভয়ে পালিয়ে যায়, আজ যেন ছায়ারই প্রাণ নেই।

রূপোর কোটো খুঁলে আঙুলে করে সিঁদুর নিয়ে পরিয়ে দিল কপালে।
এ কি, স্পষ্ট ছোঁয়া যায় যে। কঠিন মাংসল কপাল। স্পষ্ট চুল, স্পষ্ট
সিঁথি।

তাড়াতাড়ি সুইচ টিপে ঝাঁজালো আলোটা জ্বালাল সুপ্রিয়।

চেঁচিয়ে উঠল নারীমূর্তি : এ কি, স্বপ্ন তো আমিও দেখেছিলাম। কিন্তু
আমি তো শাস্বতী নই, আমি ক্ষণিকা।

কেন এ রকম হল কে জানে। আচ্ছন্নের মত বলল সুপ্রিয়, তবে, চিরকালই,
আজ যা ক্ষণিকা, কাল তা শাস্বতী।

